

ТОКУМАЛАНЫ
ЖАГЬАФАР



«НАЛЬЧИК»



ТОКУМАЛАНЫ
ЖАГЪАФАР



КЮЛКЮЧЮ ЧОНАЙ



ХАПАРЛА

ЧАМЛА

ТАУРУХЛА

ТАМСИЛЛЕ

НАЛЬЧИК
«ЭЛЬБРУС»
2009

УДК 821.512.143-3

ББК 84(2Р-Балк)

Т 519

© Токумаланы Ж. З., 2009

ISBN 978-5-7680-2215-0

© «Эльбрус» китап басма, 2009



СОКЪУР ТЮЙЮМЧЕК

A decorative horizontal line consisting of a thin black line with three small, stylized circular elements centered on it.

ХАПАРЛА

СЛЕДОВАТЕЛЬНИ ХАПАРЛАРЫ

Сокъур тюйюмчек

Самолётдан тюшгенден сора, ары-бери бурулмай, ишлеген жериме – уголовный розыскга – келдим. Тюзюнлей таматабызгъа кирдим. Кёбюрек къалып келсем да, ол мени ишиме ыразылыгъын билдири. Къырал банкны тонағъан уручу, не бек бугъаргъа кюрешсе да, бизден къутулуп кеталмагъанды.

– Ахшы, жолдаш Болатов, хорламынг bla алгъышттайма, – дей, ол къолуму тутду. – Арыгъан болурса... Юч кюннеге эркин этеме. Солу.

Кертида бек арыгъанымы юйге келгенде сездим. Сакъалым да ёсюп, кеси кесими танымазча болгъанма.

Ваннагъа кирип жууундум да, башымы да жан жаулукъ bla чёргеп, диваннга аудум... Уяннганымда, юйню ичи къарангы болуп тура эди. Терк окъуна кийинип, тышына чыкъым. Жаз башы ингирни салкъын хауасы аламат хычыуун кёрюндю.

Мен Ларисаны кёргөнли, ай чакълы болады. Кете туруп, анга: «Бир ыйыкъдан кёп къалмам», – деген эдим. Алай мен умут этгенча болмагъанды. Не этериксе – следовательни иши алайды. Заманны не бек къысхартыргъа кюрешсек да, ол бизге бой салмайды.

Автобусха минип, шахарны энишге къыйырына дери бардым. Лариса анда жашайды. Экибиз танышханлы, юч ай чакълы болады. Ол кеси да кийим тикген ательеде ишлейди. Къабакъ эшикни манга Ларисаны атасы Семён Гаврилович ачды.

– А-а, капитан, – деп, ол манга жарыкъ тюбеди. – Кел юйге, нек сюелип тураса?

– Лариса къайдады?

– Ётмек алыргъа тюкеннеге кетгенди. Бусагъат келликиди.

Биз юйге кирдик. Ларисаны аш юйде шапалыкъ эте айланнган анасы да, мени кёргенде, жарыкъ болду.

– Не кёп айландынг бу жол? – деп, Семён Гаврилович манга соруулу къарады.

– Бир-бирде алай да тюшеди, – дедим мен, къабыр-гъада тагъылгъан суратлагъа къарай.

Бир кесекден Лариса келди. Ол эшикден киргенде, экибиз да бир бирге къарап къалдыкъ. Аны кёксюлдюм уллу кёзлери къууанчлы ышара эдиле.

Ол ингирде окъуна биз киногъя бардыкъ. Андан чыкъттардан сора да, бираз айландыкъ.

– Кел, юйге ашырайым. Кечди, атанг урушур, – дедим Ларисагъя.

– Ол манга бир заманда да урушмагъанды.

– Иги адам кёрюнеди.

– Ол мени ёге атамды.

– Хоу бирда??

– Мени туугъян атам урушда ёлгенди, – деди ол, мудах болуп.

Ол алай айтханда, анга жюргегим жазыкъсынды. Мени атам да урушдан къайтмай къалгъанды. Ол Польшаны азатлай ёлгенди. Сабийге атасыз ёсген къыйынды. Аны мен сынағъанма.

* * *

Хар жыл сайын 9-чу Майны биз, уголовный розыскда ишлегенле, бирге жыйылып ётдюрюучубюз. Бизни арабызда Уллу Ата журт урушха къатышханла аз түйюлдюле. Ала талай сейирлик хапар айтыучудула. Мен аланы хапарларына тыңгыларгъа бек сюйюучюме. Бюгүн да биз Хорламны байрам күнүн бирге жыйылып ашырырға оноулашханбыз.

Мен, бир къаум иш бла чырмалып, ашыгъып кетип бара тургъанымлай, дежурный аллымы тыйды.

– Жолдаш капитан, бусагъатчыкъ да райондан сёлешгендиле. Узун кёлнүү къатында ёлюк табылгъанды...

Эки милиционерни да, судмедэкспертизада ишлеген врачны да нёгер этип, жолгъа чыкъым. Тапсыз болду... Бу жол Хорламны Күнүн байрамларгъа тюшмеди.

Биз Узун кёлнүү къатына жетгенде, анда, милиционерледен сора да, бир къаум сабий бар эди. Милицияны район бёльюмюню начальники манга:

– Жолдаш капитан, ёлюкню ма бу сабийле тапхандыла. Аны суудан да была чыгъаргъандыла, – деп, къысха рапорт берди.

Ёлюк кёлнүү жагъасында эди. Мен, ёлюкню хуржунларын къармап, бир тюрлю документ табалмадым. Менден сора ёлюкге врач къарады.

– Жаны чыкътгъанлы, он-онбир сагъатдан кёп озмагъанды, – деди ол, ёлюкню башын кётюре. – Ким эсе да ургъанды. Желкеси къаралыпды. Ауур зат тийгеннге ушайды...

Милиционер нёгерлеримден бири ёлюкню суратын алды. Энтта да бир жашырын мурдарлықъ. Ёлген элли элли беш жылы болгъан адамгъа ушайды. Кимди ол? Аны ёлюмю кимге керек болгъан болур?.. Да, соруула кёпдүле. Мени ишим – алагъа жууап табыуду.

– Ёлюкню къалай тапхан эдигиз? – деп сордум сабийлеге.

– Чабакъ тутаргъа келген эдик, – деди аладан бири. – Келсек, ма бу ыргъакъ сапны къыйыры жагъагъа чанчылып тура эди, – деп, бир ыргъакъны кёргюзтдю. – Биз аны тартып чыгъардыкъ. Сора жангыдан жерине салдыкъ...

– Ыргъакъгъа чабакъ илинипми эди? – деп сордум мен жашчыкъгъя.

– Угъай, – деди ол. – Чабагъы жокъ эди.

– Ыргъакъдан сора, жукъ тапханмысыз?

– Ма ол артмакъ да былайда эди, – деп, жаш манга рюкзакны кёргюзтдю. Аны ичинде бир туурам ётмек bla къыйма бар эди.

– Тутулгъан чабагъ'а жокъму эди? – деп сордум жашчыкъгъя.

– Угъай, жокъ эди.

– Айт, андан ары айт, иги жаш. Ыргъакъны жерине салдыгъыз, сора уа?

– Сора, кетейик деп тургъаныбызлай, Алёшка: «Къарабачыгъыз!» – деп къычырды. Биз барыбыз да ол кёргюзтген жерге къарадыкъ. Сууну башындан аз ёрге чыгъып, чурукъ бурун кёрюне эди. Биз, ма былайдан энишгэ тюшюп, аны тутуп кёрдюк. Ол адамны аягъы эди. Алгъя, къоркъуп, барыбыз да жагъагъа чыкъдыкъ. Сора мен, ким биледи, суугъа кёп болмай кетген эсе, сау болур, келигиз, чыгъарайыкъ дедим. Тартып чыгъардыкъ, алай ол ёлюп тура эди. Сора, барып, милициягъа билдирилдик.

– Башха адам кёргенми эдигиз?

– Угъай...

Ёлюкню машина bla шахаргъа ийдик. Мен, тёгерекге къарай барып, ёлюк болгъан жерден он атлам арлакъда паспорт тапдым. Ачып окъуйма: «Назиров Борис Тауланович»...

Шахаргъа къайтханымда, ахшам болгъан эди. Тюзюнлей кабинетиме келдим. Биргеме айланнган эки милиционерни паспортну иесин табып, алып келирге жибердим. Ишни болушуну юсюндөн сагъыш эте тургъанымлай, дежурный сёлешди.

– Сени бир тишириу излейди, – деди ол.

– Кирмеге къой, – деп, трубканы жерине салдым. Баям, Лариса тюбеширге айтхан жерибизде мени табалмагъанына, тынгысыз болуп, бери келгенди деп ойладым.

Эшик ачылды да, Лариса угъай, бир акъ шинли тиширыу кирди. Аны кёзлеринде къоркъуулу хал эсленеди.

– Киригиз, киригиз... – дей, жеримден къопдум. – Не жумушугъуз барды?

Абызырагъан халын жашырмай, тиширыу:

– Узун кёлде ёлген кимди? – деп сорду.

– Алыкъа билмейбиз.

– Мени атам эрттенликде эртте, чабакъ тутама деп, ары кетген эди. Ол энтта да къайтмагъанды.

– Атангы аты къалайды?

– Хоренко... Николай Николаевич Хоренко.

– Кесинги атынг а?

– Светлана.

– Мени bla кел, Светлана, – деп, эшикге тебиредим.

– Къайры? – деп, тиширыу тынгысыз болуп сорду.

– Моргга.

Жолда бара, къыз бу шахаргъа бир жыл мындан алда кёчюп келгенлерин айтды.

Светлана, ёлюкню кёргенлей:

– Па-па-а! – деп, ачы къычырды.

Къызгъа жаным ауруп, къолтугъундан тутуп, билгеними айтып, жапсарыргъа кюрешдим.

Светлананы врачла bla анда къоуп, ишлеген жериме къайтдым. Милиционерле ёлюкню къатында табылгъан паспортну иесин да келтирдиле. Аны жюлюннген башына жангыдан чач чыгъя башлагъанды. Жыйырма юч – жыйырма беш жылындан кёп болмагъан алаша бойлу, бёкем санлы адамды. Урлагъаны ючюп беш жылгъа да тутулуп, тюрмеден кёп болмай чыкъгъанды.

– Атынг, тукъум атынг, атангы аты? – деп сордум мен анга.

– Тукъум атымы билмей, сиз мени бери келтирген болмазсыз, жолдаш капитан, – деп, ол къужур жууап берди.

– Паспортунг къайдады?

– Юйде. Ишге кийиучу костюмуму хуржуунундады.

– Ишлеген а къайда этесе?

– Заводда.

– Бу адамны таныймыса? – деп, мен анга Николай Николаевични суратын кёргюздюм.

- Таныйма, – деди ол, бош алай сансыз кибик этип.
- Кимди?
- Ким боллукъ эди, – подлец, – деди ол, жулуп алгъанча.
- Нек айтаса алай, не хата этгенди ол санга?
- Бир зат да этмегенди.
- Сора нек жаныйса да сен аны?
- Мени юсюмден сизге тил этгени ючон.
- Сени юсюнгден бизге киши да тил этмегенди, – дедим мен. – Бу адам Узун кёлнүү боюнунда ёлюп тургъанлай табылгъанды.
- Ёлюпмю?! – деп, жаш, эки кёзю уллу жанып, же-ринден къопду.
- Хау, ёлюп тургъанлай. Тюзюн айтханда, ол кеси аллына ёлмегенди. Сени паспортунгу уа ёлюкню къатында тапханбыз. Ма, кёр.
- Мени паспортум юйдеди! – деди ол, мен узатхан паспортах сейирсинип къарай. Ол аны, къолуна алыш, ачып къарады. Сора, жукъ да айтмай, бир ауукъгъа дери сын къатып турду.
- Не тынгылайса, Борис? – деп сордум жумушакъ ауаз бла.
- Ол, терен жукъудан элгенип уяннганча, башын кётюриоп, манга къарады.
- Сен паспортунгу юйде сунуп туралар болур эдинг, алаймыды?
- Жолдаш капитан, – деди ол, паспортну манга бере, – не сюйсегиз да этигиз... Мен айтханинга сиз ийнанырыкъ туююлсуз.
- Нек ийнанмайбыз? Тюзюн айтсанг, ийнанмай къояргъа эркин туююлбюз.
- Мени кибиклөгө сиз ийнанмаучусуз. Ашагъан да – бёрю, ашамагъан да – бёрю. Тутугъуз мени, манга сюд этигиз.
- Борис, сен бизни бир зат ангыламагъан сунма. Терслигинг жокъ эсе, санга бир тюрлю сёз айтыллыкъ туююлдю. Алыкъа биз мурдарны ким болгъанын билмейбиз. Сен эсенг да, башха биреу эсе да, белгисизди. Алай ол табылыргъа керекди.
- Табыгъызы, – деди Борис, ёню къалтыйрай. – Мен бир кишини да ёлтюрмегенме. Ийнанамысыз, ёлтюрмегенме!..
- Ёлгенни не замандан бери таныйса?
- Бир айдан кёп болмайды. Аны къызы Светлана бла мен бир цехде ишлейбиз.
- Экигизни арагъыз къалайды?
- Биз бир бирибизни сюебиз, жолдаш капитан.

— Сора, къызын сюйоп, атасына «подлец» дегенинг а неге ушайды?

— Николай Николаевич, мени тюрмеден чыкъгъанымы билгенден сора, Светлананы мени бла тюбеширге эркин этмей къойгъан эди. Мен, анга барып, экибиз бир бирни сюйгенибизни, юйдегили болургъа оноулашханыбызны айтхан эдим. Ол а: «Сени кибик уручугъа мен къызымы берлик тюйюлме», — деп, къоншуларын да юсюме къаратып, итни къыстагъанча, къыстап ийген эди.

— Сен тюнене ишге баргъанда, паспортунг биргендеми эди?

— Мен ишге къуруда бир костюмну кийип жюройиме. Паспортуму да хар заманда аны къоюн хуржунунда тутуучума.

— Тюнене уа паспортунг костюмунгдамы эди?

— Тюненеми?.. Билмейме...

— Ахшы, Борис, керек болса, энтта да чакъыртырыбыз. Шёндю уа юйюнге бар.

— Къалай?.. — деп, сейир эте, жаш жеринден къопду. — Юйге окъуна?..

— Хая, эркинсе. Алай сенден бир тилеригим — бу ишни юсюндөн хапар жайма. Керек тюйюлдю.

— Ахшы, жолдаш капитан, ахшы... — дей, Борис, ызына да къарай-къарай, кабинетден чыкъды.

— Нек жибердигиз? — деп, милициячы нёгерлерим сейирсинип сордула.

— Хоренкону ол ёлтурмегенди, — деп жууапладым мен.

— Жангыла болурмуса, капитан? — дедиле ала, манга тюрслеп къарай. — Сиз аны бир кесек къыссагъыз эди, ол терслигин боюнуна аллыкъ эди.

— Угъай, багъалы жолдашла, терслиги болмагъан адамны керексиз къысып тургъандан эсе, заманны оздурмай, мурдарны табаргъа керекди.

Кабинетге таматабыз кирди. Ол тынгысызды. Мен анга ишни башындан ахырына дери болушун айтдым. Ол а, тынгылап бошап:

— Не этергеди умутунг? — деп сорду.

— Ёлгенин юйюне барыргъа деп турама.

— Тюздю. Бек алгъя ёлген не адам болгъанын игиттүн, — деди ол. — Санга болушургъа Алексей да келлиди. Хайт де, Магомет. Не зат керек болса да, билдирип къой.

Таматабыз кетди. Милиционер нёгерлерим бла мен тышына чыкъдыкъ. Къарангы кече тынгысыз кёрюндю. Жел уруп, тёгерек шууулдайды. Жолну ёрге, къаты сыйз-

гъырып, женгил болушлукъ бериучю машина барады. Кёк къарапыды, жаун жауаргъа ушайды.

— Кетдик, — деди шофёр, машинағъа от алдырып.

— Эй, тохтагъыз! — деп къычырды биреулен.

Мен машинадан чыкъым. Чабып келген Алексей эди. Аны келгени кёлюмю кётюрдю.

Хоренкону юю шахарны къыбыла жанында эди. Биз ары жетгенде, юйню ичи да, арбаз да адамдан толуп эди. Светлана анасы bla бирге ёлюк салыннган гулланы къатында олтуруп жиляйдыла. Асыры кёп жилягъандан, экисини да кёзлери кёпчюгендиле. Быллай бушууларында аланы къозгъай айланнган да иги тюйюлдю. Алай не этериксе, — тинтиу не къадар женгил барыргъа керекди. Алайсыз жарамайды.

Светлана, мени кёргенлей окъуна, жеринден къопду. Биз аны bla ич отоугъа кирдик.

— Сени атанг 9-чу майда эрттенлике чабакъгъа барлыгъын адамгъа иш айтхан болурму эди? — деп сордум мен анга.

— Айтмай а, аны ары барлыгъын къоншууларыбызда атамы шагъырейлери биле эдиле. Ала, 8-чи майда бизге келип, атам bla Хорлам Кюнню къалай байрамларыкъларыны юсюндөн оноулашхан эдиле, — деди Светлана, ауур кючсүне. — Ой, папам, жюргегим жарылып къала-дый...

— Мени да атам жокъду, — дедим, аны жапсарыргъа кюреше, — не этериксе, дунияда адам аз тюрлю къыйынлыкъгъа тюбемейди, тёзеге керекди.

— Мени папам кёп къыйынлыкъ сынагъанды. Урушда ол кёргеген ачылыкъ къалмагъанды. Аны жара тапларын кёргеген ийнанырыкъ тюйюлдю. Сау жери жокъду.

— Бери кёчгюнчю, къайда жашай эдигиз?

— Харьковда.

— Мында ахлугъуз бармыды?

— Папамы тамата къарындашы мында жашайды.

— Аны юю уа къайдады?

— Узакъ тюйюлдю...

— Бу юйню уа сиз сатыпмы алгъансыз?

— Хау.

— Къоншугъузда атанг bla сёз болгъан адам барды деп иш билемисе?

Къыз бираз сагъыш этди да:

— Степан... Комов Степан... — деди, тишлерин бирге къысып, ачыуланып. — Ол ичгичиди. Ичип келсе, къатынын да, сабийлерин да тюйюп, юйден къыстауччуду.

Мени папам а: «Алай нек этесе?» – деп, анга тырман этип туруучу эди. Болмагъанындан сора уа, бир жол, милицияны чакъырып, туттургъян да этген эди. Ол тутмакъдан, онбеш сутка туруп, алай чыкъгъан эди. Аны ючон ол мени атамы хар заманда да жаныгъанлай тургъанды. Кёп болмай Степан, кеф болуп, юйюне къайтып келе, арбазда мени папамы кёрюп, анга: «Тохта, алыхъасени ёлюгүнгү къаргъала ашарча этерме», – деген эди. Ол алай айтханда, мен терезеден къарап тура эдим.

– Ол къайсы кюн болур эди, эсинге тюшюрчю?

– Шабат кюн.

Ёлгенни къоншулары бла да сёлешдим. Комов Степанны кёп сакъладыкъ. Ол юйюне кече сагъат онекиде келди. Къылышыз кеф эди. Аны вытрезвительге жиберип, кесим да юйге солургъа кетдим.

* * *

Эрттенлике ишни Комовха соруу этиуден башладым.

– Ненча жыл болады санга?

– Эки жыйырмадан атлагъанды.

– Къоншунгу ёлгенин билемисе?

– Эшитгенме.

– Ол 9-чу майда эрттенлике Узун кёлде ёлюп тургъанлай табылгъанды. Сен а 8-чи майдан 9-чу майны ингирине дери юйюнгде болмагъанса. Къайда эдинг?

– Билмейме.

– Къалай билмейсе?

– Ма алай, билмейме. Мен кеф эдим.

– Ким бла ичгенинги билемисе?

– Осман бла.

– Ким Османды ол?

– Осман Боранов... Эски бараклада жашайды.

Мен, эки милиционерни Осман Борановну алыш келирге жиберип, сорууну андан ары бардырама.

– Комов, сен Хоренкону жанып айланнганынга женгдиримисе?

– Ол ит адам болуучу эди.

– Да башха къоншулары алай айтмайдыла да.

– Мен айтама. Мени адамгъа санамаймыса?

– Хоренкону ёлтюрюрге ачыкъ жаныгъан жангыз сен болгъанса.

– Ким айтханды?

– Эшитген адамла. Керек эсе, чакъыртайым.

— Угъай... Керек тюйюлдю... – деди Комов, тынгысыз болуп. Жолдаш следователь, аны боюнума алама.

— Не затны?

— Ёлтюрюрге айтханымы.

— Андан арысын а?

— Угъай, Йисус bla ант әтеме, угъай! Мен ёлтюрмегенме.

— Ёлтюрмеген эсенг, ёлтюрген адамны билурса?

— Билмейме, жолдаш следователь, ийнан, билмейме.

Милиционерле Борановну келтирди. Аны эки кёзү тереннге кетипди, онг жаягъы тырналыпды.

— Осман Боранов сенмисе? – деп сордум мен.

— Хау...

— Муну таныймыса? – деп, анга Комовну кёргюздюм.

— Хау, таныйма.

— Ахыр кере сен аны къачан кёргенсе?

— Ахыр кереми дейсе?.. Ахыр кере... – деди Боранов, бети къызарып. – Биз бирге эдик.

— Къачан?

— Бирси кюн.

— Кече да биргеми эдигиз?

— Ы... ы... хау! – Борановну бети къулакъ артларына дери къызарды.

— Къайда эдигиз?

— Жолдаш капитан...

— Къайда эдигиз? Соруугъа жууап бер!

— Таныгъан тиширыуларыбызгъа баргъан эдик. Тилейме, къатынъыма билдирмегиз! Башымы палаахха къалдырмагъыз!..

— Комов да биргенгеми эди?

— Хау, ол, асыры кефден, жугъун да билмей эди. Мен аны ары такси bla элтген эдим...

Аланы экисин да милицияда тыя туурогъа буйрукъ берип, Алексей bla бирге ала айтхан тиширыуланы излерге чыкъым. Юйлеринде табылмадыла. Ишлеген жерлерине бардыкъ, экиси да бир предприятияда ишлей эдиле. Директорну болушлугъу bla аланы энчи кабинетте чакъыртдыкъ. Соруу этдик. Ол соруудан сора, Комов Узун кёлде болгъан мурдарлыкъ ишден кери болгъаны ачыкъланды.

Алай bla, ишни жаппа-жангыдан башларгъа тюшдю.

— Магомет, – деди Алексей, мени сагъышларымы

бёле, – баям, сен Борисни бош ийип къойгъанса. Аллай адамны сёзюне ийнаныргъа боламыды?!

– Энтта да андан башларгъамы дейсе?

– Ол, кеси ёлтюрмесе да, ёлтюрген адамны билирге боллукъду.

– Угъай, Алёша, бу ишни юсюнде Борисни терслиги барды деп айтталлыкъ туююлме. Мурдар ким эсе да, бизни жолдан ажашдырыр ючюн, Борисни паспортун, урлап, ёлюкню къатында атып кетгени хакъды. Анга мен не аз да ишекли болмайма. Ким болур ол? Ким?..

Мен биягъы сагъышха къалдым. Бек ишекли болгъаным Комов эди да, ол да чотдан чыкъды. Энди не этсин адам? Айхай, Борисни паспортундан сора, ишекли болурча, бир башха зат табылмагъанды. Паспортну юсюнде бармакъ ызла да къалмагъандыла. Туманда ажашханча болуп къалгъаным кишилик туююлдо.

– Алёша, сагъыш этеме да, бу ишни тамыры бек төренде болгъанча кёрюнеди, – дедим нёгериме. – Келчи, энтта да ёлгенни юйюне бир барайыкъ.

Хоренкону къатыны, башына къара жаулукъ да къысып, юйде жангыз кеси бушуулу олтура эди. Бизни келгенибизге ол артыкъ уллу магъана бермеди.

– Светлана уа къайдады? – деп сордум мен анга.

– Ишде, – деп жууаплады ол, къарыкъгъан ён bla.

– Сизни эригизни документлери болурла, ала бла шағырейленирге керек эди бизге.

Къатын, жукъ да айтмай, ич юйге кирип, андан гитче къол чемоданчыкъыны алыш келип, столгъа сала:

– Къаллай къагъытлары керекди сизге? – деп сорду.

– Не тукъум да болсун... Аны битеу къагъытлары...

– Письмоларыдамы?

– Хау, письмолары да керекдиле.

– Барысы да мындадыла, – деп, ол чемоданчыкъыны аллыбызгъа тортдю.

Къагъытла уа кёпдюле. Заман аланы кёбюсюн саргъалтханды. Жазыула онгнгандыла. Хоренко Къызыл Жүлдүзну ордени бла эки кере саугъаланнганына шагъат къагъытлары да бардыла. Танкист болгъанды. Пленнге да тюшгенди. Андан къачып, Белоруссияда партизан отрядледак бирине къошуулгъанды. Ауур жаралы болуп, госпитальгъа тюшгенди. Экинчи группа инвалидди, аны ючюн пенсия алыш тургъанды. Къагъытладан биз билген ол болду. Къатындан кечгинлик тилеп, юйден чыкъдыкъ.

Биз арбазгъа чыкъгъанлай, ишден келе тургъан Светлана аллыбызгъа тюбеди. Аны бети бушуулуду, кёз-

лери – къызарып. Биз анга не зат ючюн келгенибизни айтханыбызда:

– Костюм хуржунунда письмону уа кёргенмисиз? – деп сорду Светлана.

– Угъай, не письмоду ол? – деп сагъайдым мен.

– Бусагъат, – деп, къыз юйге кирди. Бир кесекден ол, авиаконвертни келтирип, манга берди.

– Баям, папам муну, жазып, почтагъя атаргъя унутуп къойгъан болур эди. Ол арт эки-юч жылда нек эсе да унтууучу болгъан эди, – деди Светлана, ауур кючсюне.

Письмону адреси Северде Н шахарны кёргюздеди. Ким эсе да Петров К. К. деген биреуленинге жазылгъанды. Алайда окъуна конвертни ачдыкъ.

«Багъалы Константин Кириллович, эрттеден бери санга къагъыт жазмай тургъаным ючюн, кечгинлик тилэйме. Унутуп къойгъан сунма, «Беркут». Мен шёндю Харьковда тюйюлме. Югга кёчгенме.

Костя, бу къагъытны санга бир ашыгъыулу ишни юсюнден жазама. Сюйсенг ийнан, сюйсенг къой, мен ол бизни сатхан Сотниковну кёргенме. Жыйырма сегизинчи апрельде, паркда. Кёргенлей да таныгъан эдим. Ол да, мени эслегенлей, къатымдан терк кетип тебиреди. Алай мен да, олтургъан жеримден къобуп, аны ызындан болдум. Ол, артха къарап, мени кёрдю да, акъыртын атлап тебиреди. Ызындан жетип, тютюн къабындырыргъя сирнек тиледим. Ол сирнек bla сигаретими къабындырыды. «Сау бол, Сотников», – дедим мен, бош сансыз халда. «Ким Сотниковха айтаса?» – деп, ол бетиме аралды. Не жууап къайтарыргъя билмей, мен апчып къалдым. «Баям, сен мени бир башха танышынга ушата болурса», – деди ол, сирнегин хуржунуна сала. «Тейри, бир кёргеними уа унутмаучума, алай, ким биледи», – дедим мен да. «Мындары жашайсыз?» – деп сорду ол. Мен анга адресими окъуна айтдым. Ол, бир зат да билмегенча, инбашларын жыйырып кетди.

Костя, сен манга ийнан, Сотниковду ол. Мыйыкъла къоюп, чачын такъыр жюлюп, кесин, кавказлыгъя ушатып, танымазча этгенликтеге, мен аны таныгъанма. Не этейим? МВД-ге билдирайимми? Андан сора, кёрген иш этерми эдим деп, паркта талай кере чыкъгъанма, алай кёрмегенме. Къачып кетген эсе да, ким биледи. Сенден жууап сакълайма. Сен айтханча этерме. Кесинги да 9-чу Май bla алгъышлайма! Саламым bla – Хоренко».

– Света, бу къагъыт бизге керек боллукъду, – дедим, аны окъуп бошап.

– Керек эсе, алыгъыз, – деди къыз да.

* * *

Таматабыз къагъытны окъуп бошады да:

– Заманны оздурургъа жарамайды, – деди, столунда кнопкани басып, къагъытчысын чакъыра. – Бу ишни не эссе да бир жашырын тюйюмчеги барды...

Таматаны къагъытчысы кирди.

– Болатов командировкагъа барады, къагъытларын жарашибди, – деп буюрду ол.

Эрттенликде эртте манга жолгъа атланыргъа тюшдю. Жукъ айтмай кетип къалсам, Ларисаны кёлюне тиерикме. Анга тюбемей кетерге кесим да сюймейме. Юйде жолгъа керекли бир къауум затларымы да хазыр этип, тышына чыкъым. Къаппа-къарангыды, жауун аз шулпу этеди.

Мен келгенде, Лариса арбазда тура эди. Ол, сабийча къууанып, боюнума тагъылды.

– Жюргөм келлигинги сезип тура эди. Юйде олтуралмай чыкъыган эдим... – деп шыбырдады къулагъыма.

– Мен энтта кетген этеме, – дедим Ларисагъя.

– Къайры?

– Узакъын.

– Ненча кюннеге?

– Аны уа билмейме. Иш тап болса, юч-тёрт кюнден къайтырма, – дедим.

Лариса мудах болду.

– Жолгъа тебиреп тургъанымлай, алай этме, – деп, мен кёлкъалды кибик этдим.

– Кел, аламат пирог этгенме, – деп, Лариса мени юйлерине тартды.

– О, капитан, кел, кел, – деп, Ларисаны ёге атасы жарыкъ болуп, кенгден окъуна манга къолун узатды. Биз столгъа олтурдукъ, Лариса уа кухнягъа кетди.

– Да, – деди юйню иеси, къаш тюплеринден манга жашыртын къарай, – баям, къызымы тилей келген болурса, ы?

– Үгъай, Семён Гаврилович. Бюгюн ол иш bla келмегенме. Командировкадан къайтханлай...

– Не командировкады энди уа? – деп, ол сёзюмю бёлдю.

– Да иш азмыды.

– Тохта, ол мындан алда ёлюгюн тапханыгъыз ким эди?..

– Хоренко.

– Хау, хау, Хоренко. Аны ёлтюрген адамны табалмай, къоюпму къойдугъуз?

— Алыкъа табалмагъанбыз, — дедим мен, бууун сагъатыма къарай, — алай тапхан а этербиз.

— Ол бизни завода ишлеген жашны... тукъум аты да къалай эди?.. Хы, Назировну да чакъырта айланнган хапарыгъыз бар эди.

— Хау, аны паспортун ёлюкню къатында тапхан эдик.

— Хоу бирда? — деди Семён Гаврилович, эки кёзю жаңып. — Аны аман жапысы барды. Завода анга хар ким да ишекли болады. Не десенг да, тутулуп чыкъмагъанмыды. Аллай адам къаллай харамлыкъыны да этерикиди.

Лариса тылпызу эте тургъан пирогну, келтирип, столгъа салды. Кертисин айтханда, ач түйюл эдим. Алай пирогну татыгулу ийиси ашха кёлюмю ачды.

— Кесинг да олтур бизни бла, — дедим Ларисагъя.

Угъай демей, шинтигин ёге атасына жууугъуракъ салып олтурду. Аны алай этгени манга хычыуун окъуна кёрюндю. «Намыслы тиширыуду. Ёге атасы болса да, Семён Гавриловични ыспассыз этмейди», — деп келди кёлюме. Жюргөм айтханнын эшитгенча, Лариса, мени бетиме къарап, кёзлерин ойнакълата, болмагъанча ариу, жумушакъ ышарды. Ичинден не эсе да бир зат айтханча, тогъай эринлериин къымылдатды. Мен ангылагъан эсем, ол, баям: «Сен алыкъа мени кёп игиликлерими билмейсө», — деген болур эди. Лариса ол оюмун ачыкъ окъуна айтса да, мен аны бла даулашмаз эдим. Кертиси бла окъуна, ол алыкъа мен толусунлай окъуп бошамагъан бир сейирлик китапха ушай эди.

— Сен къонакъны адамыча сыйлай билмей кёреме, — деп, Семён Гаврилович Ларисагъя, терс да къарап, тырман этди.

Къыз апчыгъанча болду. Сора, кюлюмсюреген да эте, олтургъан жериндөн женгил турду.

— Унутуп къойгъанма.

— Манга бир зат да керек түйюлдю, — дедим мен, ишни болушун ангылап.

— Алай жарамайды, капитан, — деп, Семён Гаврилович кёксюлдюм мутхуз кёзлерин манга сюзюлтдю.

* * *

Н шахаргъа ингир алагъа жетдим. Къонакъ юйде жер алып, бир кесек солугъандан сора, тышына чыкъым. Хаяу чыракъла уллу шахарны айлы кечедече жарытадыла. Трамвайла бла троллейбусла, чепкен сокъгъанча,

къыстау жюройдюле. Таууш уллуду. Заводланы узун быргъыларындан къалын тютюн чыгъып, къарангы кёкге жайылып, кёрюнмей къалады.

Мен, таксиге минип, шахарны милиция бёлюмюне бардым. Дежурный, орта жашаулу майор, мени бла шағырай болгъандан сора:

– О, келгенинг нечик иги болду! Сизде күн иссиди дейдиле, кертимиidi? Къаллай санаторияла бардыла? Нервалары ауругъанлагъа балчыкъ bla бакъгъан жер барды деп эшитгенме, ол кертимиidi? Кёгетле багъамыдьала? Къаллай кёгетле кёпдюле?.. – деп, къадалып, соруу этип тебиреди.

– Жолдаш майор, бир жолгъа асыры кёп затны соруп, мени къыйнамагъыз, – деп кюлдюм.

– Да, не этейим, – деди ол, бираз сабыр ён bla, – мен Кавказны бир заманда да кёрмегенме. Жыйырма күндөн а отпускга чыгъама. Нальчикге барлыкъама. Путёвка бергендиле.

– Ах, алаймыды? – дедим мен, аны не зат ючюн соруу этгенин энди ангылап. – Сокъуранырыкъ туюлсе, жолдаш майор, бизни жерлеребиз күн нюрюне bla гокка ханслагъа бёлленнген жерледиле.

Майор, жарыкъ ышара, олтургъан жеринден къопду да, къабыргъада тагъылып тургъан картаны аллына барып сюелди.

– Жолдаш майор, манга хар такъыйкъа багъалыды, – дедим мен, сагъатыма къарай.

– А-а, – деп, ол картадан артха бурулду, – ангылайма. – Бусагъат мен санга ахшы нёгер табайым, – деп, ол столну къыйырында аппаратны кнопкаларындан бирин басды. Мычымай, отоугъа узун бойлу, жаш милиционер кирди.

– Дежурный машиналадан къайсы бошду? – деп соруду майор анга.

– «Уазик», – деп, къысха жууап берди милициячы жаш. Беш минутдан ол да, мен да, машинагъа минип, манга керекли адресни излерге кетдик.

– Бу боллукъду, – деп, жаш машинаны бир уллу юйню аллында тохтатды. Машинадан чыгъып, юйню номерине къарадыкъ. Тюздю, конвертде кёргюзтюлген юй олду. Фатарны да терк тапдым. Ол ючюнчю этажда эди. Эшикни къакъым. Аны ары жанындан гуппур къарт къатын кёрюндю.

– Күн ахшы болсун, ынна!

– Ахшылыкъ кёр, балам...

– Петров мындары жашайды?

– Ким Петровду ол? – деп, къарт къатын онг къулагъын алгъа тутду.

– Петров Константин Кириллович! – дедим, ёньюю кётюрюп.

– Константинми дейсе?.. Угъай, балам, бизни юйорде аллай аты болгъан жокъду. Биз Сальниковлабыз.

– Эрттеденми жашайсыз мында?

– Беш-алты жыл болады.

– Ахшы, ынна, кечгинлик беригиз, – деп, мен энишге тюшдюм.

– Былай терк а? – деп, мени бла келген милициячы жаш манга соруулу къарады.

– Жокъду анда, – дедим мен, кёзлериме ийнанмагъянча, юйню мюйюшүндө номерге жангыдан къарай, – бек сейирди... Конвертде адрес терсми жазылгъан болур?

– Бирда билмезсе, – деди нёгерим, – тутчу конвертни.

Мен, къоюн хуржунумдан конвертни чыгъарып, анга узатдым. Ол анга къарай кетди да:

– Кел, жолдаш капитан, – деди.

– Къайры? – деп сордум.

– Петровну излерге.

– Къайда излерикбиз?

– Конвертде Комсомольская, 12, – деп жазылгъанды. Биз а Комсомольская, 120-гъа, не 112-ге, неда 102-ге барайыкъ.

Ичимден: «Тейри, бу жууугъуму башы да бош къашха болуп бара болмаз», – дей, машинагъа миндим.

120-чы юйде ишибиз болмады, 112-чи юй...

– Петров менне, – деди эшикни ачхан толу санлы, бёкем киши. – Киригиз юйге.

Биз юйге кирдик. Эки сабийчик, бизни кёргенлей, ийменип, ойнай тургъан илляуларын да къоюп, терезе къатына барып сюелди. Мен алагъа къарап ышардым. Ала да манга жашыртын къарап кюлдюле.

– Жашымдан туугъанладыла, – деди Петров, мени сабийлеге эс буруп тохтагъанымы кёрюп.

Танышып бошагъандан сора, мен письмону Петровха бердим. Ол аны окъуп бошады да:

– Хоубирда, Николай жангылгъан эте болур, – деди, къагъытха артыкъ уллу магъана бермегенча.

– Ким билсин, – дедим мен анга. – Муну санга жазгъян адам ёлгенди.

– Не дейсе? – деп, юйню иеси олтургъан жеринден къопду. – Къалай ёлюп къалды да харип Коля? Ах, не-

чик иги адам болуучу эди! Бек ачыу этдим... Неси ауруп ёлдю?

— Ауруп ёлмегенди, — дедим мен, Петровну къолундан къагъытны ала. — Аны ким эсе да ёлтургенди. Мурдар бир тюрлю белги къалдырмагъанды. Бу къагъыт санга жазылгъанды. Манга Сотниковну ким болгъанын билирге керекди. Сени излеп, аны ючон келгенме.

— Хоренко кёрген, кертиси бла да, Сотников эсе, аны ёлтурген да ол боллукъду, — деди Петров, сагъышлы халда.

Ол, стол артында олтургъанлай, бир ауукъгъа дери, эки къолу бла бетин жабып, жукъ айтмай турду. Мен аны ашыкъымадым. Баям, ол озгъян кюнлени, башындан ётген ишлени эсине тюшюре болур эди.

Мен, олтургъан жеримден къобуп, терезе аллына бардым. Тышында биягъы хауа чыракъла жанадыла. Орамда машиналаны да жюрюенлери сел болгъанды, адамла да азайгъандыла. Сагъат онбир болгъанды. Тынчайыргъа керекди. Абери айтмагъанлыкъгъа, Константин Кирилловични да къаты жукъусурагъанын сезип турама. Кесим да арыгъанма. Не десенг да, Кавказдан Сибирге дери жол алай къысха тюйюлдю. Аны юсюне уа самолётхан миннегеним манга иги жарашибайты.

— Хар затны иги эсигизге тюшюрюгюз, — дедим мен Петровха, стoldа къагъытларымы жыйышдыра. Мен тамбла келирме.

— Ахшы, — деп, ол мени босагъагъа дери ашырды.

Экинчи кюн Петровха сагъат онда келдим. Ол манга бу хапарны айтды:

— Мен 1942 жылда Белоруссияда партизан отряд-ладан бирини командири эдим. Жашырын атым «Беркут» эди. Декабрь айны кюнлерини биринде, юсю-башы зыкъыл болуп, сакъалы да жетип, ачдан ёле, биреулен келди. «Концлагерьден къачып келеме... Бир тюрлю къагъытим жокъду. Тукъум атым Сотниковду, атым а Михайлди», — деди ол. Аллайлагъа он кюн карантинибиз болуучу эди. Он кюнню ичинде биз аны юсюнден ишекли болурча хапар билмегенден сора, отрядха къошдукъ. Сёзюне ийнандыкъ. Ийнанмай не этерик эдинг, — отрядда кёбюбюз концлагерьден къачып келгенле эдик. 1943 жылда 22 январьда бизге душманны сауутла жыйылгъан складын чачдырыргъа тюшдю. Ол бек жууаплы борч эди. Операцияны планын жарашибырдыкъ. Ол операцияны бардырырдан алгъа, душман бегининген жерге разведка этерге тюшдю. Аллай жууаплы тасхачылыкъ ишге биз хар заманда бир-эки нёгер bla Хоренкону

жибериучю эдик. Ол жол да разведкагъа анга барыргъа тюшдю.

– Жолдаш командир, нёгерге Михайлни бер, – деди Хоренко.

– Ким Михайлни? – деп сордум мен. – Бизде Михайлле кёпдюле...

– Сотниковну, – деп жууаплады ол.

– Да алыкъа аны не адам болгъанын биз иги билмейбиз, – дедим мен.

– Шёндю тургъаныча турса, бир заманда да биллик тюйюлбюз. Келсин мени бла, кёргюзтсөн кесин, – деп, Хоренко къаты болады. Мен угъай демедим.

Ала экинчи күн эрттенлике кетдиле. Арадан бир күн озду. Кече ортасында мен ушкок атылгъан тауушдан уяндым. Жер юйде эдим. Тапчандан секирип къопдум. Жастыкъ тюбюнде керохума узалгъан кезиуюмде ким эсе да аркъама бичакъ бла урду. Эсими жыйгъанда, госпитальда жатып турғанда эдим...

Петров хапарын тохтатды. Менден сигарет тиледи.

– Госпитальда къаллай бир жатхан эдинг?

– Юч ай, – деди ол. – Эки кере операция этген эдиле.

– Сора уа?

– Сора не, – деп башлады Петров, бираз тынгылап турup. – Сотниковну юсюнде биз жангылгъан этдик. Аны бла душман бизни алдагъан эди. Бюгүн да, бүгече да аны ачыуу жюргөмден кетмейди. Отряд хазна къалмай къырылгъан эди. Эх, анасына...

– Сотниковну фашист агент болгъанын а къаллай бла билген эдигиз?

– Эки жылдан сора... Мен Сотниковну бла Хоренкону излеп, кёп жерлеге къагыт жазгъан эдим. Ахырында Хоренкону тапхан эдим. Сотниковну хапарын ол айтхан эди.

– Не айтхан эди ол?

– Ала, разведкагъа кетип бара, жолда суу ичерге гитче шауданчыкъын къатында тохтайдыла. Хоренко суугъа бауулланынгандай, Сотников аны бичакъ бла уруп кете-ди. Хоренкону, башха партизанла табып, госпитальгъа иедиле. Аны сау къалгъанына госпитальда сейир этип болгъандыла. Ол, тёшекден къопмай, сау жыл жатханды. Бизни Сотников сатханын аны сау къалгъаныны хайырындан билген эдим. Алай болмаса, жукъ да билмей къаллыкъ эдик.

– Андан сора, органлагъа айтып, Сотниковну излет-мегенмисиз?

– Излетмей а. Табылмагъанды. Аллай адам кесин

тапдырамызы да дейсе? Хоренкону жазгъанына да ийнанырыгъым келмейди. Мындан төрт жыл алгъа ол манга Харьковдан тюз быллай бир къагъыт жазып ийген эди. Ма, окъу, – деп, Петров жазмалары онгуп башлагъан къагъытны манга узатды.

Окъуйма: «...Багъалы «Беркут», мен мында бир адамгъа ишекли болуп айланама. Сотниковха ушайды. Мен аны къатына барып сёлешгенде, танымагъан кибик этип къойгъанды. Ол Сотников болгъанына не аз да ишекли туююм...»

– Бу къагъытны алгъанымдан сора, тюзюнлей Харьковха баргъан эдим, – деди Петров. – Хоренко ишекли болгъан адам Сотниковха ушагъан да эте эди. Алай ол Сотников туююл эди. Сотниковну сыфаты Хоренкону кёзлерине дайым кёрюнүп тургъанды. Тюбешгенибизде, ол аны манга кеси айтхан эди. Алайды да, жолдаш следователь, Хоренкону бу къагъытына да артыкъ уллу мағъана берирге керекмиди, – билмейме. Ол сизни ишигизди.

– Да, – дедим мен, сагъатыма къарай. – О-о, кече арасы!.. Заманны алай терк озгъанына сейир этдим. Кетерге деп, мен жеримден къопдум.

Юйню иесин андан кёп къыйнаргъа болмадым. Аны эки кёзүн жукъу басханды. Кесим да ырмак болгъанма. Мен эрттенликде дагъыда келирге айтып кетдим.

Ючончю кюн Петров манга, эрттеден таныш адамынча, жарыкъ тюбеди. Ич отоугъа кирип, биз тюнене кече юзюлген хапарыбызын андан ары бардырыкъ.

– Хоренко бла сенден сора, отряддан сау къалгъан адам болурму эди? – деп сордум мен.

– Угъай. Экибизден сора, киши да къалмагъанды. Аны мен бек уста билеме, – деп жууаплады Петров.

– Сотниковну бет сыфатын унутмай турамыса? Айтып бераллыкъымса аны?

– Айтмай а... Къашлары, тиширыну къашларыча, иничке узунла болуучу эдиле... – деп башлады ол.

Айтханларын жазып алдым. Керекли затланы соруп бошагъандан сора, мен ауур кючсюндюм. Кючсюнмей, не этериксе? Ким эсе да, Сотниковну ызы да, кёлге кетген ташча, жокъ болду. Хоренкону ёлтюрген ол болгъаны бла болмагъанын да толу билмей, быллай бир узакъла-гъа келип айланнганыма да чогъож болдум. Ким биледи, бу жол да Хоренко башха биреуню Сотниковха ушатып жангылгъан эсе уа?

– Билмейме, жолдаш следователь, – деди Петров да, мени тюнгюлген халымы сезгенча, жарсыгъан ён

бла. – Сотниковну къуйругъун тутхан тынч болмаз. Аллай башкесле кеслерин тапдырыламы дейсе?

Анга не жууап къайтарыргъа да билмеди. Иш чырмашханды. Баям, энтта да бу ишни башындан башларгъа тюшерик болур. Энди мен мында этерик болмаз. Константин Кириллович да айтырын айтханды. Кетерге керекди.

Петров мени ашыра чыкъды.

– Ол мурдарны тутсагъыз, манга билдирмей къоймагъыз, – деп тиледи Константин Кириллович.

– Бек ахшы, сау къалыгъыз, – дедим мен анга, подъездни атлауучларындан эне.

– Жолдаш капитан, алай тохтачы, – деп сёлешди ызымдан Петров.

Мен тохтадым. Ол, атлауучла bla энишге тюшюп, мени къатыма келди.

– Табаллыкъ эсенг, Махмудну изле. Ол сау эсе...

– Кимди ол?

– Чеченли жаш, – деди Петров, мени къолтукъель алып. – Ол аскер газетлени бирини суратчы корреспонденти эди. Аны партизан отрядлагъа Уллу Жерден ийген эдиле. Ол бизге Хоренко bla Сотников разведкағъа кетер кюн келген эди. Партизанланы суратларын алып кетген эди. Аны тапсанг...

– Сотниковну суратын а алгъанмы эди? – деп сордум мен, аны сёзүн бёле.

– Алмай а. Мен кесим айтып алдыртхан эдим. Ол суратха тюшмезге бек къаты болгъан эди. Алай мен къоймагъан эдим. Хоренкону да, аны да суратларын бирге алдыртхан эдик.

– Махмудну тукъум аты къалай эди, эсингде туюйлымюдю?

– Угъай. Жаланда аты къалгъанды эсимде... Махмуд... Жарыкъ кёллю жаш эди. Бир талай кавказ тепсеулени тепсеп, бизни къууандырып, алай кетген эди.

Мен, Петровну ол айтханларын да жазып, жолума кетдим.

* * *

– Энди муратынг къалайды? – деп сорду таматабыз, мени N шахардан келтирген хапарым bla шагъырей болгъандан сора.

– Бирда билмейме, – дедим, ауур кючсюне. – Ырбыннга тыйылгъанма.

— Хомух болма, — деди ол, бармакълары бла столну къагъа. — Ким эсе да, ол чеченлини табаргъа керексе... Махмудну.

— Айхай, табылса уа. Табылгъан окъуна этсе да, ол 1942 жылда алгъан плёнкаларын сакълап турал болурму дейсе?

— Кесини ишин сюйген чынты сурагчы эсе, сакъламай, амалы жокъду, — деп, кесип айтды тамата.

Не да болсун, манга дагъыда жолгъа чыгъаргъа тюшдю. Бу жол а Ларисагъа тюбеялгъан окъуна этмеди. Мен алагъа баргъанда, ол бир-эки кюнинге Ёкъара чайгъа, атасыны эгечине, кетгенди деп турал эдиле.

Грозныйге жетгенлей окъуна, мен, мычымай, редакциягъа бардым. Махмуд, сау эсе, кесини корреспондент къуллугъун унутуп къоймазлыгъы шарт эди. Редакцияны штатында ишлемесе да, тышындан газетлеге сурагчы ийип турургъа боллукъ эди. Тюзюнлей редакциягъа келгеним да ол себепденди. Бурун тюбюндө эки эл чакълы къара мыйыгъы болгъан, добар санлы редактор манга бек жарыкъ болду. Мен анга келген жумушуму айтханда уа, аны кёзлерин мудахлыкъ алды.

— Махмуд Димаев бек ахшы адам болуучу эди, — деди ол, жазыкъсыннган ён бла. — Алай не этериксе... Ёмурден ахыргъа дери дунияды киши да жашамайды.

— Къачан ёлгенди?

— Бир ай бола болур.

— Да, — дедим мен, жарсып, — ишлеген а сиздеми этиучу эди?

— Хау.

— Ол урушда да сурагчы корреспондент болуп тургъанды. Аны архиви болмай, амалы жокъду.

— Болмай а, — деди редактор, столуну бир къыйырында газет подшивканы ача. — Биз аны уруш заманда алгъан көп сейирлик сурагчарын басмалагъанбыз.

— Архиви уа юйдемиди, огъесе уа мында, редакциядамыды? — деп сордум мен, газетлеге къарай.

— Юйюнде, юйюнде... — деп, женгил жууап къайтарды редактор. — Баям, санга аны архивине къарагчы керек болур. Алаймыды?

— Хау.

Махмудну юйюнен мен эки-юч нёгер бла бардым. Бизге къартайгъан къатын тюбеди. Аны юсюнде узун къара жыйырыгъы барды. Башына да къара кюпес жаулукъ къысыпды. Кёзлеринде бушуулу хал эсленеди. Ол Махмудну къатыны эди. Нёгерлеримден бири — редакцияны сурагчысы — бизни нек келгени бизни анга ангылатды.

Къатын, жукъ да айтмай, бизни ызындан тизип, коридоргъа чыгъарды да, уллу къара кирит салынып тургъан эшикни аллына элтди.

— Аны ишчи отоуу буду. Ачхычын, излеп, табалмай къойгъанма, сюйгенилизлей этигиз, — деди къатын, ауур күчсүне.

Нёгерлеримден бири, милициячы жаш, кирит салыннган къадауну чыгъарыргъа умут этди. Мен унамадым.

— Быллай кирити болгъан адам бар эсе, соруп, билирге керекди, — дедим мен милиционерге. Ол чыгъып кетди. Биз къабыргъада суратлагъа къарай тургъунчу, милиционер бир угъай, эки ачхыч окъуна алыш келди.

Махмудну ишчи отоуу, башха болмай, лабораториягъа ушай эди. Отоуну юч къабыргъасы, полдан тебиреп, башына дери тапкаладыла. Аланы юслери плёнкаладан, сурат къагъытладан толупду. «Тейри, мында зат тапхан алай тынч болмаз...» — дейме кеси кесиме, тапкаладан кёзлерими айырмай.

— Жолдаш следователь, сизге къайсы жыл керекди? — деп сорду редакцияны суратчы корреспонденти.

— Къалай къайсы жыл? — деп сейирсиндим мен.

— Къайсы жылда аллыннган суратын излейисиз деймे?

— А-а, да алай айтсанг а... 1942 жылда...

— Алай эсе, бусагъат, — дей, ол тапкалагъа къарап тебиреди. — Махмуд низамны сюйген адам болуучу эди. Мен аны уста билеме. Бери, бу жазыулагъа, къара-чыгъыз.

Кертиси бла окъуна, тапкалада уллу низам эсленеди. Мен, кире келгенлей — бош къоркъыгъан эдим. Хар жылны кесини энчи тапкасы барды. Плёнкала къагъытлагъа чулгъанып, юслерине айлары, кюнлери окъуна жазылыпдыла.

— Алан, «Беркут» дегени уа неди?.. — деди милиционер, тапкада тургъан плёнкаладан бирин къолуна алыш.

— Къайда?.. Берчи бери! — дедим мен, жюрегим элгенип. Чарх халы кибик, гитче тёгерек чулгъамчыкъыны къолума алдым. Аны юсюнде «Беркут» деген жаланда бир сёз жазылып эди.

— Буду! — дедим, бир багъалы затныча, чулгъамны ууучума къаты къысханлай, алыкъа анда не болгъанын да билмей. Болсада аны табылгъаны кёлюмю кётюрдю.

Мен плёнканы терк окъуна сурат лабораториягъа жетдирдим. Къарангы отоуну ичинде, фонарьны къы-

зыл жарыгъындан сора, хазна жукъ кёрюнмейди. Суратчы мен келтирген плёнканы увеличительни «кёзүне» тутханлай, акъ къагъытха суратны ауанасы тюшдю.

Суратчы биринчи суратны, проявитель суудан чыгъа-рып, алымса салды. Ол Петров эди. Дагъыда эки сурат хазыр болду. Алай ала мен таныгъанла тюйюл әдиле.

— Бу уа, ким эсе да, кёзлерин жумуп тюшгенди, — деп, суратчы дагъыда бир суратны алымса салды. Анга къарагъанлай, жюргим элгенди, кёзлерим ау басханча болдула. Хуржунумдан къол жаулугъуму чыгъарып, кёзлерими сыйпадым. Асыры сейир этгенден, аркъам иш да терледи.

Ол кюн окъуна мен Грозныйден кетдим. Акъылымы асыры уллу сагъыш алгъандан, юйге къалай жетгеними да билмей къалдым.

— Не болгъанды, Магомет? Бетингде бет къанынг жокъду да? — деди таматабыз, кабинетине киргенимлей окъуна.

— Кёп сейирлик затлагъя тубей келгенме, алай бу жолча уа... — деп, мен шинтике чёздюм.

— Неди? Сотниковну суратынмы тапханса?

— Суратын угъай, кесин окъуна тапханма.

Не дейсе дегенча, таматабыз, сейир эте, манга къарап къалдым. Мен, портфелимден экеулен тюшген суратны алып, анга узатдым.

— Да, бири Хоренкоду, экинчиси кимди ансы? — дей, ол манга соруулу къарады.

— Экинчиси уа Сотниковду.

— Къайдан билес?

— Махмуд аны суратын Хоренко бла разведкағъа ат-ланнган кезиуде алгъанды. Ол сурат буду. Кесини сат-лыкъ болгъанын Сотников суратында окъуна билдирип турады. Аны бетин жыйырып, кёзлерин къысып тюшгенин кёремисе?

— Ахшы, бу Сотниковну сураты болсун, ол кеси уа къайдады? — деп сорду таматабыз, мени сёзюмю бёле.

— Кеси да узакъда тюйюлдю. Мындаады, шахарда, — дедим мен.

* * *

Сотниковну тутуп келирге адамла ийдим. Жюргим тынгысызды. Жеримде олтуруп туралмайма. Сигаретлени бирини ызындан бирин къабындырама.

Тышындан аякъ тауушла эшитдим да, жериме чёкдюм. Мен жиберген адамла Сотниковну алыш келдиле.

– Олтур, – дедим мен анга, шинтикни кёргюзте.

– Магомет, бу не ишди? Ойнагъанмы этесиз?! – деди ол, эки кёзю, тана кёзлеча, уллу жанып.

– Угъай, ойнамайбыз. Оюн бошалгъанды, – дедим мен анга, кёз къыйырым bla жашыртын къарай.

– Ангыламайма... Бир зат ангыламайма...

– Олтургъан эт, бусагъат ангыларса. Сен бек алгъа манга тюз тукъум атынгы айтчы.

– Аны несин сораса? Сен кесинг бек уста билесе, Магомет.

– Мен сени эки жалгъан атынгы билеме. Аладан бири – шёндю жюрютген атынгды. Экинчи жалгъан атынг а – Сотниковду... Сотников Михаил. Ол тукъум атны сен 1942 жылда жюрютгенсе.

– Ким? Менми?! – деп, ол жеринден кётюрюлюп сорду.

– Хау, сен, – дедим мен. Ол, кесин абери ангыла-магъянча сундура, эринлерин чюелтип, инбашларын жыйырды.

– Бош сыпдырылыргъа кюрешесе, – дедим мен, тюトン къабындыра, – «Беркут» сауду.

Аны эшитгенлей, ашдан къарылгъанча, ол жётел этди, манга къарамады.

– Ма, тансыкъ болгъан эсенг, кёр, – деп, анга Петровну суратын узатдым.

– Танымайма, – деп, ол аны артха къайтарды.

– Да сора мууну танырыкъ болурса, – деп, аны Хоренко bla бирге тюшген суратын къолуна туттудрудум.

Суратха къарагъанлай, аны бармакълары къалтырап, мангылайы терледи. Кёзлери, тузакъгъа тюшген жаныуарны кёзлерича, тёгерегине гузаба этип къарадыла.

Анга соруу этип кеч бошадым. Арыгъан да этгенме. Алай, не бек арысам да, санларым женгилдиle. Аркъамдан бир ауур жюкню атханча болгъанма. Кабинетни киригин этип, тышына чыкъдым. Эшик аллында Ларисагъа тюбедим. Шёндю аны кёрюрме деп, эслеп эсимде да жокъ эди. Аны бет къаны кетип эди.

– Эрттеденми сакълайса? – деп сордум мен анга, къол бере.

– Иш анда туююлду, – деди ол, эринлери къалтырай. – Нек эсе да бюгюн атамы тутуп кетгендиле.

– Билеме, – дедим мен, кюлюмсюреп.

– Къара анга! Сен къууаннганмы этесе?

– Хау.

– Нек?

– Ол сени түүгъан атанг болмагъанына.

Лариса, оймакъча, гитче ауузчугъун ачып, бетиме аралып къалды.

– Кел, ююнге ашырайым, – деп, аны къолтугъундан тутдум.

– Угъай, сен манга не зат болгъанын айтхынчы, же-римден теберик тюйюлме, – деди ол, биягъыча, кёзюме къарагъанлай.

– Кел, жолда айта барырма, – дегенимде, Лариса төбирди... – Семён Гаврилович Глинов сени ёге атангы жалгъан атыды... Керти айтама. Аны Сотников Михаил деп дагъыда бир жалгъан аты болгъанды. Тюз аты уа – Данил Шимановду. Атасы Сибирьде уллу кулакладан бири болгъанды. Кеси да совет властьха къажау сермешледе ёлгенди.

Фашистле бизни къыралгъа чапханда, Данил Шиманов аланы жанына ётюп кетеди. Фашистле анга гестапода иш бередиле. Ол, атамы къанын алама деп, талай совет адамны жойгъанды.

1942 жылны ахырында Белоруссияны агъачларында партизан отрядла душманнга уллу халеклик тюшюрюп тебирейдиле. Гитлерчиле уа, аланы жояр ючон, тюрлю-тюрлю хыйлалыкъла этедиле. Партизан отрядлагъа провокаторла, шпионла иедиле. Аладан бири уа Шиманов болгъанды. Ол уллу партизан отрядладан бирине барады. «Концлагерьден къачып келеме...» – дейди.

Бир къаум күндөн сора душманны бегиннген жери-не разведка этерге тюшеди. Отрядны командири ол ишни Хоренкогъа буорады. Хоренко уа нёгерге Шимановну сайлайды. Алай күндөн къайтыргъа керек эдиле. Бир чырмау болуп, юч күндөн аладан бири да артха къайтмай къалса, отряд тургъан жерин алышындырыргъа керек эди. Уста разведкачы Хоренко, агъачны къыйырына жетгендөн сора, Шимановхা, къарангы болгъунчу, агъачдан чыгъаргъа жарамагъанын айтады. Къарангы болургъа уа 5–6 сагъат керек эди. Хоренко, автоматын жерге салып, суу ичерге бауурланнганлай, Шиманов аны аркъасына бичакъ бла эки-юч кере уруп кетеди. Ол, тюзюнлей фашистлеге барып, ишни болушун айтады. Гитлерчиле кече бла партизан отрядны жоядыла. Ол операция ючон а фашистле Шимановну къуллугъун кётюредиле.

Совет аскерчиле Белоруссияны азатлагъан заманда, Шиманов гитлерчиле бла бирге кеталмай къалады. Ол, къачып, Кавказгъа келеди. Сени ананг бла шагъырей

болады. Ашап, жашап турады. Сора... ма санга! Аны Хоренко кёреди. Таныйды. Шимановну жюргегине сюнгю сукъгъанча болады. Хоренко сау болур деп, аны эслеп эсинде да жокъ эди. Шимановну кёзюне жукъу кирмей тохтайды. Ол Хоренкону жашыртын марлап башлайды. Жашагъян жерин да биледи. 8-чи майда уа, кече къарангыда, ол Хоренкону ююню арт терезесине барып бугъады. Хоренко эрттенлике Узун кёлге чабакъга барыргъа хазырланнганын биледи.

Андан ол ючюнчю сменде ишлерге кетеди. Станокну артына барып сюеледи. Жукъ эталмайды. Арлакъда Назиров Борисни кёреди. Шимановну эки кёзю жанады. Борис костюмун, тешип, чуюге тагъады. Шиманов, жанлай барып, билдирмей, костюмну хуржунуна кёз жетдиреди. Паспортну кёреди. Ол, къол къабын кийип, коридоргъа чыгъады да, цехде чыракъланы ёчюлтеди. Къарангыда, чабып келип, Борисни костюм хуржунундан паспортну алады да, быстыргъа чулгъап, къюонуна сугъады. Чыракъ жаннгандан сора, ол, ауругъан этеме деп, цехни таматасындан тилеп, ишден кетеди. Тюзюнлей, Узун кёлге барады. Анда, бугъуп, Хоренкону сакълайды. Танг белги бере башлагъанда, ол да келеди. Шиманов, аны артындан жашыртын барып, арт желкесинден таш bla уруп, суугъа батдырып, Борисни паспортун да алайда атып кетеди...

Ма биз Шимановну аны ючюн тутханбыз. Ол сени туугъян атант болмагъанына да мен аны ючюн къууанама.

Лариса, бир затдан къоркъганча, манга къысылды...

Мен а, следовательлик ишимде энтта бир сокъур түйюмчекни тешгениме къууанып, Ларисаны къара чашчыгъын акъырып сыладым.

Локъманны иши

Заман къагъытларын саргъалтхан къалын «ишни», аллыма салып, окъуй тургъанымлай, бизни бёлюмню таматасы, кенг мангылайлы, узун бойлу полковник, сигарет букъулата, мени кабинетиме кирди.

– Не ишлейсе, Магомет? – деди ол, диванга олтура.

Кёзлеримден кёзлюклерими алыш, мен да «Беломор» папиросну къабындырды. Полковник, не эссе да бир затны юсюндөн жарсыгъанча, манга къарап, ауур кючсөндө.

– Заман дегенинг, тюпсөз чөлөкден саркъгъан сууча,

къалай терк озуп барады. Ма, къарап-къарагъынчы, сени да пенсиягъа чыгъар заманынг жетди, – деп, ол башын чайкъады.

Полковник bla мен талай жылдан бери бирге ишлеп келебиз. Мен прокуратурада следователь болгъанда, ол уголовный розыскда ишлеучю эди. Артда уа къадар бизни жолларыбызны бирге тюбетгенди. Экибизге да къырал къоркъуусузлукъну комитетинде ишлерге тюшгенди. Биз бир бирни ахшы билебиз. Мен аны ишде хунерлигин неден да бек багъалайма. Ким биледи, мени да ол жаратхан бир илишанларым болурла. Алайсыз полковник мени пенсиягъа чыгъар заманым жетгеннге жарсыгъан да этmez эди.

– Шёндю не ишге къарай тураса? – деп сорду полковник.

– Эсингдемиди «Локъманны иши»?

– «Локъманны иши»... – деди ол, арт желкесин къашый. – Аны уа не этесе? Ол «иш» мындан жыйырма беш жыл алгъа тохтатылгъан ушай эди да.

– Отуз жыл.

– Отуз жыл окъуна!

– Жолдаш полковник, эки жыйырма жылны ичинде, мени къолума тюшоп, ачыкъланмай къалгъан «иш» жаланда бу болгъанды.

– Тохта, сора сен аны ахырына жетдириргеми умут этесе?

– Эркин этсегиз, хау. Билемисиз, жолдаш полковник, бу «иш», мени битеу жашаумда аркъамдан тюшмей къалгъан жюкча, алай кёрюнүп турады. Аны ачыкъланмай, пенсиягъа кетип къалсам, жюрегим ырахатлыкъ табарыкъ туюйолду.

– Мен угъай демейме, Магомет. Алай сагъыш эт. Отуз жыл дегенинг – аз заман туюйолду.

– Аны тюз айтаса, жолдаш полковник. Заман кёп затны жашырады. Алай бу «иш», отуз жылны ичинде архивде тургъанлыкъга, мени эсимден кетмегенди. Айланнган, жюрюген жеримде аны юсюнден сора, материал жыя айланнганма.

– Локъман сау болур деймисе?

– Хау, жолдаш полковник.

– Алай эсе, мен эркинлик береме.

– Алай эсе... манга Орта Азиягъа барыргъа керекди.

– Ары уа нек?

– Аслан bla Ханифа анда жашайдыла. Аланы жаша-гъан жерлерин билир ючюн, мен кёп жыл кюрешгенме.

– Да ол алай къыйынмы эди да?

— Мен да алгъа алай суннган эдим. Болсада, жолдаш полковник, аланы тапхан манга тынч болмагъанды. Мен алай айта эсем, сен аны ангыларгъа керексе.

— Аслан bla Ханифа жашагъян жерлерин жашырыргъа кюрешген эселе, ала, Локъманны табып, аны буқьдуруп иш турал болурламы?.. Алай, Аслан аллай ишни этер деп, ийнанырыгъым келмейди.

Полковник, столда къалын томну къолуна алып, аны саргъалгъан къагъытларын ачып окъуйду: «Аслан Абдулович Темиров 1915 жылда Сары-Ташда туугъанды. Жыйырмажыллыгъында партиягъа киргенди. Колхозда иги ишлеп, грамота bla, алтын сагъат bla да саугъаланнганды. 1941 жылда уруш башланнганда, кеси тилеп, фронтха кетгенди...»

— Да... — деди полковник, томну столгъа салып. — Аслан Локъманны жашырып туур деп, мени ийнанырыгъым келмейди. Алай, жангыдан таукел болуп, бу «ишни» къолгъа алгъан эсенг, мен санга ышанама. Къагъытларынгы жарашибди да, жолгъа тебире...

Алай bla, мен жолгъа атландым. Ноябрь эди. Беш сагъат чакълы учхандан сора, самолёт Ташкентни аэропортунда къонду. Эрттенликде Минводан чыкъғъанымда, пальто bla окъуна сууукъсуралгъан эдим. Мында уа пальтону, тешип, къолтукъгъа алыргъа тюшю. Ол кюн къонакъ юиде къалдым. Эрттенликде уа автобус bla биягъы жолгъа чыкъым. Барлыкъ жериме, арып, ахшам бола алай жетдим.

Эки-юч орамы болгъан гитче элчик манга, къалай эсе да, уллу тенгизде иесиз къалгъан эски къайыкъча кёрюндю. Хазна адам да эсленмейди. Андан-мындан ит юрген эштилиеди. Орамны эки жанында юйлеке къарай, акъырын барама. Юйле къалай эсе да алашачыкъла кёрюнедиле. Аланы бирлерини башлары къошун bla, бирлерини уа къанжал bla жабылыпды. Топуракъбаш юйле да эсленедиле. Элни ортасына жууукълашханымда, аллымга жаланајакъ къарадач жашчыкъ чабып чыкъды. Мен, аны тохтатып, эл Советни сордум.

— Ма, ол анда бийик быргысы кёрюне тургъан юйдю, — деп, жашчыкъ къолун созуп кёргюздю.

Мен, бираз барып, артха бурулуп къарагъанымда, биягъы жашчыкъ, жеринден тепмей, мени ызыымдан марагъанлай турал бола эди. Баям, тыш адам мында бек аз бола болур аны, ол сабий мени кёргенине аллай бир сейир этмез эди.

Насыпха, эл Советни председателин жеринде тапдым. Удостоверениямы кёргюзте:

— Мен Нальчикден келгенме, — дедим анга. — Къарайма да, сизни элигизде къонакъ юй болгъаннга ушамайды.

— Э-э, катта досум*, къонакъ юйню не этесе? Мени ююме, сени кибик, жыйырма адам сыйыныргъа боллукъду, — деп күлдю председатель.

Биз шагъырэй болдукъ. Ол мени юйюне алыш келди. Эшикден киргенибизлей, сабийле, дауур этип, юсюбюзге чапдыла. Алай ала, мени бетиме къарап, тыш адам болгъанымы билгенден сора, суу къуйгъанча, шум болдула.

— Эй, къатын, къонакъны сыйларгъа керекди, — деди председатель, сабийле bla ауара болуп айланнган орта жашаулу чырайлы тиширыугъа. Мен анга, башымы энишге ийип, салам бердим.

— Ненча баланг барды? — деп сордум мен къонакъбайыма.

— Кёп туюйолдю... Сегиздиле, — деди ол, кюле-кюле.

Мен сабийледен бирин, къюнума алыш, ёрге кётюрдюм. Ол, уялып, башын менден бир жанына буургъа кюрешди. Аны алай этгенине къалгъан сабийчикле кюлдюле.

Къонакъбайым мени ич отоугъа киргизди. Юсю ариу накъышлы жабыу bla жабылгъан столну артына олтуртту. Кеси да манга къаршы чёкдю.

— Къайдан келгенме дейсе? — деп сорду къонакъбайым.

— Кавказдан... Нальчикден.

— Игиди, игиди... Узакъдан келгенсе. Арыгъан болурса. Бусагъат бир зат ауузланайыкъ да, солурса.

— Къайгъырмаз, солургъа да жетиширме... Ненча юй барды элигизде уа?

— Кёп туюйолдю. Жюз чакълы юй барды.

— Юзбеклиден башха миллет жашаймыды?

— Хау, сизни жаныгъыздан, Кавказдан, бир юйор барды... Эгеч bla къарындаш.

— Кимледиле?

— Аламат адамладыла, Аслан bla Ханипа деп. Кёрюрге сюе эсенг, бери окъуна чакъыртайым. Узакъ туюйолдюле. Ала bla бизни арабызда жаланда юч юй барды.

— Угъай, чакъыртыр кереклиси жокъду. Мен алагъа тамбла тюберме.

— Бек ахшы. Сен айтханлай.

— Ала бери къайсы жыллада келген болурла, эсингде туюйолмюдю?

*Уллу шүөхүм (юзб.).

— Эртте келгендиле. 1944 жылда болур эди дейме. Ол заманда мен эл Советде секретарь болуп ишлеучю эдим. Ханипа ханум артыкъда иги адамды. Аны битеу эл сюеди. Бизде школда ишлеген бир юзбекли жаш аны сююп, алгъан этеме деп, азмы айланнганды...

— Нек алмагъанды да?

— Къарындашым да, мен да атадан, анадан да ёксуз къалгъанбыз. Аны кесин къююп, энтта да бир эрге барлыкъ туюйолме деп, унамай къойгъан эди.

— Да къарындашы да, къатын алып, юйор къураса эди уа?

— Анга да айтып кюрешген эдик. Алай ол да къалай эсе да юйдегили болалмагъанды.

— Ишлеген а этемидиле?

— Ханипа ханум пенсиядады. Аслан а ишлейди. Колхозубуда бек алчы мамукъ ёсдюрюючюлден бириди...

Биз сёлеше тургъунчу, юй бийче, плов хазырлап, аллыбызгъа келтирип салды...

Эрттенликде, арыгъаным кетип, санларым жайыгъып, алай уяндым. Бет-къол жуууп, чай ичдик.

— Районугъуз мындан узакъмыды? — деп сордум мен къонакъбайыма.

— Жууукъ туюйолду. Алай, ары барыр ишинг бар эсе, менден иги жол нёгер тапмазса.

— Сени да анда жумушунгму барды?

— Хау. Райисполкомгъа чакъырадыла.

— Машинанг бармыды?

— Колхозну председателини машинасы барды. Аны бла барырбыз. Тюнене мен анга айтханма.

— Алай эсе, кетдик.

— Тохта, Аслан бла Ханипагъа тюбемей, кетипми къаласа?

— Къайтып келгенден сора тюберме.

— Ахшы, алай эсе, жюр.

Биз районнга сагъат онбирде жетдик. Манга район больницағъа барыргъа керек эди. Эл Советни председатели Хожалий мени анда къююп, кеси уа райисполкомгъа кетди. Мен больницада ишими бошаргъа, Хожалий да келди. Ингир аласында элге жетдик.

— Бусагъат, юйге барып, ауузланнган этейик ансы, ач болгъанбыз, — деди Хожалий.

— Тамбла мен ызыма къайтыргъа керекме. Аны сепли, артха соза турмай, ол ёз жерлилериме кирип чыгъайым. Аны бизге къайтармагъанса деп, артда санга тырман этерле да туурлра.

Хожалий мен айтханнга угъай демеди. Мен машина-

дан сюртюлгени тозурагъан юйню къатында тюшдюм. Аны башына жабылгъан къошуунла асыры эскиден, къаралып, зыгыт бет алгъандыла. Арбазда не эсе да бир зат бла жубана тургъан къатын, мени эслеп, сирелип къалды. Аны кюн кюйдюрген бети къаралдым тартыпды. Башына бош къысылгъан мор жаулукъну тюбюндөн агъартгъан чачы эсленеди. Эки кёзю къалай эсе да терендөн къарайдыла. «Олмуду, огъесе уа ол тюйюлмюдү?» – деп, ишекли бола, анга жууукъ бардым.

– Мени таныдынгмы, Ханипа? – дей, анга къолуму узатдым.

– Тохта, тохта... – деди Ханипа, эки кёзүн менден айырмай, – сен ол соруу этиучу жаш тюйюлмюсө?

– Таныгъанса, ол кесиме, Магомет.

– Аллах, Аллах, къайдан чыкъынг?.. Не аламат, не сейир! Кел, юйге кир, Аллах ыразы болсун! Туугъан же-рими кёргенча болдум. Кел...

Мен Ханипа бла юйге кирдим. Мылы тартхан жер ийис бурунума урду. Полгъа салыннган къангалааны бир къауум жерлеринде жепилеге бармакъ сыйынырчады. Бояуларды да къопханды. Къабыргъагъа къысылып, эски темир ундуруукъ сюеледи. Аны юсюонде тёшек кереги тап жыйылыпды. Терезе аллында тेरтгюл стол, столну юсюонде уа чай ичиучу юзбек пиалаладан экиси кёрюнеди. Ханипа, терк окъуна столну юсюон тазалап, мени шинтикгө олтурттуду.

– Аслан а къайдады? – деп сордум мен, тёрт кёзлю гитче терезеден тышына къарай.

– Ишдеди... Кёп турмай келир ол да, – деди Ханипа, юйде ол-бу затха къармаша.

– Эрингден а хапар жокъмууду?

– Угъай, жокъду, – деди ол, менден кёз къарамын жашыра.

Мени соруум аны тынгысыз этгенин эследим. Баям, мен Локъманны юсюонден бир зат билип келген суннган болур эди.

Бу кезиуде юйге, башында да юзбек гыдай бёркчюгю бла, къара мыйыкълы, алтыш-алтыш беш жылы болгъан киши кирди.

– Ма, Аслан да келди, – деди Ханипа.

Аслан а, бу кимди дегенча, манга эниклеп къарады. Мен анга къолуму узатдым.

– Аслан, ма ол мен санга хапарын айтхан прокурор буду, – деп, Ханипа мени къарындашы бла танышдырды.

– Прокурор угъай, следователь, – дедим мен, Ханипаны жангылычын тюзете.

— Игиди, игиди... — деди Аслан, типиски болуп. — Олтуругъуз, жолдаш следователь.

Аш-суу къайгъылы болуп, Ханипа тышына чыкъды. Аслан бла мен стол артына олтурдукъ.

— Тютюн ичемисе? — дедим мен, Асланнга папирос узата.

— Угъай, ичмейме. Сау бол, — деди ол, онг къолун кёкюргине сала, башын да аз энишге ийип.

— Къалай турасыз?

— Жокъду хата. Турабыз.

— Кавказгъа нек къайтмайсыз?

— Да къалай эседа, мажарыш, къайталмай турабыз, — деди Аслан, бош сансыз халда.

Юиге Ханипа кирди.

— Келчи, Аслан, хоразны кес, — деди ол, женглерин ёрге къайыра.

— Къоюгъуз. Мени ючюн къыйналмагъыз, — дедим мен, адетдеча, къаты болуп.

Алай ала мен айтханнга къулакъ салмадыла. Экиси да тышына чыкъдыла. Аслан арбазда уллу къызыл хоразны къыбылагъя буруп, буюнун тартханын терезеден къарап эследим. Ханипа да аны къатында энишге ийилип, къарындашына не эсе да бир затланы айтады. Аслан да анга жууап къайтарады. Алай не затны юсунден сёлешгенлери манга эшитилмейди. Хоразны союп бошагъанлай, Аслан терк окъуна къайтып келди да, жерине чёкдю.

— Биз бир бирни танымайбыз, — дедим мен Асланнга. — Алай сени таныргъя мен бек эрттеден бери кюсеп тургъанма.

— Алай эсе, муратынга жетгенсе, — деп кюлдю Аслан, эки къолун да кенгнге жайып. Аны жарыкъ кёлллюлюгүн жарата, мен да ышардым.

— Мен сени киеуунг Локъманны юсунден толуракъ хапар билир ючюн келгенме. Андан башха жумушум жокъду, — дедим да, олтургъан жеримден къобуп, белими тюзетдим.

Сагъыш этме къояйым деп, анга сёз къошмадым. Эки къолуму да кёнчек хуржунларыма сугъуп, акъырын ары-бери айланып тебиредим. Отоуда, мени атлагъанымдан сора, бир зат эшитилмейди. Къауум такъыйкъадан сора, Аслан кёз къарамын терезеден манга бурду.

— 1941 жылда, ноябрь айда тюбегенимден сора, мен Локъманны кёргөнгөнме, — деди ол. Дағъыда бираң тынгылап туруп, былай къошду: — Сау болса, андан бери бир хапары эшитилир эди. Ит ёлгенча, бир жерде ёлген

болур. Аны хатасындан, эгечим да, мен да туугъан же-рибизге къайталмай турабыз.

– Нек?

– Эллилерибизден уялып. «Сиз сатлыкъны жууукъ-ларысыз», – деп, айып этерле, аман кёзден къарагъан-лай турурла деп къоркъама. Халкъ айыбы уа ёлюмден да кючлюдю.

Аслан мудах болду. Мен жериме чёкдюм.

– Сен манга Локъманны юсюндөн битеу билгенинги айтчы.

– Да эгечим айтхан болур. Ол айтханнга хазна къо-шар затым болмаз.

– Тап алай окъуна эсе да, айт.

– Заман кёп озгъанды, унутхан окъуна этгенме. Кав-казда немислиле bla уруш этген 38-чи армия болур эди деймө...

– 37-чи.

– Огъесе алаймы эди?.. Хау, 37-чи армия болур эди. Мен да ол армияда эдим. Душман бизни, жан-жаны-быздан къысып, артха чегиндиреди. Ставропольда къан-лы уруш этебиз. Алай немисилени тыялмайбыз. Мен болгъан аскер бёлюм Къабарты-Малкъаргъа ётеди. Душ-ман а, мычымай, ары да жетеди. Бизге артха чегинир-ге тюшеди. Туугъан элим Состар-Ташны юсю bla ётюп бара: «Юйюме кирип чыгъаргъа бир минутха эркин эт», – деп тиледим командирибизден. Ол эркин этди.

Кёзню кёзге урса кёрюнмезча, алай къарангы эди. Юйге барама. Ханипаны кёреме. Олтуруп, ушакъ эте туурогъа заман жокъ эди. Эгечиме: «Жылы носкиле, къол къапла бар эселе, бер», – деймө. Ол сайнагъа чыгъа-ды. Аны ызындан мен да чыгъама. «Сен былай тур, мен чардакъгъа чыгъып, алып тюшнейим», – дейди Ханипа. «Сен къымылдай тургъунчу, кеч къаллыкъма», – деп, чардакъгъа кесим чыкъым. Фонарик bla жарыта, уллу кюбюрню къатына бардым. Кюбюрню башын ача, аны артында бир тепген затны эследим. Аягъым bla тюртюп, эски тонну бери тартдым. Бети да чыммакъ болуп, Локъ-ман аллыма сюелди. «Нексе мында?» – деп сордум мен анга, сейир эте. «Немислиле бизни хорларыкъыла. Не затха уруш этебиз? Жан сакъларгъа керекди. Сен да бы-лайда буқъ да къял», – деди ол манга. Аны эшитгенимде, жюргегиме къама bla ургъанча болдум, Локъманны, бо-гъурдагъындан тутуп, буууп тебиредим. Ханипа келип жиляды. «Ёлтурмө», – деп тиледи. Мен, чардакъдан тю-шюп, автоматымы алыш, дагъыда чардакъгъа миндим. «Сени кибик итге ёлюм керекди», – деп, автоматны анга

бурдум. «Сора мени да ёлтюр былайда», – деп, эгечим Локъманны аллына сюелип, атаргъа къоймады. Къаным бузулуп кетдим. Андан сора мен Локъманны кёрмегенме. Хапарын да эшитмегенме, эшитирге да сюймейме.

Аслан энтта да абери къошар эсеп деп, мен бир ауукъыгъа дери тынгыладым. Алай ол жукъ къошмады. Ханипа столгъа аш салды. Ауузланып бошагъандан сора, мен Асланнга кесини юсюндөн хапар сордум.

– Ол кече алай болуп кетгенден сора, мени ишим да хазна болмады. Немислие тёгерегибизден алдыла. Пленнге тюшдюм. Бизни Германиягъа сюрдюле. Концлагерьден къачып къутулдум. Уруш бошалгъандан сора уа, юйге къайтыргъа эркин этдиле. Алай туугъан жерни кёрюрге тюшмеди. Миллетибизни Орта Азиягъа кёчюрүлгенин эшитип, бери келеме. Сурап, эгечим Ханипаны тапхан эдим, – деп бошады Аслан хапарын. Ол, кёп къыйынлыкъ кёрген адамча, ауур кючсюндю.

– Ханипаны къайда тапхан эдинг? – деп сордум мен.

Аслан, столну жыйышдыра тургъан эгечине bla маңга кезиу къарап, башындан тутуп тохтады.

– Текелиде, – деп, Ханипа къарындашыны эсine салды.

– Хау, Текелиде... – деп, Аслан эгечини сёзүн терк къатлады. – Баям, унутмай тура эсем, ол шахарчыкъ Талды-Курган областыда болур эди дейме.

– Тюздю, унутмагъанса, – дедим мен. – Анда къоргъашин шахта да болур эди?

– Хау, не эссе да аллай бир зат бар эди, – деп жууаплады Аслан, Текелини юсюндөн артыкъ бек хапары болмагъанын сездире.

Ханипа чай келтирди.

– Биз мынга юзбеклиледен да бек юйренип къалгъанбыз, – деди ол, кёк чайны пиалалагъа къуя. Кертиси bla да, чай аламат эди.

– Сиз анда, Текелиде, жашап турмай, бери, бу узакъ жерге нек кёчген эдигиз? – деп сордум мен Асланнга bla Ханипагъа, тылпыгуу бара тургъан исси чайдан урттай.

– Хауасы аман эди, – деди Аслан. – Мен ары бара баргъанлай ауругъан эдим. Аны себепли кёчюп кетген эдик.

– Бери, бу къыйыр элчикке уа, къалай тюзелип келген эдигиз?

– Ошда игиди деп эшитген эдик да, биз, аны тийресинде тохтарбыз деп, Текелиден аллай акъыл bla чыкъын эдик. Алай поездде бир къарт юзбекли: «Шёндю ачлыкъ

къысхан заманды. Андан эсе узакъ элледен бирине ба-
рыгъыз... » – деп, бизни бери алландыргъан эди.

Бу кезиуде бир юзбекли къатын келип, не эсе да бир
жумуш бла Ханипаны тышына чыгъарды.

– Соргъанны айыбы жокъду... Къатын алмагъанмы-
са?

– Угъай. Мажарып, аны да эталмагъанма, – деп ий-
менди Аслан. – Ханипа да, мен да гитчеликден атадан-
анадан ёксюзлей къалгъан эдик. Ёксюзню жюреги уа хар
заманда да такъыр болады. Кёбюсүндө да мен юйюрлю
болмай, эгечим ючюн къалгъанма.

– Да Ханипа да эрге барса эди уа... Огъесе тилеген
адам болмагъанмыды?

– Угъай, тилеген да этген эдиле. Манга къарама, бар
деп да кюрешген эдим. Алай унамагъан эди. Мени жангызы-
лай къоюп кетерге жюреги суюген болмаз эди.

Ханипа, къайтып келип, Асланны къатында шин-
тике олтурду. Мен сагъатыма къарадым. Заманы бир
да болмагъанча терк озгъанына ичимден сейирсине, же-
римден къопдум. Папирос къабындырды. Аслан бла
Ханипа, энди уа не сорлугъунг барды дегенча, манга
къарадыла.

– Мен а, Локъманны юсюнден жангы зат биле болур-
мусуз деп, сизни аны ючюн излеп келген эдим, – дедим,
къыйыны зыраф болгъан адамча, жарсып.

– Да, жангы зат билсек, бек сюйюп айтыр эдик, – деди
Аслан, къол бармакъларын чыкъырдата.

– Билип, жашыргъан иш а эте болурмусуз? – деп сор-
дум мен, ёчюлген папиросуму жангыдан къабындыра.

– Хоу бирда... Билсек, аны не жашырыр кереклиси
бар эди?! – деди Аслан, мени алай соргъаныма кёлкъал-
ды болуп. – Биз Локъманны эртте унутханбыз. Сен, ке-
лип, эсизизге тюшюрдюнг ансы, ол, он жукълап, бизни
тиюшюбүзге да кирмейди.

Мен терен сагъышха кетдим. Адамла нечик тюрлю-
тюрлю боладыла... Кавказны уллу поэти Расул Гамзатов
эсиме тюшдю. Бир жол, аны жазгъанларын окъуй, был-
лай тизгинлек тюбеген эдим: «Алгъын, дуния жаратыл-
гъанда, адамла бары да адам болгъандыла. Артдан-артха
уа аланы бир къаууму жилянлагъя, бир къаууму уа тау
къушлагъя буруулуп кетгендиле». Къалай терен магъа-
налы айтыуду ол. Бирлени кёкюрегинде халаллыкъдан
толу жюрек ура эсе, бирлени ичлери уа харамлыкъдан
толуду. Бирле жашау жолларында жарыкъ ниетлени
элте эселе, бирле уа аманлыкъны ызын ызладыла. Жер
аланы да, аланы да кётюреди. Игиле солугъан хауаны

мурдарла да жутадыла. Ахшыла ашагъан ашны аманла да ашайдыла... Бу былай нек болады деп, кёк бла да, жер бла да даулашырыгъынг келеди. Алай, не этериксе, табийгъат бизге сыйынмайды, биз анга сыйынбайз ансы...

Адам кесин сагъышлагъа бир берсе, туманда ажашханча, хайран болуп тебирейди. Мен башымы кётюрдюм, – Аслан бла Ханипа манга къарап тура эдиле.

– Болсада мен сизге Локъманны юсюндөн бир къауум зат айтыргъа керекме, – дедим мен, сабыр халда.

Аслан къалай эссе да элгеннингенча кёрюндю. Ханипа да нек эссе да башында тап къысылып тургъан жаулукъя узалды.

– Локъман сауду, – дедим мен, биягъыча, кесими сабыр тутуп.

Аны эшитгенде, Ханипаны ауузу ачылып къалды. Асланны уа, къашлары тюйюлюп, бетине огъурсуз къан чапды.

– Сора ол ит алыхъя жер башында, – деди ол, ауур кючюнүп. – Къайдады ол сатлыкъ? Мен аны ма бу эки къолум бла буварма!

– Сора шёндюге дери бош тургъанса, Локъман!.. Хау, бош сейирсинесе. Аслан а эртте ёлгенди.

– Ойнагъанмы этесиз, жолдаш следователь? – деп, ол, уллу ауузун кенгиге ачып, бети къулакъ артларына дери къызаргъынчы кюлдю. – Сора, сизни акъылыгъызгъа кёре, мен эртте окъуна жер тюбюнде чиригенме, алаймыды? Ха-ха-ха!.. Сора эгечими да менден айырып къоймагъыз. Аны да ауушханланы къауумуна жазыгъыз...

– Болду, Локъман! – деп, столну жумдуругъум бла урдум да, олтургъан жеримден къопдум. – Сен урушну кезиуюнде дезертир болгъанса. Немислиле Состар-Ташха киргинчи, ююгюзню чардагъында бугъуп тургъанса. Фашистле элни алгъянлай, сен, чардакъдан тюшюп, аланы алларында баш ийгенсе.

Состар-Ташны тийресинде баргъан сермешледе пленнеге тюшген совет аскерчилени арасында башындан ауур жааралы болгъан Асланны кёресе. Къаны бара тургъан къайынынга болушурну орунuna, аны ёлмеге къояса. Нек дегенде ол сени дезертир болгъанынгы биле эди. Ол, ахыр солууун ала туруп, сени бетинге да тюкюреди. Сен а, аны хуржунларын къармап, къагъытларын аласа. Къарангы кече болады. Башха ёлюkle бла бирге Асланны ёлюгюн да элден тышында танкаланы алларын тыяргъа деп къазылгъан терен уругъа атып басдыраса. Аны юсюндөн Ханипагъа уа жукъ да айтмайса.

Немислилеге Къабарты-Малкъарны жеринде кёп туурргъа тюшмейди. Совет Аскер аланы ызына къуууп тебирегенде, сен да ала бла бирге кетесе. Ала бла бирге Украинагъа дери жетесе. Алай фашистле, кеслери жан къайгъылы болуп айланнганда, сени ючон къайгъырмайдыла. Ала сени да, сени кибик сатхычланы да жолда, машинадан тюртюп, атып кетедиле. Нек дегенде машинагъа ала кеслери да сыйынмай эдиле. Ызларындан да чабаса, алай, къуууп, жеталмайса. Ичинги къоркъуу алады. Не этерге билмей, гузабагъа къаласа. Алай болуп тургъанынглай, Асланны къагъытлары эсинге тюшеди. Къадалып хуржунларынгы къармайса. Асланны къызыл аскерчи книжкасын кёргенде, къууанаса. Кесинги къагъытларынгы, кюйдюрюп, жокъ этесе. Ма ол минутдан башлап, сен кесинги Аслан этесе. Аны аты бла паспорт да аласа.

Айлана кетип, Днепродзержинск деген шахарда тохтайса. Заводладан бирине ишге киресе. Анда ишлеп тургъанынгда, малкъарлыланы Орта Азиягъа кёчгенлерин эшитесе да, Алма-Атагъа бараса. Органлагъа кирип, мен былай да-былай, малкъарлыма, фронтдан келеме. Жангыз эгечимден сора, адамым жокъду, аны табаргъа болушугъуз дейсе. Кёп да турмай, ала санга Ханипаны адресин табып бередиле. Сен, мычымай Текелиге: «Ханипа, мен Асланма, Алма-Атагъа жет...» – деп, телеграмма иесе.

Ханипа, аны алгъанда, асыры къууаннгандан, тёппеси кёкге жетгенча болады. Болгъанчыгъын да сатып, Алма-Атагъа келеди, жангыз къарындашын кёрюрге ашыгъып. Алай Ханипа, поездден тюшюп, сени кёргенде, аны чач тюклери ёрге турады.

«Бюгүндөн башлап, мен Асланма... сен а мени эгечим Ханипаса, аны билип къой!» – дейсе сен, апчып, не айтыргъа билмей тургъан къатынынга. «Аслан къайтады?» – деп сорады санга Ханипа, эс жыйгъандан сора. Сен а: «Билмейме», – деп жууаплайса. Алма-Атада бираз тургъандан сора, сиз анда таулула жашагъанларын билесиз. Бютюнда Состар-Ташдан да адамла болгъанларын сезгенден сора уа, экигизни да тынчлыгъыгъыз къуруйду.

«Бир кюн болмаса да, бир кюн бирле, кёрюп, танырла. Андан эсе, мындан кезиуюнде думп болургъа керекбиз», – дейсе сен, Локъман. Алай бла, кёзден таша жер излеп, бери, бу элчикге, келип тохтайсыз. Бери келгенден сора, Ханипа: «Мында бизни киши да танымайды, бирда болмаса да, эр бла къатын болгъаныбызын халкъ-

дан жашырмайыкъ», – дейди. Алай сен унамайса. Санга, къалай да этип, кесинги мурдарлыкъ ызынгы теренирик жашырырга керек эди. Алай бла, адамланы аллында эгеч бла къарындаш болуп, юйде уа эр бла къатын болуп жашайсыз. Билинип къалырбыз деп къоркъгъандан, сабий да ёсдюрмегенсиз, – Ханипа район больницаада жашырын халда юч кере къарынын кетертиргенди.

Алайды да, Локъман, бетинги ачар заман жетгенди. Туугъан журтубузну кертичи жашы, батыр совет аскерчи Темиров Асланны ауанасына бугъуп жашагъанынг боллукъду!

Локъманны бети кесеучча къаралды. Башын энишге бошлады.

– Хайда, тебире, – деп, мен къолуму аны инбашына салдым. Ол олтургъан жеринден сюймей къопду.

– Кёп заман озгъанды. Манга ке-кечгинлик берmez-леми? – деди ол, метекеча, жыйырылып.

– Аны уа билмейме. Сюдде айттырла, – дедим мен, папирос къабындыра.

СОЛДАТНЫ АХЫР ПИСЬМОСУ

Халкъыбызны туугъан жеринден кёччоргенлеринде, Зухурачыкъгъа жети жылдан атлагъан эди. Кеси да биринчи классда окъуй эди. Ол заманда аны атасы Салих урушда болгъанды.

Къазахстан тюзледе, кёчгюнчюлюкню ауур азабын сынап, оноч жылдан сора Зухура да, анасы Забитхан да туугъан эллерине къайтдыла – бири, ёсюп, ариу къыз болуп, экинчиси уа акъ кекелли болуп. Таш юйлерини башы кетип, къуру къабыргъалары сюелип тургъанларын ала кенгден окъуна кёрдюле. Экиси да ары ашыкъдыла. Бузулуп болгъанлыкъгъа, ол аланы юйор уялары, тансыкъ болгъан от жагъалары эди. Ала ары киргенде, жашил сыртлы гургунла, ары-бери къачып, хуна тешниклеге ташайдыла. Бир къауумлары уа, жерлеринден да къозгъалмай, башларын да кётюрюп: сиз кимсиз, талай жылдан бери былайгъа адам аягъы басмагъан эди дегенча, келгенлеге сейирсиниулю къарадыла. Забитхан алагъа эсин бурмады. Босагъада сюелгенлей, юйню къуру къабыргъасына къарап къалды. Кюнню бетин булут тумалай баргъанча, аны бетине да мудахлыкъ жайылды.

– Анака, нек сагъайып къалдынг? – деп сорду Зухура.

– Бизни кёчюргенлеринде, атангы сураты бу къабыргъада тагъылгъанлай къалгъан эди. Мен насыпсыз а анча жылны ичинде ол жеринде сунуп тургъанма, – деп ахтынды Забитхан. Ызы бла уа кёзлеринден жилямукъла чыкъдыла.

– Анака, биз юйюбүздөбиз! Сен а, къууаныр орунуна, жилягъан этесе...

– Кёчюрген эрттенликлеринде, атангы суратын ала кетейим деп, экинчи къайтып, юйге кире баргъанымлай, бир хурметсиз солдат, ушкогун кёкюрегиме тиреп, кирирге къоймагъан эди...

Зухураны да жюргеги такъыр болду. Кёчгюнчюлюкге дери да Салихден жаланда эки письмо алгъан эдиле. Андан бери аты-чууу чыкъмай къалгъанды. Зухура атасыны сыйфатын унутхан окъуна этгенди. Шёндю ол аны кёрсе, ким биледи, таныялмай къалыргъа окъуна болур эди. Алай Забитхан а аны сыйфатын кёс аллында тутады, жюргингинде жашатады. Алыкъа андан тюнгюлюп къалмагъанды, умутун юзмей жашайды...

Забитхан бла Зухура, ахлулары, эллилери да болушуп, бузулгъан юйлерин жангыртдыла да, ичине жыйылдыла. Бир кюн, аланы излеп, бир къабартылы киши келди. Анасы ишге кетип, юйде Зухура жангыз кеси эди.

– Сени атынг неди? – деп сорду келген къонакъ къызгъя.

– Зухура.

– Атангы аты уа?

– Салих.

– Сора мен жангылмай келгенме, – деп, къоюн хуржунундан юч миуюшлю письмону чыгъарып, къызгъа узатды. – Бу къагъыт фронтдан сизни кёчюргенлеринден сора келген эди. Мен ол заманда районда почтада ишлеучю эдим. Андан бери бу письмону сакълап тургъанма, Аллах буюруп, бир заманда иеси табылыр деп.

Зухура, юч миуюшлю письмону адресин окъуп, амалсызгъа къалды, – атасы урушдан жазгъан къагъыт!

– Ахшы къыз, мен кесими борчуму толтурдум, энди кете барайым, – деп, къонакъ олтургъан жеринден турду.

– Угъай, кетме. Мен бусагъат хычинле этип сыйлайым. Кёп турмай, анам да келир... – деп, Зухура тынгысыз болду.

– Сау бол. Бек ашыгъыпма. Къайтыргъа керекме...

– Бирда болмаса, айран иче бар.

– Айран ичерге уа боллукъду.

Зухура, гоппан бла айран келтирип, къонакъгъа берди.

— Аллахха шукур, таулу берекет жерине къайтханды! — деп, къабартылы къонакъ да ыспас этип кетди.

Ол кетгенлей, Зухура письмону ачды.

«Жанымча сюйген ариу къызыгъым Зухурачыкъ!

Бу къагъытны санга жазама. Манга артда ийген письмогъузну тюбюнде сен окъуй билгенинги юсюндөн жазгъан эдинг. Анга мен бек къууаннганма. Эндү сени атынг bla письмоланы терк-терк жаза туурма. Школда иги окъу. Мен юйге къайтыргъа, иги къызычыкъ болуп тур. Манга жарсымагъыз. Саума, эсенме! Бусагъатда Польшаны тийресиндеме. Аямай, фашистле bla сермешебиз. Кёп жазып, башынгы ауртмайым. 8-чи март байрам bla алгъышлайма анангы да, сени да... Жанчыгъым, бир зат болуп, къайтмай къалсам, сен ананга иги бола тур! Атанг Салих».

Зухураны кёз жашлары тёгюлдюле. Атасыны къагъытын ёшюнүоне къысып, кеси кесин тыялмай жиляды. Бу кезиуде анасы келди.

— Къызым, не болгъанды санга? Нек жиляйса?!

— Анакам, аначыгъым, ёмюрде сени жюргингиги къыйнамам. Сен бу дунияда бек ахшы адамса, бек огъурлу, бек ариу... — деп сыйылды Зухура.

Анасы bla къызы, Салихни письмосун алларына салып, кёп жилядыла. Кёп таралдыла. Ол къагъыт уллу урушда замансыз жутулгъан жигит солдатны ахыр письмосу эди.

Болсада ол кюн да юзюлмеди Забитханны умуту. Ол энтта да сакълайды Зухураны атасын, — ёлгүнчю сакъларыкъды ол аны!

КЪОБУЗЧУ КЪЫЗ ЖАМИЛЯ

Мурадин элибизни ийнагъы эди. Айланнган, жюрюген жери той-оюн болур эди. Мен кеси ёмюромде, аныча, уста къобузчугъа тюбемегенме. Мурадинни эски къобузу блюгюн да кёз аллымда турады. Ол аны, тобугъуна салып, узун тартып, бармакъларын аны тюеклеринде ойната башласа, эски къобузну ичинде жюз да къыз жюз да тюрлю макъам bla жырлай тургъан сунар эдинг!

Мурадинни бек сюйгени къуру къобузу тюйюл эди. Кесини жетижыллыкъ къызычыгъы Жамиляны жанындан да бек суююучу эди. Къайры барса да, къызычыгъын биргесине элтирил эди. Атасы къобуз сокъгъан заманда,

Жамиля, аны къатында олтуруп, узун кирпикчиклерин да къагъя, тыңгылагъанлай туроочу эди. Атасы арыса уа, къобузну къюонуна алып, согъаргъя кюрешир эди. Жамиля кеси да, къаяда чакъгъан гюлча, адам сукъланып къаарча, бир ариу къызычыкъ эди.

Къуатлы жай кюнлени биринде уруш башланнган хапар келди. Жарыкъ бетле мудах болдула. Мурадинни къобузу да шошайды. Кёп да турмай, ол кеси да фронтха кетди. Кете туруб'а, къызычыгъына былай айтды:

– Сен къобузгъя иги юиренип тур. Душманны хорлап, юйюбүзге-журтубузгъя сау-саламат къайтсакъ, элибизде биринчи къууанч тоюн сен этдирирсе.

– Ахшы, аття! – деп къууанды Жамиля.

Ол школгъя жюрюп тебиреди. Дерслерин да окъуй, анасына да болуша, кюн сайын къобуз согъаргъя юиренип турду.

Жылдан асламыракъ озду. Ол кезиуню ичинде Жамиля уста къобузчу болду. Алгъын къобуз артындан аны жаланда тогъай мангылайчыгъы кёрюньюучю эди. Энди уа къызыл эринчиклерине дери кёрюнеди. Ол кесин уллу къыз болгъанинга санап турады. Урушха кетгенле сау-эсен къайтханлай, Жамиля, саулай элни тепсетип, къобуз согъарыкъды. Атасын, анасын да къууандырлыкъды!

Ол аллай иги умутла бла жашай эди.

Алай аны жарыкъ умуту туманнга батды. Элге сууукъ жел келгенча, душман аскерле кирип келдиле. Эл жашауу суу къуйгъанча болуп къалды.

– Биз сизге эркинлик келтиргенбиз. Аны себепли аллыбызгъя той этип чыгъаргъя керексиз! – дегенни айтды фашист офицер.

Алай той этилмеди. Гитлерчиле, излей барып, Жамиляны тапдыла. Аны, къобузун да къолуна алдырып, юйюндөн зор бла чыгъардыла.

– Сокъ къобузунгу! – деп буюрдула анга. Жамиля согъаргъя унамады. Душман офицер, керохун чыгъарып, Жамиляны тогъай мангылайчыгъына тиреди. – Сокъ бусагъатдан! – деп къычырды ол.

Жамиля жиляды, алай сокъмады. Эллилери, тёгерекден чабып, къобузчу къызыны къорууларгъя кюрешдили. Душман аскерчиле бютюн бек чамландыла, автоматларын чыкъырдатып жерледиле.

– Бюгүн ауруп турама. Тамбла согъарма, – деди Жамиля.

Душман аскерчиле, аны айтханына бек ийнан масала да, бир кесек жумушадыла. Алай Жамиляны юйюнде

къоймадыла. Биргелерине элтип, школ класслардан бирине атдыла да, тышындан кирип салып кетдиле. Кече, душманла жукълагъан заманда, Жамиля, терезе бла чыгып, къобузун да къолуна алыш, таулагъа къачып кетди.

Ноябрьни ахыры эди. Къар да жаууп, сууукъла тутхан кезиуде къызычыкъ къайры кетгенин киши да билалмады. Къарда ызлары бла барып да кёрдюле, алай къаты жел къызычыкъны аякъ ызларын да жапхан эди...

Анасы кёп жиляды. «Охо, бир жерде бугъя туралар. Ач болса, кеси чыгътар», – деп, эллилеринин ананы жүрек ачыуун басаргъа кюрешди.

Кюнлени биринде, таулада айланнган партизанла къая дорбунланы биринде, къобузун да къучакълап, гуппуш болуп тургъан къызычыкъны кёрдюле. Эси кетип болса да, аны жаны сау эди. Партизанла терк окъуна Жамиляны тау ауушла бла тау артына – Гюржүге – аудурдула. Больницағында болуп чыкъды. Душман аны туугъан элинден къысталгъанлай а, Жамиля элине къайтды.

Кюнлени биринде урушдан Мурадин да сау-саламат келди. Жамиля, атасыны боюнуна тагъылып, къууанчын тыялмай жиляды.

– Къызым, мен, урушха кете туруп, санга айтханым эсингдемиди? – деди Мурадин анга.

Жамиля, жууап орунuna, къобузуну къолуна алыш, атасы этиучюсюча, аны узун тартып, тюекледен кюн таякълача тёгюлген ариу макъамны жая башлады...

ТОЙЧУ

Тахир гитче заманчыгъындан окъуна тепсерге итинген жашчыкъ болгъанды. Радиодан бир къыстау согъулгъан макъам эшитилсе, топал аякъчыкъларын кезиу-кезиу басып, анасыны сютюндөн тойгъан улакъчыкъча ойнакълаучу эди. Аны алай этгени атасын, анасын да бек кюлдюрюучу эди. Бютюнда бек атасы къууаныучу эди, жашыбыз фахмулу жаш боллукъду деп. Фахмулу дегени уа алай бош фахму туюйол эди. Бек аздан къалгъанда, ол Тахирни уллу алим неда космонавт болурун сюе эди. Аладан алашаны уа къулагъына алышргъа да сюймей эди.

Тахирчик, ёсуп, школгъа жюрюп тебиреди. Биричинчи, экинчи, ючюнчю классланы бешлеге бошады.

— Аперим, бала! Былай окъусанг, Аллах айтса, академик боллукъса, — деп маҳтады атасы жашын.

— Угъай, аття, мен академик болургъа сюймейме.

— Не-е-ек? — деп, къашларын тюйдю атасы.

— Мен тепсеучю боллукъма... тойчу.

— Ол а не хапарды? Бу жолдан сора, сен манга аллай затны сагъына турма. Академик болургъа сюймей эсенг, космонавт бол нeda ийнарал!

— Аття, мен кеч къала турама.

— Къайры ашыгъаса быллай бир?

— Клубха. Мен анда тепсеу кружокга жазылгъанма.

— Къой, бала, бу тепсеу-мепсеулени. Ыспассыз затла бла башынгы аурутуп күрөшме. «Кёремисиз, Ханкешаны уланы къаллай жаш болгъанды!» — деп, халкъ сени маҳтап айтырча, аллай жаш болурунгу сюеме мен...

Тахир клубха кетди. Той-оюн кружокда кёп ариу къызычыкъла, жашчыкъла бар эдиле. Аланы кёбюсю Тахирни шүөхлары эдиле. Быланы юретиучю устаз биринчи кюнледен окъуна Тахирни тепсерге хунери болгъанын сезди. Аны себепли ол, анга артыгъыракъ эс буруп, кружокдан тышында да, аны бла энчи дерсле бардырып тебиреди.

Ишни алайгъа кетгенин сезген Ханкеша, алгъынча, жууаш сёлешмей, жашына къутуруп тебиреди.

— Сен бу клубну къоймасанг, эки къулагъынгы да, юзюп, къолларынга туттурлукъма, ангыладынгмы? Ханкешаны жашы Айгъа, жулдузлагъа учаргъа керекди. Бизни элден тышында мени киши да танымайды. Сен аллай бир жигитлик этсенг а, мени атым битеу Росседе айтыллыкъды!..

Ханкеша не бек хахайлап күрөшсе да, жашын буюгалмады. Тахир сайлагъан жолундан таймады. Онунчу классны бошагъанлай, Нальчикге барып, таулу ансамбльге къошуулду. Аны аякъ бюгюп, келепен желча чулгъанып тепсегенин кёргенде, ансамбльни тойчулары да къууандыла.

Жашыны ансамбльге киргенине атасы, айхайда, ыразы болмады. Ол аны Москвада уллу окъуугъа иерге деп тира эди. Юй бийчесинден жашырын, ол ишге деп, аз-аздан жыяя, иги кесек ахча къысдырыкъ да этген эди. Энди уа аны ахшы мураты оюлду. Алгъын адамланы кюлдюре айланыучу Ханкеша энди тунтуюп айланады.

Арадан бир ненча жыл озду. Анда-санда Тахирни аты газетледе сагъыныла башлады, фахмулу тойчу дегенин айтып.

— Э киши, ёнгеленип турма да, андан эсе, Нальчикге

барып, жашыбызны къалай тепсегенине къарайыкъ. Ра-диодан да эшитгенме аны маҳтап сёлешгенлерин, – деди юй бийчеси бир жол эрине.

Ханкеша арталда ыразы түйюл эди къатыны айтхан-нга. Болсада ол аны кёлүнөн тиерге сюймеди. Алай бла, экиси да жай кюнлени бириндө жолгъя атландыла.

Ол кюнню ингиринде окъуна ала таулу ансамбльни концертине бардыла. Ханкеша тёгерекге-башха сейир этип къарай эди. «Бизни клуб а мууну къатында бош зат кёреме!» – деп, ичинден ахтынды.

Концерт башланды. Къанкъазлача тизилишип, той-чула сахнагъа чыкъгъанда, залда олтургъанла, орунла-рындан туруп, къарс урдула. Жаланда Ханкеша къалды жеринден тепмей, къарс да урмай.

Концерт зауукълу концерт эди. Кёбюсүнде, Тахир сахнагъа чыкъгъаны сайын, залдан: «Аперим, Тахир!» деген къууанчлы ауазла эшитиле эдиле.

Концерт да бошалды. Залдагъыла, кете туруп: «Къа-лай залим тепсейди ол Тахирчик! Аны ёсдюрген ата-анагъа минг маҳтау болсун! Аллах ёмюрлерин узакъ этсин!» – деп бара эдиле. Аны эшитгенде, Ханкешаны мангылайы жарыды. «Эй жамаат, ол жашны мен ёсдюр-генме!» – деп, битеу бары да эшитирча къычырлыгъы келди. Болсада алай да эталмады. Бурулуп, юй бийче-сини бетине къарады. Аны кёзлеринден, кезлеу сууча, тап-таза жилямукъла саркъа тургъанларын кёрдю.

– Хар зат да тапды, хар зат да игиди, – деди анга Хан-кеша.

Насыплы ата бла ана Нальчикден юйлерине, кёллери кётюрюлюп, ойнай-кюле къайтдыла.

МЕН ТЕРС БОЛГЪАНМА

Сагъыт школчу артмагъын да инбашына тагъып, юй-ден чыкъгъанда, атасы арбазда:

– Къарт гяуур, сени, ит сунуп, арбазда тутхан мен те-лиме!.. Къуруп кет мындан!.. – деп, къарт парийлерине къутура тура эди.

Парий да аны аллында буюгъуп, иесини кёзлерине жалынчакъланып къарай эди.

– Аття, не болгъанды? – деп, тёртюнчю классха жю-рюген Сагъыт атасына тынгысыз болуп сорду.

– Болуб’а не болгъанды – къара къоюбузну бёрю къу-тултуп турады. Итибиз барды деп, мынга ышанмасам, кече, чыгъып, кесим къарай турлукъ эдим...

– Аття, Бойнакъыны терслиги болмаз. Къара къоюбуз-

ну тынчлыкъызылдыгъын кесинг билесе... – деп, жашчыкъ итни акълады.

– Угъай, бу къартайгъанды. Ашагъандан bla жукъла-гъандан сора, башха затха жарамайды. Аны себепли муна къыстаргъа керекди, – деп, Хажос къолунда таягъын ёрге кётиордю.

– Угъай, аття, тилейме, къыстама, – деп жалынды Сагъыт. Алай атасы бек къызып эди да, жашыны ти-лeginе да къарамай, итни арбаздан къуууп чыгъарды. Бойнакъ, жабагъылы къуйругъун да эки арт бутуну ортасына къысып, сынчыкълагъан да эте, орам bla ёрге къыллиу-къыллиу эте кетди..

– Бойнакъ, Бойнакъ!.. – деп, жашчыкъ аны ызындан чапды, алай ол ызына бурулуп да къарамады.

Сагъыт, жюрги къыйнала, школуна кетди.

* * *

Бойнакъ элден чыкъды да, таула таба айланды. «Битеу жашаумда иеме къуллукъ этдим. Энди уа къартлыгъыма ол мени къыстады да ийди...» – деп, къарт парий ичинден кюе эди. Кёзлеринден жилямукълары да тана эдиле. Бу жол да анга къара къойну хатасы жетди. Ол къанбузукъ хайыуанды. Талай кере тас болуп, алай табыла тургъанды. Ол тас болгъан сайын, аны Бойнакъ излеп табыучу эди. Бу озгъан ингирде уа бирси къойла бла бирге Хажос аны баугъа ургъанын Бойнакъ кеси кёзлери бла кёрген эди. Тангнга уа жокъ болду да чыкъды. Хажос аны ючюн къызгъанды парийге, къойну бёрюгө алдыргъан сунуп. Алай ол жангылгъан этгенди. «Баугъа бёрю секирсе уа, не къарт болсам да, мен сезерик эдим аны. Мен сезмесем да, къоншуда башха итле сезер эдиле...» – деп, ичинден улуй бара эди Бойнакъ.

Бара кетди да, онгсуз болуп, бир уллу ташны ырбынына къысылып къалкъыды. Уянып къараса, къарангы бола тура эди. Бу кезиуде, къайдан чыкъды эсе да, Бойнакъны кесине ушаш, бир къарт бёрю тюзда аны аллына келди. Экиси да бир бирге гырылдашдыла. Алай эте кетип, экиси да сууудула.

«Мен сени таныдым, – деди къарт бёрю. Сен мени кёп кере къуугъанса малла къыйырындан. Энди уа!..» «Энди уа не?» – деп сорду анга Бойнакъ. «Ач болуп тургъанымлай тюбединг», – деп, къарт бёрю тишлерин къыжылдатды. «Ач а мен да болгъанма...» – деп, Бойнакъ жатхан жеринден кётиорулду.

Бу кезиуде бёрюню кёзлери аралып къалды. «Не кёр-

дунг?» – деп сорду анга Бойнакъ. «Къой! Къара къой!» – деп, бёрю, асыры къууаннгандан, аякълары bla жер тырнады. Бойнакъ да кёрдю къара къойну. «Экибизни да тойдурлукъду ол. Кел...» – деп, бёрю къой таба тебиреди. «Угъай, шуёхум, анга тиерге жаарыкъ тюйюлдю. Ол мени иеми къоюду», – деп, Бойнакъ бёрюнү аллына сюелди. «Сен а тели кёреме!..» – деп, бёрю парийге тишлерин ачып гырылдады. Андан экиси да талашып башладыла. Кёп талашдыла. Бир бирни, къабып, халек этдиле. Экисини да къанлары саркъя, къарыулары таркъайып, жерге сойландыла.

* * *

Экинчи кюн ыйых кюн эди. «Кел, аття, Бойнакъны излеп табайыкъ», – деп, Сагъыт атасына кёп жалынды. Хажосну жаны ауруду жашына.

Ала Бойнакъны къоншуларындан гитчечиклей алгъян эдиле. Ол заманда Сагъытха эки жыл да болмай эди. Ала бир арбазда, бир бирни ойната, бир бирни ийнакълай, алай ёсгендиле. Сагъыт, школдан къайтып келип арбазда итлерин кёргөндөнде, жилярыгъы окъуна келген эди. Арбаз да, юй да анга къалай эсе да, иесиз къалгъан журтча кёрюннеген эдиле. Бойнакъга асыры жарсыгъандан, кече жатхан жеринде бурула-сытыла, казна жукъламай чыкътгъанды тангнга.

Атасы, жашыны мудахлыгъын эслегенлей окъуна, билген эди Бойнакъ ючюн ёнгелегенин. Сагъыт жалынып тохтагъандан сора, Хажос тёзалмады. Жашы да, ол да къарт парийлерин излерге кетдиле. Хажос кёрген эди парийни къалай ары кетгенин. «Бойнакъ, Бойнакъ!..» – деп, кезиу-кезиу къычыра, ала тауланы къыздырдыла. Бир заманда ала, бир ташлы тыгъырыкъда кюте тургъан къара къойларын кёрдюле. Экиси да сейирге къалдыла. Къой да, алана кёрюп, мен мындана дегенча макъырды. Ала анга жете баргъанлай, ташла арасында, жерге сойланып, ёлюп тургъан къарт парийни bla къарт бёрюнү кёрдюле. Сагъыт, бара барып, Бойнакъны къатында тобукъланып, аны башын сылады. Ол кёзлерин ёрге кётюргенде, атасы жашыны бети bla энишге саркъып баргъан жилямукъланы кёрдю.

– Мен терс болгъанма, – деди Хажос, Сагъытны къоюнунда къысып.

Бир чунгур жерчик табып, атасы bla жашы Бойнакъны анда асырадыла. Сора, къара къойларын да алларына сюрюп, юйге атландыла.

ФАЗИКА

Хажибекирланы къашха ийнеклери тюзда кесине ушаш бузоучукъ табады. Анга юйдегилени барысындан да бек Фазикачыкъ къууанады. Ол алгъын ийнек оруннга хазна кирген да этмеучю эди. Энди уа андан чыкъмай къалгъанды. Школдан келе келгенлей, портфелин ундурукъ юсюне атып, халжаргъя ташайып кетеди. Бузоучукъну мангылайындан, аркъасындан сылаучуду, боюнундан къучакълап ийнакълаучуду. Гинжи бла ойнагъанча, бузоучукъ бла ойнарыгъы келгенлей турады.

— Фазика, дерслеринги окъу! Ауузланнган да эт! — деп, анасы къызын баудан зор бла чыгъарыучуду.

Билмей тургъанлай палах келди. Бузоучукъ къыйын ауруп къалды. Кюнден-кюннге аны халы осалдан-осалгъя кете тебиреди. Баласыны ауругъанын сезип, ийнек да тынгысыз болду. Сау этип къоярыкъча, бузоучукъну аямай жалап кюреше эди. Бир-бирде уа, Аллахдан болушлукъ тиlegenча, жухун кёкге буруп мёнгюрдей эди. Алай этгенинде, кёзлеринден жилямукъла да келе эдиле.

Жилямукъла Фазиканы кёзлеринден да саркъа эдиле. Ол, бузоучукъгъа къалай болушургъа билмей, гузаба эте эди. Эмизик бла сют ичирип да кюреше эди. Алай бузоучукътирилмей эди.

Фазиканы атасы, мал доктор излеп, районнга къууулду. Ол, докторнұ табып, аны алыш келгинчи, бузоучукъ ёлюп къалды. Фазика бушуулу болду.

— Сен жюргегинги инжилтип турма. Къашха ийнегибиз энтта да табар бузоучукъ... бүтюнда ариучукъ, — деп, атасы бла анасы къызычыкъларын жапсардыла. Талай заман озгъандан сора, къызычыкъ алгъыннгы халына келе башлады. Бетинден мудахлыкъ да кетди. Алай, къашха бузоучукъну ачыуу аны жюргегинде, жара тапча, тырмы болгъанлай къалды...

Фазика онунчу классны да бошады. Нальчикге окъургъя атланды. Ол доктор болургъа сюйгенин къуруда айтып туруучу эди. Атасы бла анасы да анга ыразы эдиле. «Къызыбыз доктор болса, ол бизни кийик сауэттер!» — деп, тохтамай, къууанчлы болуп туруучудула ала. Аллах айтса, энди алана ол умутлары толургъа алай кёп къалмагъанды: башы-аягъы да беш-алты жыл! Андан сора Фазика доктор боллукъду.

Фазика Нальчикге кетди. Экзаменлени берип, окъургъя кирди. Жылла дегенинг терк окъуна ётдюле да кетдиле. Фазика, окъууун бошап, туугъан элине къайтды.

Атасы бла анасы къурманлыкъ этдиле. Хажибекир кеси ёмюрюнде ол күнчя къууанчлы болмагъанды. Ойнагъанмы этесе – жангыз къызы доктор болгъанды! Энди ол элде саусузлагъа багъарыкъды. Къызыны юсю бла эндиганы даражасы бютюнда кётюрюллюкдю. Анга ыспас да этерикдиле, быллай ахшы къызы ёсдюргени ючюн. Ма Хажибекир ол затлагъа къууана эди. Ол къурманлыкъ-гъа жыйылгъанлагъа: «Энди, Аллах айтса, кесибизни докторубуз барды. Аурусакъ, къоркъмазча болгъанбыз. Анга барыбыз да къууаныргъа керекбиз», – деди.

– Да биз аны несине къууанайыкъ, – малла къууансынла анга, – деди стол артында олтургъанладан бири.

Адамла шошайдыла. Хажибекирни къууанчлы бети, мыдыхы ёчюле баргъан от жагъача, къарангы тарта башлады. Къалын къашлары тюйюлюп, аланы орталары бир бирге жетип тохтадыла. Хажибекир алгъындан да эши-те-эшите туруучу эди, Фазика мал докторгъа окъуйду деп. Алай ол анга бир заманда да ийнанмагъанды. Безиреучюле безиреп айтхан сунуп къойгъанды. Алай безирегенни да безиреген биледи. Къурманлыкъны юсюнде, халкъгъа эшитдирип, аллай болмачы затны айтмакълыкъ адепсизлик эди.

Хажибекир теберге да бир болду, алай, акъылы хорлап, кеси кесин тыйды. Тыйгъан бла да къалмай, зат эшитмегенча, зат да болмагъанча, кесин алай кёргюзтюрге кюрешди. Насыра Хожаны хапарларындан бир экисин да айттып, адамланы кюлдюрюр умут этди. Алай хазна ышаргъан адам болмады. Сора Хажибекир, узун тартып, жыр айттып башлады. Ол Огъары элде бек айтхылыкъ жырчыладан бири болуучу эди. Алай бу жол, аны кеси къууанчында, жырлагъан жыры къалай эсе да мутхуз эштилди. Анга адамыча эжиу да этмеди. Стол артындан бирим-бирим къобуп, къонакъла юйлерине чачылдыла. Тыш адам къалмагъандан сора, Хажибекир къызын ич отоугъа чакъырды.

– Фазий, бу не хапарды? Сен, бизден букъдуруп, башха окъуунуму окъуп келгенсе?! – деп сорду.

Къыз тынгылауну ииди. Хажибекир аны халындан ишни болушун ангылады. Жюргеги къаты къыйналды.

– Мени да, анангы да бетлериbizни жойгъанса элли-лерибизни аллында. Ким кёргенди таулу тиширыуну мал доктор болуп? Къалай айыплы иш этгенсе сен!..

– Аття, тилеме, кечгинлик бер, – деп жалынды Фазика атасына. – Эсингдемиди ол къашха бузоучугъубузну ёлгени?.. Ол күн мен ант этген эдим мал докторгъа окъургъа...

Бир талай жыл озду. Фазика иши бла маҳтаулу болду. Аны хайрындан, колхозну маллары да, иели малла да ауруу сынамай айныдыла, кёбейдиле. Къызыны юсюнден алгыш сөзлени эшите, Хажибекир да жангыдан жашау кёллю болду.

БОЛГЪАН ИШ

Жангы жылны ингиринде бир антлы тенгим мени къонакъырда чакъырды. Ары барып, ызыма айланнагымда, кече арасы болгъан эди. Шахарны орам чыракълары ариу жана эдиле. Жабалакъландырып жаутгъан жабышмакъ къар аланы жарыгъында кёкден кюмюш ахчала жауа тургъанча кёрюне эдиле. Жел да жокъ, тёгерек шош. Автобус тохтауучу жерде тёрт-беш адам сюеледи. Ала да, менича, къонакъырда барып кечик-геннге ушайдыла.

Бир заманда орамны ары жанындан ит сыйыгъяны эшитилди. Сыйыгъян деп да угъай, тюз да тиширыу жилягъанча алай эте эди. Мынга не палах болгъан болур деп, мен ары бардым. Къаrasам, бир тиши ит, башы ачылып тургъан бир канализация къуюну тёгерегине айланып, гузаба эте эди.

Ит асыры къайгъылыдан, мени эслеген окъуна этмеди. Къуюдан кючюкчюкню сыйыгъяны эшитиледи. Ишни болушун ангыладым: ит, кючюгюн къуюдан къатлай чыгъарьргъа билмей, андан сарнап кюреше эди. Мен юсюмде тонуму тешдим да, аманны кебинден, къуюгъа тюшдюм. Къалтырауукъ тийип тургъан кючюкчюкню къолума алдым да, ёрге узатдым. Ит аны, желкесинден къабып, къайры эсе да алыш кетди.

Мен къуюдан чыкъым да, энтта да бирле палахха урунмасынла деп, аны башын жапдым. Сора, тонуму да кийип, биягъы остановкагъа бардым. Анда киши да жокъ эди. Баям, мен кючюкчюкню къуюдан чыгъара тургъунчу, автобус келип кетген болур эди. Аны ызындан келлик улоуну сакълап тургъанымлай, орамны ары жанында бийик юйлени арасындан бир ит чыкъды. Ол, тёгерегине къарай кетип, мени таба айланды. Ол къатыма жууукълашханда, мен аны таныдым. Ит, аллымка келип, жерге бауурланды. Къийругъун да терк-терк ойната, башын кётюрюп, кёзюме къарады, сора чурукълашмы жалап тебиреди.

– Не этесе, харип? – деп, мен, энишге ийилип, аны башындан сыладым. Ол къолуму да «уппа» этди. Мен

сейирге къалдым. Бу кезиуде автобус келди да, мен анга минип кетдим. Ит а, мени ашыргъанча, автобусну ызындан биразгъа дери чабып келди.

Андан бери кёп жыл озгъанды. Алай ол гатчаны этгени бирда эсимден кетмейди. Андан бери ийнанинганма жаныуарланы да акъыллары болгъанына.

ГЮНЯХ

Иссагъа алыхъа тогъуз жыл да толмагъанды. Ол экинчи классха жюрийдю. Иги окъуп, къарт аппасын да, атасы bla анасын да къууандырады. «Беш» алгъан кюнүонде ююне ойнакълап келиучюдю. Юйдегиле уа жашчыкъны жарыкълыгъын кёргенлей окъуна билиучюдюле аны бошдан къууанмагъанын.

Алай бир кюн ол нек эсе да школдан мудах болуп келди. Юйде Къуран окъуй тургъан къарт аппасы аны халын жаратмады. Туудукъчугъуна не эсе да бир зат болгъанын сезди. «Бешни» орунуна «юч» неда «эки» алгъан болур деп келди аны акъылына. «Охо, ауругъан этмесин ансы, анга уа тёзербиз», – деп да оюмлады ол.

Иssa портфелин стол юсюне салды да, бара барып, аппасыны къатына шош олдуруду. Алгъын ол былай этмеучю эди. Эшикден кире келгенлей, къартны боюнана тагъылып, ууакъ-ууакъ кюле, кесинин жумушакъ бетин, аны акъ сакъалына ышып, дыгъыл этдириучю эди. Аппасы, жукъ да айтмай, туудукъчугъуну башындан сыйлады.

– Аппа... – деп, Issa нек эсе да айттырыгъын жутуп къойду.

– Айт, балачыкъ, не айттырыкъ эсенг да, мен тынгылап турама.

– Ы-ы... гюняхлы ишлеге къаллай затла саналадыла?

– Да айтхан эдим да! Унутупму къойгъанса?

– Охо, энтта бир айт, – деп, Issa бурунун тартды.

– Ахшы, алай эсе, – деди да, къарт гюняхлы ишлени санады. – Сабийге бек уллу гюнях – атасыны bla анасыны айтханларын этмей, аланы жюреклерин къийнагъанды. Билемисе, балачыкъ, Къуранда айттылгъаннга кёре, уручулукъ да бек уллу гюняхды. Аракъы, тютюн ичген да гюняхлы ишледиле. Къуран керексиз маҳтанчакълыкъны bla асыры ёхтемликтин да унамайды.

Муслийманла ислам динни адетлерин сакъларгъа керекдиле. Акъылбалыкъ болгъанлагъа намаз этиу, ораза

тутуу – борчду. Сант, сылыкъ сёзле айтхан да уллу гюняхды. Тенглеринге bla шүёхларынга харамлыкъ этсенг да, гюняхлы боласа. Бютюнда уллу гюнях а ёксюзлеге хыянатлыкъ этиудю. Ёксюз сабийге тюбесенг, анга бек иги болургъа кюреш. Тююшгэ да къатышма.

Билемисе, балаачыкъ, адамны аманлыкъ ишлерин Уллу Аллах кеси кёрюп турады. Ол, Къыямат Күнде, гюняхлыланы, бир жанына жыйып, жаханимге иерикди. Жаханим дегенинг а аман затды. Аны себепли, адам осал ишледен кесин сакълап туурргъа керекди.

– Ётюрюк айтхан а гюняхха саналмайды да?! – деп, Иssa нек эсе да къууанып окъууна сорду.

– Ётюрюкмю дейсе?! – деп сейирсинди къарт. – Балаачыкъ, ётюрюк айтхан а бек уллу гюняхды. Биреуге ётюрюк айта эсенг, сен аны, шайтанча, алдагъян этесе. Алдаучуланы уа Аллах сюймейди.

Иssa, башын алгъадан да бек энишгэ ийип, бютюнда бек мудах болду.

– Балаачыкъ, халынга къарайма да, сен, ётюрюк айтып, кимни эсе да алдагъаннга ушайса, – деди къарт.

– Хау, аппа, – деди Иssa, жилярыгъы келип.

– Алай эсе, осал иш этгенсе. Кимге ётюрюк айтханса?

– Устазгъа... – деди жашчыкъ, кёз жилямукъларын женги бла сыйпай.

– Не айтып алдагъанса устазынгы?

– Юйге берилген дерсни этмей баргъян эдим. Ол а нек этмегенсе деп соргъанда, ауругъян этген эдим дегенме. Билемисе, аппа, алдайма деп да айтмагъян эдим, къалай эсе да ауузума тюшүп къалгъян эди.

– Терслигинги ангылагъян эсенг, хата жокъду, балаачыкъ. Терслигин ангылап, тобагъа къайтханланы Аллах кечеди.

– Алаймыды?! – деп жарыды жашчыкъ.

– Алайды, балаачыкъ, алайды. Тамбла, школгъа барсанг, устазынгдан кечгинлик тиле. Ма кёрюрсе, аркъянгдан бир ауур жюк кетгенча болмасанг!

Экинчи күн Иssa школдан жарыкъ да, къууанчлы да болуп къайтды. Ол къарт аппасы айтханча этгенди. Жюргине ырахатлыкъ да, женгиллик да киргенди.

ЁКСЮЗ

Шамса bla Роза, эрттен сайын эл клубну къатында түбешип, школгъа бирге барыучудула. Бириңчи классдан окъууна экиси да бирге, бир партаны артында олтурадыла. Шёндү ала ючюнчю классха жюрийдюле...

Ноябрь айны туманлы сууукъ кюнлеринден бири эди. Хар заманда этиучюсюча, Роза, аркъасында да портфели бла, эл клубну къатына чабып жетди. Шамса уа алыкъа келмей туралады. Сакълай кетип, сууукъсуралды Роза. «Нек келе болмаз? Огъесе уа менсиз кетипми къалгъан болур?..» – деп сагъышланды ол. Алай Шамса аны къююп кетмезлигин а ол ахшы биле эди. Болсада, ким биледи деген арсарлыкъ жюргине кирип, школгъа къуулуп кетди. Ол ары къонгуроу урулгъаны бла тенг жетди. Классына ашыгъып кирди. Алай кеслери олтуруучу партаны артында Шамсаны кёрмеди. Устаз да келди классха.

– Ким бар, ким жокъ? – деп сорду ол.

Роза жеринден турду, – ол бюгүн дежурный эди.

– Нек эсе да Шамса келмей туралады, – деди къызчыкъ.

– Да сен къалай билмейсе да нёгер къызынгы нек келмегенин? Дерследен сора, юйуне барып, соргъян эт. Ким биледи, ауруп иш къалгъан эсе уа, – деди устаз.

Шамсаны келмегени Розаны къайгъылы этди. Ол ёксюздю. Атасы бла анасы авария болуп ёлгендиле. Жаңызлай къалгъан къызчыкъ энди атасыны къарындашы Къанбатырны юйунде жашайды. Алай аны анда тынчлыгъы жокъду. Къанбатыр эл таныгъан ичгичиди. Ол бек ичген кюнүндө аман къылыкъла этиучюдю. Юйдегилери, андан къачып, къоншулада бугъуучудула. Шамса уа Розалагъа къачыгъучуду. Къанбатыр Шамсагъа къол да жетдириуучюдю. Аны элде кёпле да биледиле.

«Ёксюзню түйген угъай, анга къынгыр къарагъан окъуна уллу гүняхды!..» – деп, кёпле уялтыргъа кюрешгендиле аны. Розаны атасы Ахмат а бир жол Къанбатыр бла жагъалашхан окъуна этгенди, ёксюз сабийге хыны болгъаны ючюн. Алай Къанбатырны киши да къаматалмагъанды.

«Бу жол да андан бир палах чыкъгъан болур ансы, Шамса школгъа келмей къаллыкъ түйюл эди...» – деп, Роза ичинден къайгъылы болуп олтура эди партагында. Устазны айтханлары окъуна хазна къулагъына кирмей эдиле, тенгине асыры жарсыгъандан.

Дерсле бошалгъанлай, Роза, юйуне да къайта турмай, тюзүнлей Къанбатырлагъа барды. Ол эшикден ары киргендилей, Шамса аны къучакъылап, кеси кесин тыялмай жиляды. Къызчыкъыны къаш башы, кёбүп, къара кесеу болуп туралады.

– Не болгъанды, Шамса, санга?.. – деп, Роза, тёзалимай, тенг къызы бла биргэ кеси да жиляды.

– Тюнене ингирде къызыгу шорпасы бла табақъны къолумдан тюшюрүп сыйндыргъанмада, Къанбатыр... – Къызчыкъ андан ары жукъ айталмай къалды, асыры журек-сингенден.

– Кел бизге, – деп, Роза аны билегине жабышып тохтады.

Ала экиси да юйден чыкъдыла. Халжарда маллагъа къарай тургъан Абидат – Къанбатырны юй бийчеси:

– Шамса, къайры бараса? Алай тохта! Бу кюйюнг бла адамла кёрселе, не айтырыкъдыла? – деп, къызчыкъны тыяргъа кюрешди. Алай Роза да, Шамса да, бир бири къолларындан тутханлай, чабып кетдиле.

Розаны атасы бла анасы Шамсаны халын кёргенде, ахлары кетди.

– Неболгъанды санга? Жыгъылгъанмы этгенсе?.. – деп, ала къызчыкъ журеклеринден жарсыдыла.

Шамса, Розаны анасы Айшатны ёшюнүне къысылып, жангыдан жиляды, сыйылды. Роза уа болгъан ишни атасына бла анасына айтып ангылатды.

– Балачыгъым, жанынга болайым... – деп, Айшат кёлю тола, Шамсаны баууруна къысады. Кеси анасыны жылыуун тапханча, ёксюз къызчыкъ аны къоюнуна бютюн бек къысылып, кёс жилямукъларын тёкдю.

– Аллахчю, мени къистамагъыз... – деп журексинди Шамса.

– Алай нек айтаса, жанчыгъым? Бизни бла жаша. Роза бир къызым, сен экинчи къызым, – деп, Айшат ёксюзню жапсарды.

Ахмат, бет къаны да тюрленип, тышына тебирени.

– Э киши, къайрыса? – деди юй бийчеси анга.

– Къанбатырны бу мурдарлыгъын кечип къояргъа жаарарыкъ туююлду.

– Угъай, угъай! Анга teng болуп кюрешме. Ол келепенди!

Ала алай даулаша тургъанлай, кёзлерине да къан чабып, ары бла бери сюрюше, Къанбатыр кирип келди.

Ол Шамсаны, чууунундан тутуп, биргесине алып кеттерге умут этди. Ёксюз къызчыкъ, кесин артха тартдырып, дыгаласха къалды.

– Тийме Шамсагъя! – деп, Ахмат Къанбатырны аллына сюелди.

– Мени къарындашымы къызы бла сени не ишиңг барды?! – деп кюкюреди Къанбатыр.

– Сени къарындашынгы къызы эсө, мени уа антлы тенгими къызыды! Шамса энди бизни бла турлукъду. Ол кеси алай сюеди!

Къанбатыр ачыуланды, къызынды, Ахматха керилди. Къаугъагъа тийре жыйылды. Аллахны налатын берип къыстадыла.

Алай бла, Шамса Ахматланы юйюрде къалды. Роза бла ол энди, эгиз къызчыкълача, бир бирден айырылмайдыла. Шамса Айшатха «анам» дейди, Айшат а анга «къызым» дейди. Ёксюз балачыкъыны хар къууаннганын кёргенлери сайын, Ахмат бла Айшат да къууанадыла, дунияда бир насыплы адамлача!

«ОНБАРМАКЪ...»

Зулейхачыкъыны билюп бек къууанчлы кюню эди. Ол биринчи классны бошагъанды. Энди уа нёгерчиклери бла бирге Нальчикге экспурсиягъа тебирегенди. Кюн, асыры ариудан, шаудан суугъя ушайды. Жер да жашилленипди. Биринчи классны бошагъанланы экспурсиягъа устазлары Халимат элтеди.

– Балачыкъ, автобусдан тюшгенде, орамдан ётгенде да, бек сакъ бол... – деп, Зулейхачыкъын къаты эсгертилие аппасы, геллясы да, жаш анасы бла жаш атасы да.

Автобус кетди. Сабийлерин ашыра чыкъгъанла, ич тынгысызлыкъларын ышарыулары бла жашыра, юйлериине чачылышдыла. Зулейхачыкъыны аппасы бла геллясы да, автобус кетгинчи къууанып туруп, автобус кетгенлей а къайгъылы болдула. Аланы къызчыкълары, бу жол болмаса, къатларындан кетмегенди. Бек узакъгъа баргъаны школ болгъанды. Угътай, угътай... бир жол атасы аны машинада эл къыйырына да элтген эди. Зулейхачыкъыны бек узакъ жолоучулугъу ол болгъанды. Энди уа Нальчикге урду да кетди!

– Я Аллах, сау къайтынла балачыкъла, – деп, ичлеринден тилек тилей, Зулейхачыкъыны ахлулары да юйлерине келдиле. Жаланда атасы кесини жюк машинасы бла ишине кетди.

Экспурсиягъа кетген сабийле ингирде, сау-эсен, элге къайтдыла.

– Не кёрдюнг Нальчикде? – деп, ахлулары Зулейхачыкъыны тёгерегинден алдыла.

– Мен анда аллай сейирлик затла кёрдюм!.. – деп, Зулейхачыкъ тамаша болуп айтды. – Билемисиз, бир уллу автобус кёкде темир чыбыкълагъа къоллары бла тагъылып бара эди! Кесине да трам туз дей эдиле...

– Трам тузму?! – деп сейирсиндиле ахлулары.

– Хау...

— Трам туз угъай, троллейбус дей болур эдиле? — деди атасы, кюллюгюн тыялмай.

— Билмейме, атты. Манга алай эшитилген эди...

— Алайды, алайды. Балачыкъ эшитгенича айтады, — деди аппасы, Зулейхачыкъгъа кёл этдирип. — Андан сора уа не кёрдюгюз Нальчикде?

— Андан сора уа бизни заправка деген бир сейирлик жерге элтдиле. Анда уа дунния бла бир жаныуар! Бёрю да бар эди!.. Пил да! Сора бир уллу маймул бла бир гитче маймулчукъ!.. Кеслери да тюклюле!..

— Къызым, ол заправка болмаз эди. Сиз, баям, зоопаркга баргъан болур эдигиз, — деп кюлдю анасы.

Анга къошуулуп, геллясы бла атасы да кюлдюле.

— Тынчыгъыз, балачыкъгъа хапарын айтмагъа къюнгъуз, — деди аппа, сакъал тюбюндөн жашырын ышара.

— Андан сора устазыбыз бизни онбармакъ деп бир уллу тюкеннеге элтгенди. Ах, сиз аны бир кёрсегиз эди! Аны ичинде болмагъан зат жокъ эди. Телевизорламы дайсе, илляуламы дайсе! Марожна окъуна бар эди!

— Онбармакъ деп универмагга айта турады бу, — деп, аппасы дагъыда кюлдю. Алай, Зулейхачыкъ аны кюлгенине артыкъ эс бурмады. Жыйирлыкъчыгъыны гитче хуржунчугъундан жвачкачыкъла чыгъарды да:

— Ма быланы сизге саугъагъа алгъанма, — деп, хар бирине бирерин юлешди.

— Ай, сен сай ёсгюн, саугъалы болгъун!... — деп, ала аппа ыспас этдиле.

— Устазыбыз бизге дагъыда бир уллу юйню кёргюзтген эди, орунберсе деп. Аны алай кёп терезелери бар эди! Аллында уа тёгерек чигинжиле сюелип. Онуңчу классны иги бошасагъыз, бери келип, мында окъурукъсуз дегенди устазыбыз.

— А-а-а, университетни хапарын айта турады бу, орунберсе деп.

— Оллахий, бек тюз айтады. Орун бермеселе, анда къалай окъурукъса, ы? — деп, аппасы къызычыкъны, къюнунда алыш, тобукъларына олтуртду. — Айт, балачыкъ, айт. Кишини кюлгенине да къарама. Андан сора уа не кёрген эдигиз Нальчикде?

— Акъ цоюнну да кёрген эдик. Анда гитче машиначыкъла да, атчыкъла да, самолётчукъла да, къыллаучала да бар эдиле. Бир уллу чарх а шинтиклери бла тёгерек бурула эди. Биз ол шинтиклеге минип учхан эдик. Анда сабийле бек кёп эдиле. Уллула да бар эдиле.

— Ол акъ цоюн угъай, аттракцион болур эди, — деп ышарды атасы.

– Не да болсун, аття, сен мени ары элтирсе. Мен ол тёгерек чархха энтта да минеригим келеди.

– Сёзлени тюз айтыргъа юйренсенд, элтирме, – деди атасы.

– Ол бек тюз айтады хар сёзню да. Нальчикге жангыз да бир баргъанлай, къаллай бир сёзге юйренип келгенди! Аперим балачыгъыбызгъя! – деп, аппасы Зулейхачыкъны кёкюрегине къысып ийнакълады.

Къызычыкъ ёхтем болду.

ТЕРСЛИК

Эки ахшы жашчыкъ – Аслан bla Хаким – гитчеликден окъуна бир бирлерин къарындашлача сюйген тенгле болгъандыла. Школгъа да бирге барып, бир партаны артында олтуруп окъугъандыла. Юйлеринде бахчагъа, маллагъа да къарап, къолларындан келген жумушдан артха турмагъандыла. Жай каникулларында уа, атalary bla бирге чалгъыгъа барып, дырын жыяргъа да болушхандыла.

Бир жол, школдан юйлерине къайтып келе тургъанларынлай, Хаким, кёнчек хуржунундан эки тютюнню чыгъарып, Асланнга кёргүздю.

– Не этесе быланы уа? – деп, Аслан сейирге къалды.

– Аттамдан урлагъанма. Келчи алай ары. Хуна артына барып, ичип кёрейик.

– Угъай, Хаким. Тютюн аман затды деп эшитгенме. Мен ичериk тюйюлме. Сен да ичме, – деди Аслан тенгигине.

– Аман эсе, мени аттам нек ичеди? Колхозубузну председатели да, тохтамай, букъулатханлай айланады. Тюкеншибиз Хамбий да ичеди тютюнню, – деп, Хаким къаты болуп тохтады.

Алай, ол не бек къаты болса да, Аслан тенги айтханны этерге унамады. Хаким, ёпкелеп, бир жанына бурулуп кетди. Ол заманда ала экинчи классда окъуй эдиле.

Кюн сайын Хаким школгъа ауузундан тютюн ийиси чыгъып келе тебиреди. Аслан а анга тырман этип башлады, мен сени къатынгда олтуралмайма ийисден деп.

– Къарайма да, сен чынтыы киши болургъа сюймейсе, – деди Хаким.

– Манга аллай кишилик қерек тюйюлдю, – деп кесди Аслан.

Ол кюнден тебиреп, эки тенгни арасына сууукъ-

лукъ кирди. Ала, бир бирден айырылып къалмасала да, алгъынча, бир бирге тағызылып айланғанларын къойдула. Артдан-артха Хакимни тютюн ичгени битеу школгъя белгили болду. Аны ол ишине класс жыйылыуда айып этип да кёрдюле. Устазы да урушду. Алай Хаким аман къылыгъын къоймады. Къойгъан угъай, тютюнню ачыкъдан буқъулатып тебиреди. Аслан бла уа сёлешген окъуна этмей тохтады. Жаланда, онунчу классны бошагъанларында, Аслан бла Хаким къол тутушхан эдиле, бир бирни алгъышлап.

Ол ишден сора отуз жыл озду. Аслан, узакъ жерледе аскер къуллукъда айланып, пенсиягъа да чыгъып, полковник чынлары бла туугъан элине къайтып келди. Эллилерине анга къууанчлы тюбедиле.

— Пенсиягъа къалайлыкъ бла чыкъгъанса, алыкъа сен хайт деген жашха ушайса? — деп, ахлула, жууукъла да, аны къарылуу, бёкем чархына къарап, сейир эте эдиле.

Кесин кёре келгенлени арасында Аслан школ тенгинин — Хакимни — кёргмеди. «Эндиге дери ол манга кёлкъалдымы этип турал болур?» — деп сагъышланды. Сора тенгинин юсюндөн къарт анасына сорду.

— Хаким харип болгъанды. Ол, аман ауруу жабышып, шахарда больницада жатады, — деди анасы анга.

Экинчи күн Аслан, хар ишин да къоюп, шахаргъа жол тартды. Тенги жатхан больницаға барды.

Темир ундурукъда, кёзлерин да жумуп, сазбет болуп жатхан Хакимни кёргенде, Асланнын жюргеги жаучча эриди. Ол, аны къатында шинтикке олтуруп, къолу бла мангылайындан акъырын сылады. Хаким кёзлерин ачды. Бир ауукъгъа дери ол, къатында олтургъан ким болгъанын танымай, аны бетине къарап турду. Бираzdан а, кюченип, башын жастыкъдан айырыргъа кюрешди.

— Асла-ан... — деди ол, мангылайы терлеп. Кёзлеринден а жилямукълары тамдыла.

— Не болуп къалгъанды санга, шуёхум? — деп сорду Аслан, ёню къалтырай.

— Кёресе... Барысы да тютюнню палахы. Ол жол мен терс болгъан эдим... Сен къалай иги этген эдинг мен айтханинга алданмагъанынгы! — деп, Хаким, солуун кючден бла бутдан ала, башын жастыкъгъа салды.

— Дунияда санга жаарыкъ дарман бар эсе, мен аны тапмай къоймам, — деди Аслан Хакимге.

— Сау бол, шуёхум, манга дарман жокъду. Терслик кесимдеди...

Аслан нёгерини палатасындан кёзлерини мылды тартып

чыкъды. Сабий заманларында Хаким бла бирге отуннга, дырын жыяргъа, жууунургъа барыучу кезиулерин эсine тюшюрүп ахтынды.

АРИУ САЛИЙМАЧЫКЪ

Манга бусагъатда токъсан жылдан атлагъанды. Кёрген, билгенлеримден кёп затны унутхан да этгенме. Алай ариу Салиймачыкъны бирда унутмайма.

Мен ючончю классны окъутуучу заманда, Салийма да анда окъуй эди. Аны бал бетли жумушакъ чачы буюн да кёз аллымдады. Башхаланы башлары дум-къара, Салийманы башы уа – саргъылдым. Кёзлери уа – кёмкёклө. Сейирлик субай къызычыкъ эди ол. Нёгерлери анга «ариу Салиймачыкъ» деучю эдиле. Артдан-артха мен да, алагъа къошуулуп, кёккёз къызычыкъгъа «ариу Салиймачыкъ» деп айтыргъа юренип къалгъан эдим.

Бир жол окъуучулагъа ким болургъа сюйгенигизни юсюнден хапарчыкъ жазыгъыз деп буюрдум. Ала барысы да къолларына къаламларын алдыла. Бирлери терк окъуна жазып башладыла, бирле уа сагышлы болдула. Дерс бошалгъанлай, жазгъан къагъытларын манга бердиле.

Школдан юйге келип, олтуруп сабийлени жазгъанларына къарадым. Кёбюсю докторлукъну жаратадыла. Устаз болургъа сюйгенле да бардыла. Окъуучуладан бири уа: «Мен арбачы боллукъма. Аны бла юйюбюзге бичен ташырыкъма», – деп окъуна жазды. Алай мени бек сейир этдирген Салиймачыкъны къагъыты болду. Ол, жукъ да жазмай, къагъытда самолётну суратын ишлеп къойгъан эди. «Ярабий, бу къызычыкъ лётчикликими сайлай болур?» – деп сагышмы ақъылымга жууушдурулмадым. Нек дегенде лётчиклик тиширыугъа артыкъ бек келишген иш туюлдю. Бютюнда, таулу тиширыуладан а бир заманда да лётчик чыкъмагъанды.

Экинчи кюн, дерсге келип, сабийлени жазгъанларын маҳтадым. «Энди мен, ауруsam да, къоркъмайма. Кёбюгюз доктор болургъа айтасыз!» – дедим. Ахырында ариу Салиймачыкъгъа: «Сен а ким болургъа сюесе? Жазгъанынгы иги ангыламагъанма», – дедим.

Къызычыкъ жууап бермеди. Уялып, башын энишге ийип къойду. Андан ары мен да соруп кюрешмедин.

Ол ишден сора кёп жыл озду. Мен да, пенсиягъа чыгъып, кеси элиме кёчюп кетдим. Бир жол, Алма-Ата-

да окъугъан туудугъумдан, юйдегили болургъа хазырланнганын айтып, телеграмма келди. Юйдеги да, мен да тойгъа ашыкъдыкъ. Жолгъа билет алдыкъ, аэропортха барып, самолётха миннген атлауучладан ёрге чыкъгъаныбызлай, бир омакъ стюардесса, манга баш ийип, күнча жарыды. Мен анга сейирсинип къарадым. Кесин да таныдым. «Ариу Салиймачыкъ!» – дей, аны къучагъыма къысадым. Ючончю классда, хапарчыкъ жазар орунуна, къагъытда самолёт сурат не ючон ишлегенин энди ангыладым.

– Кет аурунг, сен танымагъан жокъду. Киминг эди энди ол ариу жанчыкъ? – деди юйдеги, жерлеребизге олтургъандан сора.

Мен анга ариу Салиймачыкъны хапарын айтдым.

Алма-Атагъа да жетдик. Ариу стюардессагъа да сау къал айтып, самолётдан тюшдюк. Туудугъубуз, аллыбызгъа чыгъып, бизни жашагъан жерине алыш барды.

– Къайда келинчик? Не тукъумду? Кимди? Къайданды?.. – деп, биз жашха къадалып соруп башладыкъ.

– Тамбла кёрюрсюз, – деп къойду жаш.

Тамбласында уа аны студент тенглери жыйылдыла. Столланы да жаращдырыла. Бир заманда уа келинчики да келтирдиле. Мен аны кёргенимде, асыры сейирден bla, асыры къууанингандан, тилим айланмай къалды. Мени аллымда келиним болуп сюелген – ариу Салиймачыкъ эди!



КЮЛКЮЧЮ ЧОНАЙ



ЧАМЛА

«КЕТ, АЛЛАХ КЪУРАМАСЫН!..»

Бир эрттенликде Чонайны къатыны базаргъа къуулуп кетди. Кёп да турмай, жиляу-сыйыт этип, ызына къайтып келди. Чонайны ахы кетди.

– Не болду, къатын?! Не палах келди юйюнге?

– Ой, мен харип, мен жарлы... Жыгъылып, иегилери-ми сындыргъанма. Бу къолум буунундан чыкъгъанды. Башым да тешилгенди, – деп сынсыды къатыны.

– Кет, Аллах къурамасын сени! Мен а ахчангы урлатхан сунуп къоркъдум, – деди Чонай, мыйыкъларын ёхтем бура.

«ОЛЛАХИЙ, БИЛМЕГЕНМЕ!..»

Чонай орамда сазбет болуп айланнган бир шагъырейине тюбеп къалды.

– Аллах-Аллах, бетинг-къутунг да кетип, не аман болгъанса! Ауругъян ишми этесе? – деп сорду Чонай анга.

– Да, аурумасам, былаймы боллукъ эдим? Больница-да төрт ай жатып чыкъым, ёлемеден-къаламадан болуп. Аш орунуму жартысын кесдиле, бутума операция этди-ле, къан уюгъанды деп, ёпкелериме да узалгъандыла. Сен а – узакъ адамым тюйюл эдинг – бир сора да келменсе, – деди ол, кёлкъалды болуп.

– Оллахий, билмегенме ансы, бармай къалмаз эдим!.. Аллах айтса, экинчи жол аллай ишинг болса, барырма, – деп жапсады Чонай шагъырейин.

КЪЫЗЫМЫ БЕРЛИКМЕ

Бир жол Чонайны ийнеги тас болады. Ол аны, излей кетип, табалмагъандан сора:

– Ким ийнегими табып келсе да, жетген къызымы анга къалынсыз берликме! – деп, хапар жайды.

Къоншу элден бир чёрчек жаш, аны эшитип, Чонайны ийнегин излей чыкъыды да, он күнню ичинде, тауланы, агъачланы къыдыра кетип, ийнекни тапды да, аны Чонайны аллына сюрюп келди.

— Аллах, Аллах, Чонай, сени ийнегинги излейиме деп, халек болдум. Энди сёзюнгю толтур. Къызынгы бер, — деди ол.

— Да, гаккыбаш, мени къызыым болмагъанын билмей-мисе?! — деп жууаплады анга Чонай.

Алданнган жаш элине мудах болуп къайтхан хапарын айтып кюлючюдюле адамла.

МАНГА БОРЧЛУДУ

Кесине эрттеден окъуна он тюмен борчлу болуп тургъан бир шагъырей адамыны къыйын ауруп тургъан хапарын эшитди да, Чонай аны юйюне барды.

Эшикден кирген Чонайны кёргенлей, саусуз кёзлөрин жумду.

— Саусуз болма, жаным, — дей, Чонай аны ундуругъу-ну къатында шинтикге барып олтурду. — Не болуп къаллды санга быллай бир? Не затынгды бек къийнагъан?..

Саусузуну къатыны Чонайгъя:

— Сёзюнгю бош къоратаса. Аны къулакълары да бегитилгенди, тили да тутулгъанды, — деди.

— Эй а, юйонге, — деп, Чонай къаты жарсыды. — Не тапсыз болду, не тапсыз болду... Ахыратха борчлу болуп баргъан иги туююлдю. Къуран bla окъуна ол бек уллу гюняхха саналады.

— Мени эрим кишиге да борчлу туююлдю.

— Манга борчлуду.

— Къаллай бир? — деп, саусузну къатыны жаратмай сорду.

— Алгъя он тюменими алгъан эди, аны ызындан онжети, дагъыда алты тюмен bla беш сом, андан сора уа...

— Ол не сандырагъанынгды, Чонай?! — деп, саусуз башын жастыкъдан суху кётюрдю. — Мен санга жаланда он тюмен борчлума.

— Охо, аны эсингде тута эсенг, алыкъя хатанг жокъду, — деп, Чонай чыгъып кетди.

Хапаргъя кёре, саусузну къатыны экинчи кюн окъуна Чонайдан алгъан борчларын ызына къайтаргъанды.

АЛАЙ А КИМ ДА ОКЪУЯЛЫР...

Бир заманда Чонай не окъуй, не жаза билмегенди. Кесини бу кемчилигин ол адамладан къаты жашырып болгъанды.

Кюнлени биринде Чонай автобусха минди. Анда адам-

ланы кими газет, кими журнал, кими уа китап окъуй тургъанларын кёрдю. «Тейри, быладан артха къалыргъя жаарарыкъ тюйюлдю. Бири болмаса да, бири айып этер», – деген акъыл bla, Чонай, автобусдан терк тюшюп, остановкада киоскдан газет сатып алды. Ызына къайтып келип, бош шинтикленд бирине олтурду да, келтирген газетин жайып, кесин къадалып окъуй тургъан адамгъя ушатыргъя кюрешди.

Аны къатында ёрге сюелип тургъан биреулен:

– Багъалы жолдаш, сен къалай окъуйса? Газетни баштёбен тутуп тураса да, – деди, битеу автобусдагъылагъя эшилдирип.

Чонай бедишлик бола тургъанын сезди. Алай апчымады.

– Ай-яй-яй, сен ким эсенд да, жахил адам кёреме, – деди Чонай анга. – Газетни, тюз тутуп, ким да окъуяллыкъды. Былай тутуб’а алай кёп адам окъуялмайды, – деди.

Автобусдагъыла, сейирсинип, Чонайгъя къарадыла. Ол а, киши bla да иши болмагъанча, биягъы къолунда газетте кёзлерин сюзюп тохтады.

«СЕН ЖУКЪ АНГЫЛАМАЙСА...»

Чонай, тирменчи болуп ишлегенинде, хар тирменлик алыш келгеннеге:

– Антым, халкъны мирзеуюн тарта, кесимикин тартыргъя заман табалмай къалгъанма, – деп, тырман этип болгъанды.

Тирменде тыш адам къалмагъан заманда, къатыны анга:

– Э киши, тартыргъя бир бюртюгюбюз да болмай тургъанлай, сен хар келгеннеге алай нек айтаса? – деп сорду.

– Сен жукъ ангыламайса. Алай кибик айтмасанг, биз аланы къыйынларын ашап жашагъаныбызын сезип къоярыкъдыла, – деди Чонай, хыйла ышара.

«ЁЧЕШЕМЕ, БИЛЕ ЭСЕГИЗ!»

Чонай нёгерлери bla, бир бирге кюлкюлю хапарла айта, орамда бара боладыла.

– Тохтачыгъыз, – деди Чонай шүёхларына. – Ол анда кетип баргъан къалпакъыны кёремисиз?

— Кёребиз.

— Ма мен аны бла не саламлашхан этмейме, не сёлеш-ген этмейме.

— Не-е-ек??!

— Ёчешеме, биле эсегиз! — деп къызындырды Чонай шүёхларын.

Аны билген алагъа алай къыйын чот кёрюнмей, хар бири кесини оюмун айтып тебирени:

— Ол аман адам болур да, аны ючюн жалгъаша болмазса сен аны бла.

— Угъай.

— Сора сиз бир затны юсюнде тюйюшген этгенсиз.

— Угъай.

— А-а-а, баям, къатынынга лакъырда этген болур, я?...

— Угъай, угъай.

Нёгерлери кёп чурум айтдыла. Алай Чонай алана бириң да къабыл этмеди.

— Сора билмейбиз. Кесинг айт себебин, — дедиле.

— Ой, ангсызла, — деди Чонай, кюлюп. — Ол ким эседа, мен аны арталда танымайма. Ма олду себеби.

БОЛУРГЪА ДА БОЛУР

— Ы, маржа, заманынг бар эсе, аз кесекчикге бизге бир кир, — деп тиледи къоншусу Чонайдан.

«Тейри, муны не эсэ да бир уллу иши болур ансы, ююне чакъырычуу адам а туююл эди», — деп оюмлай, Чонай къоншуларына барды.

Къоншусу Чонайны жумушакъ диванинга олтуртуда:

— Билемисе, Чонай, мени жашым аламат жырлай биледи. Анга бир тынгыласанг эди деп чакъыргъанма сени, — деди.

— Бек ахшы, бек ахшы, тынгылайым.

Къоншусу бирси отоудан жашын чакъырды.

— Жырлачы, ауазынгы Чонай эшитсин. Ол кёпню кёрген, кёпню билген адамды. Сени фахмунга тийишли багъа бичер.

Жаш тамагъын керип жырлады. Ол бошагъандан сора, къоншусу Чонайгъя:

— Къалайды? Мен муны битеу дуниягъа аты айтылгъан жырчы боллукъ сунама! — деди.

— Тейри, аман жютю тишлери барды да, болургъа да болур, — деди Чонай.

СУУ БОЮНУНДА

Бир къызыу күн, жууунуп, эс табайым деп, Чонай суу боюнуна барды. Юлкюле ичинде таша жерге кирип, къыппа-къымыжа болду. Энди суугъя кирирге деп тургъанынлай, къайдан чыкъдыла эселе да, колхозчу къызла аны юсюне келип къалдыла. Чонай, амалсыз болуп, жерде кийимлерин сермеп алды да, ала бла... бетин жапды. Къызла, жабу-хахай этип, жан-жанына къачдыла.

Бу ишни кенгден къарап кёрюп тургъан колхозну бригадири, кюле-кюле, Чонайны къатына келди да:

— Ала, сен къызланы кёргенде, башха жеринги жапмай, жаланда бетинги жапханынг не ишинг эди? — деп сорду.

— Къалай ангыламайса сен аны? — деди Чонай. — Адамны битеу чархында, бетинден сора, уяла билген жери жокъуду.

ЗАКОННУ БУЗАРГЪА ЖАРАМАЙДЫ

Чонай милицияда ишлеп болады. Бир ингирде ол паркда низамгъя къарапгъа чыгъады. Ол анда айланы тургъанлай, бир жаш тиширыу, жиляп, аны аллына чабып чыкъды.

— Жолдаш милиционер, ол анда къачып баргъан экеулленни ызларындан къууугъуз. Ала бусагъатчыкъада мени къолумда сумкамы сыйыргъандыла. Бюгюн алгъан зарплатачыгъым да аны ичиндеди. Тилейме, терк! Къутулуп кетедиле...

— Заявление жаз, — деди Чонай сабыр халда.

— Не заявленияяды ол?

— Аланы тутар ючюн, манга основание керекди.

— Да мен санга заявление жазып бергинчи, ала думп боллукъдула.

— Ала думп боладыла деп, мен законну бузаллыкъ туююлме. Заявление жазып берсенг, анга кёре, мадар этерге кюреширбиз.

Чонайдан хайыр чыкъмазлыгъын сезип: «Болушугъуз, болушугъуз!..» — деп, хахайлай, тиширыу уручуланы ызларындан кеси къууулду.

КЕЛЕЧИЛИК

Чонай бир ингирде, сакъалын да ариу жюлюп, омакъ да кийинип, бир шагъырейлерини ююне барды. Юйдегилеме анга, адетдеча, жууукъ бол айтып, олтуртдула.

– Да, айып этмегиз, мен бу сыйлы ингирде сизге бош келмегенме. Ата-бабаларыбызын келечиге ёлюм жокъду деген акъыл сёзлерине сыйынып, ахшы умутларым bla келгенме.

Аны эшитгенлей, юйдегиле сагъайдыла. Быланы, эрге чыкъмай, юйде къялыш тургъан жангыз къызылары бар эди. Аны тилемес табылды эсе деп, юйдегиле къууандыла. Чонайгъа жарыкъ болдула. Юй тамата уа, къарап-къарагъынчы, тауукъ орундан уллу къызыл хоразны чыгъартдырып, аны сойду.

Чонайны хапарына да тынгылай, аны бек сыйлы къонакъынча сыйладыла. Ашап-ичип бошагъандан сора, Чонай айтды:

– Жаш ахшы тукъумну уланыды. Не акъылдан, не сыфатдан кем жери жокъду. Жашау къолайын да айттыр кереклиси жокъду. Ырысхысы кёпдю. Окъуучугъуда барды. Атасы-анасы да намыслы адамладыла. Аллах кеси кёреди, жууукъулукъуну къабыл этсегиз, эки жанына да ол бек огъурлу иш боллукъду. Мени къызымы аллай жаш тилемесе, кесими файгъамбар сунар эдим, антым. Алайды да, мени да жерге къаратмагъыз, ыразылыгъыгъызын беригиз да, барып, къууанчлы хапарны айттайм...

– Ы-ы, Чонай, ол кимди?.. Бизни къызыны кимге тилейсе? – деп сорду юйню иеси, киеулюкню атын, тукъум билирге суюп.

– Сизни къызынымы? – деди Чонай, сейирсинип. – Сизни къызыны мен кишигэ да тилемейме.

– Сора уа не хапар айта тураса сен?

– А-а, – деп кюлдю Чонай. – Къашхабашланы Омар жашына къатын алады да, келир ыйыкъда ол мени келишим этерге къызыны юйюне келечиликке иерикди. Мен а шёндю жарау эте айланама, баргъан ишими тынгылы къурап къайтырча.

ЖАРСЫМА

Чонай, эрттенликде ишге барыргъа ашыкъынчын къатынына сездире:

– Къуртхачыгъым, костюому тазалагъанмыса? – деп сорду.

– Хау, тазалагъанма.

– Кёңчегими уа?

– Жарсыма, аны да бек ариу тазалагъанма.

– Аперим, кишиучугъум! Чурукъларымы уа ариулагъанмыса?

— Охо! — деп, сейирсинди къатыны. — Чурукъларынгда уа хуржунларынгмы барды?

Чонай, ачыуундан, не айтыргъа билмей, къынкъмынкъ эте къалды.

ЭЛБЕР

Чонай сабий заманында элберлени бек сюйюп болгъанды. Бир эрттенликде, атасы ишге ашыгъып тургъанлай, жашы аны аллын тыыйып тохтады.

— Мен санга бир элбер айтайым, — деди ол. — Аны билсенг, классыбызда отличник болургъа сёз береме. Билмесенг а, сен манга хоккей ойнаргъа тюкендөн гулоч таякъ алыш берирсе.

— Ахшы, — деп келишди атасы. — Айт элберинги.

— Иги тынгыла. Артда, ангыламай къалгъан эдим деп, сылтау этме. Халжарда беш къой бар эди. Аладан төртюсю тышына чыгъып кетди. Халжарда ненча къой къалды?

Атасы, ат кишинегенча, уллу күлдю да, жашчыгъыны инбашындан да къагъя айтды:

— Бюгюндөн башлап, сен отличник болургъа керексе. Халжарда бир къой къалгъанды.

— Угъай, билмегенсе, — деп тохтады Чонай.

— Къалай билмегенме?! — Атасы сейир этди. — Сен бош чотну окъуна ангыламай кёреме!

— Мен ангылайма, сен ангыламайса ансы.

Атасы, ишге кеч къала тургъанын да унутуп, кёлю бла сагъышланып тохтады.

— Бешден төртню кетерсе, ненчасы къаллыкъды? — деп сорду ол, кёзүне ойнакълап къарап тургъан жашына.

— Бир.

— Тюздю... бир. Халжарда бир къой къалгъанды.

— Угъай, — деп, Чонай атасына женгдирирге унамады. — Халжарда эки къой къалгъанды.

— Сен сандырай тураса. Алай болургъа амалы жокъду.

— Барды амалы.

— Ахшы сора, мен хорлатдым. Алырма санга гулоч таякъ. Айтчы халжарда къалайлыкъ bla эки къой къалгъанын.

— Нечик ангыламайса сен аны?! Чыгъып кетген къойладан бири артха къайтхан эди.

«АНЫ НЕ СЕЙИРЛИГИ БАРДЫ?..»

Чонай, жумуш бла мал базаргъа бара тургъанлай, бир шуёхуна тюбеди.

— Ала, Къочхарбай, Аллах бергенлей, не тап тюбеп къалдынг. Заманынг бар эсе, мени бла мал базаргъа келсендэди, — деп тиледи Чонай.

— Да барайым. Не жумушунг барды анда?

— Къой алыргъа керекди. Сени малладан ангылауунг игиди. Арыгъын, семизин айыртлай билесе.

— Хау, ол жаны бла фахмубуз аман тюйюлдю, — деп, Къочхарбай Чонайны биргесине тебиреди. Ала, базарны ичин къыздыра барып, тонгузла сатылгъан жерге да жетди.

— Кел, биз былайда этерик жокъду, — деп, Чонай шуёхуну билегинден тутуп тартды. Арлакъгъа кетгенден сора, Къочхарбай Чонайгъа:

— Алан, сен эследингми, ол къыйырда къолан тонгузну манга сейирсинип къарагъанын? — деди.

— Аны не сейирлиги барды да? Бурунларыгъызын бирге ушагъанлыгъына сейирсинип къарагъанлыгъы болур эди, — деди Чонай шуёхуна.

«КЪАЙДАСА, ЖУМУШАКЪЧЫГЪЫМ?..»

Чонай бир жол юйюне бир кесек тартаракъ да болуп келди. Келе келгенлей:

— Къайдаса мени жумушакъчыгъым, ариучугъум, къоланчыгъым, топалчыгъым?.. — деп, тёгерегине къарады.

— Мен мындама, э киши, — деп сёлешди аш юйден къатыны.

— Кет, доу-доу этме! Мен киштигибизни излейме, — дейди Чонай.

«ТАНЫП КЪОЯРЛА...»

Чонай юйюне ашыгъып келди.

— Э киши, шёндюге дери къайда айланаса, мени туугъан кюнүом болгъанын да биле тургъанлай? Хайда, болуш манга столланы жаращдырыргъа. Бусагъат къонакъла келликдиле, — деди къатыны Чонайгъа, кёлкъалды эте.

Чонай, терк къармашып, алгъадан коллекциягъя деп жыя тургъан бичакъларын, алтын суу ичирилген къашыкъланы бла чанчхыланы, хрусталь рюмкаланы,

дагъыда бир къауум китапны да буқъдурду. Аны бла да къалмай, къатыныны орта бармагъындан сыйлы ташы болгъан жюзюгъон чыгъарып алыш, аны да буқъдурду.

— Э киши, не этесе? Къонакъла урларла депми къоркъаса?! — деп сорду къатыны.

— Угъай, угъай... Танып къоярла деп къоркъама, — деди Чонай.

ТИЛКЪАУ

Чонай ЖЭК-де тамата болуп ишлеген заманда, анга бир къарамыйыкъ киши келди, справка керекли болуп.

— Тукъумунг, атынг? — деп сорду Чонай.

— Бай-Бай-Байкъулланы Бай-Бай-Батыр, — деди ол.

— Сен тилкъаумуса? — деп сейирсинди Чонай.

— Угъай, мен тилкъау тюйюлме. Тилкъау мени атам эди. Ол, мени туугъан къагъытымы алама деп, ЗАГС-ха баргъанында, анда ишлеген бир жекбаш а метрикагъа атымы атам айтханча жазып къойгъанды, — деди къарамыйыкъ, кючсюнюп.

— Да артда тюзетген этсенг эди уа!

— Къайры тюзетириксе: паспорт, военный билет, партия, профсоюз билетле, ишчи удостоверения, аттестат, диплом... — деп санады къарамыйыкъ.

— Алай эсе, не этериксе... — деп, Чонай анга излеген справкасын жазып берди.

Къарамыйыкъ аны окъуду да, Чонайгъа:

— Да ЗАГС-да жазгъан «байла» азлыхъ этгенча, сен да алагъа экисин къошуп тураса да! — деди.

— Алаймы этгенме? Охо, энди аны ючюн справканы жангыдан жаза турмайыкъ. Аланы ким санап айланырыкъды, — деп, Чонай, къарамыйыкъны кабинетинден ашырды.

«АНЫ ЮЧЮН ЧЫРТДА ЖАРСЫМА...»

— Мени багъалы бийчечигим, ахырысы санга кёп ариу сёз айтырыкъ эдим да, аланы табып айталмагъаным бек жарсыйма, — деди Чонай къатынына.

— Аны ючюн чыртда жарсыма. Манга кёп ахча келтирип турсанг, ол боллукъду, — деп жууаплады къатыны.

НЕ ЭТЕРГЕ БИЛМЕЙМЕ

Бир жол Чонай, ишге бара, бир шуёхуна тюбеди.

– Чонай, нек мудахса былай? – деп сорду ол анга.

– Къатынымдан айырыллыкъ эдим да, аны атама къалай айттыргъа билмей айланама, – деди Чонай.

– Да айт да къой! – деп кёл эттирди шуёху.

– Айхай, мени юйдегили болгъанымы атам алышын билген да этмейди, – деди Чонай, ахтынып.

ТАСХА

Чонай эки тенги бла, агъач къыйырында олтуруп, шишилик да ашай, тартханчыкъ да эте, солуй боладыла. Уртлагъанлары иги татыгъандан сора, нёгерлеринден бири:

– Келигиз, бир бирибизден жашырмай, бирер тасхабызын айттайыкъ, – деди.

– Айттайыкъ, айттайыкъ. Сёз ючюн, мен директору-бузну юй бийчеси бла тослукъ жюрютеме, – деди аладан бири, мышыкъларын да бура.

– Мен а къоншубузну эки ийнегин бла бир къоюн урлап, союп, ахчасын хуржуннга ургъанма, – деди экинчиши.

– Сен а нек тынгылайса? – дедиле шүёхлары Чонайгъя.

– Билемисиз, мени бек уллу тасхам биреуню тасхасын арталда ичимде тыя билмегенлигимди, – деди Чонай, бетин тенглеринден бир жанына буруп.

АЙХАЙ...

Чонай психиатр болуп ишлеген заманында, анга прىёмгъя, таягъына да таяна, бир акъсакъ киши киргенди.

– Ненгди къыйнагъан? – деп сорду анга Чонай.

– Билемисе, доктор, мен нервныиме. Биреу бир зат айтханлай, лагъымча, къабынып къалама, айттырымы-къайтырымы да билмей. Санга келгенме, болушур эсенг деп.

– Да сен а, къабынып къалмай, кеси кесинги суутургъа кюреш...

– Ауузунгу къыс, уллу гырайт! – деп, саусуз таягъын Чонайгъя кётюрдю.

Чонай шум болду.

– Нек тынгылайса? Айт бир зат, тилинг тутулуп къалмагъан эсе! – деп ёкюрдю саусуз.

Чонай акъ халатыны хуржунундан къол жаулугъун чыгъарды да, аны ауузуна буштукъ этди.

— Айхай, хар ким да сенича акъыллы болса уа, не жарсыу бар эди, — деп, саусуз, Чонайгъя да къарай, акъсай-акъсай, кабинетден акъырын чыгъып кетди.

«БОЛУШЛУКЪ»

Быйых кюн Чонай, юйюnde диваннга олтуруп, газет окъуй болады. Юй бийчеси, суу быстыр bla полну жууа, Чонайны къатына жетди.

— Э киши, аякъларынгы ёрге кётур, — кёрмеймисе мени юй тюпню жууа тургъанымы! — деди.

— Кет, Аллах къурамасын, мен болушмай, сен бир зат да эталмайса! — деп чочуду Чонай къатынына, аякъларын полдан айыра.

«СОРА, ТЮЙМЕЙ, НЕ ЭТЕРИК ЭДИМ?!..»

Бир жол Чонайны милициягъя чакъырдыла.

— Чонай, почта ташыгуучу Адрахны алай бек нек тюйгенсе, бетинде къараптмагъан жерин да къоймай? — деп сорду анга къызылжагъя капитан.

— Ол юйюзгэ келди да, эски къара артмагъындан конверт чыгъарып, аны ёрге кётурдю. Къарапчайда сюйген къызымдан письмо келген сунуп, асыры къууаннгандан, тёппем айгъя жетгенча болдум. Хоразча секирип, конвертни Адрахны къолундан къагъып алыргъя умут этдим.

— Угъай, жигит, жырламасанг, берлик тюйюлме, — деп тохтады ол.

Жырлай билмегеними айтып ангылатыргъя кюрешдим.

— Жырлай билмей эсенг, тепсеген эт! — деди.

Тепсей билмегеними да жашырмай айтдым.

— Сора киштикча макъыр, — деп, мени амалсызгъя къалдырды.

Не этерик эдим, макъырдым аямай. Диванда узун сойланып къалкъыу эте тургъан къара къарт киштигибиз да, башын кётурюп, не этесе дегенча, манга къарады.

— Аперим, аперим!.. Фахмунг барды, — деп, Адрах, ат тишлерин да ачып ышара, конвертни къолума туттурду. Аны ичин ачып къарасам, анда уа военкоматдан повестка! Сора мен аны, тюймей, не этерик эдим?!

Милиционер, мыйыкъ тюбюнден кюлюмсюрей, Чонайны бошлады.

Экинчи күн а почта ташыучу, военкоматны арбазында сюелип турған Чонайны көрүп, таша орам бла ёрге айланып къачды. Къачып бара, къайдан эсе да аллындан къара киштик макъырып чыкъыды. Адрах бютюнда будуман болду.

ЖАРАУ, НЕДА РЕПЕТИЦИЯ

Бир жол шахар тюбюнде Чонайгъа антлы шуёхларындан бири тюбеди.

– Чонай, юйдегили болгъан хапарынгы эшитгенме. Узакъда къалып, тоюнга да келалмагъанма. Келинчик не тукъумду?.. Жаратамыса? – деп сорду Қундур тенгине.

– Жокъду хатасы.

– Сени бизнесинге болушаламыды, оғъесе юйдеми турады?

– Аман турмагъя эди юйде. Сау кюню, бир-бирледе уа кечеси да театрда кетеди, – деди Чонай, иги онгсунмай.

– О-о-о, сора артистканы алгъанса?

– Мен алгъанда, артистка түйюл эди, артда керти да артистка болуп кетди ансы.

– Охо! – деп сейирсинди Қундур.

– Театрны бек сюеди. Ансыз жашауу жокъду.

– Да, Чонай, артисткала былай... юй кёллю тиширыула болмаучудула. Ангылай болурса?..

– Угъай, угъай, – деп чочуду Чонай, ол жаны бла алыкъа aberисин эслемегенме. Мен анга бек ышанама, эрим, юйюм деген тиширыуду.

– Игиди, алай эсе. Хайда, Чонай, мен кете барайым, жумушларым кёпдю...

– Угъай, Қундур. Жашагъан жериме жетип турабыз. Арбазыма кирмей, къалай кетип къалырса? Келининг бла да таныш.

– Къой, аны да къыйнай турмайым. Аш-суу этеме дер да, ишинден чырмалыр.

– Угъай, Қундур, сен мени ахшы тенгимсө... белгили бизнесмен! Кёлюме тийме.

– Охо, алай эсе... Келинчикни аты къалайды?

– Къуртхажан.

– Къуртхажанмы?! – деп сагъышланды Қундур.

– Аты алай болгъанлыкъгъа, кеси тапчыкъыды, – деди Чонай, ышарып. – Кел...

— Тохта, къуру къол bla мен келинни аллына къалай барлықъма? Бирда болмай эсе да, гюлле алайым.

— Гюллеми дайсе?

— Артистле гокка хансланы бек сюйюучюдюле...

— Ангылагъанма, — деди Чонай. — Алай биз шёндю театртгъа бармайбыз, юйге барабыз.

— Ахшы, ахшы... Сора тюкеннге къайта барайыкъ...

Эки шуёх да, ойнай-кюле, тюкеннге да бардыла, Кундур Чонайны юй бийчесине тынгылы саугъа да алды.

— Алан, шуёхум, мен сени бюгюнча жарыкъ болуп кёрмегенме, — деди Кундур, тенгини быгъынына къатыла.

— Да нек мудах болургъа керекме мен? Бизнесим кюнден-кюннге ёседен-ёссе барады. Мени эслемеучю къуллукъчула энди тюбegen жерде, къолуму тутхан bla чекленип къалмай, къучакълагъан окъуна этедиле. Юй бийчем а: «Бу дунияда сенден сюйгеним жокъду!» — деп, ант этгенлей турады. Сора мен нек жарыкъ болмазгъа керекме, ы?!

— Тюз айтаса, Чонай. Иги тиширыу тюшсе, эр кишиге андан уллу насып къайда!

— Ма жетдик. Бу мени жангы юйомдю. Алыкъа тёртюнчю этажын да къалатырыкъма, — деди Чонай, тенгини аллын тыыйип.

— Аперим, шуёхум. Санга, «малкъарлы олигарх» дерге да боллукъду.

Чонай, жууап берирни орунуна, ёхтем кюлюмсюреп къойду. Къабакъ эшикни ачып, шуёху bla кенг арбазгъа кирдиле. Чонай, нёгерине да къарай, терезе тюбюне барып, сагъайып тохтады.

— Тейри, ким эсе да, юйде бир тыш адам барды, — деди Чонай, тынгысыз болуп.

Тыш эшикни акъырын ачып, эки шуёх да бирини ызындан бири, шыбыртысыз аттай, сайнагъа кирдиле. Ич отоуланы биринден Къуртхажанны бир эр киши bla «сюеме», «сюймейсе» деп даулаша тургъан ауазлары эши-тилдиле. Чонайны жарыкъ бети, жауун булутла жапхан кёкча, къарангы болду. Кундурну кёлюне да не зат келгенин Аллах билсин, — аны кёз къарамы да, фатегени тауусула тургъан чыракъны къарыгусуз жарыгъыча, мутхузгъа айланды.

Чонай шуёхуну къолундан тутуп, экиси да шош-шош аттай, ауазла эшитилген отоуну эшигине жанладыла. Эшик кеси да жарты ачылып эди. Аны себепли отоуда айтылгъан сёзле ачыкъ эшитиле эдиле:

— ...Хоразбек, сени бу письмоларынг мени жюргегими

кюйдюредиле. Мен быланы окъургъа къоркъган этеме. Хар письмонгу окъугъаным сайын, жана тургъан отха жангыдан къургъакъ отунла салгъанча, ичим дуулдап, алай жанады. Окъуйма да – не этейим, окъумайма да... – Къуртхажан сынсып жиляды.

– Окъу, жаным, окъу. Билемисе, мен быланы санга шакъы бла угъай, жюрек къаным бла жазгъанма. Окъу да, кюйдюрген эт. Эринг кёрюп къоймасын.

Чонай, ачыуланып, къаны къайнады. Кесин алгъа тартдырды. Кундур аны билегинден тутуп, иймей тохтады.

– Ах анам, не этерге да билмейме. Эримден къалай кетейим? Кетмейме да – сени тас этеме. Дуулдап жаннган сюймеклигими къалай ёчюлтейим?..

Чонай, къыжырыкълап, кёлек жагъасыны тюймелирин тешди. Тёзюмсөз болду. Кундур аны, сууутургъа кюрешеди.

– Къуртхажан, экибизни сюймеклигибизни, битеу дунния башын суу басса да, ёчюлталлыкъ тюйюлдю! Айырыл ол былхымсыз эрингден! Ол ичгичи, хаулечи мыжыкъдан, эриши къамажакъдан! Сен – нюр кибик, бир ариу жан! Сен жаланда манга тийишлисе!..

Чонай, Кундурдан ычхынып, чабып келип, Хоразбекни жагъасына жабышды.

– Кимди къамажакъ, итден туугъан ит?..

– Чонай, ёлтуресе муну!.. – деп, Кундур аны Хоразбекден айырыргъа жан атды.

– Э киши, телими болгъанса? Сууут кесинги!.. – деп, Къуртхажан да Чонайгъа айланды.

Чонай, Хоразбекни къюоп, къатыныны богъурдағына жабышды.

– Мен сени быллай гажай болгъанынгы билмей тургъанма!.. – деп, жер тепгенча, аман тепди Чонай.

– Аллахчу, сабыр бол. Бизде бир тюрлю терслик жокъду... – деп жалынды Хоразбек.

Чонай биягъы Хоразбекге атылды.

– Э киши, озма!.. – деп, Къуртхажан Чонайны арт жагъасындан тутуп тартды.

Чонай аны, тюртюп, полгъа жыкъды.

– Чонай, тый кесинги!.. – деп, Кундур Къуртхажаны жерден ёрге кётюрдю.

– Ёлмеге къой аны!.. – деп хахайлады Чонай. Сора Хоразбекге буруулуп айтды: – Керохум жанымда болмажынны насыбынг эди ансы, былайда окъуна къапларыкъ эдим сени!

– Сен мени къаплама да, алай жигит эсенг, бу пьесаны жазгъан адамны къапла!

- Не пьеса хапарды ол?
- Биз шёндю театрда жангы спектакль сала турабыз. Къуртхажан bla мен бизге жетген рольланы жарау этебиз, – репетиция!
- Сора ол автор ким эсе да, мени юсюмден аллай аман затланы нек жазгъанды къамажакъдан, макъадан къалдыргъаны да болмай?
- Ол сени юсюнгден туююлдю... Къуртхажанны эри ни юсюнденди.
- Къуртхажанны эри мен ушайма да!
- Сен аны жашауда эрисе. Пьесада эри уа башхады...
- Хоразбек.
- Сенми??!
- Угъай. Мени атым Хыбылбекди.
- Театрыбыз бу кюнледе ремонтдады. Хыбылбекни мен чакъырып келтиргенме бери, заманыбызын оздурга турмай, жарау этер ючюн, – деди Къуртхажан, жилямсырап.
- Аланла, мен ахылау болгъан болурма ансы, жукъангыламайма. Сен абери ангылаймыса? – деп, Чонай Кундургъа сорду.
- Ангылагъанма. Сенсөе ангыларгъа сюймей тургъан ансы, – деп ышарды Кундур.
- Анга къошуулуп, къалгъанла да ышардыла. Ышарыуларыны ахыры уа күлкүгө бурулду.

ЖАНГЫ ОТЧЕСТВО КЕРЕКДИ

Чонай телефон bla Москвада шуёхуна сёлешеди:

– Алло, Кундур, салам алейкум! Къалай тураса? Игиме мен да. Республикабызда миллионерлени санына къошуулургъа азчыкъдан къалып турاما. Сау бол, сен да алгышлыкъ бол!.. Хау, проблемам болуп сёлешеме санга. Сен башынг ишлеген адамса. Ара шахарда иги бегиннингенсе! Аперим! Жол таба билесе бу аман дунияда... Хау, манга сени советинг керекди.

Сагъыш эте кетгенме да, таулуланы ичинде жангы жашаугъя, сенича, къабыргъасын тап жаращыра билген жокъ сунама. Угъай, угъай, оздурмайма! Кесинг билесе, мен кертисин айттыргъа сюйген адамма. Москвада шёндю кавказлылагъа онг кёзден къарамайдыла. Сен а къалай тап амал тапханса, – отчествоңгу тюрленидирип. Къурттаевични орунуна Кутузович болуп! Ол да ақъылынга къалайлыхъ bla келгенди, ахырысы! Оллахий, бу жаны бла сен Жириновскийни да озгъанса! Энди санга Моск-

вада кавказлыгъача угъай, не эсе да бир уллу оруслудан туугъан адамгъача къарай болурла. Анга кёре хурмет да эте болурла... Ангыламай а, бек ангылайма. Ай, аперим санга! Желни къайсы жанындан урлугъун алгъадан сезе билесе сен. Ма акъыл деген одду!..

Кундур, айып этме, мен да сенден юлгю алыргъа деп, аны ючюн сёлешеме. Билемисе, мени отчеством хоча тюйюлдю. Шёндюгю заманнга келишмейди. Орсейге командировкагъа барсам, отчествому айтыргъа ынтырылып къалама. Хау, хау... Гонаевич! Эшитилгени да хоча тюйюлдю, даражасы да жокъду. Совет Союзну заманында Григорьевич болуп да тургъан эдим бир ауукъ заманнга дери. Алай, Григорий деп Орсейде белгили адам болмагъаны себепли, ол отчество манга артыкъ уллу даража къошмагъанды. Энди, сени bla кенгешип, манга да былай бир белгили отчество къуармы эдик дейме. Не десенг да, мен энди простой адам тюйюлме! Миллионерлени списогуна къошула турама... Не зат? Суворовичми?.. Угъай, Кундур, мени атамы аты «Г» харфдан башланады: Гонай деп. Аны себепли «Г» харф bla башланнган отчество излерге керекди. Сагъыш эте келгенме да, ол харф bla башланнган бир тутумлу адамны тапмагъанма. Сен кесинге Кутузовну тапханча, манга да бир мадар этерсе деп... Не за-а-т? Генирихми? Кимди ол а? Не дейсе?.. Французлу патчахмы? Угъай, Кундур... Канишна, шёндю тыш къыраллы атла модагъа кире башлагъандыла. Алай мен оруслу болса сюeme. Биз Орсейни бир бучхагъыбыз. Андан кенгнге кетерге жаарыкъ тюйюлдю.

Не за-а-а-т?.. Гетмановичми? Ол а кимди? Юзбеклиле суу сугъарыучу гетменнегеми айтаса?... Сора уа?.. Украиналы Гетманмы?... Тейри, билмейме, Орсейни къююп, Украинагъа къабыргъамы жаращыраллыкъма деп. Бютюнда шёндюгю политикагъа кёре. Хау, хау, тынгылап турама. Гончаровму дейсе? Кимди ол а? Жазыучуму? Эшитмегенме, оллахий, аллай жазыучуну уа.

Угъай, Кундур, бириң да жаратмайма. Генералланы, маршалланы арасында жокъмуду «Г» харф bla башланнган адам?.. Гусармы?.. Да ол а бош атлы аскерчини аты ушайды да!.. Ариу эшитиледими?.. Угъай, шүёхүм, сен Кутузович болуп, мен а Гусарович болаллыкъ тюйюлме. Тау атмы дейсе?.. Къаллай?.. Гималай! Да ол а бек уллу тауду, алай ол мени орус къатышым болгъанын черталлыкъ тюйюлдю. Угъай, Кундур, манга аны бёкем эшитилгени керекмейди... Не дединг? Генераловичми? Да ол адам ат тюйюл ушайды да? Тюз айтаса, эшитилген а

бек залим эшитиледи! Алай къалай эсе да фальшивка-
гъа ушайды. Андан эсе, башха тюрлю... Гайдаровичми?
Угъай, угъай, ол, Чубайс bla бир болуп, совет халкъны
тонагъанды. Аллай отчество даан эсе, Шайтанович окъу-
на болсун! Айт, айт... Горбачёвичми? Аллах сакъласын!
Сагъыннган да этме! Аллай отчество bla Орсейге барсам,
табанны жетдирип къыстарыкъыла.

Тейри, къарайма да, сен мени бет жарыкълы эталмай-
са, шуёхум. Не зат, не зат? Энтта бир къайтарчы! Аха,
ма бу айтханынг шёндюю жашаугъа аламат тап кели-
 shedi! Губернаторович! Оллахий, бек жаратдым! Шёндю
Орсей тюбюндөн башына дери губернаторладан толгъан-
ды. Ким биледи, отчеством Губернаторович болса, бара
баргъан дунияда мен да ашлау тегенени бир къыйырына
илинип къалыргъа да болурма! Сау бол, Кундур, аламат
отчество тапдынг мангга. Бюгюн окъуна, МВД-да шуёху-
ма барып, паспортуму жангыртайым! Хайда, сау къал.

Чонай къууанчлыды, телефонну чолпусун жерине
салды. Ма энди тап болду... Чонай Губернаторович! Эшта
дейсе!.. Мындан алда Санкт-Петербургга баргъанында,
къонакъ юйде Чонайгъа люкс номер бериргө унамай къой-
гъан эдиле, паспортунда жазыулагъа бюсюремей. Энди
уя Матвиенко кесини особнягына къонакъгъа чакъырып
къояргъа боллугъуна окъуна Чонай арталда ишексизди.

АМАН ТЮШ

Чонай, саргылдым сахтиян портфелин да къолунда
тутуп, юйонден тышына чыкъгъанда, чууакъ күнню
жютю таякълары кёзлерин къаматдыла. «Тейри, бу уа
ишден тюйюлдю...» – деп, къюон хуржунундан къара
кёзлюклерин чыгъарды. Ол бюгюн бек ашыгъыулуду.
Бюгюн уллу экзаменлени күнюдю. Аны себепли: «Я Ал-
лах, сен болуш да, онг бер!» – деп, ахшы тилек этип чыкъ-
гъанды юйонден.

Ол профессорду, институтда литературадан окъута-
ды. Жыл сайын приёмный экзаменле аны къолайсыз эт-
мейдиле. Алгъын жол юч къатлы дача ишледи, былтыр
«Волга» къоллу болду. Быйыл да къуру къалмазлыгъын
биледи. Аны ючюн ашыгъып барады ол институтха, бе-
тинде терлегенлерин да къол жаулугъу bla сыйпай...

Чонай ассистенти bla биргө институтха кириргө кел-
генледен экзамен ала башлады. Бир добар бетли, бурма-
чач жаш, билетин да аллына салып, эки кёзюн да кёкге
аралтып, кёп олтурду.

– Иги жаш, андан бери хазыр болалмаймы тураса? – деп ашыкъдыры Чонай аны.

Бурмачач жаш, стол артындан акъырын кётюрюлдю да, боюнун къынгыр тутуп сюелди.

– Биринчи сорууунг къалайды? Жууап эт, – деди Чонай анга.

Жаш, къынкъ-мынкъ эте кетип:

– Биринчи соруугъа жууап бераллыкъ туююлме, – деди.

– Биринчи сорууну билмей эсенг, экинчи соруугъа кёч.

– Экинчи соруу да асыры къыйын соруу болуп тюшгенди.

– Да сора, институтха кирeme деп, къалай келгенесе, чырт да билиминг болмагъанлай? Ахшы, ючончю соруугъа жууап эт, бирда болмай эсе да.

– Ючончю соруу а бютонда къыйынды, – деп, бурмачач бурунун энишге салындырыды.

– Тукъумунг кимладанды? – деп сорду Чонай анга.

– Бермезладан.

– Аллай тукъум ат bla институтха кирeme деп айланнган сен да бек ангсыз адамса, – деди Чонай, къашларын туююп. – Атанг бармыды?

– Хау. «Алтын ай» деген фирмада бухгалтер болуп ишлейди.

– Ол бүгүн мындамыды?

– Хау... Тышында сюелип турады.

Бу кезиуде аудиториягъа Чонайны асистенти кирди. Ол, Чонайгъа ышарып къарай, къолу bla не эсе да бир белги берди. Чонайны туююлюп тургъан къашлары кенгнеге жайылдыла. Бурмачач жашны экзамен листин алды да:

– Бермез улу, литературадан билиминг аман туююлдю. Алай асыры уялчакъса. Ётгюр болургъа кюреш мындан ары. «Тेң» салама, – деп, бурмачач жашны экзамен листин къолуна туттурду.

Жаш аудиториядан къууанчлы болуп чыкъды. Чонай а: «Тейри, быйылгъы жылыбыз тирликли жыл болургъа ушайды!» – деп, асистентини аркъасындан къакъды.

Аудиториягъа, ышара-ышара, субай къызы кирди, чач эшмелери да табанларына жете. Чонай асистентине: «Бар сен, тёгерекде жумушунга кёз-къулакъ бол», – деп, аны тышына ашырды. Сора, узунчач къызгъа бурулуп:

– Не затха ышараса? Быладан сайлагъанынгы ал да, жууап эттерге хазырлан, – деп, столда билетлени көргүзтдю.

Къыз билетледен бириң алды да, анга къарай кетип, Чонайгъя:

– Онючюнчю билетди бу, – деди.

– Игиди, игиди. Тынч билет тюшгенди.

– Хау, аппа ёлмеси.

– Сора жууап эт. Биринчи соруунг къалайды?

– Бурунггулу Восток поэзия...

– Ыхы. Айт, айт. Нек тынгылайса?

– Аппа ёлмеси, уялгъан этеме.

– Охо! Кимден уяласа?

– Сизден.

– Менден а нек уяласа? Келинимми боласа?

– Угъай, таматагъя намыс этерге юйрене ёсгенмө да...

– Ол а игиди. Алай сен бери намыс этерге деп келмегенсе, институтха кирирге деп келгенсе. Алаймыды?

– Алайды, аппа ёлмеси.

– Сора билетде соруулагъя жууап бер.

– Восток тийресинде кёп айтхылыкъ поэтле болгъандыла.

– Айт, андан ары айт.

– Къалай эсе да уннутуп турама, ансы айттырыкъ эдим.

– Эсинге тюшюр. Сёз ючюн, восток поэтледен кимлени билесе?

– Ала кёп болгъандыла. Къайсы бириң айттайым?..

– Бириң окъуна айтчы!

– Эсиме тюшюралмай турама, аппа ёлмеси.

– Ха-ха-ха!.. Сен а совсем дыгылауса да. Омар Хайям кимди?

– А-а, эсиме тюшдю! Омар бизни школну директоруду. Ахыя уа элибизде трактористди.

Чонай, не айттыргъя да билмей, адыргыгъя къалды. Быллай билиминг bla институтха кирирге къалай келгенсе дегенча, къызыны кёзлерине сейирсинип къараады.

– Уялтмагъыз мени къарамыгъыз bla, – деди субай къызы, ийменип.

– Сен, уяла билсенг, бюгүн бери келmezge керек эдинг. Биринчи сорууну билмейсе. Экинчи соруугъя кёч.

– Экинчи соруу: белгили къабартылы жазылучу А. Кешоковну «Сыннган нал» деген романыны баш магъанасы.

– Айт ол чыгъарманы баш магъанасын.

– Аны баш магъанасы, атны туягъында налы сынса, аны орунуна жангы нал ууругъя керекди деп алайды.

Чонайгъа уллу кюлкю тарыды. Анга къошуулуп, узунчач къызы кеси да кюледи.

– Сен а не затха деп ачыласа?! – деп сорду Чонай анга.

– Сизге нёгер болуп.

– Астофируллах, сенича тупойгъа уа бирда тюбемегенем юч жыйырма жылны ичинде. Неужели бир китапны бетин ачып окъумагъанса школда?

– Аппа ёлмеси, окъугъанма.

– Кязимден, Къайсындан хапарынг бармыды?

– Болмай а! Кязим киеуююздю – тамата эгечими эри. Къайсын а...

– Мен санга назмучу Кязимни юсюндөн сорама.

– А-а, аппа ёлмеси, аппабыз аны атын терк-терк айтыучуду. Ол аны бир назмусун да юртеген эди манга: «Окъугъанны кёлю жарыкъ, окъумагъан болур жазыкъ», – деп.

– Да сен андан оюм этгенмисе?

– Этмей а!..

– Сора аны ючюн билимлисе сен былай! Тукъумунг кимладанды?

– Чомартладан.

– Хы, тукъум атынга кёре, сен студент болургъа керексе. Бюгүн бери сени ызынгдан адамынг келгенмиди?

– Хау, Чонай Гылмаевич...

– Гылмаевич угъай, Гонаевич.

– Жангылгъан этдим...

– Охо, къайгъырмаз. Кимлеринг келгендиле ызынгдан?

– Атам да, анам да, киеуююз да... Ол уллу бизнесменди. Эки фирмасы барды...

Эшикни кенгнге ачып, ассистент киреди. Чонайгъа ышарып къарайды. Башын ийип, белги береди. Чонай къызгъа: «Хайырсыз, билген этесе, алай бир биргетишишдирип, тап айталмайса ансы», – деп, «беш» салып ашырады. Къызы къууанч тыптырлы болады.

– Сау бол, Чонай Гонаевич, сау бол! Аппа ёлмеси, папам да, мамам да бек ыразы боллукъдула санга! – деп, аякъ тюбюнде чёп сынмазча, жумушакъ аттай кетди.

Ассистент, Чонайгъа ышаргъан да эте, кёремисе муну дегенча, къоюн хуржунуна тиеди. Чонай, анга бармагъы bla акъырын къатыла: «Да, тузагъыбызгъа ыргъай ча-бакъла тюшгенча кёрюнеди!» – деп, кюлюмсюреди.

Эшикни кенгнге ачып, аудиториягъа ёсюмлю, сепкилбет жаш кирди. Чонай ассистентине: «Бар сен, тёгерекде низамгъа къара!» – деп, нёгерин тышына ашыр-

ды. Чонай, сепкилбет жашны кёзюне тюрслеп къарай:

– Неди... экзамен бериргеми келгенсө? – деп сорду.

– Хау.

– Да уллайгъан адамча кёрюнесе да! Ненча жылынг болады?

– Отуз төрт.

– Охо, къартлыгъынгда уа не этесе, институтха кирип?

– Мен институтха кирeme деп айланнганлы, онеки жылдан озгъанды.

– Анча жылны ичинде уа?! – деп, Чонай сейирге къалды.

– Жыл сайын экзаменледен ёталмай къалама.

– Хы... да былай, адамыча, тап хазырланып келе болмазса, хайырсыз. Институтха кирген клубха киногъа киргенча туюйолдю. Билим керекди.

– Билимден акъасгъан жерим жокъду. Школну битеу программысын кёлден билгенча билеме!

– Аперим, аперим! Алай, эсингде болсун, институтха кирир ючюн, школ билимден сора да, сезим керекди. Шёндю жашау башха жашауду. Совет властьны заманындача туюйолдю. Ангылаймыса?

– Ангылайма. Сезимим да барды.

– Алай эсе, игиди. Тукъумунг къалайды дейсе?

– Тюзбасаров.

– Иги тукъумунг барды.

– Хау, мен тюзлюкню неден да багъалы кёреме.

– О-о-о, аперим! Коммунистге ушайса.

– Угъай, мен коммунист туюйолме. Атам коммунистди.

– Игиди, иги. Шёндю коммунистлени даражалары да къалмагъанды. Болсада иш анда туюйолдю. Атасы сабийин сюерге керекди. Баям, ол бюгюн, санга билеклик этерге деп, бери келген болур?

– Угъай, келмегенди. Мен сабий туюйолме, атам билегимден созуп айланырча.

Чонай къашларын туюйдю.

– Сора сен кеси кесинге базынаса, ы?

– Хау, Чонай Гонаевич. Жашауда кеси жолуму кесим ызларгъа сюеме, Павел Корчагинча! Ол, санларын да ауруу къыркъып, эки кёзюндөн да тыннган заманда да, кишиден болушлукъ тилемегенди. Мен да аныча жашаргъа сюеме, кеси къыйынным bla!

– О-о, аперим, Тюзбасаров, аперим! Ахшы, алай эсе. Кёрейик экзаменни къалай берлигинги. Биринчи сорууңг неди билетингдө?

- Чехов эмда аны чыгъармаларыны ниет жаны.
- Ыхы, бек тынч сорууду ол а! Жууап бер энди.
- Антон Павлович Чехов бек айтхылыкъ орус жазыу-чуладан бири болгъанды...
- Аны сенсиз да билебиз, – деп, Чонай Тюзбасаровну ауузуна чапды. – Жазыучулукъ ишини юсюндөн айт.
- Айта турама... Чехов кесини хапарларында озгъан ёмюрде орус халкъны жашауунда болгъан бедишлик ишлени уста ачыкълагъанды, – деп, бармагъын Чонай-гъя чюелтди. – Улутхачыланы, кир ниетлилени, былхымсызланы, бетсизлени къылыкъларын ачыкълай, аланы жамауат аллында масхара этгенди. Бютюнда бек улутхачыланы...
- Тохта, тохта... Терен окъумагъанса сен Чеховну, – деп, Чонай Тюзбасаровну сёзүн бёлдю.
- Къалай окъумагъанма? Хар чыгъармасын кёлюмден билгенча билеме, – деди Тюзбасаров, ант этгенча, къолун жюргегине салып.
- Зат да билмейс! Экинчи соруугъа кёч.
- Угъай, Чонай Гонаевич, тилейме, айтмагъа къоюгъуз. Чехов мени бек сюйген жазыучумду.
- Ахшы жаш, кёп жаншагъан билим тюйолдю. Биле эсенг, айтчы Чеховну уллу аппасыны гитче къарындашы къайсы жылда, къайсы айда, къайсы кюнде туугъанын!
- Да аны уа билмейме.
- Сора олмуду Чеховну тюбюндөн башына дери окъугъанынг?
- Да кимге керекди Чеховну ата-бабаларындан биреуленин къачан туугъаны? – деп, Тюзбасаров Чонай бла даулашды.
- Санга керекди! Институтха кирирге сен келгенсе, кесинге базынып. Экинчи сорууну биле эсенг, айт.
- Билеме экинчи сорууну да. Алай...
- Не алай? Сылтауму излеп тебирегенсе?
- Бир тюрлю сылтауда излемейме. Тилейме, биринчи соруугъа жууап бермеге къоюгъуз.
- Заманны оздурга турма! Сенден сора да бардыла экзамен бериргэ келгенле. Экинчи соруунг неди?
- Крылов эмда аны баснялары. Ол да, Чеховча, кир ниетли, улутхачы, кёзбаучу, былхымсыз адамланы...
- Неди бу, Тюзбасаров? Былхымсызла, улутхачыла дегендөн сора, сен абери билмеймисе?! – деп ачыуланды Чонай.
- Да мен не этейим?.. Манга тюшген соруулагъа жууап береме.

– Бермейсе! Зат да билмейсе сен!

– Аллах бла тилеме, айтмагъа къоюгъуз! Сюе эсегиз, Крыловну битеу тамсиллерин кёлюмден чыкъырдатып айтып берейим...

– Бу санга школ тюйюлдю! Сен бийик окъуу юиге кирирге келгенсе, билиминге базынып! Шёндюю дунияда, студент болур ючюн, экзаменнге башха тюрлю хазырланып келирге керекди.

– Ол дегенигизни иги ангыламай къалдым.

– Ангыларгъа керекди, ахшы жаш. «Эки»!

– Мен тарыкъыткан этериикме! Комиссия къуратырыкъыма! – деп чибинледи Тюзбасаров.

– Бар, бар, бар!.. Сенича тарыгъычуланы кёплерин кёргенбиз. Келир жыл жангыдан келирсе, иги хазырланып. Алай болмаса, акъ сакъалынг чыкъынчы айланырса, институтту босагъасын тозуратып.

– Кёрюрбюз сора! – деп, Тюзбасаров аудиториядан ачыуланып чыкъыды.

«Кёремисе муун гынгиттисын?! Экзаменден къурлай ётерге кюрешеди! Угъай, Тюзбасаров, шёндю биз капитализмде жашайбыз. Ахчанг кёп эсе – адамса, жокъ эсе уа – ноль!» – деп, Чонай, ичинден жаншай барып, эшикни ачды да:

– Энди уа бармыды экзамен берлик? – деди.

Чуючтүркен да эте, аудиториягъа назик борбайлы жаш кирди.

– Сен да институтха кириргеми келгенсе? – деп сорду анга Чонай.

– Хау... болалсам.

– Тукъумунг къалайды?

– Мен Жютюкёзладанма, – деди жангы абитуриент, къаты чуючтүрк. – Аллах кечмесин, замансыз заманда бу кесекле къайдан жабыштыла эселе да!..

– Ауруй эсенг, экинчи жыл келирсе, – деди анга Чонай.

– Угъай, экинчи жылгъа дери билгенчигими да унутуп къоярыкъыма. Андан эсе, насыбымы сынап кёрейим. Сени иги адам хапарынгы да эшитгенме, – деп, жаш жангыдан чуючтүрк. – Ма, бурунум да айтды.

– Бурун айтхан аууз айтханча болмайды. Ма столда билетле. Плащынгы теп да, аладан бирин ал.

– Угъай, плащымы тешерик тюйюлме, – деди жаш, бурунун къол жаулугъу bla сыйпай.

– Нек тешмейсе? Шпаргалкаламы букъдуруп келгенсе, ы? – деп, Чонай аббитуриентге экили болуп къарады.

– Аны ючюн угъай. Муну юсюмден тешсем, бютюнда

бек простудиться этип къалырма деп къоркъама. Билет а алайым...

– Къайсы билет тюшдю?

– Жюзюнчю.

– Аперим. Бу столда андан тынч соруулары болгъан билет жокъду. Таза да жютюкёс кёреме сен, – деди Чонай, мыйыкъ тюбюндөн ышара. – Баям, тукъум атынга кёре, сен хар затны да тынгылы кёре болурса?

– Кёрген этеме, алай, бу билетни биринчи соруун жаратмай турама, – деп, абитуриент къаты чючгүрдю.

– Кет, Аллах къурамасын! Бирда болмай эсе да, ары айланып чючгүр.

– Айхай, дарман да болушмайды, – деп, Жютюкёс уллу бурунун сюртдю.

– Баям, сен бюгюн бери бошха келген болурса деп турама, – деди анга Чонай.

– Нек айтасыз алай?

– Да биринчи сорууну окъуна билмейме деп тураса. Экинчи соруугъя уа къалайса?

– Тейри, анга да къарыу эталлыкъ тюйюлме.

– Сора «эки» салама.

– Тохтагъыз, Чонай Гонаевич, ючюнчю соруугъя жууап эталлыкъма, – деди Жютюкёзов.

– Сен анга жууап окъуна берсенг да, ол сени къутхарлыкъ тюйюлдю.

– Къутхарлыкъды, тынч сорууду.

– Айт сора. Бир къаумлача, артда тарыгъып айланмазча бол, билетге толу жууап бериргэ къоймагъанды профессор деп. Неди ючюнчю соруунг?

– Кавказ халкълада жюрюген нарт сёзле эмда аланы философия магъаналары.

– Кертиси bla да, тынч сорууду. Нек тынгылайса? Ач ауузунгу.

– Кавказ халкъланы нарт сёзлери терен магъананы тутадыла. Сёз ючюн: «Къуру къолгъа къуш къонмаз» деген сёзню алып къарайыкъ...

– А-а, аперим, бек тап юлгю келтиресе! Айт, айт, аны магъанасы неге келеди?

– Игиликни игилик bla къайтарыргъа керекди деген магъананы тутады ол. Андан сора да, «Къол къолну жууады, къол а бетни жууады» деген сёз барды.

– Бек тюз сёздю... Аперим!

– Аны да магъанасы уллуду. Дагъыда ...

– Болду, болду. Нарт сёзледен ангылауунг уллуду. Бюгюн атанг мындамыды?

– Угъай, ол да, менича, аурукъсунуп, келалмай къал-

гъанды. – Жаш, плащыны хуржунундан къалын конверт чыгъарып, Чонайгъа узатады. – Муну атам санга берирсе деп ийгенди.

– Неди бу? – деп, Чонай жашны къолундан конвертни кючбюсюреу этип алды. – Атангы аты къалайды?

– Акъылбек.

– Башы ишлеген адамды, баям.

Бу кезиуде асистент киреди, Чонайгъа башын булгъап, угъай деген белги береди. Чонай анга конвертни узатады.

– Ма, бу письмону санга жибергенди бу жашны атасы.

– Да ол мени таныгъанмы этеди да? Не жазады быллай бир? Окъуп кёрейик.

– Артда окъурса. Юйюнге баргъанынгдан сора. Шёндю экзамен алыргъа керекди, письмола окъургъа заман жокъду. – Чонай, Жютюкёзовха бурулуп: – Сен а, ахшы улан, битеу соруулагъа тынгылы жууап бергенсе. Бютюнда бек ючюнчю соруугъа! Аны ючюн «беш» салама, – деди.

– Сау бол, – деди анга Жютюкёэс улу, – алай алышъа мен ючюнчю соруугъа толу жууап берип бошамагъанма...

Жаш, алай айтЫп, юсюнде плащын тешди. Чонайны bla аны асистентини ахлары кетди, тёрт жулдузлу поғону bla милиционер жашны кёрюп.

– Не-не...неди се-се-сени бу фо-фокусунг?.. – деди Чонай милиционерге, тили тутула.

– Экигиз да аллымда тебирегиз! – деп буюрду капитан алагъя.

– Эй, эй... ме-ме-мени же-жеримде къой! Менде тетерслик жокъду! Барын да этип айланнган ма бу-бууду!.. – деп, Чонай бармагъын асистентине чоелтди.

– Угъай, Чонай, мени жардан атып, кесинг а къутулуп кетергеми умут этесе?! – деп кюкюреди асистент.

– Доу-доу этме! – деди Чонай анга, ачыуланып. Сора милиционерге бурулуп айтды: – Муну хуржунларын къарма. Ма мени жанымда автобусха деп, сомумдан сора, затым да жокъду. Мени экзамен алмагъа къой...

– Угъай, Чонай, энди экзаменни сизден прокурор аллыкъды! – деп, капитан аланы аллында тебиретди.

Аудиториядан чыгъып бара: «Мен айтхан эдим да санга, буюче аман тюш кёргөнме, сакъ болайыкъ деп. Сен жуткёз а, манга ийнанмай, эшигибизни жапдыйнг!» – деп мурулдады асистент Чонайны къулагъына.

КЪҮТУРГЪАН АУРУУ

Чонай акъ халаты бла стол артында сагъышлы болуп олтурады: «Алгъын, СССР-ни заманында, күннеге не бир, не эки адам келиучю эди приёмгъя. Энди уа телиле асыры кёп болгъандан, жётел этерге окъуна заман табылмай къалгъанды, бу аман дунияда...» – деп.

Эшик къагъылады. Къуухотун этип, биреу киреди кабинетте.

– Доктор, бошмуса?

– Да къой соя турмагъанымы уа кёресе! Не жумуш бла келгенсе? – деп сорду Чонай.

– Санга бар деп ийгендиле мени... Тюзмю келгенме?

– Атынг къалайды?

– Жекбаш.

– Атынга кёре, тюз келгенсе.

– Сора ажашмагъанма. Санга бек иги психхе дейдиле.

– Мен псих тюйюлме... психиатрма! – деди Чонай, къашларын тюйюп.

– Охо, не башхасы барды аны? Адамлагъя иги болушаса дейдиле... Сен Чонайса да?

– Хау... Беш дипломлу доктор!

– Аперим, оллаха! Энди манга сен болушмасанг, эшигим окончательно жабыллыкъды. Хайран болгъанма!

Чонай, чёгючюн къолуна алыш, аны Жекбашны бурунуна тирейди.

– Бу уа не этгенингди? – деп сорду Жекбаш.

– Сёлешме! – деп эсгертди анга Чонай. Сора чёгюч бла Жекбашны тёппесине жетдирди.

– Доктор, мени башым жериндеди...

– Манга приёмгъя келгенле барысы да алай сунуп келедиле. Сен андан эсе, букъурмай айтчы, кечегиде кёзүнгө не затла кёрюнедиле?

– Ол дегенинг? Хар затны да кёреме.

– Къуйрукълары, миюзлери болгъян затланы кёремисе?

– Кёреме... ийнеклени да, текелени да, эшеклени да...

– Ала санга не зат айтадыла? – деп, Чонай акъырын сорду.

– Зат да айтмайдыла! – деди Жекбаш, сейирге къалыш.

– Къонакъгъя уа чакъырамыдыла? Аллынга аш-суу саламыдыла?

– Угъа-ай!!!

«Аллахха шукур, шайтанлы тюйюлдю», – деди Чонай ичинден.

– Чонай, сен манга алай нек сораса?

– Мен врачма. Хар затны билирге керекме. Ишлеген къайда этесе?

– Мен бизнесменме. «ООО» деп фирмам барды.

«Аллахха шукур, Кремльде ишлейме демегени...» – деди Чонай ичинден.

– Фирманг а бай фирмамыды?

– Миллионер болургъа аздан къалып тура эдим да, энди уа бары да тууарылгъанды.

– Аберинг да къалмагъанмыды?

– Алыкъа арталда банкрот болуп да къалмагъанма. Бардыла бир затла. Алай ол санга неге керекди?

Чонай чёгючюн къолуна алды. Жекбаш эки къолу бла башындан туттуда.

– Бери чёгючге къара! Хы, ма алай... – деп, Чонай чёгючню аны мангылайына жетдирди.

– Ала, сен телимисе? Мени башым жеринде дегенме да санга, – деди Жекбаш, кёлкъалды эте.

– Кёрюп турاما жеринде болгъанын. Мен аны ичинде не болгъанын билирге сюеме. Алайсыз мен санга болушаллыкъ тюйюлме.

– Манга болушлукъ керекмейди. Сени болушлугъунг Гинжиханнга керекди.

«Бир шайтаныны атын айтды», – деди Чонай ичинден.

Сора, Жекбашха бурулуп:

– Кимди ол, Гинжихан? – деп сорду.

– Ол а мени юй бийчемди.

– Юй бийчемдими дайсе?..

– Хау... Юй бийчем. Болушлукъ анга керекди.

– Къаллай болушлукъ керекди анга?

– Къандыралмайма мен аны. Тоя билмейди.

– Аууу!.. Ишим кыртыды деп къойсанг а сора! Сен къандыралмай эсендиг, мен а не этерге керекме анга?

– Ол жанына сен бек устаса дейдиле.

– Да, хау, бу аман дунияда, ол жаны бла акъсагъан жерим жокъду. Болсада сен урологга барыргъа керек эдинг...

– Баргъанма. Мен тюбемеген врач къалмагъанды. Алай, мени юй бийчеме жаланда сен болушаллыкъса дегендиле да, аны ючюн келгенме санга.

Чонай, чёгючюн къолуна алыш:

– Бери къарабы, – деди Жекбашха.

Жекбаш Чонайны къолундан чёгючню сыйырды да:

– Мен тели тюйюлме! – деп къызды.

– Кёрюп турама. Кесинги сууут.

– Мен эртте сууугъанма. Къатынмы сууутургъа керекди. Сен а манга бу чёгючню кёргюзтесе. Анга кёргюзтурге керекди чёгючню уллусун!.. – деди Жекбаш, жумдуругъун Чонайны бетине тутуп.

– Къызма! Керек эсе, кёргюзтурбюз анга да. Бир соруум барды... Бу ишни юсюнде санга бир адам да болушалмагъанмыды?

– Болушханла болгъандыла. Ючге айланнган бир къарындашым, къарыгуундан келгенича, болуша-болуша тургъанды. Алай ол да эрикгенди. Африкада Момбуту деп бир бизнесмен шуёхум жашайды... негрли. Ол келсе, юй бийчем шошайды. Алай, ол кетип, бираз озгъанлай, биягъы отдан кёлек кийип тебирейди.

– Да ол негрли уа терк-терк келе турмаймыды?

– Алгъя келе-келе турнуучу эди. Бизнесибиз да бек иги бара эди. Энди уа келмейди. Банкрот болургъа аздан къалгъанды ол да. Жанындан тойдургъанды аны да Гинжихан.

– Аууу! Тейри, къара негрни жунчутхан эсе, мени болушлугъум азлыкъ этерик болур, сени шайтан... то есть, юй бийченге.

– Угъай, сени бек махтайдыла. Атынг белгили болгъанды аллай больнойлагъа иги багъаса деп. Тилейме, отказ этме! – деп жалынды Жекбаш.

– Ариу тиширыгумуду юй бийченг?

– Ариуду да, андан тёзюп турама ансы, эртте айырллыкъ эдим.

– Алай эсе, болушурма. Келсин манга... – деди Чонай.

Бу кезиуде юсюнде омакъ кийимлери, бармакъла-рында алтын жүзюклери, ёрге дери жырыгъы болгъан тёбен жаны, къулакъларында уллу тогъай сырғъалары, къолунда уа багъалы тиширыу тону бла бир тиширыу кабинетте кирип келди, будуман болуп. Алайынлай ол Жекбашха къызып тебиреди:

– Мен а сени излеп айланама, тели кибик, жетмеген жерим къалмагъанлай! Бу шубаны ал манг! Эгипетден келтиргенме дейди бир членок. Алай багъа да тюйюлдю. Башы, аягъы да жыйырма бла эки минг доллар! Ма, кёр! – деп, тонну Жекбашны юсюне атды.

Жекбаш, буюгъуп, Чонайгъа:

– Ма былайды. Мени банкрот этген буду, къойма-гъан, тоймагъан да буду!.. Мени юй бийчем... – деди, ёню къалтырап.

– О-о-о, Чонай, сенмисе? Бу баш ием сени шуёхунг

болгъанын билмегенме ансы, санга келмейми турлукъ эдим андан бери! – Жекбашха ачыуланып: – Бу къызгъанчды, къызгъан темир кибик. – Чонайгъа ышарып: – Иги улутхачыкъла ала айланнган хапарынгы эшитгенме, саулагъя, телиледиле деп, пенсия къурашдыргъанынг ючюн. Бу шубаны багъасын сен бер да къой... Жекбаш санга артда къайтарыр...

– Угъай, угъай... Мен аллай бир ахчаны къайтараллыкъ тюйюлме. Чонай, сен да тюшме мууну тузагъына! – деп титирedi Жекбаш.

Чонай, чёгючюн къолуна алып, Гинжиханны бетине тутду:

– Муну кёремисе? Бу не затды?

– Кет аурунг! Сен а тели кёреме!.. – деп, Гинжихан, тонун да алып, ачыуланып, чыгъып кетди.

– Болушаллыкъмыса мынга, Чонай?

– Угъай, Жекбаш. Бу ауруугъя орусча «неизлечимый», таучу уа «къутургъан» дейдиле.

– Къутургъанмы дейсе? Да ол тууар ауруу ушайды да!

– Тюз айтаса. Шёндю ол ауруу тойгъанларын кётюралмай айланнган байланы арасында кенг жайылгъан аурууду... – деди Чонай.

Жекбаш, ауур кючсюне, сампаллары салынып чыкъды докторну кабинетинден.

ПРОКУРОРГЪА КЕЛИУ

Кюнлени биринде Чонай, жумушу болуп, прокуроргъа келди. Босагъадан окъуна:

– Салам алейкум, сыйлы къарындашыбыз! – деп, прокурорну къолун эки къолу бла да тутуп, жылы саламлашды.

– Энди уа не жумуш бла келгенсе? – деп, сансыз соруп къойду ол.

– Тюзюн айтханда, бек биринчиден, санга тансыкъ болуп келгенме. Сени кибик, уллу ахлум прокурор болгъанына къууанч тыптырлы болуп жашайма! Билемисе, къарындашым, артыкъ уллу муслийман да тюйюлме, алай намаз этип башлагъанма, – деди Чонай, желкесин къашый.

– Сууаплы ишни башлагъанса.

– Сени ючюн башлагъанма.

– Мени ючюн?! – деп сейирсинди прокурор.

– Хау, сени ючюн. Санга Аллахдан саулукъ, ахшы-

лыкъ тилер ючюн. Намазлыкъда этилген тилеклени Аллах бегирек эшитеди дейдиле.

– Болур, болур... – деди прокурор, артыкъ уллу сан этмей.

– Нек эсе да бюгюн мудахса...

– Биш алай... – деп къойду прокурор.

– Бу къагъытларынгы ары бла бери шапыртып турма да, манга тынгыла. Санга иги хапар айтырыкъма, – деди Чонай, жарыкъ болуп.

– Не хапарды ол?

– Сыйынг тёппемде болсун, гитче къыз жашчыкъ тапханды.

– Жашагъан жан болсун...

– Къууанчыбызыны башы къуру тюйюлдю...

– Сора уа неди?

– Анга сени атынгы атагъанбыз... Тюзбасар деп. Бек уллу къууанчыбыз олду! Санга ушап, прокурор болсун деп.

– Болур, болур, – деди прокурор, кёз-къаш бермей.

– Атам харип чынты билгич эди. Сени быллай уллу адам боллугъунгу ол гитче заманынгда окъуна айтхан эди. Мен а къалай къууанама сен жууукъ юлюшюм болгъанынга!

– Чонай, кёремисе, къаллай бир ишим барды мени?

– Кёрюп турама. Уллу адамны иши да уллу болады. Сени кибиң, субай прокурор алыкъа дуниягъа жаратылмагъанды. Былтыр, сени ийнарал прокурорну къуллугъуна салыргъа Москвагъа чакъырдыла деген хапар чыкъгъанда, бек тынгысыз болгъан эдим, сени бу чырайлы сыйфатынгы кёрмей, къалай турлукъма деп.

– Бюгюн мен бу къагъытланы ётдюрюп бошаргъа керекме...

– Охо. Алай эсе, кете барайым... Алай бир жумушчугъум барды да, шёндю айтмасам, артда кеч болуп къалыр деп къоркъама.

– Не жумушду ол?

– Биягъы милиционерле ызымдан болгъандыла: складха ревизия эте турадыла. Аланы тохтатмасанг, иш теренинге кетерге боллукъду.

– Чонай, бу жол мен санга болушаллыкъ тюйюлме.

– Нек деп? Жууукълугъубузну унутханмы этгенсө? – деп, типиски болду Чонай.

– Чонай, мен сени хыйлачылыкъларынгы башларын жаба келгенме...

– Алайды, алайды. Энди бу жол, ахыр кере...

– Угъай, Чонай. Бу жол мен санга болушаллыкъ тюйюлме.

– Нек деп?

– Мен энди прокурор тюйюлме. Ишимден къыста-гъандыла, сени кибик похлагъа болуша тургъаным ючюн.

Чонай прокуроргъа огъурсуз къарады.

– Сора сени ишинг чонкъайгъанды, ы?!

– Кет, башымы хайран этип турма!

– Сени башынг эртте хайран болгъанды. Сени ки-биклени прокурор угъай, бахчагъа бодуркъу этип да сал-маз эдим, оллаха! Сен гитчеликден окъуна бош шалапай болуученг!

– Да бу жолгъа дери алай айтмаучу эдинг да! Къысха жууукълабыз деп жойкъулланыучу эдинг да.

– Ха-ха-ха... Сени кибик жууугъу болгъандан Аллах сакъласын!

– Чонай, тюз да былайса деб’а турмай эдим. Мени бетими этмей эсенг да, атамы бетин этсенг а.

– Атанга да, ананга да, битеу тукъумунга да гония! Ангыладынгмы энди?!. – деп, Чонай кёл кенгdirди.

Столда телефон зынгырдады. Прокурор аны чолпусун алды.

– Алло. Тынгылайма... Президент сёлешедими?..

Чонай, президент дегенни эшитип, ауузу ачылып са-гъайды. Прокурорну мудах бети жарыкъдан-жарыкъ бола тебиреди.

– Хау, Аслан Асланович, эшитип турама, сау бол... Ахшы, бек ахшы, – деп, прокурор телефонну чолпусун жерине салды. Къууанч тыптырлы болуп, столун къу-чакълады.

– Не болду олсагъатха? – деди Чонай, сейирсинип.

– Жеримде къойдула!..

Чонай, жойкъулланып:

– Къарындашым!.. Не иги болду! Мени тилеклерим Аллахха жетгенлерине ийнандым! Къарындашым, алгъышлайма! – дей, къолун прокуроргъа узатды.

– Мен кир адамны кир къолун тутмаучума! Эндиге дери жангыла келген эсем да, энди жангылмам, – деди прокурор Чонайгъя.

Чонай, къынкъ-мынкъ эте, ызына да жалынчакълы къарай кетди кабинетден.

КЪОНАКЪГъА БАРЫУ

Нек эсе да мен гитчелигимден окъуна къонакъгъа барыргъа бек сюйоучю эдим. Атам ахлуларыбыздан бирлерине тебиресе, арт этегинден тутуп тохтаучу эдим: «Мен да сени бла барама!» – деп. Анам, харип, кюрешиуючю эди: «Чонай, жерингде тур, сен алыхъа сабийсе къонакълыкъгъа жюрюрге...» – деп. Алай атам, мени кёз суу этгеними кёрсе, жаны аурукъсунуп, биргесине элтиуючю эди, къайры барса да.

Сабийлигимден къалгъан бу «ауруу», ёсгенимде да, манга жабышханлай къалгъанды. Футболну сюйгенле футбол оюннага чабышханча, мен да, къонакъгъа бармасам, кичиу текеча, амалсызгъа къалыучума.

Бир жол Къараачайгъа ана жууукъларымы барама. Мени хапарымы эшитгенлей, къараачайлыла: «О-о-о, бизге малкъарлы къонакъ келгенди! Анга хуналарыбызны ишлөтейик, ала ол затха бек устадыла», – деп, дыгъылымы къатылып тебиремеймидиле дейсе! Аланы къылыхъларын билиучум себепли, тёзе турдум. Алай кюнден-кюннеге, озадан-оза башладыла. «Ант эттир, бу малкъарлыны чибинлеталмай къалдыкъ!» – деп, мысхылдап айланнганларын да эшитдим.

Бир жол, къонакъбайымы арбазында тургъанымлай, сериле-сериле, юч къараачайлы келедиле, мыйыкъларын да бура.

– Салам алайкум, малкъарлы! Ахырысы, тёзюп болмазча, бир ашыгъылуу жумуш бла келгенбиз сенге... – дедиле, бир бирине ал бермей.

– Аллай бир ашыгъырча, не жумушду ол? – деп сордум.

– Да ма бу бурмачач нёгеребиз къызы къачыргъанды да, энди мууну, срочно къолтукъ тюплерин жюлюп, тазаларгъа керекди, – дедиле.

– Нек?

– Алайсыз мууну келиннеге жанларгъа эркинлиги жокъду. Бизни элде адет алайды! – деп, мыйыкъ тюплеринден кюлгенлерин эследим.

– Адегиз алай эсе, нек жюлюмейсиз да? – дедим.

– Ырбын-чырбынланы жюлюген тынч тюйюлдю. Ол затха сени усталыгъынг барды деп эшитгенбиз да, аны ючюн келгенбиз сенге! Заман жокъду. Бек ашыгъылуу ишди! – деп, богъурдагъымдан алыш тохтадыла.

– Да бу ишигиз алай бек ашыгъылуу эсе, мени хар затым да жюлюнүп, тап-тазама, – дедим.

Харх кюлюрge хазыр болуп тургъан жашла, ауузла-

ры ачылып, къынкъ-мынкъ эте, кери тайдыла. Андан сора къарапайтының да шашларыбыз: «Ант эттир, жаным, сен таза да тулпар малкъарлы көреме!» – деп, манга намыс берип тебирейдиле.

Бир жол а уллу Къабартыгъа бардым къонакъгъа. Антлы шүёхум юй бийчеси bla аллыма, кюнча, жарыкъ болуп чыкъдыла.

– Онеки жылны ичинде бизни юйге, сенича, сыйлы къонакъ келмегенді, – деп ийнакъладыла мени.

Сабийлери уа бир көп көре эдим, ала да, төгерегимден аллып, манга тангёрдю болдула. Аладан абаданлары уа бир силени къулакъларына «къушха» деп шыбырдағынан да эшитдім.

– Къалайса, шүёхум, Малкъар барысы тынч-ырахатмыды? – деп, Мусса хапар сорду.

Айтдым мен да, игибиз деп.

– Алан, Чонай, сен билликсе, къара къойну этими татыулуду, оғъесе уа акъ къойнуму татыулуду? – деп сорду Мусса.

– Къара къойну эти татыулу болуучуду, – дедим мен.

– Охо, алай эсе, – деп, юйден тышына чыгъып кетди.

Бізындан хахайларгъа да бир болдум, къыйналма деп айттыргъа. Алай, «Къонакъ къойдан жууаш» дегенчә, ауузуму къысадым. Эт ашагътан заманда бичакъ bla сюеклени кемирирге бек суюючум эсиме тюшюп, белимде къынныма узалдым. Аллахха шукур, бичагъым биргеме эди.

Мусса да келди, кюлюмсюреп. Бирараздан а, аны юй бийчеси Къаражан, уллу сай табакъ bla тауукъ этлени келтирип, аллыбызгъа салды. Алайлай сабийлери да чабып жетдиле. Мусса, алагъа урушхан кибик да эте, кимине тауукъну къанатын, кимине бутун, кимине боюнун бере кетди да, табакъда жаланда ташдёрден къалды. Сора бир уллу бичакъны да къолума туттурду да: «Сен бизни адетни билесе, бу ташдёрден, тауукъну сыйлы же-рича, къонакъгъа жетеди. Юч юлюш эт да, бириң Къаражаннга, бириң да манга, бириң а кесинге къой», – деди. Этдим ол айтханча. «Кимни арбасына минсенг, аны жырын жырла», – деп, эрттегиле бош айтмагъандыла.

Биз Мусса bla, ушакъ эте, кёпге дери олтурдукъ. «Тейри, андан бери уа эт бишерге керек эди», – деп да келди кёлюме. Мен да алай оюмлай тургъанлай, Къаражан аллыбызгъа кружкала bla чай келтирип салды. Аны да ичдик.

– Да, Мусса, бай-сыйлы болугъуз, энди мен кете ба-

райым, мындан кеч къалмай, – дедим, къонакъбайны бетине, не айтырыкъ болур дегенча, тюрслеп къарай.

– Охо, къайры ашыгъаса? Бюгече мында къалама десенг, жер табыллыкъды, – деди ол.

Билдим, сыйлау чай ичиу бла бошалгъанын. Мен олтургъан жеримден къопдум. Мусса шүёхум мени ашыра чыкъды.

– Алан, сен манга «акъ къой», «къара къой» деп нек соргъан эдинг?

– А-а-а, – деп ышарды Мусса, – былайда къоншум bla ёчешген эдим, ол акъ къойну эти татыулуду деп, мен а къара къойну деп. Сени хайырынгдан, андан гогуш къытханма! – деди шүёхум, мени инбашымдан къагъя.

Андан сора, бир жерге да къонакъгъа бармам деп, къаст этип тургъанымлай, Осетияда жашагъан бир тукъумлу жууугъубуз былтыр кюз артында мени къонакъгъа чакъыргъаны эсиме тюшюп, кесими тыялмай, жолгъа чыкъым. Бир тар къолда ажашыргъа да аздан къалып, алай тапдым осетинли ахлуларыбызын. Ала уа, мени кёргенлей: «Ай, юйонге, тюнене келсенд эди уа! Къойланы бюгюн таулагъа ашырып къойдукъ!» – деп, оу-шау этдиле.

«Тауукъларыгъыз да таулагъамы учуп кетгенди-ле?!» – дедим мен, кёз-къаш бермей.

Анда да къонакълыкъ сыйым хазна кётюрюлмегенине ачыуум чыгъып, Чечениге ётерге бел байладым. Анда иги шуёхларым бар эдиле, армияда бирге къуллукъ этген эдик. Грозныйге жетип, автобусдан тюшгенимлей, аладан бирине тюбеп къалмаймамы дейсе! Бир бирни къучакълап тансыкъладыкъ. Ол, терк окъуна хуржуунундан телефонун чыгъарып, ары бла бери сёлешди. Къарап-къарагъынчы, мен таныгъанладан да, мен танымагъанладан да жыйырма чакълы адам жыйылды.

– Бизде, адеге кёре, бек сыйлы къонакъны бек иги ресторанда сыйлаучудула. Келигиз «Терекге»! – деди шуёхларымдан бири.

Алай бла мени рестораннга алып бардыла. Юч-тёрт столну бирге къошуп, тёгереклемшип олтурдукъ. Официантха заказ бердиле. Терк окъуна столларыбызын юслири тюрлю-тюрлю ашладан, къара, къызыл икраладан, конъякладан, аракъыладан да толдула.

Ашадыкъ, ичдик, кёп алгышла да этдик. Къызычу жерлеребиз да къыздыла. Ахча тёлерге жетгенде, чеченли шуёхларым эрлай хуржунларына узалдыла. Быладан артха нек къалама деп, къоюн хуржунума мен да узалдым.

— Эй, эй... Чонай, уялтма бизни. Сен къонакъса, — деп, манга тырман да этдиле.

Алай, аланы араларында: «Мен тёлейме!» — «Угъай, оллах, биллях, мен тёлейме!» — деген даулашпа къыздан-къыза кетип, ахыры тарт-созгъа жетди. Тюйюш башланды.

— Къюгъуз, этмегиз былай, — деп, кесими ортагъа атдым. Хоу бирда, мени къыйыным киштик макъыргъаны къыйматын да тутмады. Ресторанны ишчилиери:

— Барыгъыз да, орамда тюйюшюгъуз! — деп, аланы тышына къыстадыла. Столларыбызыны артында жангыз кесим къалдым. «Охо, бир бирлерин суутурла да, къайтырла», — деп, олтура бердим. Бир заманда шапа тишириуучукъ къатыма келди да: «Ресторанны жапхан этбиз», — деп, аллыма узун счёт салды.

— Да, жашла къайтсынла да, тёлерле, — дедим мен.

— Ала къайтырыкъ тюйюлдюле... Эртте жайылгъандыла, — деди шапа тишириуучукъ.

Башыма таш тийгенча болдум. Не этерик эдим, къолларым къалтырай, хуржунума узалдым. Алайсыз да жукъа бохчам, бир жанындан къарасанг, экинчи жаны кёрюнюрча жукъарды да къалды. Келгениме бек чогъож болдум.

Алай, ахчагъа ойнаучу автоматла кеслерине тарт-ханча, мени къонакълыкъга барыргъа итиниулюгюмю ол да сууутмады. Энди, Чеченнге бир келгенден ары, узакъ да тюйюлдю, дагъыстаналы шүёхларыма да къайта кетейим деп, къызындым. Кечеги автобусха минип, тюзюнлей Махачкъалагъа жол тартдым. Анда мени шүёхларым бютюнда кёп эдиле: аварлыла, лезгинле, даргинлиле, бютюнда къумукъулла.

Ётюрюкден не асыу, мени хан къонакъча кёрдюле. Къойла союп сыйлагъандан сора да, Каспий тенгизден сыйлы чабакъла тутуп, ала бла да сыйладыла. Концертлеге да элтдиле, театрда оюнларына да къаратдыла, таулагъа чыгъарып, анда кийиклени да кёргюздюле. Кубачин усталы да алтын-кюмюш саплы къама бла да саугъаладыла. Айдан артыкъ турдум Дагъыстанда, алай ол манга бир кюнча да кёрюнмеди. Аллах айтса, кюз артына дери мында мычыргъа деген оюм этгенме.

Бир жол бир антлы аварлы шүёхуму юйюне төртюнчю кере къайтып бардым. Биягъыча, сыйладыла, намыс-хурмет этдиле. Ахырында шүёхуму къарт аппасы, адам болмагъан кезиучюкню марап, къатыма келеди да, акъ сакъалын да сылай:

— Ахшы улан, сен биле да болмазса, къонакъны бек сыйлы жери аны аркъасыды, — деди.

«Бубылай нек айтады? Мени аркъам аллай бир субаймыды да?» — деп, сагъышланып къалдым. Бир кесекден ангыладым къартны алай нек айтханын. «Ой, антсыз, гаккыбаш!..» — деп, ичимден кеси кесиме айып эте, олтургъан жеримден къопдум. Нек дегенде къонакъ кете туруп, къонакъбай аны аркъасын кёреди. Аны ючюн сыйлыгъа саналады экен, къонакъны аркъасы!

Ол ишден сора Махачкъалада арталлыда мычымадым. Мен кете туруп, битеу Дагъыстан аркъама суюоп къарап тургъанча кёрюндю манга. Сау болсунла ала, уруш-туйюш да чыгъармай, къойла таулагъа кетип къалдыла деп да тарыкъмай, хуна ишлетирге, ырбынчырыбынланы чалдыртыргъа да айтмай, тауукъну ташдёрдин да кёргюзтмей, ызыма закий сёзлери bla ашырдыла!

Андан бери, бизни юйге къонакъ келсе, мен, анга салам берирден алгъа, къонакъны аркъасыны сыйлылыгъыны юсюндөн айтып ангылатыучума.

Къонакъгъа барыу да, наркотик кибик, бир аурууду. Кёп кере ант этгенме, энди юйюмден чыкъмазгъа деп. Алай... биягъы сер Къарачайгъа ахыр бир кере ётермем деп, кичигенлей турама, не айтырыкъ эселе да!..



КУРНАЯТЧЫ АЛДАРБЕК



ТАУРУХЛА

МА ТЕПСЕГЕН ДЕСЕНГ!

Бир жол атам манга: «Алдарбек, мен къарт болгъанма. Барыллыкъ жерлеге баралмайма. Тюркде бизни къаршы ахлуларбыз кёпдюле. Сен, иги жаш кибик, алагъа барып, саулукъ-эсенликлерин да билип, бизден да салам айтып къайтсанг, бек иги боллукъ эди», – деди. Алай бла мен, атха да минип, Тюркге атландым.

Ол заманда Тюркню ара шахары Стамбул болуучу эди. Ол, Курнаятча, дуниягъа айтылгъан уллу шахар болмаса да, тизгини жыйылгъан тап къалаачыкъ эди. Мен ары ючюнчю күн тюш бола жетдим. Къалада хазна адам эсленмей эди. Күн бир кесек исси эди да, хар ким юйюне бугъунуп тургъан сундум. Уллу орамны башына чыгъа баргъан жерде, бир алаша юйчюкню арбазында къарт къатынны кёрюп, атымдан тюшдюм.

– Ынна, кюнүгөз ахшы болсун! Мен Малкъардан келеме, – дедим.

– Малкъарданмы? – деп сагъайды ол.

– Хау, ынна. Мында бизни ахлуларбыз жашайдыла да, саулукъ-саламатлыкъларын билирге деп келгенме.

– Оу кюнүм, сен Хабыратаукъулну жашымыса?

– Хау, ынна. Сен мени атамы къайдан таныйса?

– Да ол мени кичи къарындашымды. Келчи бери, жанынга болайым, – деп, ынна мени къучакълады. – Сен кесинг да Алдарбек болурса?

– Хау, Алдарбекме.

– Не уллу жаш болгъанса! Тъфу, машалла, кёз тиймесин! Сен туугъанда, мен Курнаятха барып кетген эдим, къурманлыкъ да ашап.

Атамы эгечи бла мен кёп хапарлашдыкъ. Ахырында:

– Юйде къуру кесинг нексе? Къалгъанла уа къайдадыла? – деп сордум.

– Барысы да Жашил талагъа кетгендиле. Ханыбыз къызын эрге береди да, аны тоюн анда этедиле.

Къалада адам нек эсленмегенин мен энди ангыладым.

– Да, алай эсе, мен да, ары барып, тамашагъа къайрайым, – дедим.

Ол угъай демеди, жаланда:

– Анда кёп къалма. Мен сенден алыхъа тансыгъымы алып бошамагъанма, – деп тиледи.

Мен Жашил талагъа келгенимде, къыстау той бара тұра әди. Хан – тахтада олтуруп, къызы bla киеулюғю да – аны әки жанында сюелип! Халқъ асыры кёпден, битеу дүнияны адам улусу бери жыйылгъан сунарча әди. Къобуз согъулгъан, къарс ургъан тауушла уа, жер этегине дери әшитилмеселе да, Бразилиягъа уа әшитиле болур әдиле.

Мен, әрлай, атымдан тюшюп, алгъа ёте барып, тепсекчү майданнга жетдим. Анда уа сюзюле әдиле ариу къызла, кёлде жюзген къанкъазлача. Жашла уа, асыры учуннгандан, бузда бурулгъан хайнухлача, чулгъаныша әдиле. Алагъа къарай кетип, мен да къызындым. Кеси кесими тыялмай, атылып, ортагъа чыкъым. Эки къолуму да, къуш къанатлача, кенгнге керип: «асса!» – деп тохтадым. Бу уа кимди, къайдан чыкъды дегенча, халқъ, манга къарап, тамаша болду. Мен, аякъ бүгюп, тауча тепсеп башлагъанымда уа, барысыны да ауузлары ачылып къалды. Аякъ ургъан жеримден зылдыла, къобуп, кенгнге уча әдиле. Къарап-къарагъынчы, Жашил таланы сюрюлген жерге ушатып къойдум! Тюркню ханы, асыры сейир этгенден, тахтасындан тюшюп, манга къарс урду. «Ма тепсеген десенг!» – деп, аперимлики манга берди. Мен, тепсеп бошап, майдандан бир жанына кетдим.

– Угъай, сен бери кел, – деп, хан мени къатына чакъырды.

– Кимсе, къайданса? – деп сорду.

Мен анга кесими танытдым. Ол а мыртазакъларындан бирине:

– Бу малкъарлы жашха, аламат тепсегени ючон, мени акъ ажирими алтын иери bla саугъагъа беригиз! – деп буюрду.

Жанында сюелип тургъан къызы уа:

– Атам, тилейме, бу жашха мени да бер... – деп жалынды.

– Сени уа къалай?! Телими болгъанса? Барлықъ эринг былайда турады да! – деп къызды атасы къызына.

– Угъай, атам, сен мени бу жашха бермесенг, жюрөгиме къыпты уруп ёллюкме! – деди.

Киеулюк да, анга ачыуланып, кесин бузду. Къутургъан бугъача, жерни тепледи. Алай, ол не бек ачыуланса да, къыз кеси айтханын атасына этдириди.

Алай bla, Тюркню бек ариу къызын да ат боюнуна миндирип, мен Курнаятха къууанчлы болуп къайтдым. Бир-бирде манга тюрклю киеу деп аны ючон айтыучудула.

АХШЫЛЫКЪ УНУТУЛМАЙДЫ

Бурун заманлада адамла кёбюсюнде уучулукъ bla жашап болгъандыла. Бизни юйюрюбюзню да атабыз кечиндириучу эди, уугъа жюрюп. Ол бирде къабан атып келсе, бирде уа жугъутур кётюрюп келиучу эди. Бир затдан да къыйналмай, тынч жашап тура эдик.

Алай къыйынлыкъ дегенинг соруп келмейди. Бир жол атабыз, уугъа баргъанында, тик жардан кетип, аягъын сындырды. «Энди къалай жашау этерикбиз?» – деп, юйдегилерибиз бушуу-бушман болдула.

– Да мен бёрк кие ушайма да! – дедим алагъя.

– Сен алыйкъа гитчечиксе, уугъа барыр чагъынг жетмегенди, – деп ахтынды анам.

Кертиси bla да, ол заманда мен сабий эдим. Алай, сабий болгъанлыкъгъа, Курнаятда уллу жашланы окъуна жыгъычуу эдим. Садакъны уа бютюнда уста тарта биле эдим.

Анам унамаздан, мен да тохтамаздан болуп, бир кюн уугъа кетдим. Тауланы, агъачланы къыдырып, кёп айландым. Кёзюме къоян окъуна урунмады. Бек мудах болдум. Юйге къайтып бара тургъанымлай, сол жанымдан къаплан сынсыгъын эшитдим. Тохтап къарасам, – эки уллу ташны арасында бир залим къаплан къапханнга тюшюп! Ол мени кёргенде, кёзлеринден жилямукълары шыр-шыр деп тёгюлдюле. Анга жаным ауруду. Къапханнга эки ал аягъы да бирден тюшюп эди. Кюреше кетип, аманны кебинден, къапланнны къапхандан ычхындырдым. Ол манга тюрслеп къарады, юсюмю-башымы ийисгеди. Сора, акъсай-акъсай, терен къырны ичи bla ёрге кетди. Бу жаныуаргъа болушханым жюрегиме бир кесек асыгулукъ берди.

Удан къурлай къайтханыма юйдегилерибиз айып этерле деп къоркъуп келе эдим да, киши жукъ айтмады. Жаланда, кенг ундурукъда жатып тургъан атам, мудахлыгъымы эслеп:

– Жарсыма, Алдарбек, алай да болуучуду, – деп манга кёл эттирди.

Мен а анга къапханнга тюшген къапланнны хапарын айтдым.

– Аны уа иги этгенсө, – деп къууанды атам.

Экинчи кюн да уугъа чыкъдым. Кюнню узуну айланы кетип, бир къоян ёлтурдюм. Асыры къууаннганымдан, ол манга, доммайча, уллу кёрюндю. Юйде да къууандыла мени биринчи «къурманлыгъыма». Къоянны, сан-сан этип, къазанинга урдукъ. Къоншулагъа да юлюш чыгъардыкъ.

Алай эте, уучулукъыгъа юйрендим. Тау эчкile, къоянла келтире башладым юйге. Бир жол Къынгыр таш деген къаяны этегине бардым, анда семиз доммайла айланадыла дегени эшитип. Кертиси bla да, бара баргъанымлай, доммай сюрюуге тюбеп къалдым! Арсарсыз, садагъымы тартдым. Атхан огъум, тау кибик, бир уллу доммайны жерге сойландырыды.

Мен да аны инбашымы атып, ызыма тебирегенимлей, къайдан чыкъды эсе да, жыйын бёрю чыгъып, тёгерегими алып тохтамадымы дейсе! Санап жетишалмадым. Баям, юч жюздөн артыкъ болур эдиле, хайырсызла. Кеслери да бир бек огъурсузла. Ауузларын манга ачып, тишлерин бир бирге ургъанларында, бир уллу тойда къазаатдан къарс къагъыла тургъанинга ушай эди. Мен, доммайны мыллыгын жерге салып, садагъымы жабышдым. Атып, бириң тёнгеретдим. Къоркъуп къачарла деп умут этген эдим да, эслерине да алмадыла. Мени ортагъа бютюн бек къысдыла. Ала мени жыртып бошарча халлары болгъанын эслеп, жан дыгаласха къалдым. Жерден бир уллу ташны сермеп алып, аны bla юслерине чапдым. Ол кишилигим да къоркъутмады алана. Мен алгъа чапханда, арт жанымда бёрюле аркъама секирдиле. Ишни арталда осалгъа кетгенин сезип, бёрюле bla къол сермешге кирдим. Кимини аягъындан, кимини къуйругъундан, кимини башындан тутуп, аяусуздан ары бери быргъап кюрешдим.

Алай ала кёп эдиле. Тёгерегимден къысып, онгуму алдыла. Юсюмде кийимлерими талап бошадыла. Жююто тырнакълары bla санларыма ауур жарада салдыла. Къаным тёгюлдю. Ачыуумдан, не этерге билмей, эки бёрюню эки къолтугъума къысып, ала bla бирге жерге аудум. Андан ары, эсим тайып, жукъ да билмей къалдым.

Бир заманда эс жыйып къарасам, бир къаплан санларымда къанагъан жаараланы зыбыр тили bla акъырын жалай турға эди. Мен аны таныдым – ол жол мен къапхандан ычхындыргъан къаплан! Тёгерекге къарасам, – битеу бёрюле жерде дырын болуп.

Мен къапланнны боюнундан къучакъладым. Ол да, кесин манга ышып, къуйругъун ойнакълатды.

Игилик унутулмайды деген кертиди. Къапланнны мен ёлюмден къутхаргъан эдим да, ол да къутхарды мени ёлюмден. Доммайны мыллыгын алып, юйге келдим. Юйдегиле, мени халымы кёргенде, уллу къайгъыгъа къалдыла.

– Жарсымагъыз, хар зат да тапды! – деп, мен алана къаугъаларын шошайтдым.

АЛТЫН КЪАМА

Гюргю патчах кюлюучюлени жыяды деген хапарны эшитдим да, тамашагъа бир къарайым деп, мен да ары атландым. Кюлюучюлени уа ол не хыйсапдан жыйгъанын билген да этмей эдим.

Барсанг а аллайгъа бар!.. Халкъ асыры кёп басын-нгандан, жер кёрюнмей эди. Бир мыйыкълы гюргю-люге:

— Мында не иш барды? — деп сордум.

— Э-э-э, кацо, кёремисе, кюлдюрюучюле жыйылып, патчахыбызын къызын кюлдюрюрге кюрешедиле. Ол туугъан кюнүндөн бери кюлмейди. Аны ким кюлдюрсе да, патчахыбыз алтын къамасын анга берликиди. Къама уа къамамыды!.. Аны къыныны юсюнде жюз мермер ташы барды. Жютюлюю уа къылкъыяр! — деп, мыйыкълы киши манга тынгылы хапар айтды. Кюлдюрюрге уллу хунерим болмаса да, аны эшитгенде, мен сагъайдым. Нек дегендө быллай бир иги къама къоллу болургъа эрттеден да муратым бар эди. Таулуну кишилиги не заманда да бёркүндөн bla къамасындан билине келгенди. Тейрини ахшылыгъындан — бёркюм бар эди. Къамам а адам кёзю илинирча тюйюл эди. Бир жол, Къобанинга баргъанымда: «Ант этдим, джаным, бёркүнге къарап, сени тулпар сундукъ, къамангы кёргенде уа, хуначы малкъарлыгъа ушатып къойдукъ...» — деп, къарапчайлыла мени масхара этген эдиле. Ма андан бери итине этдим былай бир тынгылы къама табаргъа.

Къысхасын айтханда, адамланы аралары bla сыптырылып барып, кюлдюрюучюле жыйылгъан жерге жетдим. Къарасам, — гюргю патчах тахтасында олтуруп, къызы уа аны жанында сюелип. Кеси бир ариучукъ, алай бети уа — мудах.

Кюлдюрюучюле, кезиу-кезиу, алгъа чыгъып, къызынды аллында аяусуздан кюле эдиле. Алай, ала не бек кюлселе да, къызыны бети бирда тюрленмей эди.

Мен да къарап тургъанлай, ортагъа бир бурмачач киши чыкъды.

— Бу уа Африкадан келгенди, — деп баямлады билдириучю.

Бурмачач алай кюлюп башлады, ахырысы, тауланы зынгырдата эди. Бирде айгъырча кишинеп, бирде уа бугъача ёкюре эди. Адамла да киндиксиз бола эдиле аны кюлгенине. Мен да кюлдюм. Алай патчахны къызы кюлмеди. Кюлген угъай, нек эсө да къашларын тюйдю. Бурмачач, ачыуундан, жилягъан окъуна этди.

Аны ызындан ортагъа бир французлу субай жаш чыкъды. Ол да аяусудан кюлюп кюрешди. Улакъча да макъырды, тауукъча да къянкъылдады. Халкъны кюлдюре эди, алай къызыны уа угъай. Ол бошагъанлай, ортагъа, башы тап-такъыр жюлюннген бир мазаллы тюрклю чыкъды. Аны кюлгени уа жар оюлгъаннга ушай эди. Бёрюча улуп да кёрдю, алай къызыны кирпигин да тепдирилмады.

Къайдан эсе да, Индонезия жанындан келген бир мискин а, асыры къыгчырып кюлгенден, тамагъын жыртып, ёнү къаныгъып къалды.

Алай эте, кюлдюрюучуле тауусулдула. Патчахны къызы да къалды, къашларын тюйгенлей.

– Энди уа бармыды къызыны кюлдюрлюк адам?! – деп хахайлалды билдириучу.

Мен, иймене-иймене, ортагъа чыкъым. Адамла маңга сейир этип къарадыла. «Тейри, бу бёрклю уа кёкню окъуна кюкюретир!..» – деген мысхылдауланы да эшигдим. Бирле уа, керти да, мен кёк кюкюрегенча кюллюк сунуп, къулакъларын къоллары bla бители.

Мен а патчахны къызыны аллына жууукъ бардым да, ауузуму кенгнге ачып, къынкъ деп бир таууш чыгъармай, хап деп, гаямы жабып къойдум. Къыз, чыммакъ тишчиклерин да ачып, шаудан суу шорхулдагъанча, ариу кюлдю. Аны кёргенде, патчах, асыры къууанингандан, тахтасындан жыгъылып кетерге аздан къалды.

– Сен кимсе?! – деп сорду ол манга.

– Алдарбек, – дедим мен.

– Аперим, жигит, аперим! Къайсы жерденсе?

– Курнаятдан.

– А-а-а!.. Сора сен басиятса?

– Хау, малкъарлым.

– Аперим санга! – деп, патчах белинде алтын къамасын тешип, манга узатды.

Ол алай этгенлей, кюлдюрюучуле анга уллу дау этип тохтадыла, бу ким эсе да, кюлгени да болмай, къаманы мынга бересе деп.

– Да сиз бош кюлдюрюучюлесиз. Бу уа керти да кюлкюлю адамды, – дегенини айтды да, къамасын къолума туттурду.

Мен да, аны алыш, ыспас да этип, кетерге тебирегенимлей, патчахны къызы манга, баш ийип, къолун узатды. Мен да аны жумушакъ къолчугъун къолума къысдым. «Ышарыуунг бетингден кетмесин!» – деп, алгъыш этдим анга. «Энди келирмисе?» – деди ол манга, жашыртын кёз къысып. «Келирме», – деп, сёз бердим.

Алай бла, гюргю патчахны алтын къамасын да белимде тагып, Курнаятха къайтдым.

Бу къаманы мен бүгүн да, бүгече да белимден тешмей жюрютеме.

ЖЕР ТЮБЮНДЕ

Жашауумда мен кёп къыйынлыкълагъа тюбей келгенме. Аладан бири эсимден кетмейди.

Бир жол, сарыкъулакъ ажириме да минип, уугъа чыкъым. Уштулу тюзге жете баргъанымлай, таула гюрүлдеп, жер къаты тепди. Атым да, мен да жыгъылдыкъ. Къаяладан юзюлген уллу ташла, къутургъан бугъалача, бир бирлерин тюрте, баш энишге къуюлдула. Аладан бири мени юсюме келе тургъанлай, аякъ тюбюмде жер жарылды да, къайры эсе да, теренинге урдум да кетдим.

Кёпмю бардым, азмы бардым – андан хапарым жокъаду. Нек дегенде эсим азгъан эди. Жайыкъынамда, къулагъыма тюрлю тауушла эшитилди. Кючден bla бутдан кёзлерими ачып къарагъанымда, бир уллу тереңни тюбюнде жатып тура эдим. Аны бутакъларыны къыйырлары уа мени санларыма жабышып эдиле.

– Ахшы улан, бир кесекге дери къымылдамай тур! – деген ауазны эшийтдим.

Къымылдайма десем да, къымылдаяллыкъ тюйюл эдим. Санларым барды деп билмей эдим. Бир заманда онг аягъымы баш бармагъы къызып тебиреди. Аны ызындан сол къулагъымы къыйыры жылынды. Башымы ичинде къазан къайнай тургъанча болду. Битеу чархым дыгъыл этип тебиреди. Мен амалсыз болдум. Кюллюгюм да келди. «Къымылдама, Алдарбек! – деген тиширыу ауаз къулагъыма чалынды. Мен сагъайдым. «Мени атымы билген бу не адамды?» – деп, сейирге къалдым.

Бираздан мен арталда жайыкъым. Тёгерегимде не эсе да бир тюрлю адамла айлана эдиле. Бек сейири – хар бирини бешишер кёзю, ючюшер а къөллары бар эди. Атлагъан да бизнича этмей эдиле. Чорбат чыпчыкълача, секирип-секирип атлай эдиле. Аладан бири – ариу тиширыу – эки къолу bla башымдан тутду да, ючюнчю къолу bla уа къашларымдан сылады.

– Сен кимсе? – деп сордум.

– Тынч тур. Алыкъа санга не къымылдаргъа, не сёлеширгэ жарамайды, – деди ол.

Ауузуму жапдым. Алай эки кёзюмю уа жабалмадым. Тиширыуну ариулугъуна тамаша этип къарагъанлай

турдум. Бираздан терекни бутакълары мени санларымдан айырыла башладыла. Ол манга бек къыйын кёрюндю.

– Тёзген эт. Бусагъат хар зат да тап боллукъду, – деди ариу тиширыу, биягъыча, ючюнчю къолу bla къашларымы сылай.

– Сен айтсанг, мен жаханим отха да тёзерме! – дедим. Аны беш кёзүндөн жилтинле чыкъдыла.

Терекни бутакълары мени санларымдан айырылып бошалгъандан сора, тиширыу мени башымы ийди да, ёрге турду. Мени къюоп къайры бараса дегенча, анга къолларымы создум.

– Ахшы улан, ёрге къобаллыкъ эсенг, кёрчю, – деген базыкъ ауаз эшитдим.

Жатып тургъян жеримден къийналып турдум. Арыбери тентиредим. Алай жыгъылгъан этмеди. Манга дунния bla бир кёз къарап тура эди.

– Мен къайдама? – деп сордум.

– Жер тюбюнде, – деп жууаплады аладан бири.

Сейир-тамаша болдум. Жер тюбюнде жашау болур деп, кимни эсинде бар эди?! Мен хайран болуп тургъанымлай, ариу тиширыу, келип, ючюнчю къолу bla мени билегимден тутду да, арлакъда сюек къалауну къатына элтди.

– Была сениклиедиле, – деди ол манга, ууалгъан сюеклени кёргюзтюп.

– Къалай?! Бу хымпыш болуп тургъян баш сюек да меникимиidi?

– Хау.

– Да сора мен къалай сау къалып турама да?!

– Ма бу терекни хайрындан, – деди ариу тиширыу. – Быллай терекле жаланда жер тюбюнде ёседиле. Ала доктор тереклиедиле. Сени ууалгъан сюеклеринги орунуна жангы сюекле къозлатхан да ма бу терекди.

– Пай-пай-пай! – деп сейирсиндим.

– Бу тереклени хайрындан, жер тюбюнде жашагъанла не къарт болмайдыла, не ёлген этмейдиле. Къарт бола башлагъан, доктор терекни тюбюне келип, аны бутакъларыны къыйырларындан къоллары bla тутханлай, жаш болуп къалады. Бу терекле жаланда бизге, жер тюбюнде жашагъанлагъя, жарагъян сунуп туруучу эдик да, ала башха дуниялада жашагъанлагъя жарагъын да билдик. Ма бу санга къарап тургъанла барысы да уллу алимлиедиле. Ала сени тирилгенингэ сейир этип турадыла.

– Анда-санда быланы кёзлеринден от жилтинле чыгъядыла. Бир-бирледе сени кёзлерингден да учхурукъыла учадыла. Ол неди? – деп сордум мен.

— Ол а бизни кюлгенибизди, — деп ангылатды манга ариу тиширыу. — Бизни ышаргъаныбыз, къууанинганыбыз да кёзлерибизни от чакъгъанындан белгили болады.

— Ашагъан а не этесиз? Мен ач болгъанма, — дедим.

Ариу тиширыу доктор терекни чапыракъларындан бирин юздю да, манга берди.

— Муну юч кере ийисге, — деди.

Ол айтханлай этдим. Ачлыгъым кетди да къалды. Асыры сейирден, хайран болдум. Чапыракъны дагъыда ийисгедим. Ашагъан ашым тамагъыма келип тыгъылгъанча болдум.

— Экиден, ючден кёп ийисгерге керек туююлду, — деди ариу тиширыу, кёзлеринден от жилтинле чыгъя. Хар затны мардасы болады. Аны бузаргъа жарамайды. Чапыракъны хуржунунгда тут. Ол санга жети ай bla жети кюннеге ийисгерге жетерикди.

— Муну ийисгегендөн сора, зат ашарыкъ туююлмеми!

— Угъай. Бизни ашыбыз олду.

— Мен шорпасыз жашаяллыкъ туююлме, — дедим, мудах болуп.

— Жашарыкъса. Доктор терекни чапырагъы сени ач этерик туююлду.

— Эт да ашамаймысыз?

— Айтама да, бизде аш-суу деген зат жюрюмейди.

Мен сагъышха къалдым. Мудах да болдум. Къойну жауурун къалагъын кемириучом эсиме тюштю.

— Сен къайгъы этме. Жер башындан эсе мында игиди, — деди ариу тиширыу, юч къолу bla да бетими сыйлай. — Мында биз эркин жашайбыз. Къыралла жокъдудула. Уруш болмайды. Сиздеча, адамла бир бирлери bla туюшмейдиле, бир бирге ётюрюк айтмайдыла, бир бирни алдамайдыла...

Багъалы сабийле, хапарым асыры узакъгъа созулуп барады. Аны себепли былайда тохтайым да, къалгъанын келир жол айтырма.

ЖУГЪУТУР БАЗУК

Бир кезиуде Курнаятда бизден жарлы юйор жокъэди. Битеу байлыгъыбыз бир кёкбаш эшек bla эки эчки болуучу эдиле. Бизни жашатхан да ала эдиле: бир саугъанда, эчкиле ючюшпер чөлөк сют бериучю эдиле. Алай, жарлыгъа байлыкъ жарашибиз маз дегенлей, бир кечеге аланы экисин да бёрюле ашап кетдиле.

Асыры амалсыздан, атам, къайынладан бир болушлукъ табалсам деп, Бызынгыгъа тебиреди.

— Мени да биргенге ала бар, — деп тилемдим андан.

— Угъай, угъай, эшекге артыкъ жюк боллукъса. Ол хайырсыз мени да элталгъа эди, — деди атам.

— Охо, мен жаяу барырма.

— Къалай барлыкъса мындан ары жаяу? Узакъ жолду.

— Бараллыкъма, — деп, къаты болдум.

— Охо, элт муну да биргенге. Туудукъчукъ да келгendi деп, андагъыла да къууанырла, — деди анам атама.

Ол алай айтып тилемден сора, атам бойсунду. Алай бла, экибиз да жолгъа чыкъдыкъ: атам эшекге минип, мен а аны ызындан жаяулай.

Ол заманда мен жети-сегизжыллыкъ жашчыкъ эдим. Иги кесек жол къоратхандан сора, атам, манга эриген болур эди, эшекден тюшдю.

— Энди сен мин. Кёрюп турама арыгъанынгы, — деди манга.

— Угъай, арымагъанма, — деп, минерге унамадым.

— Сен не тукъум хыптыярса, кесинг айтхан болмаса, адам айтхангага тынгыламагъан!.. — деп, ол манга урушду.

Алай, не бек кюрешди эсе да, унамадым эшекге ми-нерге.

— Сен мени сабий сунуп тургъанлыкъгъа, мен сабий тюйюлме, — дедим анга. Атам, манга къарай кетип, жумушады.

— Да болгъа эдинг алай а, — деп, инбашымдан да къакъды.

Биз Бызынгыгъа къарангыда, эл тынчая башлагъан кезиуде жетдик. Ахлуларыбыз бизге жарыкъ болдула.

— Алдарбек, Алдарбекчишибиз!.. — деп, ала мени бютонда сыйлы кёрдюле.

Сыйланып бошагъаныбыздан сора, атам келген жумушун айтды.

— Тейри, биз да артыкъ онглу уа тюйюлбюз, алай не этериксе, къолубуздан келгенича, болушургъа кюрешишибиз, — дегенни айтдыла жууукъла.

Аланы жууаплары атамы артыкъ бек къууандырмады. Алай ол кёлкъалдысын алагъа сездирмеди: ойнагъян, кюлген кибиц этип къойду.

Экинчи кюн ахлуларыбыз беш-алты арыкъ токълууну жыйыштырдыла.

— Тапханыбыз быладыла, — ыразы болугъуз, — дедиле ала бизге.

— Сау болугъуз, — деп, атам да, мен да кетерге тебиредик.

— Охо, ашыкъмагъыз. Бюгүн бийибиз жашына Къабартыдан келин келтиреди. Тойгъа къарай кетигиз, — дедиле жууукъла.

Аны эшитгенде, мени кёзлерим жандыла. Атам мени къууанчлы болгъанымы сезип, къалыргъа ыразы болду.

Битеу бызынгычыла сыйлы бийлерини къаласына жыйылдыла. Къазанла къайнай эдиле, башларындан да тылпыулары барып. Шапа тиширыула, къадалышып, хычинле, лёкъумла, бёrekле, гыржынла эте эдиле. Сабийле да ойнай эдиле, тёгерекни жабугъя алдырып. Уллу арбазда ариу къызла, бир бирге жетдирмей, къобуз согъя эдиле.

Кюн тюшден аугъан кезиуде акъ башлыкълы атлыла, орайданы да бардыра, келинни келтирди. Бий да чомартлыгъын кёргюздю. Столланы юслери этледен, хычинледен, къош бишлакъладан, халыуадан, боза гоппанладан толудула. Мен, ашха-суугъа хазна эс бурмай, аякъ бюгүп, жер тепдирип тепсегенлөгө къарай эдим. Бир заманда бий, къолуна да бир уллу базукну алып, халкъны аллына чакъырды.

— Бу къууанч кюнүмде, бу базукну ким сыйндыралса да, анга къой сюрю берликме, — деди.

Олсагъатдан базук къолдан-къолгъа ётюп башлады. Базук жугъутур базук эди. Кёпле кёрдюле кючлерин сынап, алай базукга къарыу эталгъан адам чыкъмады. Базук, айланы келип, мени атамы къолуна тюшдю. Ол, аны сыйндырама деп, терлегенлери да барып, кёп кюрешди. Болалмады.

— Эй, хомух курнаятчы, аны къой да, ма мууну сыйндырып кёр, — деп, ким эсе да биреулен, анга тауукъ бутну сюегин узатды.

Жыйылгъанла харх этип кюлдюле. Атам, уялып, жерге кирлик болду. Анга алай этгенлери мени ачыууму къозгъады. Жюреk отум жанды. Ётюм къайнады. Кёзлериме къан чапды. Атамы къолундан базукну сермел алдым да, тобугъума салып, чыкъар-мукъур таууш этдирип ууатдым. Ол сыйнганда, аны бир жаркъасы, чартлап барып, атамы тауукъ сюек бла хыликкя этген кишини мангылайына чанчылды.

Халкъ тамашагъя къалды. Бий, келе келип, эки къолу бла да кётюрюп, мени къюонуна алды.

— Сен кимсе, ахшы бала? — деп сорду ол.

— Аны жашыма, — деп, атамы кёргюздюм. Бий, атамы да къолун туттуду, уллу ыспас этди.

— Уллу Тейрибизге махтау болсун, халкъыбызыны ичинде, сенича, тынгылы улан ёсюп келгенине! — деп,

бий хуржунундан ууучу бла бир алтын ахча чыгъарып, мени ууучума къыйду.

Экинчи күн атам да, мен да бий берген къой сюрюнүү аллыбызгъа сюрюп, ызыбызгъа атландыкъ. Ахлуларыбызны токъуларын да кеслерине къойдукъ. Жолда бара, атам манга: «Алдарбек, энди билдим сени киши болгъанынгы!» – деди.

Аны ол маҳтауу манга бийни маҳтауундан эсе, кёп да сыйлы кёрюннген эди.

ЖИЛЯНЛА ДУНИЯСЫ

Курнаятдан ёрге ётюп, терен къөлнүү башында, Жилян тала деп бир таша жерчик барды. Алайны хапарын айтыргъа мен эрттеден да итинип тургъанма. Алай айттыргъа амалым болмай тургъанма. Нек болмагъанын а бусагъат ангыларсыз...

Бир жол атам, уугъя кетип, кёп туруп къайтды. Бетинде къаны жокъ эди. Не эседабир затдан къаты къоркъуп келгенин ангыладыкъ. «Айт, санга не болгъанды?» – деп къысадыкъ.

– Терен къөлнүү башында бир сейир иш кёрюп келеме. Бир гитче талачыкъ – жиляндан топпа-толу! Талачыкъны ортасында уа – бир кенг тешик. Андан жилянла, окълача, атылып чыкъгъанларын кёрдюм... – деп, атам хапарын жарты-къурту айтды.

Аны эшитгенден сора, тынчлыгъым кетди, жилян таланы кёргююм келип, шаурдатчы тенгим Ибрахим-ге тюбеп, хапарны анга да айтдым. Ол да ол «сейирликъни» кёрюрге къызынды. Андан, кишиге да билдирмей, экибиз да, жилян талагъа кетдик. Терен къөлнүү ичин къыдыра барып, ючюнчю күнде атам айтхан жилян талагъа жетдик. Сени жауунг да аллайны кёрсюн! Къара, къызыл, сары, кёксюл жилянладан бармакъ басар жер жокъ! Кеслери да огъурсузла, тынгысызла.

Ибрахим, къоркъуп, мени да къююп, къачып кетди. Ол кетгенлей, жилянла тёгерегими алдыла. Башларын кётюроп, манга сейирсинип къарадыла. «Келе келип, жилянлагъа аш болуп къалдым да!» – деп, ичимден жарсыдым. Алай, бир насыпха, ала манга тиймедиle. Болсада мен кетерге ашыкъмадым. Талачыкъны ортасында тешикден, садакъ окълача, жилянланы атылып-атылып чыкъгъанлары не зат болгъанын биле кетерге къаст этдим. Мен тешик таба тебирегенимлей, жилянла, эки жанына туруп, манга жол ачдыла. Сакъ аттай, тешикни къатына бардым. Ичине къарайма деп, боюнуму алгъа

созгъанлай, аягъым басхан жер оюлду да, къайры эсе да бирге ташайдым.

Учуп барып, бир жумушакъ затны юсюне деп деп тюшдюм. Аберим ачыды деп билмедин. Къадалып, аягъы юсюме соелирге кюрешдим. Къаrasam – жапжарыкъ дуния! Тёгерегим а жилянладан толуп!

Бир къызыл жилян, къатыма келди да, къарап-къарагъынчы, юсюме чулгъанды. Ол мени асыры къаты къысхандан, анга арталда къарыу эталмадым. Андан жилянла, басынышып, мени къайры эсе да алыш бардыла. Бек алгъа уллу ташланы аралары бла тенгиз жагъасына элтдиле. Ызы бла уа бир кенг дорбуннга кийирдиле.

Жилянла, бир бирлерине да сызгъыра, мени жети эшикден ётдюрдюле. Ахырында, бир мюйюзлю жилянны аллына элтип сюедиле. Аны башында – алтын такъыясьы, боюнунда уа жаухар минчакълары бар эдиле. Ол манга тамаша болуп къарады. Сора, ауузундан, сенек бутакълача, айры тилин чыгъарып, манга сызгъырды. Къалгъан жилянла да сызгъырышдыла. Была бир бирлери бла сызгъырып сёлешгенлерин ангыладым. Мюйюзлю жилян манга чулгъанып тургъан къызыл жиляннга, къысха-къысха, юч кере сызгъырды. Къызыл жилян олсагъатдан мени бошлады.

Солуууму эркин алыш, эс тапдым. Мюйюзлю жилян, белимде къаманы кёрюп, тынгысыз болду. Къуйругтү бла узалыш, къамамы къынындан чыгъарды. Кёс аллына тутуп, ары бла бери айландырып къарады. Къарай кетип, жилянлагъа сызгъырды. Жилянла ахлары кетгенча болдула.

Бу кезиуде бир акъ жилян терк окъуна жетди да, мюйюзлю жилянны аллында башын ийип тохтады. Ала бир бирге сызгъырышдыла. Сора акъ жилян манга бурулду да, билмей тургъанымлай, ауузума тюкюрдю. Ууун чачхан сунуп, ахым кетди. Алай, мен бош къоркъгъан эдим. Акъ жилянны тюкюрюгю ауузума тюшгенлей, жилянланы тиллерин ангылап башладым.

– Сен кимсе, къайданса? – деп сызгъырды мюйюзлю жилян манга.

– Мен таулума... курнаятчы, – деп, мен да анга сыйгъырдым.

– Атынг а къалайды?

– Алдарбек.

Атымы эшитгенлей, мюйюзлю жилян игида ёрге турup, башын алгъа созду да, мени кесине къысып къучакълады. Не этерик эдим, мен да къучакъладым аны. Ол къамамы да кесиме къайтарды.

— Сени юсюнгден мен эшите-эшите тургъанма. Былай тюбешгенибизге бек къууандым, — деди мюйюзлю жилян.

— Мен къайдама, не жердеме? — деп сордум анга.

— Сен жерни ючюнчю къатысында — жилянла дунисындаса. Мен а бу дунияны патчахыма.

— Жилянла жер юсюнде да бардыла. Ала уа сизденмидиле? — деп сордум мен анга.

— Хау, ала да биздендиле. Алай ала гюняхлы жилянладыла. Мында аманлыкъ иш этгенлени биз ары — жер юсюне — къыстайбыз. Сен, жыгъылып, бери тюшген тешик аланы жолуду — харамлыкъны жолу, — деп ангылатды мюйюзлю жилян манга.

Мен сейир-тамашагъа къалдым.

— Анга сен бош сейир этесе, — деди ол, къуйругъу bla мени башымдан сылай. — Адамланы гюняхлыларын да, Уллу Тейри кёкден жерге къыстагъанды, азап чегип, терсликлерин ангыласынла деп.

— Сора, мен да Тейри къыстагъан гюняхлы адамладан бирлеримеми?

— Угъай, Алдарбек. Сен гюняхладан тазаланнганладанса. Алай адамланы кёбюсю, алыхъа аманлыкъ ишиле этиулерин къоймагъандыла. Урлайдыла, улутха аладыла, тил этедиле, ётюрюк айтадыла, уруш ачып, къан тёгедиле. Аллайланы хатасындан, тюз ниетли адамла да къыйынлыкъ сынай жашайдыла...

Патчах жилянны айтханлары мени терен сагъышха къалдырыдыла. Дуниягъа кёзлерим жангыдан ачылгъанча болдум.

— Алдарбек, мен сени, кесиме ёзюр этип, мында къалдырыргъа сюeme, — деди жилянланы патчахы.

— Угъай, угъай, — деп, мен къаугъалы болдум. — Юйдегилеребиз жарсып турлукъдула. Мен Курнаятха кеттерге керекме!

Жилянла жалынып, тилеп кюрешдиле, къал деп. Алай мен арталда унамадым. Унамазлыгъымы билгенден сора, жилянланы патчахы:

— Ахшы, биз сени ызынга къайтарайыкъ. Алай сен бизге келгенинги юч минг жылгъа дери адамлагъа айтмазгъа керексе, — деди.

— Аллай бирге дери уа нек? — деп сордум мен.

— Юч минг жыл озгъунчу, сен бизни хапарыбызыны айтып къойсанг, адамла бизге тынчлыкъ берлик тюйюлдюле, ырысхыбызгъа сугъанакълыкъ этип. Ырысхы уа бизде кёпдю. Жер тюбюнде болгъан алтын байлыкъны, беш этип, тёртюсю бизни къолубуздады. Юч минг жыл

озгъандан сора уа, айтама десенг, айтырса. Ол заманинга, бизбылайдан кёчоп кетерикбиз, адамла тапмазча, узакъ жерге, – деп бошады сёзюн жилянланы патчахы.

Юч минг жыл озгъунчу, мен бу кёргеними бир жаннга да айтмазгъа деп, жилянлагъа сёз бердим. Андан сора ала мени «харам жолгъа» элтдилем да, гюняхлы жилянла бла бирге ызыма ашырыдьла. Къарап-къарагъынчы, тешикден ёрге, садакъ окъча атылып, жилян талагъа чыкъым.

Ма, андан бери юч минг жыл да озду, мен да бу хапарымы айтыргъа онг тапдым.

АХШЫЛЫКЪ

Курнаятны патчахы Хунабайны Кюнюкай деп ариу къызы болгъанды. Мени шауурдатчы шүёхум Ибрахим, аны сюйюп, тели болургъа аздан къалгъанды. Хапаргъа кёре, къыз да сюйгенди Ибрахимни. Алай Хунабай жангыз къызын, Ибрахим кибик, баш адамгъа берирге унамагъанды. Унамагъаны бла да къалмай, мыртазакъларына айтып, Ибрахимни къара кесеу өтгинчи түйдюргенди. Аны эшиитгенде, Кюнюкай да жилягъанды.

Кюнлени биринде Хунабай, бийикге секирип, ким хорласа да, къызымы анга берликме деген хапар жайды. Аны эшитип, дунияны жер-жеринден Курнаятха хайт деген жашла келдиле. Патчахыбыз эришиулени Къула тюзде бардырыргъа деп белгиледи. Кесини чатырын анда салдырып, къызын да биргесине ары элтди. Къула тюзге мен да бардым – эришиуге къатышыргъа деп угъай, баш, тамашагъа къарапгъа деп. Барсам, секириучөле аяусуздан жарау эте тура эдиле. Аланы арасында Ибрахимни да кёрдюм. Ол да кюреше эди, жарау этип, терлегенлери да саркъя.

Мен, айлана барып, патчахыбызыны чатырыны къатына жууукълашдым. Кюнюкайны кёрдюм. Бу жолгъа дери мен аны кёрмеген эдим. Кертиси бла да, бир ариу жан! Жюрегимде от жанинганча болдум. Чатырны къатындан кетеригим келмей къалды. Алай, къайдан чыкъды эсе да, къолунда да гида балтасы бла бир сарымыйыкъ мыртазакъ чыкъды да: «Бу тийреге жанларгъа жарамайды!» – деп, мени чатырдан кенгнге къистады. Алайдан кетип бара тургъанымлай, Ибрахимге тюбедим. Ол, Кюнюкайны кёрюр ючюн, чатыр таба бара тура эди.

— Баш бараса. Ары кишини да жанлатмайдыла, — дедим анга.

Ол ауур кючсүндю. Мыккыл болду.

— Бужол Кюнүкайдан къуру къалсам, кесими Чокъуракъ къаядан атарыкъма, — деп ахтынды ол.

Анга жаным ауруду.

— Кёлсюзлюк этме, шүёхум. Эришиуде хорласанг, Кюнүкай сеники боллукъду, — дедим.

— Айхай, хорлагъан окъуна этсем да, Хунабай, сылтау этип, къызын манга бермей къояр деп къоркъама.

— Аны ючюн бирда къоркъама. Ол берген сёзүнден къайтырыкъ тюйюлдю, — деп кёллендирдим шүёхуму.

— Сен кесинг а нек келгенсе? — деп сорду манга Ибрахим, тынгысыз болуп.

Мен, терк жууап эталмай, тыгъылып къалдым.

— Айтмасанг да билеме. Сен да Кюнүкайдан умутту болуп келгенсе, — деди шүёхум, манга къынгыр къарап.

— Да, тейри, санга чырмау болургъа сюймейме ансы... — деп, сёзүмю ахырын жутдум.

Ибрахим, жукъ да айтмай, жарау этерге кетди.

Эришиule ингир салкъында башланыргъа керек эдиле. Ингир да болду, алай башланмадыла. Секириучю жер да хазыр этилгенди. Баям, патчахыбыз сокъуранныган болур деп, тынгысызландыла адамла. Алай, кёп да турмай, патчахыбыз чатырындан чыкъды да:

— Ашыкъмагъыз! Эришиулени башлар ючюн, жауун керекди, — деди. Адамла бютюнда уллу сейирге къалдышла. Жауунну не ючюн керек болгъанын киши да ангыла-мады. Тейри буюргъанча, ол кюн окъуна жауун жауду. Бираzdан ол да тохтады. Булутла бийикге кётюрюлюп, Къула тюзню башы bla тейри къылыш да керилиди. Патчахыбыз да чатырындан чыкъды, къызыны да къолундан тутуп.

— Энди башлагъыз, — деди ол жыйылгъан уланлагъя. Ма бу сиз кёрген тейри къылышчы юсю bla ким секирип ёталса да, Кюнүкай аны сайларыкъды.

Киеулюкле оу-шау этдиле. Башларындан тутуп, бушуу-бушман болдула. Патчахха тырман окъуна этдиле, адамны къолундан келмезлик ишни бизге нек буюраса деп. Алай Хунабай сёзүнден къайтмады.

— Базыннганыгъыз жокъ эсе, ызыбызгъа къайтабыз, — деди патчах.

Адамла барысы да шум болдула. Хунабай, къызыны да къолундан тутуп, кетип тебиреди.

— Угъай, сыйлы патчахыбыз, кетмегиз! Мен... мен базынама! — деп, Ибрахим алгъа чыкъды.

Патчах тохтады. Ибрахим а, эки къолун да кёкге со-зуп, Уллу Тейриден болушлукъ тиледи да, алгъа сзызды. Чаба барып... секирди. Алай, кеси ёсюмюнден бийик-ге да секиралмай, кюлкюлюк болуп къалды. Хунабай да, къарынындан тутуп, харх этип кюлдю. Ибрахим а, не этерге билмей, тобукъларын туюп жиляды.

Ортагъа бир къара араплы чыкъды, къайын терек-ча, узун, бёкем жаш! Ол, битеу кючюн жыйыштырып, ажирча кишинеди. Сора, чаба барып, кёкге чынгады! Болалмады... Тейри къылычха башы жетип къалды. Аны алай залим секиргенине адамла сейир этдиле. Къарс окъуна урдула. Алай араплы жашны жюргегине ол зат асыулукъ бермеди. Кюнюкайдан къурлай къалгъанына бек ачыу этди.

– Энди уа ким? – деп сорду Хунабай.

Базыннган адам чыкъмагъандан сора, мен жеримден турдум. «Алдарбек, сен а не этесе?!» – деп кюлдюле адамла. Алай аланы мысхылдагъанларын мен къулагъымда алмадым. Кеси кесими къызындырып, тейри къылыч таба от болуп чапдым. Чабып барып – секирдим! Тейри къылычны башы bla аудум!

Къула тюздегиле барысы да сейир-тамашагъа къалдыла. Хунабай мени къучакълады.

– Кюнюкай сениди! – деп, къызыны къолун манга туттурду. Мен а, Кюнюкайнны алышп, жиляй тургъан Ибрахимни къатына бардым.

– Эки сойгенинге болушхан уллу сууапды! – деп, мен Кюнюкайнны bla Ибрахимни къолларын бир бирге туттурдум.

Аланы бетлерине нюр жайылды. Халкъ манга бек ыразы болду.

Ма Ибрахим тенгиме бир жол мен аллай ахшылыкъ этген эдим!

ШАЙТАНЛА АРАСЫНДА

Шайтанла энди къуругъандыла ансы, эртте заманлада кёп болуучу эдиле. Ала адамланы алдап болгъандыла. Акъылдан окъуна шашдырып тургъандыла. Алагъа мен да бир кере тюбegenме. Аны юсюндөн хапарымы да айттайым сизге.

Бююн кибик эсимдеди: Курнаятны баш жаны жилян жырмаз къалын агъач болуучу эди. Ары баргъан неда тас болуп кете эди, неда андан шайтанлы болуп чыгъа эди. Къысқасын айтханда – агъачны ичи шайтанладан

толу эди. Курнаятда атлары айтылгъан батырла окъуна агъачха кирирге базынмай эдиле.

Бир жол манга Холам башында Усхур деген шахаргъа барыргъа тюшдю. Анда базук сындырыучуланы битеукъыраллыкъ эришиулери бара эди. Пелиуанла сындыралмагъан бугъя базукну сындырып, биринчи сауғъаны мен алдым. Саугъя уа аллай саугъамы эди – алтын жюгенли къуш къанатлы акъ ажир!

Атыма да минип, Курнаятха къайтдым. Юйге келсем, атам да, анам да, къарындашларым да жиляй тура эдиле. Мени ахым кетди.

– Не болгъанды сизге? – деп сордум.

– Отубуз ёчюлдю, эшигибиз жабылды! – дей, анам юсюме къапланды. – Шамсачыкъыны шайтанла, алдап, алып кетгендиле.

– Къалай bla?

– Итибиз bla ойнай, агъач къыйырына дери баргъанын кёрдюк. Андан сора думп болду да кетди.

– Итибиз а къайда?

– Агъачда юрюп айланады, Шамсаны излеп.

Ауузлугъун чайнай тургъан акъ ажириме секирип миндим. Битеу ахлуларым, жилягъанларын къоюп, манга къарадыла.

– Къайры ахшы жолгъаса? – деди анам, ёзенгиме жабышып.

– Шамсаны излерге.

– Угъай, угъай... бир отдан чыгъып, экинчи отха киргенлей болмайыкъ, – деп, анам жерге бауурланып жиляды.

– Къой, Алдарбек. Сен агъачдан шайтанлы болуп чыкъсанг, биз ол ачыну кётюраллыкъ тюйюлбюз, – деп къошду атам да.

Болсада мен ала айтханига къарамадым. Ариу эгеш-чигиме асыры ачыу этгенден, жюрегим турушунлай къызыл жинк болуп къалгъан эди.

Акъ ажириими жюгенин бошлагъанымлай, эки арт аягъыны юсюне чанчылды да, ракетача, кёкге атылды. Асыры къаты жедден кёзлерими ачалмадым, къулакъларым да бегитилди.

Бир заманда бийик къаяланы юслери bla жортуп баргъанымы эследим да, атымы жюгенин тартдым. Тёгерегиме къарадым. Курнаят кёрюнмей эди. Ёзенлени, тау сыртланы да къалын агъач басып эди. Не этерге билмей тургъанымлай, онг жанымда тик къаягъя ёрлеп бара тургъан бир уллу, къара жилянны кёрдюм. Олсагъатда къанатлы балачыкъланы ачы чуюулдегенлерин эшит-

дим. Бир кесекден а эки акъ къарылгъач учуп келдила да, жиляу-сыйыт болуп, кеслерин жилян таба атдыла. Къарасам, – къая тырхыкда уя! Аны ичинде балачыкъыла! Жилян, а аланы ашаргъа бара! Жилян, ауузун ачып, боюнун уягъа созгъанлай, мен садагъымы тартдым. Огъум, бара барып, аны кёзүоне чанчылды. Къара жилян къаядан энишге тёнгереди. Эки акъ къарылгъач, учуп келип, экиси эки инбашымы къондула да, кёп жырладыла. Сора аладан бири, кесини жютю бурунчугъу bla къанат тюбюн чучхуй кетип, бир тюгюн юздю да, манга берди. Анга адам тил битип, ол манга былай айтды:

– Игилик игилик bla къайтарылады. Ма бу тюкню ал. Аны онг хуржунунгда жюрют. Санга керек заманда къолунг bla анга тие турсанг, дунияда сени бир жан да алдаяллыкъ туююлду.

Алай айтып, эки къарылгъач да, учуп, уяларына кетдила. Кюн да батып, кёз байланы башлагъан эди. Узакъда, агъач ичинде, бир жашыл талачыкъыны эследим да, атымы башын ары бурдум. Талачыкъыла терк жетдим. Атдан тюшюп, аны отларгъа ийдим да, кесим а жумушакъ кырдыкга сыртымдан тюшдюм. Бек арыгъан болур эдим... олсагъатдан окъуна къалкъып къалдым.

Къулагъыма не эсе да бир къобуз согъулгъан тауушла эшитилип, алай уяндым. Башымы кётюрюп къара-сам, – арлакъда отла жана, къазанла къайнай. Аланы тёгерегинде жашла, къызыла, аямай, тепсейдиле. Бир мыйыкъылы киши къобуз согъады. Эки ариу жаш, аны эки жанында олтуруп, дауурбасланы дынгырдатадыла. Бу тийреде эл-журт кёргөнгөн эдим, была къайдан чыкъдыла деп, тамашагъа къалып тургъанымлай, бухар бёрклю бир киши къатымы келди.

– Алдарбек, сенмисе?! – деди ол, сейирге къалып. – Мен а ингирили бери бу акъ атлы кимди деп турама. Не ышанлап къарайса? Таныялмаймыса?

– Угъя-а-ай...

– Хы, мен анангы къарындашы Хабалайма.

Иги эслеп къарасам, кертиси bla окъуна, Хабалай! Эсде-бусда болмай тургъанымлай, анга тюбегениме бек къууандым.

– Къайдан чыкъгъанса бери, Хабалай? Бу не той-ду?

– Была чыганлыладыла. Тау Артына кёчюп барадыла. Манга къысха жолну кёргөзт деп тилегендиле да, угъай дерге болмагъанма. Тамбла, Теке ауушка дери ашырып, ызыма къайтырыкъыма. Сен кесинг а не айла-наса?

— Эгешчигими шайтанла, алдап, къайры эсе да алыш кетгенди. Аны излей чыкъгъанма.

— Ай-хай-хай, не аман иш болгъанды! Бирге излейик. Бу чыганлылагъа да сорайыкъ, жолда-къолда сабий зат эслеген эселе.

Хабалай бла бирге той бола тургъан жерге бардым. Чыганлыла мени хурметли къонакъча кёрдюле. Бир ариу кюйюзню юсюне олтуртдула. Олсагъатдан аллымажюз тюрлю аш салдыла. Мен алагъа тиймедин.

— Аша, аша! — деп, ала къаты болдула.

— Эгешчигими тапхынчы, мен аш ашайаллыкъ туююлме, — дедим. Чыганлыла не эсе да бир бири къулакъларына шыбырдадыла. Хабалай, келип, мени къатыма олтурду.

— Была бек къонакъбай адамладыла. Берген ашларындан къапмасанг, кёллериине тиериксе, — деди.

— Къабаллыкъ туююлме. Эгешчигими ачыуу тамагъымы буууп турады.

Биз Хабалай бла алай сёлеше тургъанлай, мени аллымада бир тиширыу келип сюелди. Мен аны ариулугъун айтып жетиштираллыкъ туююлме. Бетинде жулдузла жана эдиле! Алтын сырғъалары инбашларына жете! Бели уа, къумурсханы белича, иничекчи. Ахырысы, къайдаболгъанымы да унутуп, ауузум ачылып къалды.

— Бу къыз сени тепсерге чаңырады, — деди Хабалай манга. — Бармасанг, кёлюне тиерикди.

Жеримден учунуп турдум. Чыганлыла, тёгерек тохтап, аяусуздан къарс уруп тебиредиле. Андан къызыны да аллымада салып, исламейге чыкъым! Санларым асырыженгил ойнагъандан, къанатла битген сундум. Къыз да алай ариу тепсей эди!

Къызыу тепсей тургъанымлай, эгешчигим дыркъ деп эсиме тюшдю. Санларым бошайдыла, ампырларым салындыла.

— Не болду санга? — деп, хур къыз жилямсырап тебиреди.

— Эгешчигими излерге керекме, — дедим мен.

Бу кезиуде къайдан эсе да, уку къычыргъанча, бирэриши къычырыкъ эшитилди. Мен сагъайдым. Бирсиле уа къычырыкъ эшитилген жанына къууанчлы болуп къарадыла.

— Эгешчигинги тапхандыла, — деп, Хабалай мени къучакълады. — Кёремисе была къаллай огъурлу адамладыла!

Кёп да турмай, къаарангы агъачны ичинден бир къаумчыганлы чыкъды. Аладан бирини къюнунда уа — мени эгешчигим Шамсачыкъ!

— Алдарбек... Алдарбек!.. — деп, эгешчигим, жиляп, эки къолун да манга созду.

Къуаңнгандан, не этерге билмей къалдым. Шамсачыкъ, эки къолу бла да боюнума чулгъанып, кёкюрегиме жабышды.

— Эгешчигинги сау-эсен табылгъаны ючюн, жангыдан той этейик, ашайыкъ, ичейик, — деп, чыганлыла къуаңч тыптырлы болдула, мени жериме олтуртдула. Хабалай, алгъыш этип, боза аякъланы алдырды. Мен аякъны ауузума жетдирир-жетдирmez, эгешчигим къулагъыма ичме деп шыбырдады. Хабалайны ачыу чыкъды.

— Сабий къыз уллуланы къатында тынч олтуруп турургъа керекди, — деп эсгерти ол эгечиме.

Нек эсе да чыганлыла да тынгысыз болдула. Мени бла тепсеген ариу къыз а, келе келип, Шамсачыкъны мени къатымдан алыш кетерге умут этди. Аны мен да унамадым, эгешчигим кеси да унамады. Биягъы боза аякъны ауузума элтип башлагъанымлай, Шамсачыкъ къолчугъу бла быгъыныма тийди. Аны алай этгени мени сагъайтды. Акъ къарылгъач берген тюк эсиме тюшдю. Къолуму хуржунаума сугъуп, тюкню бери чыгъаргъанымлай, тёгерек къуйрукълу шайтанладан толду да къалды! Анамы къарындашы Хабалай а мюйюзлю шайтан болуп чыкъды. Мени бла тепсеген хур къызыны уа соргъан иш да этмегиз! Аны жапсындан адам угътай, таш да къоркъур эди!

Шайтанла, ары-бери къачып, думп болдула. Отла да жокъ, къайнагъан къазанла да жокъ. Эгешчигим бла мен къалдыкъ. Аллыбызда уа дунния бла бир хылымылы, кир затла.

Шамсачыкъны къоюнума къысып, мен да къачар къайгъыгъа кирдим. Алай къайры къачаргъа билмей эдим. Тёгерегим — къалын агъач, къарангы кече! Агъачдан чыгъаргъа жол излей, аман кюнүм башыма келди. Къарыууму тауусуп, амалсыз болуп тохтагъан кези-уюмде акъ ажиrimи кишинеген тауушун эшиздим. Асыры къуаңнгандан, арыгъанымы иш да унутдум. Атны тапдым. Ол терекге тагъылып тура эди.

Шабат кюнню эрттенлигинде эгешчигим бла бирге элибизге жетдим. Битеу курнаятчыла, тышына чыгъып, тамаша болдула. Ол кюнден тебиреп, агъачларыбыздан, тауларыбыздан да шайтанла къурудула. Бюгюн да, бүгече да, ала мени кёрселе, ахлары кетеди. Акъ къарылгъачны къанат тюгю хуржунаума болгъанын ала биледиле. Аны ючюн къоркъадыла менден.

КЪАБАРТЫГЪА ЖОЛОУЧУЛУКЪ

Къабартыны Къафа деген шахарында Хабижен деп мени бир антлы шүёхум жашаучу эди. Бир жол ол, манга адам ийип, юйдегили болургъа хазырлана турғынан түйюл эди. Аны себепли кесими жолгъа хазырладым. Атам бла анам да къайгъылы болдула, къуру къол бла барыргъа жарамаз деп. Ол заманда бизни юйюрню жашау къолайы доюн түйюл эди. Анам, къулакъларында алтын сыргъаларын тешди да, манга узатды, быланы келинчикке саугъагъа берирсе деп. Аланы да хуржунума сугъуп, садагъымы да алып, кёкбаш эшегибизге минип, жолгъа атландым. Алайынлай, жыйыны бла уудан къайтып келе турғын патчахыбыз Байбай аллымча чыкъды.

— Алдарбек, къайры ахшы жолгъаса? — деп сорду ол.

— Къабартыгъа... тойгъа, — дедим.

— Бу кюйюнг бламы? Угъай, алай жаарыкъ түйюлдю. Бир факъыра таулу келгенди деп, кесинги да, бизни да айыплы эттирликсе. Сен жигит уланларыбыздан бириسه. Тийишли халда барыргъа керексе, — деди да, мен сюймеучу жаман къылышыкълы ёзюрлеринден бирин атындан тюшөрдю. Юсунде къара чепкенин да тешдиртди — жагъасы да, женг къыйырлары да окъя халы бла сырлыгъан, хазырлары уа алтын бла жасалгъан! Патчах ол чепкени манга кийдирген бла къалмай, ёзюрню атына да миндерди.

— Ма энди жаарыкъса! Хайда, ахшы жолгъа бар! Къабартылы къарьындашларыбызгъа салам айт! — деп, Байбай къолуму да тутуп ашырды.

Кетип бара, ызыма буруулуп къарасам, ёзюр, мени кёкбаш эшегиме да минип, патчахны жыйыныны ызындан гыллыгу-гыллыгу эте бара эди.

Къаум кюнден мен Къафа шахаргъа жетдим. Адеддеча, шахарны къыйырында атымдан тюшюп, шүёхуму юйюне жаяу бардым. Келсем, — той да, оюн да жокъ. Арбазда бир къарт къатынчыкъ, жангыз кесинлей, тауукълагъа бла гогушлагъа нартию чача айлана эди.

— Кюн ахшы болсун, ынна! — деп саламлашдым.

— Ахшылыкъ кёр, балам! — деп жууаплады ол да.

— Хабижен къайдады?

— Сен аны малкъарлы шүёху болурса, — дей, къарт къатынчыкъ мени юйге киргизтди. Къарасам, шүёхум ундурукъда жатып. Бир аягъы да байланып.

— О-о, Алдарбек! — деп, ол ёрге кётюрюлоргө кюрешди. Экибиз да къучакълашып саламлашдыкъ.

– Не болгъанды санга? Нек жатаса? Той къайда?

– Сормай къой. Хар зат да тап бола тургъанлай, аягъымы сындырдым да, тёшек болдум да къалдым, – деп жарсыды Хабиж.

– Къалай bla сындыргъанса аягъынгы?

– Гинязыбыз Хатаужукъ эмилик атларын юретирге жашланы жыйгъан эди. Бир антсыз ажирге уа бирибиз да къарыу эталмай къалдыхъ. Аны юретебиз деп, кимле къолларын сындырдыла, кимле башларын тешдирдиле. Мен да аягъымы сындырдым. Экеулен а ёлген окъуна этгендиле.

– Да ол не тукъум эмиликди, къабартылы жашла юреталмазча?! – деп сейирсиндим мен.

– Аны айтсанг а! Эмиликден да озгъан эмиликди – чыннты тарпан¹! Энди уа гинязыбыз аны юретгеннеге жангыз къызын берирге айтханды да, арапдан, тюркден да кёп жигит келген хапары барды. Барып, сейирге къаррагъа бек сюе эдим, алай баралмайма, – деп ёкунду Хабиж. Сора, бирараз тынгылап туруп: – Къыза аллай къызмыды дейсе... кюн таягъы кибик! Аты да Адиух! – деп къошду.

Ол кюн мен шуёхуму къатында турдум. Экинчи кюн а шахаргъа чыкъым, эрикгеними кетерейим деп.

– Ат юреттеген жерге бар, манга да хапарын айтырса, – деди Хабиж.

Мен тюзюнлей ат юретген жерге бардым. Адам дегенинг – сыйынып-сыгъынып болмазча. Хайт деген кишиледен бир жюзюсю, жым-жым жылтырагъан дум къара ажирни боюнчан аркъанлап, аны жууушдуургъа кюреше эдиле. Ажир тепчиген сайын, аркъандан тутханла да, ары bla бери сюрюшюп, аман кюнлерин кёре эдиле. Хатаужукъ гиняз да, сырт башында олтуруп, къарап тура эди, ажирни аркъасына ким къоналыш деп. Алай эмиликни къатына барыргъа киши да базынмай эди.

Ахырында бир къара араплы алгъа чыкъды. Акъырын атлай барып, ажирге жууукълашды. Алайынлай ажир, ёрге секирип, арт табаны bla жашны быгъынына къакъды. Ол жерге сойланды. Аны, сюйреп, бир жанына чыгъардыла.

– Энди уа бармыды кесине базыннган? – деп, Хатаужукъ гиняз сырт башындан сёлешди.

Жеринден къозгъалгъан адам эсленмеди. «Тейри, былай келгенимден ары, мында да кесими бир сынай кетейим», – деген акъыл кирди башыма. Алгъа чыкъым.

¹Тарпан – къолгъа юретилмеген кийик ат.

— Охо, бу уа кимди? Къайданды?! — деп, жыйылгъанла сейир-тамашагъа къалдыла.

Мен ажир таба таукел бардым. Ажир, мени кёргенде, алай къаты кишинеди — битеу Кавказгъа эшитилирча. Ал аякълары bla жерни чучхуп, кесин тыйдырмай башлады. Мен кенгирикден окъуна, секирип, аны аркъасына къондум. Жалкъасына гырмыкча жабыштым. Ажир от болду. Аркъанны да юзюп, кёкге чынгады! Къарап-къарагъынчы, булутлагъа жетдик. Аладан да оздукъ. Асыры сууукъдан, эмилик да, мен да бузларгъа аздан къалдыкъ. Ажир учуун селейтди. Мен аны къызгъан къаныны сууугъанын сездим. Ол энишге айланды. Бир къарлы тауну башына келип тюшдюк. Андан Къафа шахаргъа жол тартдыкъ. Къара ажирни жууаштырып, Хатаужукъ гинязны аллына келип сюелдим. Гиняз да, халкъ да сейирге къалдыла.

— Сен кимсе? Къайданса? — деп сорду гиняз манга.

— Мен малкъарлыма... Курнаятдан.

— Тохта, тохта... Сен Алдарбек тюйюлмюсе?! — деп сорду гиняз.

— Хау, Алдарбекме.

— Къара, юйүнгө! Андан бери аны айтсанг a! Битеу адиг халкъла, сени кишилигинги юсюндөн эшитип, сейирсинип жашайдыла! Аперим, Алдарбек, аперим санга! — деп, гиняз мени къаты къучакълады да, къызын чакъыртды.

Къуулукъча, къабынып, жанып кетерге аздан къалдым, анга асыры сюйюннгенден. Быллай ариуну мен бу жолгъа дери кёрмеген эдим. Къыз да, мени кёргенде, бети толгъан айча жарыды, кёзлеринден нюр тёгюлдю.

Хатаужукъ гиняз Адиухну да, мени да некаях bla бир юйдегили этди. Къара ажирни да манга саугъагъа берди. Тоюбуз эки жыйырма кюннеге созулду. Ол бошалыргъа, Хабижни да аягъы сау болуп, анга да сюйген къызын келтирдик. Аны тоюнда да тепседим, чабырларым жылтыргъынчы. Анам берип ийген эки алтын сыргъаны да келинчикни къулакъларына такъдым. Ол алагъа журегинден къууанды. Хабиж шүёхум да манга бек ыразы болду.

Мен, къара ажирге да минип, Адиухну да ат боюнуда алып, ызыма атландым.

— Малкъарлы къарындашларыбызгъа бизден къызыу салам айттысыз, — деди гиняз, къызын да, мени да жолгъа ашыра.

Бир таудан ётюп, экинчи таугъа жетгенибизлей, жилянча сыйзгъырып, бизни таба учуп келген бир садакъ

окъну кёрдюм. Мен аны хауада сермеп тутдум. Адиух бек къоркъду. Мен да аны жapsара тургъанымлай, башында да къой териден этилген гебен кибик бёркю бла бир къарасакъал киши юсюбюзге чыкъды.

– А-а, бу сени илляунгмуду? – деп, садакъ окъну, белинден эки сындырып, аны бетине быргъадым.

– Киши эсенг, атдан тюш! – деди ол.

Мен атдан тюшдюм. Къарасакъал, къапланча, юсюме секирип, эки къолу бла да жагъамдан тутду.

– Жанынг саулай былайдан думп бол! – деп жаныды.

– Сен кимсе? – деп, сабыр сордум анга.

– Адиух мени сюйген къызыымды. Атасы аны манга бериргэ унамагъанындан сора, абирекге чыкъгъанма, анга дерпт жетдирир ючюн.

– Адиух энди мениди, – дедим анга.

Къарасакъал мени укаларгъа умут этди. Андан экибиз да ёрелещдик. Къарасакъалны, чулгъандыра кетип, тюпге урдум. Ичи бузулгъан болур эди, ансы терк окъуна шошайып къалды. Андан сора биз, хатасыз-палахсыз, ата юйюме жетдик.

Къабартылы келинчикни кёргенде, курнаятчыла та- маша болдула. Аны ариулугъун жыргъа салдыла. Бай- бай патчахыбыз да Адиухха сыйлы саугъала этди. Ша- уурдатчы шуёхум Ибрахим а, келе келип, келинчикни кёргенлей, от болду.

– Мен да барама Къабартыгъя! Мен да Къабартыгъя барама юйленирге! – деп, кесин тыйдырмай, жолгъа ат- ланды. Алай, юч-төрт кюнден ол ызына къайтып келди, кесин жолда ким эсэ да бир абирекге твойдорюп, къамасын да, садагъын да анга сыйыртдырып.

Къалай-алай да болсун, Къабартыгъя мени бу жолоу- чулугъум игилик бла башланып, игилик бла бошалды!

КЪАПЛАНЧЫЛАНЫ ОЮНУ

Бурун заманлада бардырылыучу спорт оюнлардан бююнлюкде бек тынчлары къалгъандыла. Къыйынлары уа уннутулгъандыла. Сёз ючюн, алгъын Курнаятда «Къапланчы» деген оюнубуз болуучу эди. Ол оюн бардырылгъан кезиуде, аны сейирлигине къарап ючюн, битеу къыралладан адамла келиучю эдиле.

Ол оюн былай бардырыла эди: уучула бир талай къапланнны агъачдан сюрюп чыгъарып, бийик буруугъа тыйычуучу эдиле. Кеслерине базыннган жашла уа биринчи кюн аладан бирлерин, тутуп, жюгенлеп, атны юйретген-

ча юйретирге керек эдиле. Экинчи кюн а ала, юйретген къапланларына да минип, чаришге чыгъыучу эдиле. Ол чаришде хорлагъанга уа, «Къапланчы» деген хурметли ат атап, деберин бек уллугъя кётиргендиле. Аны кесин да къызла бек сюйюп болгъандыла. Алай, аллай даражагъя жетер ючон а, уллу батырлыкъ, чынтык кишилик керек эди. «Къапланчы» болабыз деп, кеслерин къапланлагъя талатып къойгъанла да болгъандыла.

Бир жол къапланчыланы кезиулю эришиулериине къатышыргъя мен да таукел болдум. Аны эшитгенде, жарлы анамы жюргеги тутуп, юч ай bla онжети кюн жатды. Насыпха, усталы, иги багъып, аягъы юсюне салдыла.

Къапланчыланы оюну шабат кюн башланды. Белими кенг къайиш жип bla да иги къысып, мен да ары бардым. Аллай бел бауну къапланны тырнакъларындан сакъланып ючон къысычуу эдиле. Баргъанымда, Ибрахим шүёхум да анда туралы эди, шауурдатчыла да къолларында байракълары bla аны тёгерегине басынып.

– Не этесе сен а мында? – деп сордум шүёхума.

– Сен не этесе аңсы, мен а «Къапланчы» болургъа келгенме! – деди ол.

«Бизни Ибрахим жашасын! Ол чынтык батырды!» – деп къычырышдыла аны тёгерегинде шауурдатчыла. Ала алай къычырышхандан сора, не айттырыкъ эдим, – ауузуму къысып, бир жанына кетдим.

Бурууда жыйырмадан артыкъ къаплан, тышына ычхынып ючон, алгъя bla артха чаба, гузаба этип кюреше эдиле. Асыры огъурсуздан бир бирлерине да ёшон ура эдиле. Бир сарыкъулакъ къаплан а бютюндө бек кесин буза эди. Адамла аны ёкүргенинден окъуна къоркъя эдиле.

Сюдю къапланчыланы кесине чакъырды.

– Къайсыгъыз башлайсыз? – деп сорду ол.

– Мен! – деп, Ибрахим алгъя чыкъды.

Биягъы шауурдатчыла: «Ибрахим! Ибрахим!..» – деп, тёгерекни къычырыкъя алдырыла.

Бир къолунда аркъаны, экинчи къолунда уа жүгени bla Ибрахим буруугъя кирди. Оюнну жоругъуна кёре, ол, аркъанны атып, къапланладан бирин тутуп, жүгенлеп, буруудан чыгъарып, юсюне минерге керек эди. Ибрахим аркъаны Сарыкъулакъя атды. Аны алай базынганина мен бек сейир этдим. Адамла да анга къарсурдула. Ибрахим атхан аркъан Сарыкъулакъны боюнча илинди. Алайынлай, къаплан аны юсюне секирди да, тюбюнне басды. Къапланчыла барыбыз да чабышып,

Ибрахимни кючден бла бутдан къутхардыкъ. Аны санларында Сарыкъулакъны тырнакълары кирмеген жери жокъ эди.

Сюдю оюнну андан ары бардырды.

– Къайсыгъыз чыгъасыз? – деп сорду биягъы ол.

Къапланчыла ынгырылып къалдыла. Баям, Сарыкъулакъдан къоркъянлыкълары болурэди. Сарыкъулагъ'а, бютюнда бек ачыуланып, ауузун адамлагъа ачып, жютю тишлирин бир бирге ура эди. Болсада аны алай этгени мени къоркъутмады.

Эрлай, буруугъа кирип, аркъанны Сарыкъулакъгъа атдым. Аны къыйыры, учуп барып, къапланнны боюнуна чулгъанды. Ибрахимни юсюне секиргенча, Сарыкъулакъ мени юсюме да секирирге мурат этди. Алай андан мен алгъа болдум. Эрлай секирип, юсюне къондум. Жыйылгъан халкъ, къоркъуп, шум болду. Къаплан bla мен а, гёжефлеча, бир бирни тутдукъ! Кюреше кетип, аны онгун алдым. Ахырында тюпге урдум. Башына жүген салып, аны буруудан чыгъардым.

Адамла тамаша болдула. Мени атымы айтып къычырдыла. Къарс урдула. Мен а Сарыкъулакъны юсюне къондум! Ол этмеген къалмады: ёрге-ёрге секирди, эмилик атча чюелди, кюлге аунагъан гырайтча, жерге да аунады, кесин жардан энишгө да атды. Алай, небек кюрешди эзе да, мени аркъасындан тайдыралмады. Ахырында ол жууушду. Манга бой салды.

Бирси къапланчыла да къалгъан къапланланы юйорсундордюле. Экинчи кюн а чариш башланды. Ол чарышде Сарыкъулакъ бла мен хорлап чыкъдыкъ. Манга «Къапланчы» деген хурметли атны атадыла. Боюнума мермер ташдан тизилген минчакъланы такъдыла. Ол чемпионлукъну белгиси эди. Къызла уа, алlyма чабышып келип, дарий къол жаулукъларын аягъыма атдыла. Ала асыры кёпден, тёппем кёрюнмей къалды!

НАРТЛА УЯЛГЪАН ЭДИЛЕ

Бурун заманлада нартла, кеслерини кишиликлерин сынар ючон, бирге жыйылдып, нарт оюнла къурап болгъандыла.

Бир жол а Курнаятха жыйылдыла. Сюйсегиз ийнаныгъыз, сюйсегиз а къююгъуз, мен кеси ёмюрюмде аллай сейирлик затха кёз ачмагъанма! Ол кюн, нартланы оюнларына къарагръа деп, Курнаятха басыннган халкъны санап саны жокъ эди. Башха къыралладан да кёп къо-

накъла келдиле, саугъала да алыш. Россейни патчахы уа биргесине кесини бир ариу къызын да алыш келди. Ариу дегенде уа – не къошары, не къоратыры болмагъан аллай бир зат! Анга сукъланып къарамагъан жан жокъ эди. Мени шауурдатчы шүёхум Ибрахим а, анга асыры гузаба этип къарагъандан, ахылау болуп къалгъан эди.

Бираздан нартла ортагъа чыкъдыла. Халкъ сейир-тамашагъа къалды. Къаялача, бир уллу адамла! Аланы билек шаугютлери, тукъур-тукъур къайнап, состар ташладан къуралгъанча, алай эдиле. Жауурунлары – буруу чалманлача, кенг, боюнлары – эмен тёммекча, бёкем! Бютюнда бек Къонгуртай деген нарт къудуретли эди. Аны къатында Сосурукъ, Алауган, Къараشاуай, Ёрюзмек да гостала кибик эдиле.

Нартла биринчи оюнну илишан атыудан башладыла. Тёргюз атлам узакълыкъда, башына да ийне чанчып, узун къазыкъ сюедиле. Нартла, ийнени марап, атып башладыла. Биринчи Къонгуртай тартды садагъын. Аны огъу, учуп барып, ийнени кёзюне чанчылды. Халкъ, къарс уруп, Къонгуртайгъа аперимлик берди. Сюдюле къурукъну башына жангы ийне чанчдыла. Алауганны садакъ огъу аны белиндөн эки этди. Бу оюнда не хорлагъан, не хорлатхан болмады. Нартла барысы да атхан окъларын ийнеге тийдирдиле.

Андан сора тутушуу башланды. Алай ала бир бирни жыгъалмадыла. Къонгуртай окъуна къарыу эталмады. Бек ахырында, ол Алауганны сермеп тутханында, адамланы ахлары кетген эди. Нек дегенде, Къонгуртай Алауганны къучагъына асыры къаты къысхандан, ол, чыбыкъча, иничкерип къалгъан эди. Алай деу нарт не бек кюрешди эсе да, аны жыгъалмады. Алай бла нартланы бу оюнлары да тенг бошалды.

Аланы ючончю оюнлары уа бютюнда къыйын эди. Бу жол нартла, Курнаятны чегет жанында Чынгыл къаянны аркъалары бла тюртюп аудуургъа керек эдиле. Сюдюле чёп атдыла. Бек алгъа кючюн сынаргъа Сосурукъгъа тюшдю. Ол, аяусуздан, сыгъынып кюрешди. Болалмады. Къаяны аз-маз жеринден тепдирип къойду. Аны ызындан кезиу Алауганинга жетди. Ол да къаягъа жукъ эталмады. Ёрюзмек да кюрешди, кючюнден келгенни аямай. Алай къаяны, къымылдатып къойгъан болмаса, аудуралгъан а этмеди. Къараشاуай аладан эсе онглуракъ болду. Ол къаяны, аудуруп къоймаса да, аны мурдорун чыкъырдатды.

Кезиу Къонгуртайгъа жетди. Ол, бир кесек санларына жарау да этдирип, кючюн жыйышдырды. Кёкге

къарап, Уллу Тейриден болушлукъ да тиледи. Сора, ашыкъмай, барып, аркъасын къаягъа тиреши. Сыгъына кетип, ачы къычырды. Кёк кюкюрген сунуп, барыбыз да элгенди. Къонгуртай къаяны ары бла бери бешикнича чайкъады. Къаяны тёппесинден уллу ташла, юзюлюп, энишге тёнгередиле. Алай не бек сыгъынып кюреши да, Къонгуртай къаяны аудуралмады. Жумдурукълары бла жерни туюп жиляды.

Ол да жиляй тургъанлай, биреулен, чабып барып, аркъасын къаягъа тиреши. Къарасакъ, ол а – Ибрахим! Адамла, анга асыры кюлгендөн, киндикисиз болдула! Кючүн билмеген желкесин къашыр дегенча, шауурдатчы шүёхүм эки орталыкъда хыликталыкъга къалды.

Нартла ахыр оюнларына кириши. Бу оюнда ала, ёрге секирип, кёкде учуп айланнган къушладан бирлерини аякъларындан тутуп, аны жерге тюшюрюрге керек эдиле. «Энди бу оюнда нартладан къайсысы хорласа да, аперимлик анга жетерикди, саугъала да анга берилликидиле», – деп ангылатды баш сюдю.

Бу оюнну биринчи болуп башларгъа Шауайгъа тюшдю. Ол, жыйылгъан халкъы да къөлларын булгъай, ортагъа таукел чыкъады. Курнаятны кёгүндө учуп айланнган къушлагъа къарап, бираз турду. Сора, тёгерек бурула кетип, кесин къыздырды да, садакъдан ычхыннган окъча, кёкге чынгап кетди. Адамла тамашагъа къалдыла. Къарашауай къушладан бирине жетди. Алай ол аны аякъларындан туталмады. Къушну къанат тюклиринден бирин юзюп, жерге горф деп тюшдю. Ол чанчылып къалгъан сунуп, бизни ахыбыз кетди. Алай анга зат да болмагъан эди. Жерден ёрге турду да, эки къолу бла да башындан тутуп, бушуу-бушман болду. Аны ызындан кёкге Къонгуртай секирди. Секире туруп, биягъы ачы къычырды. Къушла уа, ол къычырыкъдан къоркъуп, жан-жанына учуп, думп болуп кетдиле. Алай бла, Къонгуртай да кёкден къурлай къайтды. Аны бла да къалмай, жерге тюшгендө, сол аягъын да сындырды.

Сосурукъ бла Алайга да сзызылышыла кёкге. Была да болалмадыла. Кезиу Ырязмекге жетди. Ол а, асыры къаты секиргендөн, къушладан да бийикге учуп кетип, халкъны сейирге къалдырды. Анга къарс да урдула. Алай, ол да ызына къурлай къайтды.

Адамла ахтындыла, ачыу этдиле. Нартла кеслери да мудах болдула. Мени уа жюргим къабынды. Тейри, антым, кесими бир сынап кёрейим деп, ортагъа чыкъдым. Халкъ ызымдан кюлдю. Нартла да кюлдюле манга. Аланы алай этгенлери бютюнда ачыууму къозгъады.

Битеу кючюмю жыйышдырып, ургъуйча, кёкге атылдым. Учуп барып, къушладан бирини эки аягъындан эки къолум bla сермеп тутдум!

Къуш менден ычхыныргъа кюрешди. Къанатлары bla мени аямай тюйдю. Жютю буруну bla къолларымдан, кёкюрегимден да къабып, жарала салды. Эки кёзюмю да чучхуп алыргъа аздан къалды. Алай мен аны иймедин. Къушну да эки аягъындан тутханлай, парашют bla учханча, акъырын учуп келип, жерге тюшдюм.

«Аперим, Алдарбек, аперим!!!» – деп, адамла, ёрге туруп, мени алгъышладыла. Россей патчахны къызы уа, келе келип, жаухар минчакъча, боюнума тагъылды. «Сенича жигит кёрмегенме!» – деди. Сора биргелерине алып келген саугъаларын манга берди. Бирси къонакъла да алтын ахчаланы юсюме жаудурдула. Мени намысыма деп уллу той-оюн да этдиле.

Россейни патчахы манга: «Мени bla кел. Аскер башчы да этерме, къызымы да санга берирме», – деди. «Угъай, мен Курнаятны уланыма. Туугъан жерими къюоп, бир жары да кетерик тюйюлме», – деп, унамадым.

Ол кюн нартла, менден уялыш, Курнаятдан алай кетген эдиле. Андан сора ала бизни журтха къайтып келмедилем.

ХОЖА БЛА МЮНХГАУЗЕН

Барон Мюнхгаузен, атына да минип, жюз атылгъан садагъын да къолуна алыш, уугъа чыкъды. Къалын агъачны ичин къыздырды. Эки жумарукъ тауукъ да ёлтюрдю. Аланы да артмагъына атып, ызына атланды. Жолда бара тургъанлай, бир жипи жерде боюнана дери батмакъгъа батып тургъан къара сакъаллы кишини кердю. Ол бирде тёппесинде чачындан, бирде уа сакъалындан тартып кюреше эди. Мюнхгаузен сейирге къалды.

– Эй мискин, не болгъанды санга? – деп къычырды ол.

– Кёрмеймисе, палахха къалыш тургъанымы?! Болуш манга! – деп тиледи сакъаллы киши.

Мюнхгаузен, терк окъуна, атыны къанжыгъасына къысылып тургъан жыжымны алды да, бир къыйырын анга атды. Алай bla аны батмакъдан сюйреп чыгъарды.

– Кимсе сен? Жол бола тургъанлай, батмакъгъа нек киргense? – деп сорду анга барон.

– Тыптыры къуурурукъ, Мулхараууз деп бир немисли уучу кесин батмакъдан чачындан тартып чыгъаргъанды

деген хапарны эшитген эдим да, аны ётюрюк bla керти болгъанын билир ючон киргенме бери, – дегенни айтды сакъаллы киши. Барон а, аны эшитгенинде, киндигин-ден тутуп кюлдю.

– Нек кюлесе? – деп сорду сакъаллы киши.

– Кюлмей а! Ол мысхылдауну дуниягъа мен жайгъан-ма, акъыллыла ийнанмасала да, жекбашла уа ийнаныр-ла деп.

– Сора ол Мулхараууз деген сенмисе?

– Хау, менме. Мулхараууз угъай, барон Мюнхгау-зен!

– Да, санга былай тюберими билсем эди уа, акъыллымы жартысын юиде къоя кетмез эдим, – деп жарсыды сакъаллы киши.

– Ол дегенинг а неди? – деп сагъайды барон.

– Мени ишим алайды. Тынгылы оноу керекли жерге акъыллымы барысын да биргеме алыш барыучума. Был-лай бош жерлеге уа жартысын элтиучюме.

– Ха-ха-ха!.. Сен а керти да жарты кёреме! Акъыл гыржынмы болгъанды санга, бир туурамын юиде ашап, бир туурамын а жол азыкъгъа алыш айланырча?!

– Сюйсенд ийнан, сюйсенд къой, мен алай этиучю-ме.

– Сора бусагъатда сени башынгда мыйынгы жартысы жокъымду?

– Айта турама да, юиде къоюп кетгенме деп. Акъылым саулай да биргеме болса, келе келип, бу батмакъа-мы кирлик эдим, сени таурухунга ийнанып?!

– Сандырай тураса! Мен кесин алдатыучу кишиледен туюлме.

– Сени кибик, белгили адамны алдаргъа ким базыны-рыкъды? Андан эсе тилими кесип атхан тынч боллукъду манга.

– Айтханынг ётюрюк туюл эсе, сен манга юиде къоюп кетген мыйынгы жартысын кёргюзтюрге ке-рексе.

– Да, аны санга кёргюзтюр ючон, мен, юйге барып, аны алыш келирге керекме.

– Бар, ал да кел! Мен сакълап туурма.

– Узакъды. Мен жаяулай ары жетип къайтхынчы, кеч боллукъду. Сени кёп сакълатыргъа уа сюймейме. Алай, атынгы берсенг, мен терк окъуна сыйылыш келир эдим.

– Ахшы, ахшы... Сен келгинчи, мен энтта да бир-эки баппушнү агъызырма, – деп, барон атын сакъаллы ки-шиге берди.

— Мени юсюм балчыкъды. Былайлай атынга минсем, ат иеринги кир этерикме. Элде да айып этерле, бу не балчыкъ болуп айланады деп. Аны себепли юсюнгде халатынгы да, аякъларынгда бу сахтиян чурукъларынгы да бер, — деди сакъаллы.

Мюнхгаузен угъай демеди. Сакъаллы киши, аны кийимлерин да кийип, атына да минип, жолуна кетди. Мюнхгаузен ингирге дери, кеси айтханча, эки баппушну да агъызды. Кеч болду. Тёгерекни къарангы жапды. Ол тынгысыз болуп тебиреди. Сакъаллы киши кетген жанына асыры гузаба этип къарагъандан, кёзлерин да арытды. Бир заманда башха жанындан бир атлыны келе тургъанын эследи. «Бу хайырсыз былай ары кетген эди да, бу жанындан а къайдан чыкъды?!» — деп сейирсинди барон ичинден. Къараса, ол а — Алдарбек!

— Къарындашым, кече арасында, къымыжа да болуп, былайда не эте тураса?! — деп сорду Алдарбек анга.

Былай да, былай, бир сакъаллы киши атыма минип кетгенди да, аны сакълап турама деп, Мюнхгаузен курнаятчи Алдарбекге хапарын айтды.

— Тейри, къарындашым, кесинги сыртлатханса, — деди Алдарбек анга. — Баям, ол Насыра Хожа болур эди. Ол алай эте туруучуду.

— Насыра Хожамы дейсе?! — деп, Мюнхгаузенни ауузу ачылып къалды.

КЪАРАЧАЙГЪА ЖОЛОУЧУЛУКЪ

Бир кюн, эсде-бусда болмай тургъанлай, Къарачайдан Курнаятха къуугъунчу келди.

— БІ, маржа, малкъарлыла, болушугъуз! Тау кибик, бир уллу эмеген келип, Теберди башында тохтап, журтларыбызын къурутуп барады. Малларыбызын ашап бошап, энди уа ариу къызларыбызгъа сугъанакълыкъ этип тебирегенди! Иш былай барса, ол Къарачайны жутуп бошарыкъды! — дегенни айтды къуугъунчу.

— Да битеу Къарачай бир эмегенни къалай хорлялмайсыз? — деп сорду бизни патчахыбыз къуугъунчугъя.

— Аны ауузундан от чыгъады. Бурун тешиклеринден ургъан жел а тереклени тамырлары bla къобарып атады. Жети кёзю барды да, жетисинден да кезиу-кезиу элия урдургъанлай турады. Биз анга арталда къарыу эталмайбыз.

Къуугъунчуу хапары курнаятчыланы къаугъагъа къалдырды. Къарачайлы къарындашларыбызгъа къа-

лай болуштургъа керек болгъаныны юсюнден оноулашыргъа, терк окъуна Уллу Тёре жыйылды. Алай, былай этейик деп, уллу даулаш барды. Бир къаумла аскер жыйып жиберейик дегенни айтдыла. Бир къаумла уа Чингиз ханны окъуна сагъындыла, андан болушлукъ тилейик деп.

— Сиз алай эте тургъунчу, эмеген Къарачайны тюп этип бошарыкъды, — деди къуугъунчу, жилярыгъы келип.

— Сора не этейик?! — деп, Төрөгө жыйылгъанла амалсыз болдула.

Мен жеримден турдум. Патчахыбыз а мудах кёзлерин манга буруп къарады.

— Алдарбек, айтыр затынгмы барды? — деп сорду.

— Эркин этсегиз, мен барайым! — дедим.

— Угъай, сен ары барып, анда жоюлсанг, атанг-ананг жилярла. Къарачайллыла да бедиш этерле, бир хуначы малкъарлы келди да, эмегеннге аш болду деп. Андан эсе жерингде тур, — дедиле тёречиле.

Мени бир болмачыгъа санап, алай айтханлары ачыууму къозгъады. Кишини сёзюн да къулагъыма алмай, дум къара ажириме да минип, Къарачайгъа жол тартдым. Къуугъунчу да ызымдан тебиреди. Бызынгы башы bla аууп, Чегем тарына кире баргъан жерде бир уллу айыу бир ариу маралны, тюбюне басып, талай тургъанын кёрдюк. Мен, арсарсыз, атымы ары бурдум.

— Къой, Алдарбек, ары барма! Айыу сюймеучюдю ашгъа къадалгъан кезиуюнде чырмагъанны, — деп, къуугъунчу ызымдан къычыра къалды.

Мен, бара барып, айыну, эки къулагъындан тутуп, кесиме тартдым. Аны кёзлерине къян чапды, къылышыкъсыз къутурду. Ал аякълары bla белимден тутуп, мени жыгъаргъа умут этди. Тырнакълары bla юсюмде къара чепкеними да жыртып, сегел-сегел этди. Экибиз кёп жагъалашдыкъ. Ахырында мен аны, кётюрюп, жардан энишге атдым. Артха бурулуп къарасам а, ол ариу марал айыу салгъан жарапарын тили bla жалай тура эди.

— Сау бол, Алдарбек, сен мени ёлюмден къутхардынг! — деди ол, адамча сёлешип.

Мен сейирге къалдым.

— Сен мени Алдарбек болгъанымы къайдан билесе? — деп сордум анга.

— Билеме, — деди ол. — Къайры атланып баргъанынгы да билеме. Унутма, эмегенни жаны, къарыныны ичиндеди, киндик тийресинде.

Алай айтып, марал кёзюмден думп болуп кетди. Къуугъунчұ, чабып, къатыма келди.

— Алдарбек, саумуса?! — деп, уллу сейирге къалды ол.

Экибиз да андан ары кетдик. Тебердиге жетдик. Адамла, жыйылып, жиляу-сыйыт эте тұра әдиле. Бир ариу къызы да орталарында. Ол да жиляй.

— Къайдадыла малкъарлыла? Бизге болушургъа келмеймидиле?.. — деп, къараачайлыша къуугъунчуларына гузаба этип сордула.

— Ма бу келгенди... Алдарбек, — деп, къуугъунчұ мени көргюздю.

— Алдарбекми?! — деп, адамла, сейир этип, манга къарадыла.

Бир къарт ынна мени къатыма келди да:

— Жашым, аурууунгу алайым, болаллықъ эсенг, къутхар мени бу туудукъчугъуму... мени алтын Гюлжанчыгъымы. Эмегенинге бүгүн муну беребиз, ашаргъа... — деп, тарапып жиляды ол.

Төгерегиме къарадым. Эмеген сырт башында сойланып жатып тұра әди.

— Ол шёндю жукълапды. Уяннганлай, къолун бери созарыкъды, — деп ангылатдыла манга адамла.

Мен терк окъуна къызыны къатына бардым. Аны ариулугъу мени эсимден тайдырыргъа аздан къалды.

— Къызыны тешиндиригиз да, кийимлерин манга беригиз! — деп буюрдум.

Жамауат тамаша болду, алай айтханымы этди. Мен, таш артына кирип, ол кийимлени кийип чыкъым, къамамы да жыйрыкъ тюбюме бүкъдуруп.

— Эмеген мени ашасын, — дедим сейирге къалып турғын жамауатха.

— Да бүгүн ол сени ашасын, тамбла уа не этерикбиз? — деп сордула ала.

Бу кезиуде эмеген уянды да, ауузундан от чагъа, чынтар терекден да базыкъ, тюклю къолун алгъа узатды. Къөл аязы уллу ыстауат чакълы бар әди. Адамла, къоркъуп, артха туракъладыла. Мен а, акъырын барып, эмегенни къөл аязына миндим. Ол, кётюрюп барып, мени аллына әлтди. Жети кёзю бла да манга кезиу-кезиу къарай кетип, жийиргенненгена этди. Мен иничке ауаз бла жиляп тебиредим. Ол а, арсарсыз, чёплеуню атханча, мени ауузуна атды да, жутуп ийди.

Жолда тюбеген маралны айтханы эсимде әди. Къарынына жеттенимлей, къармай барып, киндиги болғынан жерин тапдым. Алайда уа — бир уллу без. Эрлай, къамамы, чыгъарып, анга урдум.

Жер тебип, дуния оюлгъанча болду. Тунчугъуп ёлурге аздан къалдым. Алай, битеу кючюмю жыйыштырып, къамам bla эмегенни къарынын жырдым да, чыкъым.

Эмеген, сойланып, ахыр солууун ала тура эди. Тюбюнде адамла, мени кёргенде, уллу тамашагъа къалдыла. Битеу къарачайллыла, жыйылып, манга хурмет этдиле.

— Ант этдир, жаным, сен таза да тулпар малкъарлы кёре эдик! Бизде къал. Хар затынгы тапдырып, ариу жаштып туурбуз, — дедиле.

Алай мен кесими Курнаятымы бир заманда бир затха да алышмагъанма да, ол жол да алышмадым. Ажириме минип, артыма къайтдым. Къарачайллы къызла ua, къол булгъай, ызымдан тарала къалдыла.

КЪАТЫН АЛЫУ

(*Алдарбекни уллугъа хапары*)

Ариу къызны ким сюймейди дейс! Жашла, къатын алыр заманлары жетгенлей, ариу тиширыуланы излеп башлайдыла. Ол бошдан тюйюлдю. Ариу къатын, ёшпонде жылтырагъан майдалча, эр кишини намыслы да, ёхтем да этди. Алай мен сизге эсгертип къояйым: ариу къатынны къолда тутхан къыйын ишди. Бу затны мен кесим сынағъанмана. Дурус кёре эсегиз, аны юсюндөн хапарымы сизге айтып берейим. Ким биледи, жашай баргъан дүнияды бирлеригизге жарап къалыргъа да болур.

Къатын алыр заманым жетгенде, бирси жашлача, мен да, кесими сымарлап, къызлагъа къарай тебирредим. Алай, не кёп къарадым эсем да, Курнаятда кесим бюсюреген къыз табалмадым. Атам bla анам а мени теркирек юйдегили этерге ашыгъа эдиле. Алай болгъанлыкъгъа, жюргиме жалгъашмагъан тиширыуну мен алаллыкъ түйюл эдим.

Къаум заман озду. Кюнлени биринде Ышкантыда бир ариу къыз барды деген хапарны эшитдим. Атыма да минип, ары жортдум. Къызны кёрдюм. Кертиси bla да, ариу эди: къанкъазча – узунбоюн, маралкёэ, толгъан айча – тёгерекбет, назы терекча – субайсан! Алай бир шарайыбын эследим: онг къашында бир акъ тюгю бар эди. Аны кёргенлей, къыздан кёлюм чыкъды.

Алай bla, Ышкантыда да ишим къуралмады. Бурунум салынып, ызыма къайтып келе тургъанымлай, анамы кичи эгечи аллыма чыкъды.

— Алдарбек, Къоспартыгъа къуул! Мен анда бир къыз көргөнме да, айланмай, мёлекге ушайды! — деди.

Аны эшитгенлей, атымы башын артха бурдум. Ана-мы кичи эгечи керти айта эди. Къоспартычы ариуну кёр-генимде, къол аязыма кёкден жулдуз тюшгенча, алай залим къууандым. Къызын ат буюнуна къондуруп, алыш къачаргъа таукел болдум. Алай, бетине иги эслеп къа-рагъанымда, сакъал тюбюнде бир гитче губузчукунү эследим. Ичим кюйдю, санларым тюшдю. Ачыудан ёле, юйюме къайтдым.

Арадан талай жыл озду. Эки кичи къарындашым бар эди да, мени сакълап турмай, ала да юйдегили бол-дула.

Кюнлени биринде Индияда барды ариу къыз деген хапарны эшитдим. Басылып тургъан кёлюм кётрююл-дю. Эшитген хапарымы юйдегилеге айтдым.

— Сен акъылдан шашханса! Аз жерде аз ариу къыз бол-маз! Андан санга не файда? Башыбызын аурутма! — деп, атам бла анам манга урушдула.

Алай, ала не бек урушсала да, мени Индиягъа учун-нган жүрөгими сууталмадыла. Кюмюш хазырлары болгъан къара чепкеним бла, бухар бёркююм кийип, алтын саплы къамамы белиме такъдым. Атыма да ми-нип, Индиягъа жол тартдым. Кёп тауладан аудум, чек-сиз къум тюзледен ётдюм. Ахырында Чыннга жетдим. Бирда болмагъанча бай къырал! Адамлары да ушагъыу-лула, халал жүрекли.

«Ким эсе да, Кавказдан бир белгили адам келген-ди!» — деп, базарда, жолда да къытайлыла мени юсюм-ден уллу хапар айта эдиле. Мени Алдарбек болгъанымы билгендөн сора уа, ала бютюнда уллу сейирге къалдыла. Чынны патчахы Хо-Ху-Ван, кесини энчи къалауурла-рын жиберип, мени ёз къаласына къонакъыгъа чакъыр-ды. Бу узакъ къыралда мени былай таныгъанларына мен кесим да сейир этдим. Халкъ тёгерегиме басынып, къалагъа кючден кирдим. Хо-Ху-Ван манга босагъада тюбеди. Къучакълашып саламлашдыкъ.

— Багъалы Алдарбек, къайдан чыкъынг?! Сени кёрюр ючюн, Курнаятах барырма деп тура эдим да, ке-синг келип къалдынг да! Сени кишилигинги юсюнден биз, къытайлыла, кёп хапар эшитгенбиз. Кел, жууукъ бол! Бюгюн, Кёк бла Жерни арасында, бизге сенден сый-лы къонакъ жокъду! — деп, Чынны патчахы мени дагъы-да къучакълады. Ол къалауурларына: — Уллу отоугъа баргъан эшиклени ачыгъыз! — деп буюрду.

Бир бири ызындан онжети эшик ачылды. Къытайлы

патчах мени Уллу отоууна кийирди. Быллайны уа кеси ёмюрюмде кёрмеген эдим: отоуну ичинде хар зат да алтындан ишленип! Хо-Ху-Ван мени тёрде алтын тахтагъя олтуртdu. Кеси да къатыма олтурду.

— Соргъанный айыбы жокъду, Алдарбек, не иш бла, не жумуш бла айланаса?

— Индиягъя барама.

— Нек ары уа?! — деп сейирсинди Чынны патчахы.

— Анда бир ариу къызын хапарын эшитгенме. Аны кёре барама.

— Ах, сора сен юйдегили болургъя айланаса?

— Хау.

— Да, алай эсе, санга тийишли къыз мени къыралымда да табыллыкъды. Бири биринден ариу жыйырма бла жети къызым барды. Сайлагъанынг сениди, — деди Хо-Ху-Ван. — Эсингде болсун, Чынны къызлары Индияны къызларындан эсе ариудула.

Патчах bla мен ушакъ эте тургъунчу, къарауашла алтын столну юсюн тюрлю-тюрлю ашарыкъладан толтурдула. Алтын суу ичирилген узунбоюн къошун bla ичги да келтирдиле. Кеси ёмюрюмде кёп сыйлы жерледе къонакъ бола келген эдим, алай, бу жолча, залим сыйланнганма деб'а билмейме. Столда онтёрт тюрлю чагъыр бар эди: бири биринден татыулу, бири биринден кючлю. Патчах да, мен да, чагъырладан аз-аз уртлай, жарыкъ болдукъ.

— Манга, сенден башха, киеу керек тюйюлдю, — деди Хо-Ху-Ван, чагъырдан иги къызгъандан сора.

Тюзда ол алай айтып бошагъанлай, кёкде учуп баргъан зурнуклача, бир бири ызларындан тизилип, Уллу отоугъя жыйырма бла жети къыз кирдиле. Барысы да бирча акъ чилле жыйрыкъла кийип. Барысы да кюнча жарыкъ! Патчах айтханча, бири биринден ариу! Къызла мени алымда, субай санларын майрышдырып, тепседиле. Хар бири жашыртын манга кёс къысды. Аланы алай этгенлери мени жюргеми къаушалтды. Эгечлени кичисин бютюн бек жаратдым. Ол манга хур къызча кёрюндю. Мен сагъышха къалдым: Хо-Ху-Ванны кичи къызын къатыннинг алыш, ызыма къайтып кетейим деп болдум. Алай индийли ариуну кёрмей кетип къалыргъя да кёзюм къыймады. Асыры сагъыш этгенден, башым хайран болду. Айхай, патчахны кичи къызы уа, мен аны жаратханымы сезип, жырлагъан да эте, бютюнда ариу тепседи.

— Къалайды, къызларымы жаратамыса? — деп сорду Чынны патчахы манга.

— Быллай ариулагъа алыкъа мен кёз ачмагъанма, — дегенимде уа, Хо-Ху-Ван мени къучакълады. «Киеучугюм!» — деп ийнакълады.

— Айып этме, уллу патчах, мен Курнаята жарты жолдан къайтыргъа сюймейме. Къалай-алай болса да, Индиягъа жетерге керекме, — дедим.

Аны эшитгенлей, къызла мудах болдула. Тепсегенлериин да къойдула. Патчахны да бети тюрленди. Алай ол кёлкъалды болгъанын манга сездирmezge кюрешди.

— Мен бери энтта да къайтырма, — деп, олтургъан жеримден турдум.

Патчах да, къызлары да къууандыла. Ала манга: «Терк къайт, сакълап турлукъбуз», — дедиле.

Мен жолума атланым. Биягъы тауланы, тюзлени къыдыра келип, науруз айда Индияны чегинден ётдюм. Саламдан этилген юйчюклери болгъан бир элге жетдим. Тёгерегиме къарайма — къымылдагъан жан кёрмейме. Кюн а, асыры къызыудан, бухар бёркюмден да ётюп, мыйымы къайнатады.

— Э-хей, мында адам бармыды?! — деп хахайлайдым.

Салам юйлени биринден, къолунда да узун таягъы bla, бир къымыжа киши, къоркъа-къоркъа чыкъды. Атымдан тюшюп, аны къатына бардым. Саламлашдыкъ.

— Сен кимсе, не айланаса? — деп сорду ол.

— Мен жолоучума, — дегенин айтдым.

Ол, хурмет эте, башын ийип, мени ююне киргизди. Юйню ичи уа къымыжа адамлдан топпа-толу. Тиширыла, сабийле, эр кишиле, барысы да бирге жокку болуп.

— Кюнню бу заманында адам ашаучу къаплан келиучюдю. Андан бугъуп турабыз, — деп ангылатды таякълы киши. — Кел, сен да бери букъ, — деп, ол манга бир мийюнню кёргюздю.

Юйдегиле манга тамаша болуп къарай эдиле. Ала бютюнда бек башымда бухар бёркюме сейир этдиле. Къоллары bla тийип окъуна кёрдюле.

Бир заманда тышында атым къаты кишнеди.

— Ой, ой, ой, келди! — деп, индийлиле типискиге къалдыла.

Мен тышына тебирэдим. Таякълы киши, чууунумдан тутуп, иймей тохтады.

— Чыкъма! Сени кёрсө, къаплан бери чабарыкъды. Битеу юйрююмю ашап кетерикиди, — деди.

— Мен атымы къутхарыргъа керекме, — деп, кесими тышына тартдырдым.

— Санга биз ат табарбыз. Бизни башыбызын палахха къалдырма, — деп тиледи биягъы киши.

— Угъай, минип айланнган атымы къапланнга ашатып къояллыкъ тюйюлме, — деп, салам юйден атылып чыкъым.

Къарасам, бир уллу, талгъыр къаплан, жашыртын, баууру бла сюркелип, атым таба келе турға эди. Къамамы къынындан сууруп алыш, къапланны аллына чыкъым. Ол мени көргенлей, эки көзүнө къан чапды. Ёкюрюп, юсюме секирди. Къалай эсе да, аягъы блабилегиме уруп, къамамы къолумдан чартлатды. Къарап-къарагъынчы, экибиз да ёрелешип къалдыкъ. Къаплан да, мен да бир бирибизни ары бла бери чулгъандыра башладыкъ. Башымда бухар бёркюм да аякъ тюпге тюшдю. Ахырында къапланны богъурдагъындан тутдум да, солуун тыйым. Ол, хурулдай кетип, жерге ауду. Тили ауузундан салынды, кёз акълары ёрге айландыла. Индийлиле, салам юйлеринде буюгъуп, манга къарап турға эдиле. Къапланнны ёлгенин көргенлей, барысы да, чабып келип, мени ортагъа алыш, къууанч тыптырлы болдула.

Индийлиле уллу той къурадыла. Дауурбасланы дынгырдатып, бир бирге ал бермей, къадалып тепседиле. Аланы тепсегенлерине асыры къызыннандан, мен да ортагъа чыгъып, индийли къызладан бири бла абезехе бардым. Къыз, кесини къымыжа санларын ариу ойната, учунуп тепседи. Кёп тепседик. Мен суу-салам болдум. Арып, тобукъларым тутмай башлагъандан сора, тойдан чыкъым. Индийли къыз да мени ызымдан тагъылды. Санларымы солутайым деп, барып, къыртышха жатханымлай, къыз да, келип, къатымда таянды. Мен аны дурус кёрмедим. Секирип ёрге турдум. Индийли къыз бучхакъларыма жабышды. Чыртда жиберирге унамады.

Бирси индийлиле, биз экибизге къарап, сейир этип турдула. Былайдан теркирек къуттулургъа керек болгъанын ангыладым. Мени ол умутуму сезгенча, къыз аякъларыма биютонда къаты жабышды. Экибиз да тартсоз болдукъ. Таякълы киши уа къатыбызгъа келди да, кесинги сууут дегенча, къолун мени инбашымы салды.

— Бу мени тамата къызыымды, — деди ол. — Сен аны кесинг бла тепсетгенсө. Бизни адебибизге кёре, энди ол сени къатынынгды.

Атасы алай айтхандан сора, къыз боюнума жилянча чулгъанып тохтады. Олсагъатдан индийлиле, дауурбасланы тархылдатып, жангыдан той этип башладыла. Атасы, къызыны билегинден тартып, аны мени юсюмден айырды.

— Бар да, кесинги къура, — деп, атасы къызын юйге

ашырды. – Сен а, – деди ол манга, чууунумдан тутуп, – кийимлеринги теш. Бизде жюрюген адетге кёре, эки жауурунунга бла кёкюрегинге тайпабызын тамгъасын салыргъя керекбиз.

Юйор башчы, алай айтып, кесини аркъасында бла кёкюрегинде тамгъаланы кёргюздю. Ала да тамгъала-дыла дерча туююл эдиле, айту табанлача күйген, жара тапла эдиле.

– Хар тайпаны тамгъасы барды. Быллай тамгъала бла сен тас боллукъ туююлсе. Ажашып окъуна кетсенг да, табыллыкъса, – деп ангылатды ол манга.

Мен армая болдум. Индийлиле терк окъуна от та-мыздыла да, узун сабы бла бир зыбыр ташны ары салды-ла. Тамгъалары ол болур деп келди акъылымга.

– Хайда, тешин! – деп буюрду манга юйор башчы.

– Бу-бу-бусагъат, – деп, тилим тутула, мен артха ых-тырылдым. – Бир жары тепме! Былайда, от къатында, тешинирге керексе, – деди ол, аллымы тыыйип.

– Кийимлеринги да кеси къолунг бла отха атып күй-дюрлюксе. Бизде бай, жарлы деген жокъду. Хар ким да бир кибикиди.

– Алгъя ары, терек артына барып келейим, – дедим къызыны атасына, эки къолум бла да кёнчегими башын-дан тутуп.

Ол эркин этди. Мен терек артына ташайдым. Къалын чырпыланы арасы бла, атым оттай тургъан жерге бар-дым. Аягъым ёзенгиге тийген кезиуде, индийлиле мени эследиле. Юйор башчылары да алларында болуп, ала манга чапдыла. Мен а, тор атыма къамичини жетдирип, алайдан думп болдум.

Иги кесек узайгъандан сора, кеси кесиме айып этдим. Бу жол болмаса, мен бир заманда, бир затдан къоркъуп къачмагъан эдим.

Ызымдан къуугъун келе болурму деп, бираз са-гъайып турдум. Къулагъыма аллай къаугъа чалынма-ды. Къалайда, не жerde болгъанымы да билмей, бетим айланнган жанына бара бардым. Агъачны бес къалын жерине кирдим. Атымдан тюшюп, аны жюгенинден тут-дум. Алайсыз барыргъя онг жокъ эди.

Бир заманда, атым юркюп, аны жюгенин къолумдан ычхындырыргъя аздан къалдым. Мынга не болгъанды деп, артха бурулуп къарасам, – юсюне бир уллу къара маймул къонуп тура эди! Къычырып, хахайлап, май-мулну ат юсюндөн къыстаргъа кюрешдим. Хоу бирда! Къулагъына да алмады. Болмагъандан сора терекден

бир базыкъ бутакъны сындырдым да, аны маймұлгъа көтүрдюм. Ол а къазыкъны къолумдан сермеп алды да, аны bla къулакъ жаныма жетдири. Кёзлеримден от жилтинле чыкъдыла. Бир кесек эс жыйгъандан сора, жууукъ бара барып, къуйругъундан тутдум. Аяусуздан тартыштыкъ. Ахырында маймұлну къуйругъу, юзюлюп, къолума келди. Андан ол алай ачыуламадымы дейсе! Юсюме секирип, талап башлады. Насыбыма, терк къармашып, къамамы къынындан чыгъардым да, маймұлну къарынына урдум. Ол а, къычырыкъ этип, жерге сойланды. Аны къычырыгъына, тёгерекден башха маймұлла жыйылдыла. Мен, атыма да минип, аманны кебинден къачып къутулдум.

Андан, дагыда бара кетип, бир ариу шахарны юсюне чыкъдым. Чюйке башлы къалала, бийик юйле! Орамлары кенг, сыйдам. Адамлары да ариу къумачлагъа чулгъанып, эркеги, тишиси да узунтекле болуп айлана эдиле.

Тыш адам къайда да терк танылады. Мен да мында кёзге терк илиндим. Хар аллымы тюбegen: «Кімсе? Къайдан келгенсе?» – деп сора эди. Мен а: «Кавказлыма», – деп къоя эдим. Базарларына барғындыма уа, башында да чалмасы bla бир къарт киши, кёзлериме къарай кетип: «Кавказлы эсенг, сен Алдарбекни таныргъа керексе», – деп тохтады. Мени атым мында да белгили болгъанына сейир этдим. Алай къарт кишиге кесими ачыкъламадым. «Алдарбекни уа таныйма», – деп къойдум.

Кюнню узуну шахарда айлана кетип, ингирде былай бир жарлыракъ юйге къонакъгъа бардым. Йүдегиле къууандыла. Къоншуларына да айтып маҳтандыла. Мында жюрюген адеге кёре, къонакъбайлыкъ бек намыслы ишге саналгъанын билдим.

Мени, тёрge чыгъарып, кюйзю юсюне олтуртдула. Аллымы кёп тюрлю аш салдыла. «Банан» деген затны не болгъанын биринчи кере мында кёрдюм.

– Сыйлы аш хазыр болгъунчу, былай, хаух ауузлана тур, – деди юйню иеси.

– Бу ашыгъыз манга тамамды. Башха зат bla кюрешип къыйналмагъыз, – дедим мен.

– Угъай, биз адебизни этмей къоярыкъ туюлбюз, – дегенни айтды юйюр башчы.

Аны bla ушакъ эте, сёз арада «ариу» къызыны хапарын сордум.

– Сен да аны эшитип келгенледенмисе? – деп, къонакъбайым, бетиме къарап, сейир этди. Аны соруундан, «ариу» къызыны излеп айланнган къуру мен болмажанымы билдим.

– Энди, келгенден ары, аны көре кетсем, иги боллукъ эди, – дедим.

– Башынгы отха сукъма! – деди юйню иеси.

– Нек айтаса алай?

– Аны ариулугъун көргенле хайран болуп къаладыла.

Ол кеси да патчахыбызын къызыды.

– Патчахыгъыз а къайда турады?

– Узакъадады, тенгиз жагъасында. Бахырахампур де-ген шахарда.

Бу кезиуде къолунда да уллу сай табагъы bla бийче кирди. Ол, ышара-ышара, келип, табакъны мени аллы-ма салды. Анда къып-къызыл къууруулгъан жилянны көргенимде, артыма ауаргъа аздан къалдым. Аркъамда гумулжукла чабышып айланнганча болдум. Эки орта-лыкъда, не этерге билмей, типискиге къалдым.

– Бу чонг-чанг деген жилянды. Бек сыйлы ашыбыз буду. Адебизге көре, муну жаланда сыйлы къонаңкъыны аллына салабыз. Мунучка, татыулу эти болгъан жаныуар жокъду. Кеси да таш макъаны жауунда къуурулады, андан къызылды былай, – деп ангылатды юйюр башчы.

Мени кёлюм бокъланды. Амалсыз болдум. Къонаңкъ-байым, бичакъ bla жилянны башын кесип, аны манга узатды.

– Ма, бу сени юлюшюнгдю.

– Бизде жилянны ашамайдыла, – деп, мен башны алыргъа унамадым. Юйню иеси да, бийче да гузаба бол-дула.

– Сен, бизни жаратмазлыкъ болуп, къыралыбызгъа нек келгенсе? – деп, ала манга тырман этдиле.

– Мен быллай адетигиз болгъанын билмегенме.

– Сен бу башны ашап къоймасанг, тейрибиз Будда бизге ачыуланнган этерикиди, – деп, бармагъын ёрге чю-елтди. – Кёкден келген палахдан уллу палах жокъду! Бизни башыбызын хатагъа къалдырма!

– Мен сизни Буддагъыздан, тобукъланып, кечгинлик тилейим, – дедим, жалынып.

– Угъай, алай этсенг, Будда бютюнда ачыуланырыкъ-ды, – дедиле ала.

– Алай эсе, мен муну жолда ашай барырма, – деп, жи-лян башны юйню иесини къолундан алдым да, жеримден туруп, мыллыгымы тышына атдым. Арбазда быкъыгъа тагъылып тургъан атыма минип, аяусуздан къачдым.

Бахырахампур шахарны сурашдыра, кёп жол къы-дырдым. Ары жетгенимде, кёз алымга тамаша дуния ачылды: шахарны битеу юйлери къызыл агъачдан bla пил сюекден ишленип эдиле. Шахарны ортасында уа

бийик къала – тюбюндөн башына дери алтын накъышла бла сырлып! Андан да сейирлиги уа неди десегиз – шахарны тёп-тёгереги мияла буруу бла къуршаланнганы! Быллайны уа мен жомакъда айтылып да эшитмеген эдим. Бурууну тышында тюе кериуанла, арбала, къошла! Адам да кёп! Шахарны чегет жаны уа – кём-кёк тенгиз. Анда уа кемеле, къайыкъла сыгъынып, сыйынып болмагъанча, алай кёп!

Пилге минип айланнган бир мыртазакъ шахар къайырында мени алымы тыйды. Башын ийип, манга салам берди. Шахарны сакълагъан къалауурладан бири болгъанын айтып, кесин манга танытды. Андан сора мени ким болгъанымы, къайдан келгеними, не жумуш бла айланнганымы сорду. Мен индий патчахны къызын кёре келгеними айтдым.

– Алай эсе, санга байрым күннеге дери сакъларгъа тюшерикди, – деди ол.

– Нек?

– Патчахны къызы киеулюклеге жаланда байрым күн кёрюнеди. Ма бу жыйылгъан халкъ да ол күнню сакълайды.

– Сора байрым күннеге дери менича келгенлени шахаргъа къоймаймысыз?

– Къоймайбыз. Хар ким да, кеси башына мадар этип, тышында кечинеди. Ма ол анда кёрюннген тал терекни тюбю бош болур дейме. Башха биреулен бийлеп къойгъунчу, ары бар, – деди къалауур.

– Тюзүн айтханда, мен патчахыгъызын къызын къуру кёрюр ючюн деп келмегенме. Жаратсам, аны алгъан этерикме.

Къалауур харх болду.

– Анга келгенле барысы да аллай умут бла келедиле. Алай Гангамай дунияда бек ариу жашны излейди.

– Къызыны аты Гангамаймыды?

– Хау, Гангамайды... Анда ол омакъ чатырны кёремисе? Ол Мысыр фыргъауунну жашыны чатырыды. Гангамайны алама деп, жетмиш тюеге алтын жюклеп келгенди.

– Сора уа не болуп турады?

– Къыз жашны жаратмагъанды. Ол бу шахарны босагъасын сакълап тургъянлы, эки жылдан озуп барады. Ызына къайтыргъа уа унамайды. Толу санлы, келбетли жаш эди ол. Энди уа, сюймекликден кюйюп, азгъанды, салам чёпча болуп къалгъанды. Хар байрым күн шахаргъа киреби да, Гангамайны кёреди. Ма алай бла жашайды.

Мен сейир этдим.

— Бери келчи, мен санга дагъыда бир мискинни кёргюзтейим, — деп, къалауур пилини башын артха бурду.

Экибиз да кёп халкъыны ичине кирдик. Къайры къарасанг да, хайт деген чырайлы жашла! Къалауур мени бир уллу ташны къатына элтди. Анда уа, бир залим къара жаш сынжыр bla ташха байланып тура эди. Тохтамагъанлай, кеси кеси bla жаншай эди. Жаншай кетип: «Гангамай!» — деп къычыра эди.

— Бу да жер этегинден Гангамайны къатыннга алама деп келген эди. Алай Гангамай муну да бирнак этгенди. Бу уа, аны кётюралмай, акъылындан шашып къалгъанды. Быллайла дагъыда бардыла, — деди къалауур.

Ичимден: «Бошха салынып келдим кёре эдим», — деп, келгениме къаты сокъурандым. Ызыма айланыш, жолда Чын патчахны къызын алып кетейим деп да болдум.

— Нек сагъышха къалдынг былай? — деп сорду къалауур.

— Бош келгеннге ушайма мен.

— Анга уа бирда ишекли болма. Алай, энди келирингги келгенсө, байрым кюннге дери сакъла да, бирда болмай эсе да, Гангамайны кёре кет. Жюргегинге ол да асыу болур, — деп жубатды мени къалауур.

Ол айтханча этерге таукел болдум. Къалауур кёргюзтген терекни тюбюне барып олтурдум. Анда салкъын эди. Чепкеними, чабырларымы да тешип, эс тапдым. Жолдан арып келген атым да, къалын кырдыкга ычхынып, къарынын тойдурду. Бираз солугъандан сора, мен да, тийреде тюкенчиклөгө барып, кесиме аш-суу мажардым.

Байрым кюн да жетди. Адамла танг аласындан окъуна къозгъалдыла. Мен да туруп, кийимлерими, къагъып-согъуп, юсюме кийдим. Кюн чыкъгъанлай, адамла шахарны къабакъ эшиклери таба тебиредиле. Артда къалып къалмайым деп, мен да ары къуулдум. Къарасам, — тёгерегимде, нартла кибик, залим, субай жашла! Бирлени башларында алтын такъялары, бирлени юслеринде окъя халыла bla сырыйлгъан къапталлары, жым-жым жылтырагъан саутлары! Хар бирини къатында къарауашлары, къуллары! Аланы къатларында мен бош, тергеусөз инсан эдим. Жаланда бухар бёркюм эди манга адамланы эслерин бурдургъан.

Къабакъ эшиклени аллында биринчи болуп сюелгендени арасында мен ол акъылындан шашхан жашны кёрдюм. Бетинде арталда къаны жокъ эди. Аууп кетмесин деп, эки къулу эки къолтугъундан тутуп сюеле эдиле. Ол

жашха жаным бек ауруду. Къабакъ эшиклени ачылырларын ол хар кимден да бек ашыгъып сакълай эди.

Бир заманда, дауурбасланы дынгар-дунгур тауушлары эшитилди. Аны ызындан оналты кере топла атылдыла. Ол а, Гангамайгъя оналты жыл болгъанын билдирген белги эди. Топла атылып бошалгъандан сора, къабакъ эшикле ачылдыла. Эки къат болуп, тизгин сюелген аскерчилини арасы бла адамла шахар ичине къуюлдула. Бир бирлерин тюртюп, къагъып, муштухул болдула. Къатыш-къарада башымдан бухар бёркюм чартлады. Жерге ийилип, аны алама деп, кесим аякъ тюпге тюшюп, бедишлик болдум. Аскерчиле да болушуп, кючден бла бутдан аягъы юсюме сюелдим. «Мындан эсе мен гаккыбаш, Къоспартыда къызыны алып, жеримде тынч турсам эди уа!» – деп келди кёлюме.

Бийик къаланы аллында кенг майданнга жыйылдыкъ. Къаланы орта белинде уллу балкону бар эди, тёгереги акъкъалайдан ариу чалдиш этилип. Хар ким да ол балконнга къарай эди. Адамланы орталары бла балконнга жууугъуракъ ётерге умут этдим. Хоу бирда! Тащдан ишленнген къабыргъагъа тирелгенча болуп къалдым. Бир заманда, къолларында да айбалталары бла балконнга эки бегеуюл чыкъды. Экиси да, балконну эки жанында тохтап, сын къатдыла. Бир кесекден ариу музыка согъулду. Олсагъатдан талай къыз балконнга тепсеп чыкъдыла. Ала беллерине дери жаланнгач эдиле. Тепсеп бошап, эки къауумгъа бёллюндюле да, балконну эки жанына тизилди.

– Энди Гангамай чыгъарыкъды! – деп, аллымда сюелген бир жаш адам, гебенек кесин чыракъгъа ургъанча, тынгысыз болду. Асыры кесин тыялмагъандан, адамланы башларына секирди. Мен аны, желкесинден тутуп, жерине салдым. Манга къайырылыргъа умут этди. Алай, башымда бухар бёркюмю кёргенлей, кесин къысып, шош болду.

Эрттенликде күон чыгъа келгенча, балконну тереиниден тышына нюр жайылды. Майдандагъыла шум болдула. Мени жюрегиме уллу тынгысызлыкъ кирди. Жым-жым жылтырай, балконнга Гангамай чыкъды! Майдан: «Ax! Ox!» – деген тауушладан толду. Бир къауумла уа, жюrekлеринден тутуп, жерге аудула. Артыма ауаргъа мен да аздан къалдым, – быллай ариуну кёрген угъай, таурухлада айтып да эшитмеген эдим!!!

Гангамай марал кёзлерин майданнга сюзюлтdu. Хар киеулюг'а, башын ёрге тутуп, кесин анга кёргюзтурге кюрешеди. Мен балкондан узакъда эдим. Боюнуму не

бек созсам да, ол мени кёраллыкъ тюйюл эди. Бек кёрсе, бухар бёркюмю кёрлюк эди.

Гангамай, кёзчюклерин ары бла бери сюзюлте кетип, бир жерге къарап тохтады. Халкъ сагъайды. Бютюнда балконда къарауашла бла бегеуюлле бегирек сагъайдыла.

– Сайлады!.. Кимни эсе да сайлады!.. – депен къычырыкъла эшитилдиле.

Битеу майдан дидин уяча зызылдады. Гангамай, къарагъан жеринден эки кёзюн айырмай, назик къолчугъун алгъа узатды. Ол алай этгенлей, патчах бла бийче да балконнга муштухул болуп чыкъдыла.

– Не, жюргинг жаратхан адаммы кёрдюнг?! – деп, ала экиси да къууанып сордула къызларына.

Къыз, хау дегенча, башы бла белги берип, биягъы сурай къолчугъун майданнга узатды. Мени аллымда адамланы башларына секирип кюрешген улан, эки къолун да кёкде ойната:

– Мени кёргюздеди! Мени! Манга къарап турады. Гангамай, мен мындама!.. – деп хахай этди.

– Угъай, мени кёргюздеди! – деп, арлакъдан да биреу къычырды. Мени артымда сюелгенледен экеулен, ючеулен да, Гангамай кеслерин сайлагъан сунуп, ажирлеча кишинедиле. Төгерегимдегиле, даулашып, бир бирлери бла тюйюшорге аздан къалдыла.

Гангамай балконда тургъан эки бегеуюлню да къатына чакъырды да, майдандагъыладан кимни эсе да алажа кёргюздю. Олсагъатдан, бегеуюлле балкондан тюшдюле. «Кимни эсе да насыбы тутду!» – дедим, ичимден кюйюксюнүп. Мындан эсе, мен бери келмей къалгъан болгъа эдим. Келип, ёмюрюмде жюргимден кетмезча ауруу тапдым. Бушуу-бушман болдум. Артха бурулуп кетип къаллыкъ эдим, алай эки кёзюмю Гангамайдан айыралмай эдим.

– Эй, жол беригиз! – деп, бегеуюлле, адамланы ортасын жырып кюрешедиле.

Кимни кёргюзтген болур алажа Гангамай? Ким болтур ол насыплы?! Бегеуюлле мен болгъан жерге жуувукълашдыла. Аллымда тургъан жаш от болду.

– Айта эдим да, Гангамай мени сайлагъанды деп!.. Ол мени кёргюзтгенди!.. Эй, бегеуюлле, мен мындама! Бери келигиз! – деп, кесин тыйдырмай хахайлады. – Мен! – деп, жаш аланы юсюне атылды.

– Угъай, сен тюйюлсе! – деп, бегеуюлле аны бир жанына тюртдюле.

Сора ала, келе келип, мени къатымда сюелдиле. Бал-

кондан къарап тургъан Гангамай эки къолун бир бирге юч кере урду. Аны бла да къалмай, жарыкъ ышара, башын ийип, хау деген белги берди.

Мен сейир-тамаша болдум. Къууанчым ичиме сыйынмай, солуум тыйылыргъа аздан къалдым. Кеф болгъанча, башым тёгерек айланды. Бир ауукъгъа дери, кёзлөрим алас-булас этип, жукъ кёрмей къалдым. Эс жыйып къарагъанымда, майдандагъыла барысы да манга бурулуп тура эдиле. «Ой, насыплы уа!» – деп ахтына эдиле.

Бегеюолле мени кеслери бла бирге тебиретдиле. Кёп эшиклемден киргизе, талай атлауучла бла ёрлете, мени балконнга алып бардыла. Бек алгъа патчах, аны ызындан а бийче мени къучакъладыла. Аланы ызындан Гангамай, къатыма келип, башын инбашыма салды.

– Кимсе, къайданса? – деп сорду патчах манга.

– Курнаятданма. Атым Алдарбекди.

– Ах, Алдарбек! – деп, патчах сейир болду.

Гангамай а:

– Ах, атам, излегеними тапдым! – деп, боюнумдан къучакълады.

Санларым, жаучча, эрип кетерге аздан къалдыла. Патчах, майданнга жыйылгъанлагъа айланып:

– Мени къызыым кесини насыбын тапды! Келген киеулюкcle энди юйлеригизге къайтыргъа боллукъсуз. Хайда, ахшы жолгъа барыгъыз! – деди. Аны эшитгенлей, кёп жашла башларындан тутуп жилядыла. Кёп киеулюкcle, бушуу-бушман болуп, юслеринде кийимлерин жыртдыла. Мени жюргегимде уа насып оту дуулдап жана эди!

Патчах жюз бла жети күн той этерге деп буюрду. Ол тойгъа белгили адамла келдиле. Кече, күн деп къарамай, битеу Индия чагъыр ичип, тепсеп, ойнап турду.

Жюз бла жети күнден сора, той бошалгъанлай, патчах, эки жыйырма бла тёрт пилге дунния бла бир ырысхы жюклетип, Гангамайны бла мени жолгъа ашырды. Бир-гебизге аскер жыйын да жиберди, жолда хата болмасын деп.

Гангамай да, мен да бир пилге миндик. Ол индийча жырлап, мен а тауча анга эжиу эте барабыз. Жарыкъ Күнню тюбюнде, биз экибизден насыплы адам болмажанча, алай къууанчлы эдик. Бир бирибизге къарап, тоймай эдик.

Индияны чегинден да ётдюк. Къытайдан да озуп, Сахара патчахлыкъны жерине жетдик. Күн асыры къыздыргъандан, кериуан баралмай тохтады. Аны себепли күнджуз, салкъын жерчик тапсакъ, алайда солуп, кече уа жолгъа атлана эдик.

Ай жарыкъ кечелени бириnde, тынч-эсен кетип бара тургъаныбызлай, не эсе да бир къычырыкъла эшитилдиле. Кимле эселе да бизге чабыуллукъ этдиле.

— Тонаучула! — деди аскер жыйынымы башчысы.

Мен пилни сыртындан секирип тюшдюм. Къамамы къынындан чыгъардым. Чабыуллукъ этгенле къапкъара адамла эдиле. Аланы bla бизни арабызда къанлы сермеш башланды. Бирде биз, бирде уа ала онглу бола эдиле. Ахырында къыралны башчысы, алгъа чыгъып:

— Сermешни къояйык, — деди.

Ол алай айтхандан сора, биз да тохтадыкъ.

— Мен Сахараны патчахы Бау-Баума. Алдарбек bla сёлеширге керекме, — деди ол. Мен алгъа чыкъым.

— Алдарбек сенмисе?

— Хау.

— Алай эсе, мен сени bla келиширге керекме, — деди Бау-Бау, манга жууукъ келип.

— Нени юсюндөн? — деп сордум мен.

— Мени жашым, Гортан, Гангамайны сюйоп, тели болгъанды.

— Гангамайны сюйоп тели болгъан къуру сени жашынг туюйолду!

— Сёзюмю бёлме! — деп эсгертди Бау-Бау. — Билгичле айтханинга кёре, жашым, Гангамайгъа юйленнингинчи, сау боллукъ туюйолду. Аны себепли, экибиз ариулукъ bla келишим этерге керекбиз. Мен санга жюз тюе жюгю алтын береме, сен а — Гангамайны бересе.

Киеулюклени арасында, сынжыр bla ташха байланып, башын да жан-жанына чайкъай: «Гангамай!» — деп къычырыкъ этген къара жаш эсиме тюшдю. Ол Бау-Бауну жашы болгъанын ангыладым.

— Кавказда къатынын сатыу-алыугъа салгъан адет жокъду. Сен аллай айыплы ишни манга айтмазгъа керек эдинг. Жанымга тийдинг, — деп жууапладым патчахха.

— Мени аскерим кёпдю. Былайда барыгъызында да туурап, Гангамайны алып кетерге къолумдан келликиди, — дегенни айтды ол.

— Сёлешгенинге кёре, баям, сен мени иги танымайса, — дедим мен.

— Иш таныгъанда bla танымагъанда туюйолду. Мен жангыз жашымга болуштургъа керекме. Аны ючюн бир затдан артха турлукъ туюйолме!

— Ахшы, алай эсе, кёрейик энтта да кюч сынашып.

Патчахны кёзлерине къан чапды. Бети алгъасынды.

— Аскер урушму этебиз, огъесе уа экибизми демлешебиз? — деп сорду ол.

– Кёп къандан эсе аз къан тёгюлюрюн сюеме мен.

Алай айтханымы патчахны жыйыны да, мени адамларым да жаратдыла. Патчах да бичагъы бла, мен да къамам бла бетден-бетге сюелишдик.

– Алдарбек, жаным, кюнүм, сен жоюлсанг, мен кеси кесими ёлтюрлюкме, – деп жиляды Гангамай.

Бурулуп, анга къарайма деп, аркъама бичакъ урдуурргъа аздан къалдым. Насыпха, женгил къармашып, Бау-Бауну бууунундан сермедиим. Бууунун буруп, бичагъын къолундан тюшүртдюм. Жанына къоркъуу жетгенин сезип, патчах аякъларыма жыгъылды.

– Мен хорландым... Ёлтюрм!.. – деп тиледи ол.

Мен аны аядым. Къамамы да къынына сугъуп, Гангамайны къатына келдим. Ол боюнума чулгъанды.

Бау-Бау, аскери бла ызына кетди. Мен да, кериуаным бла, жолума атландым.

Арадан, тёрт ай бла онбир кюн озуп, мен Курнаятха жетдим. Эллилерим мени ёлген сунуп тура эдиле. Сауэсен къайтханымы кёргенде, чабышып, аллымы чыкъдыла. Пиллеге бла индийли аскерчилеге бек сейир этдиле. Бютонда, Гангамайны кёргенде уа, хайран болдула. Аны ариулугъуна асыры эслери кетгенден, ахлуларым мени окъуна унутдула. Саламлашайым деп, анаты аллына баргъан эдим да, хоу бирда, манга боюнун буруп да къарамады. «Келинчигим! Келинчигим!» – деп, Гангамайдан башханы эслемей эди.

Алдарбек индийли келин келтиргенди деген хапар битеу халкъгъа жайылды. Бизни ханыбыз а, Гангамайны кёрюрге асыры ашыкъгъандан, чабырларын киерге да унутуп, жалан аякълай чабып жетди. Келе келип, индийли келинни кёргенлей а, эси азып къалды. Бетине сууукъ суу чачып, эсин алай жыйдышыла.

– Бу аймыды, огъесе кюнмюдю?! – деп, ханыбыз да-гъыда артына ауаргъа аздан къалдды.

Эллилерим барысы да болушуп, пиллени жюклерин тюшүрдюк. Хар кимге да алтын, къумач саугъала юлешдим.

Курнаятта мени тоюм юч кюннеге бла юч кечеге со-зулду. Тойгъа Къаракайдан, Гюржюден, Къабартыдан, Чеченден, Дагъыстандан, Дюгерден да кёп халкъ жыйылгъан эди. Той бошалгъандан сора, индийли аскерчиле, пиллеге да минип, ызларына кетдиле. Алагъа кёп саугъала да берип, хурмет бла ашырдыкъ. Келген къонакъла да кетдиле. Гангамай бла мени зауукълу жашаууз башланды. Бир бирибизни кёралмай, бир такъыйкъа да туралмай эдик!

Алай мени бу жашауум тынчлыкъызы болуп тебире-ди. Арталда, эсде-бусда болмай турғанлай, күнлени бириnde Курнаятха уллу аскер кирди. Халкъ къайгъылы болду. Аскер башчы, аскерин да ызындан тизип, тю-зюнлей бизни юйге келди. Къаrasам, ол а, Гангамайны сюйоп, къуу сюек болгъан киеулюкледен бири – Мисир патчахны жашы.

– Ариулукъ бла бер Гангамайны! Алай тюйюл эсе, къан тёгюлюрге боллукъду, – деп тохтады ол. Алай айт-ханы бла да къалмай, ат ёшюнью бла юсюме тебинди.

Сермеп, аягъындан тутдум да, атдан жерге атдым. Къамамы къынындан сууруп алыш, богъурдагъына ти-редим. Аны аскери юсюме чапды.

– Артха туругъуз! Алай тюйюл эсе, муну башын тай-дырама! – дедим мен.

Аскер тохтады. Олсагъатдан Курнаятны уллусу, гит-чеси да, къолларына сенекле, балтала, чалгъыла да алыш, манга болушургъа чабышдыла. Аланы кёргенде, мисирли жаш къолумдан ычхынды да, секирип атына къонду.

– Мисирни батыр уланлары, къазауатха киригиз! – деп буюрду ол аскерине.

Уллу сермеш башланды. Отун жарыучу уллу балта-бызны алыш, мен да атыма миндим. Жюrek къызызуум бла сермешге кирдим. Кеси ёмюрюмде мен, бу жолча, къаты ачыуланинган болмаз эдим. Аллыма тюшгенин, уруп, жерге къаплап бардым. Ол къызызуум бла, балта-мы да кётюрүп, Мисир патчахны жашына чапдым.

Баям, ол мени халымы сезген болур эди, терк окъуна, атыны башын артха буруп, хаман къачып тебиреди. Аны ызындан аскечилери да къачдыла. Къутулалгъанлары къутулдула, къутулалмагъанлары уа жер къапдыла. Биз хорладыкъ. Алай хорлагъаныбызгъа къууанырча болмады. Кёп адамыбыз жоулду. Курнаят жиляу-сыйыт болду. Гангамайны да, мени да жюrekleriбизни мудах-лыкъ бийледи.

– Мени хатамдан, кёп адам ёлдю. Андан эсе мен туумай къалгъа эдим, – деп, Гангамай жюрегинден жарсы-ды. Мен, ариула айта кетип, аны зордан жубатдым.

Бир къаум заман озду. Курнаятны бушуу да бираз басылды. Алай нек эсе да Гангамайны бла мени жюrek тынчлыгъыбыз жокъ эди.

– Мен сени жанынга къоркъама, – деп, ариу къатын-чыгъым жарсыгъанын къоймай эди.

Бир кече аман тюш кёрюп уяндым. Юсюме чапхан уллу сарыуекден кеси кесими кючден къоруулагъанча болдум.

Уяннганымда, Гангамай:

– Не этесе, ханым? Не болгъанды санга? – деп, бетиме къоркъуулу къарап туралады.

– Баш алай. Къайгъы этме, – деп, къатынымы жапсардым. Экибиз да, бир бирни ийнакълай, жангыдан жукъладыкъ.

Жукъу арасында къулагъыма отоуубузну эшиги ачылгъанча эшитилди. Уянып къарасам, къолунда да бичагъы бла, биреулен юсюме сюелип туралады. Терк окъуна мыллыгъымы ундурукъдан атдым. Бичакъны ауузу сол инбашыма жетгенин сездим. Секирип, артха турдум. Гангамай да къычырыкъ этип уянды. Биягъы бичакъны жаханим ауузу манга кётюрюлдю. Не болса да болсун деп, кесими бичакъгъа атдым. Къарангыда уа, бичакъны жылтырагъан ауузу болмаса, жукъ кёрюнмей эди. Къолум, темирча, бир къарыулукъолгъа илинди. Мен аны буруп тебиредим. Душманым, ким эсе да, амалсыз болуп сынсыды. Бичагъы къолундан жерге тюшдю. Андан экибиз да къапланлача жагъалашдыкъ. Кюреши кетип, аны тюрге урдум.

Бу кезиуде юйдегилерибиз, къаугъалы болуп, отоугъа кирдиле. Чыракъ жандырдыла. Бек алгъа кёзлерим Гангамайны изледиле. Ол миюйшде ахы кетип сюөле эди. Жерде уа – бауурундан къапланып, бир къара киши!

– Оу кюнүм, Алдарбек, бу не палахды?! Къяннга боялып тураса да! – деп, анам оу-шау этди.

Бирсиле да, башларындан тутуп, хайран болдула. Къара киши къоллары бла жерни уруп жиляды. Мен аны, чуунунундан тутуп, аркъасына аудурдум. Къарасам – ол а Сахара патчахны жашы Гортан!!!

Мен сейирге къалып тургъан кезиучюкню марлап, ол, секирип, ёрге турду да, юй тюбюнде атылып тургъан бичагъын къолуна алды. Юйдегиле, къоркъуп, артха сюрюшдюле. Гангамай къычырыкъ этди. Гортан, бичагъыны сабындан эки къолу бла да тутуп, аны ёрге кётюрдю.

– Гангамай, мен муратыма жеталмадым. Сени ючюн кюйдюм, сени ючюн акъылдан да шашдым! Сени ючюн жанымы къыяяма!.. – деди да, бичакъны къарынына урду. Тентирей барып, Гангамайны аллында сойланды.

Мени жашауумда ол да къоркъуулу кечелеримден бири эди. Гангамайны сыйырабыз деп, Тюркден, Инглизден, Сингапурдан, Россейден да талай къуугъун келди. Аланы барысындан да мен къатынымы эрча сакълап къалдым.

Алай ариу Гангамайымы мен ёлюмден сакълаялмадым, – анга кёз тииди да, ёлюп кетди. Мен а, сокъур адамча, тёгерегими къармай, ауур бушшуу да башымдан басып къалдым.

Къатын аллыкъ жашлагъа осуятым: кеси кесигизге бек базынмай эсегиз, ариуну излеп кюрешмегиз. Гинасуу-нучу, ариу къатынны къолда тутхан къыйын ишди.

* * *

Мени бу хапарым аны бла бошалып къалмагъанды. Гангамай бла мени дагъыда бир тюбешиуюбюз болгъанды. Анга ийнамазлыкъла да болурла, ёлген адам бла сау адам къалай тюбеширикдиле деп. Алай ол кертиди.

Гангамайны асырагъандан сора, мени жашауум къарангы кечеге ушап къалды. Кюндюз окъуна, къалын туманнга киргенча, кёзлерим хазна жукъ кёрмей эдиле. Кюн сайын Гангамайны къабырына барып, ачыудан кёпген жюрегими чёкдюрүрге кюрешиучю эдим. Бир жол, Гангамайны къабырына къапланып жиляй тургъанымлай, атам бла анам келдиле.

– Алдарбек, быллай бир инжилме. Сенден сора, къатыны ёлген жокъму сунаса?! Бетинг-къутунг да кетгенди. Адам танымазча болгъанса. Жау чыракъча, эрип, таусулуп бараса. Санга жарсый, биз да аман кюнлю болгъанбыз. Ёлтурме кесинги. Жашаугъа къошул. Кюннге къара да, энтта да аны жарыгъындан кесинге юлюш алышгъа кюреш!.. – деп, ала манга кёп ууаз бердиле.

Атам бла анамы жюrekлерин мындан кёп аурутмайым деп, кеси кесими къатыланырыргъа кюрешдим. Алай, не бек кюрешсем да, Гангамайны унуталмай эдим.

Мен да алай ахылау болуп айланнганымлай, уллу патчахыбыз Хатербек халкъны жыйды. Ол тюзлюкню жолун тутхан, огъурлу патчах эди. Аны заманында, уруш-тюйюш да болмай, халкъ тынч-ырахат жашагъанды. Курнаятда сейирлик Кюмюш къаланы ишлетген да ол болгъанды.

«Патчахыбыз не зат айттырыкъ болур, ярабий?!.» – деп, адамла къаланы тийресине басындыла. Ары мен да бардым. Бир заманда Хатербек къаланы мангылай тере-зесинден кёрюндю. Халкъ анга къарс урду. Ол да, башын ийип, адамлагъа хурмет этди. Сора былай айтды:

– Кесигиз кёргенликден – мен къарт болгъанма. Къа-рыуум да, акъылым да таркъайгъандыла. Кёзлерим да

иги кёрмей тебирегендиле. Энди мен, алгъынча, оноу да эталмайма. Аны себепли сиз жанги патчах айырыргъа керексиз. Айыра туруп, сакъ болугъуз. Тахтагъа аман адамны олтуртсағызыз, артда тюп эринигизни къабарсыз. Ол сизни апчытыр. Иги сагъыш этип, тюз ниетли адамны айырыгъыз. Ма мени сизге ахыр осуятым олду.

Патчах алай айтып бошагъанлай, уллу даулаш башланды. Кёп адамны аты сагъынылды. «Мени айырыгъыз! Менича, закий патчах жер юсюнде табаллыкъ тюйюлсюз!» – деп, кеси кеслерин махтагъанла да болдула. Аланы барысындан да бек гузаба этип кюрешген а патчахыбызын биринчи ёзюрю Къалынкъаш эди. «Насыплы болургъа сюе эсегиз, тахтагъа мени олтуртугъуз! Менича, тюзлюкчу патчахны Кюн bla Жерни ортасында табаллыкъ тюйюлсюз!» – деп, тамагъын жыртдыра эди ол. «Угъай, сени ичинг харамды», – деп, адамла ёзюрню арталда унамадыла.

Даулаш жетмиш жети күоннеге созулду. Жетмиш сегизинчи кюн къарт патчахыбыз дагъыда халкъны аллына чыкъды.

– Къарайма да, сизни даулашыгъыз бошаллыкъча кёрюнмейди. Аны себепли былай этейик: къыркъаууз айны ортасында Къула тюзде ат чариш къурайыкъ. Ол чаришде ким озса да, патчахлыкъ такъямы аны башына кийдирирме. Чаришни атына да «Такъяя чариш» атайыкъ, – деди къарт патчахыбыз.

Халкъ ол айтханинга ыразы болуп чачылды. Патчах болургъа сюйгенле, жюйрюк атла излеп, жер-жерге къуулдула. Къалынкъаш а, Арабстаннга кетип, андан дум къара ажирге минип къайтды.

Аллай атны биз ёмюрде да кёрмеген эдик: чабып башласа, жилянча созулуп, къанатлыча уча эди! Къалынкъашны къаршы адамлары уа: «Бу ат сени тахтагъа олтуртурукъ атды», – деп, аны къолун тутуп алгъышлай эдиле.

Къыркъаууз айны ортасында халкъ Къула тюзге къуулушду. Кесибизни къашха байталыбызгъа минип, мен да ары тебиредим. Атам bla анам: «Алдарбек, сен а къайры атланнганса?!» – деп, сейир-тамаша болдула. «Чаришеге!» – дедим мен. «Къой, башыбызын бедишликге къалдырма!» – деп, ала, байталны жюгенинден тутуп, мени ийmezge умут этдиле.

Мен ала айтханинга къулакъ салмадым. Къашха байталгъа къамичини жетдирип, Къула тюзге жол тартым. Анда халкъ къылыхъызыз кёп эди. Къарт патчахыбыз да, Сары тёбени башына чыгъып, анда бийик тахтагъя

олтуруп тура эди, тёгереги да, къарауашладан bla мыртазакъладан толуп. Патчахлыкъдан умут этген чарышчиле, атларын ары bla бери чапдырышып, жарау этип кюреше эдиле. Къара ажири bla Къалынкъаш да аланы ичлеринде эди. Жыйылгъан халкъ асламысында анга къарай эди. Къара ажир, ал аякълары bla жерни чучхуп, чабаргъа адыргы эте эди. Чарышчилини бир къауумлары, къара ажирни залимлигин кёрюп, тюнгюлюп, атларындан окъуна тюшдюле, бош къыйын салмайыкъ деп. Къалынкъаш таба мен да къарай эдим, ичимден анга кюйюксөннеген да, сукъланнган да эте.

Къайдан чыкъды эсе да, аны къатына бир гуппур, къарт къатын барды. Ёзюр атындан тюшдю да, аны къаты къучакълады. Экиси да бир бири къучакъларына шыбырдашдыла. Анда-санда, ол гуппур къатын, нек эсе да, бармагъы bla мени кёргюзтюп, Къалынкъашха бир затла айта эди. Ахырында къарт къатын жокъ болуп кетди, жер тюбюне ташайгъанча.

Бир заманда дауурбасла урулуп, сырыйнала согъулдула. Хатербекни тёгерегинде мыртазакъладан бир къауумлары Сары тёбени башындан энишге тигеледиле. Чарышчилини Къула тюзню къыйырына чакъырдыла. Аланы ызларындан мен да тебиредим.

– Къарагъыз ол сейирге! Алдарбек да «Такъя чарышге» барады! – деп, артымдан уллу кюлкю тарыды.

Анга да эс бурмай, бара барып, чарышчилини сатырларына къошуулдум. Дауурбасла bla сырыйнала тохтадыла. Адамла шум болдула. Низамны тохташдыра айланнган мыртазакъланы таматасы алгъа чыкъды да:

– Эсигизде болсун, ким да болсун, чарышни жоругъун бузса, алгъа келгенликге, хорлагъянга саналлыкъ түйюлдю, – деп эсгерти. – Хар он чакъырымдан къараучула салыннандыла, – деп да къошду.

Алай айтып, ол къолунда акъ байракъчыкъыны ёрге кётюрдю. Аны энишге бошлагъанлай, тёгерекни тужкъ тауушха алдырып, биз да алгъа сзылдыкъ!

Тебирегенимлей окъуна, башымдан акъ къалпагъымы жел учурду. Адамла бютюнда киндикисиз болдула. Бедишлик болуп къалмайым деп, атымы башын артха бурдум да, жел учуруп бара тургъан къалпагъымы ызындан жетип тутдум. Мен алай къармаша тургъунчу, чарышчиле узакъгъа кетдиле. Къашха байталыма къамичини къаты-къаты жетдирдим. Ол, эки къулагъын да тутуп, алгъа секирди!

Бызымдан: «Къой, хайырсыз, тюбюнгде жаныуарны керексиз къыйнама!» – деген къычырыкъланы да

эшитдим. Алай ол затла къулагъыма да кирмеди. Мен къашха байталымы халын иги биле эдим. Ол, бирси атлача, терк къызып, терк суууп къалыучу жаныуар түйюл эди.

Жюз чакъырым чакълы жол къоратхандан сора, желни къатыдан-къаты шууулдай башлагъанын сездим. Ол а – къашха байталымы керти да къызгъаныны белгиси эди. Тюшге жууукъ алгъа кетген чаришилени бир къаумларыны ызларындан жетдим. Мычымай, аланы бириндөн сора бирин оза башладым. Бир заманда узакъдан Къалынкъашны къарелдисин эследим. Ол бек алда бара эди. Аны кёргенлей, къашха байталыма къанат битгенча болду. Аллымдан ургъан жел асыры къатыдан, ат иерден чартларгъа аздан къалдым. Ызындан жетип баргъанымы кёрюп, Къалынкъаш къара ажирин хаман къамичилиди. Аны туякълары тийген жерден жилтинле чартлай эдиле. Къалынкъаш атын не бек къамичилеп күрөшсө да, мен аны жетдим..

– Алдарбек, мени озма. Мен патчах болсам, сени кесиме ёзюр этерме, – деди ол. Айтханы bla да къалмай, атымы жюгенинден тутуп, мени тыяргъа умут этди.

Алай къашха байталым, кишнеп, ёрге секирди да, Къалынкъашны къолун жюгендөн ычхындырыды. Алай bla, мен битеу чаришилени алларына тюшдюм!

Къара къая деген жерге жетгенимлей, байталым абынды да, экибиз да тёппе турдукъ. Мен, секирип, аягъы юсюмеболдум. Саным-чархым сау эди. Алай къашха байталым жеринден туралмай къалды. Аны боюн жиги юзюлген эди. Асыры ачыудан, кёзлерим къарангы этдиле. Бу кезиуде Къара къаяны башындан бир къотурбоюн къаргъа келди да, мени аллымга къонду. Къанат тюбюн чучхуй кетип, андан бир уллу метекени чыгъарды да, башындан къапды. Олсагъатдан ала экиси да уллу тютюннеге айландыла. Тютюн а, чулгъана кетип, гуппур къарт къатын болду. Къарасам, – ол а Къула тюзде Къалынкъаш bla тюбешген къатын! Палахны манга къайдан чыкъгъанын билдим. Къуртханы, тутуп, бууаргъа умут этдим. Алай ол, кюлюп, ары bla бери къоянча секире, кесин манга туттурмады. Бу кезиуде, къара ажири да суу-салам болуп, Къалынкъаш да жетди. Къуртха, эки къолун да кенгнге жайып, аны аллына сюелди.

– Къалынкъаш, сени буйругъунгу толтурдум! Манга бериргө айтханынгы унутма, – деди.

– Унутмам, – деди ёзюр анга. Сора ол къара ажирини ёшюнүн манга бурду. – Къалайса, «патчах»?! – деп,

мени масхара этди. Аны бла да къалмай, къайиш къамичиси бла эки-юч кере башыма бла аркъама жетдирди. Сора, артына да къарай, алгъа сюзюлюп кетди.

Ол заманда жюргим ачыудан жарылмай къалгъанына буюн да, буюче да сейир этеме. Къаным асыры къызгъандан, отда жана тургъанча болдум. Къуртха къатын а: «Алли-малли...», – деп, тёгерегиме айланып тепсей эди. Аны алай этгени мени бютюнда бек къабындырды. Кёнчек бучхакъларымы да ёрге къайырып, башымда къалпагъымы да къолума алып, Къалынкъашны ызындан жаяулай сизылдым. Бир заманда къулагъымга түякъ тауушла эшитилди. Артда къалгъан чаришчиле мени жетип келе эдиле. Мен бютюнда бек къызындым! Асыры чапхандан, аякъларым жерге жетмей, хауда учуп баргъанча болдум. Узакъдан Къалынкъашны къарелдисин эследим. Манга бютюнда уллу кюч къошуулду. Къула тюзге жууукълашкан заманда, мен Къалынкъашны жетдим. Ол, мени кёрюп, сейирге къалды. Къара ажирин къамичи бла аямай тюйюп, мени озаргъа умут этди. Мен а оздурмадым! Бютюнда бекден-бек къыза тебиредим.

Адамла, мени жаяу чабып келгеними кёрюп, уллу тамашагъа къалдыла. Сары тёбени этегине Къалынкъаш бла мен тенг жетдик. Энди аны башына чыгъып, патчахны къолун къайсыбыз алгъа тутсакъ да, хорлагъанинга ол саналлыкъ эди. Сыртха ёрлеп бара, мен Къалынкъашны оздум! Ёзюр къара ажирин къанын чыгъяргынчы къамичиледи. Алай, ол не бек жан атып кюрөшсе да, иши бармады. Тийрени жел этдирип, патчахыбызын аллына биринчи болуп жетдим. Аны къолун тутдум! Мени ызымдан жетген Къалышкъаш да, секирип атындан тюшюп, къолун патчахха узатды.

– Сен а не этесе? Алгъа Алдарбек келгенди, – деп, патчах аны къолун тутаргъа унамады. – Ол жорукъну бузгъанды. Жаяу чапхан саналмайды, – деди ёзор.

– Саналады! Бютюнда бек саналады! – деди патчах.

Аны эшитген халкъ, къарс уруп, патчахны тюзлюгюне ыразылыгъын билдириди. Патчах, башында алтын такъыясын тешип, аны мени башыма кийдириди. Сора жыйылгъан халкъгъа былай айтды:

– Алдарбекни бу чаришде этген кишилиги, ёмюрледе айтылып туурчы, алай кишиликиди. Кишилиги болгъан закий да болады. Аны себепли мен патчахлыкъны Алдарбекге береме!

Олсагъатдан дауурбасланы тауушлары Къула тюзню гюрүлдөтдиле. Адамла: «Жашасын бизни жангы патча-

хыбыз Алдарбек!» – деп, къууанчлы болдула. Къалынкъашны къара бети уа бютюнда бек къаралды.

«Такъя чариш» аны bla бошалды. Хатербек да, мен да, аны токъсан тогъуз at жегилген алтын арбасына минип, Къула тюзден Курнаятха атландыкъ. Да-урбасланы да дынгырдатып, орайданы да айта, халкъ бизни ызыбыздан тебиреди. Мени кёз туурама чыгъып, жерни букулатып тепсегенле да болдула. Бир къаумла уа at оюн этилде. Къысхасы – хар ким да, кесин манга ариу кёргюзтюрге сюе эди.

– Алдарбек, эслеймисе, халкъ санга къалай къууанады? Сен аны bu къууанчын, ёчолтмей, сакълап туралсанг, ол заманда билинирикди сени адамлыгъынг, – деди Хатербек.

– Бирда къоркъума, багъалы акъсакъалыбыз. Халкъымы бюгүннгю къууанчына ташла, агъачла да къошуулуп къууанырча этерме! – дедим мен.

– Махтанчакълыкъ иги тюйюлдю, – деди Хатербек, сагъышлы болуп.

– Кечгинлик бер, акъсакъал, мен махтанып айтмайма, журегимде болгъанны айтама...

Той-оюн да эте, ингир алагъя Курнаятха жетдик. Курнаятчыла уа, къалмай, тышына тёгюлюп, юйлени, тереклени башларына минип, тау сыртлагъя да чыгъып, бизни аллыбызгъа къарап турал эдиле.

– Эгечлерим, къарындашларым! Сиз мени суюгенча, мен да сизни алай сюерме. Дунияда болгъан ахшылыкъладан сизни юлюшлю этерге кюреширме. Уруш болдурмам. Адам къанын тёкдортмем. Тюзлюкню къаты тутарма, терсликни уа бууарма! – дедим халкъыма.

Байракъланы кётюрүп, сырыйналаны согъуп, Кюмюш къалагъя мени алай кийирдиле. Мыртазакъла bla бегеуулле, къоларында сюнгюлери, къалкъанлары, айбалталары bla тизгин тохташып, манга жол ачдыла. Аллымда Хатербек, мен а аны ызындан бардым. Патчах олтуруучу алтын тахтаны къатына жетгенибизде, Хатербек:

– Бу тахта санга огъурлу жер болсун! Аны бийиклиги сени эсиртмесин! Хайда, олтур. Уллу Тейрибиз болушсун санга! – деп, алгъыш этди.

Мен тахтагъя олтурдум. Сырыйнала согъулдула, къарсла урулдула, тышында тоопла атылдыла. Кёп кёзле манга къубулуп къарай эдиле. Аланы арасында эки сууукъ кёзню эследим. Ала Къалынкъашны сур кёзлери эдиле, алай мен анга эс бурмадым.

Мени алгъышлай, тыш къыралладан да кёп къонакъла

келдиле, саугъала да алыш. Сабанстан деген уллу къыралны ханы уа манга саугъагъа жюз ариу къыз алыш келди. Ол саугъаны да ыразылыгъым бла къабыл этип алдым. Асыры кёп къонакъ келгенден, халкъыма оноу этерге заманым да жетишмей эди. Аны юсюне уа, билмей тургъанлай, Хатербек, къаты ауруп, тёшекге тюшдю. Кюмюш къала бушуул болуп шошайды. Мен Хатербекни къатындан не кече, не кюн кетмедиим. Устала да анга хазна жарамадыла. Бир кюн ол ёзюрлерин да, ах-луларын да къатына жыйды.

— Дунияда ёлмезлик адам жокъду. Мени да жетгенди ахыр сагъатым. Тейрибиз тюнене сызгыргъанды манга. Аны себепли, сизге ахыр осуятымы эшилдирирге сюеме. Битеу патчахлыгъымы, Кюмюш къаланы да, тёрт жюз къатынымы да, тауларыбызыны, ташларыбызыны да Алдарбекге аманат этеме,— деди ол жыйылгъанлагъя.

Ёзюрле анга ыразы болмадыла. «Эсинги жый, сыйлы патчахыбыз. Бизни къуру жерге къаратып къойма!» — деп, ала гузабагъя къалдыла.

— Мен айтырымы айтханма, хайда, эсен къалыгъыз,— деп, Хатербек жан алды.

Курнаят бушуу-бушман болду. Кюмюш къалада жетмиш жети кюнгэ дери жиляу тохтамады. Бютюн бек жиляп кюрешгенле Хатербекни къатынлары эдиле. Къуллары да жиляй эдиле, тобукъларын тюйоп.

Курнаятны огъары башында Чуюке деп, бийик къая болуучу эди. Бийик дегенде да — тёппеси буулутлагъя жете! Аны этегинде къабыр къаздырып, Хатербекни алайда асыратдым. Чуюке къая уа анга сын таш болуп къалды. Аллай бийик сын таш дунияда бир ёлюкге да салыннган болмаз эди, Хатербекге болмаса.

Хатербекни асырап бошагъандан сора, патчахлыкъ ишими къолгъа алдым. Бириңи кюн окъуна эки уллу буйрукъ чыгъардым: бири — къахмеликни бла улутхачылыкъны тыйынуу юсюнден, экинчиси уа — Къалын-къашны баш ёзюрлюкден тайдырынуу юсюнден.

Жарлыла иги жашарча, дагъыда бир буйрукъ чыгъардым. Къара халкъ, анга асыры къууаннгандан, ингирде сюрюуден къайтхан ийнеклерин сауаргъа унутуп окъуна къойгъан эди.

Хар зат да тап болуп бара тургъанлай, Кюмюш къалада уллу къаугъа кётюрүлдю. Хатербекни башсыз къалгъан къатынлары бла, Сабанстандан манга саугъагъа келтирилген жюз къыз, бир бирге чабып, тюйюш ачдыла. «Патчахны къатынлары бизбиз!» — деп бирлери, «Угъай, сиз тюйюлсөз, бизбиз!» — деб’а экинчилери.

Ала, бир бири чачларына жабышып, бир бири бетлерин тырнадыла. Кесими орталарына атдым.

– Не от тюшгенди сизге?! Нек жыртышасыз, гырныу киштиклеч? Не зат юлешесиз быллай бир?! – деп къутурдум алагъя. Къоркъянмы этдиле, огъесе уа патчахлыкъ намысымыны этдиле – барысы да бирден шум болдула. Араларындан акъ кекеллери бла бир къарт къатын алгъя чыкъды да, келе келип, аллымда тобукъланды.

– Ынна, не этгенингди бу? Тур ёрге! – дедим анга.

– Мен сени ыннанг тюйюлме! Мен тамата къатынынг – Чаначайма! – деди ол.

Тилим тутулуп, aberi айталмай къалдым.

– Сен бек алгъя къатынларынгы оноуун этерге керек-се! Ёлген эрибиз бизни санга аманат этип кетгенди. Аны унутма! Хатербек ахыр кюнүоне дери, къартлыгъына да къарамай, бизни ийнакълап тургъанды. Сен а, жаш адам болуп тургъанлай да, алыхъя бирибизге жанламагъанса! – деп, дау этип тохтады Чаначай.

– Мен бек алгъя къырал ишлени аягъы юсюоне салыргъя керекме, – дедим.

– Угъай, Алдарбек, къырал ишле бир жары да кете-рик тюйюлдюле. Халкъ, жашагъаныча, жашап турады. Жашамагъан бизбиз. Бизге да жашау керекди! – деп, Чаначай, чууунумдан тутуп тохтады.

Мен, не этерге билмей, абызырап къалдым. Алайынлай, узун сырғылары бла, бир омакъ къатын:

– Чаначай, сен, къуртха кибик, къартлыгъынгда да бир къанмай къалдынг! Эндиге дери къаныбызыны ичгенинг да боллукъду! – деп, къаты ачыуланды.

– Ах, алаймыды?! Алай эсе, мен сени битеу кир ишленинги жангы патчахыбызгъя айтмай къоймам! Алдарбек, сен мынга ийнанма! Бу къахме Къалынкъаш бла жашырын тослукъ жюрюют тургъанды! – деп, Чаначай да аны юсюоне атылды.

Экиси да тарт-соз болдула. Орталарына кирип, бир бирлеринден зор бла айырдым.

– Манга къулакъ салыгъыз, сизге айтыр сёзюм барды, – дедим къатынлагъя. – Сиз барыгъыз да ариуласыз. Алай манга кёп къатын керекмейди. Сизни барыгъызыны да башыгъызгъя эркин этеме.

Къатынла жиляу-сыйыт болдула. «Тилейбиз, алай этме. Бизни барыр жерибиз жокъду. Къаладан кетгенебизлей, фактъирачыла болуп къаллыкъбыз. Бизге жазыкъысын!..» – деп, бютюн бек жилядыла. Ариула айтып, аланы жубатдым. Барысы тохтагъанда да, онекижыллыкъ бир къызчыгъ'а, жюрексинингенин тыялмады.

— Бу къызчыкъ къайсыгъызын къызы эсе да, жубатхан этигиз,— дедим къатынлагъя.

— Ол бирибизни къызыбыз да тюйюлдю. Хатербекни бек артда алгъан къатынчыгъыды, — деди Чаначай.

Сейир этдим. Къатына барып, къызчыкъны чачындан сыладым.

— Атынг къалайды? — деп сордум анга.

— Жаухаржан, — деди ол, бютюнда бек журексинип.

Ариула айтып, аны да жубатдым. Къысхасы, къатынлагъя жаным ауруду.

— Тюйюшмей, жарашиб туургъа айта эсегиз, къалада къалдырама сизни, — дедим.

Жарашиб жашаргъа сёз берип чачылышдыла. Узун сырғылышты омакъ къатын а, кетмей, мени бла къалды. Аны, тана кёзлерича, уллу кёзлери манга ышарып къарадыла. Чагъыр ичгенча, башым тёгерек айланды. Ол сагъатдан санларым жумушап, журегиме жылы къан къуюулгъанча болдум. Ол эки къолу бла да боюнума чулгъаннганлай, эсиме Чаначайны айтханы тюшдю.

— Тохтачы... Къалынкъаш бла тослукъ жюрюютүп тургъанынг кертиимиidi сени? — деп, тиширыну боюнума чулгъаннган къолларын артха кетердим.

— Угъай, угъай!.. Ол къарт къуртха, сени манга къызгъанып, ётюрюк айтханды. Дуниягъа Къалынкъашдан осал адам жаратылмагъан эсе да, алайды. Сен аны ёзюрлюкден къистагъанынгы бек тюз этгенсе... — деп, ол, жилямсырагъан да эте, кесин акълады. Айтханына толу ийнанмасам да, аны ариулугъу мени борбайларымы къыркъыды.

— Мен алыкъа сени атынгы да билмейме, — дедим анга.

— Дездамона!

— Дездамона?.. Таулулада аллай атны бирда эшиит-мегенме.

— Эшиитирик да тюйюлсө. Мен италиячыма. Хатербек мени Румдан алыш келгенди.

Бу зат манга бек уллу жангылыкъ болду. Дездамонаны бютюн къаты къучакъладым. Аны кесими отоуума элтдим.

— Тохта, мен чагъыр келтирейим. Чагъырдан уртласакъ, соймеклигибиз бютюнда бек къайнарыкъыды, — деп, Дездамона чабып кетди.

Кёп да турмай, эки гитче чёмюч бла чагъыр келтирди. Алдан бирин манга узатды. Экибиз да чёмючлени терк башатдыкъ. Чагъыр терк окъуна башымча чапды. Нек эссе да манга уллу кюлкю тарыды. Бир кесекден а, сан-

ларым къурушуп, сын къатдым да къалдым. Кёзлерим да кёредиле, акъылым да жеринеди, къулакъларым да эшитедиле. Алай сёлешалгъан а этмейме. Сёлешген угъай, бармагъымы да къымылдаталмайма. Дездамона мени эки кёзюмю жумду. Сора ол отоудан акъырын чыгъып кетди.

Бираздан а уллу жиляу-сыйыт башланды. Жилягъянла мени къатынларым эдиле. Аладан бири, юсюме къапланып: «Не болуп къалды санга, наным?!» – деп, кесин тыйдырмай сарнады. Ол Жаухаржан эди. Эр киши ауазла да эшитилди. «Тыныгъыз, ёкюргенигиз боллукъду!» – деп ачыуланды кишиледен бири къатынлагъя. Къалынкъаш болгъанын ауазындан таныдым. Къатынла шум болдула. Жаланда Жаухаржан тохтамады. «Тый кесинги, ит кючюк кибик, улуп турма да!» – деп, биягъы Къалынкъаш анга урушду. Сытыла-жутула кетип, Жаухаржан да тохтады.

– Алдарбекни Уллу Тейрибиз кесине алгъанды. Энди патчах менме! – дегенин эшитдим Къалынкъашны. Жюргегим тарх деп атылыргъя аздан къалды.

– Хайда, чыгъыгъыз мындан! Ёлюкню жумушун этерге керекди, – деп, Къалынкъаш отоудагъыланы къыстады. Мени «ёлюгюмю» къатында, жаланда Къалынкъаш бла Дездамона къалдыла.

– Алдарбек, тилинг да тутулуп, санларынг да къурушуп, жарты ёлюк болуп жатаса аллымда. Алай сен ашыкъма. Кёрге тумаланнгандан сора, толусунлай ёллюксе! – деп кюлдю Къалынкъаш. Анга къошуулуп, къонгуроу таууш эте, Дездамона да кюлдю. Аны бла да къалмай, экиси да бир бириң къучакъладыла.

Быллай бедишликини, быллай зорлукъну, мен болмасам, ким сынағъан болур дуниясында? Минг кере ёлюп, минг тирилгенча болдум.

Къалынкъашны буйругъу бла, мени терк окъуна жууундурдула, кебинледиле. Сора, сал басхычха салып, къабырлагъя элтдиле. «Баламы кёргемеге къоюгъуз манга!» – деп, анамы къычырып жилягъанын эшитдим. Башымы ачып, бетими анга кёргюздюле.

– Алдарбек, жашым, не болуп къалды санга?! – деп, анам юсюме къапланды. Аны кёзлеринден саркъгъан жилямукъла бетиме тамдыла. Ол мангылайымдан сыйлады.

– Адамла, мени балам ёлмегенди! Эти сууумагъанды! Мен кёрюп турама! Балам сауду! Быллай муну кёрге сукъмагъыз! – деп, анам уллу къаугъя этди.

– Тейриге ассы кёрюнме, Жүлдүзхан! Артха тур да,

ёлюкню асырамагъа къой! – деп къутурду Къалынкъаш анама.

«Угъай, жаны саулай, баламы кёрge сукъдурлукъ тюйюлме!» – деп, анам къатымдан кетерге унамай тохтады. Кимле эселе да, анамы менден зор бла айырдыла. Сора терк окъуна мени къабыргъа эндирилие. Юсюме топуракъ къуйдула. Алай бла, жаным саулай, къабыр азабын сынап башладым. Къалынкъаш айтханлай, жарты ёлюкден толу ёлюкге айлана тебиредим.

Бир заманда жукъудан уяннганча болдум. Санларыма къарыу кирди. Кюреше кетип, эки къолуму бошайтдым да, кебинликни бетимден сыйырдым. Ерге турама деп, юсюме салыннган гыйы ташха башымы уруп, къаты ачытдым. Къаппа-къарангы кёрде жан-жанымы къармай къалдым. Хаяу жетишмей, тунчугъуп тебиредим. Бу кезиуде кёзлериме узакъдан бир жарыкъ жанинган жилтинчик урунду. Ол мени таба учуп келе эди. Бир аздан аны жарыгъы къабырыма да жетди. Иги жууукълашханында, ол нюр къанатлыгъа ушап къалды: «Мёлек!» – деп келди акъылым. «Кел, къыйналып тургъан жанымы теркирек ал!» – деп хахайлайдым анга. Ол а, келе-келди да, къатымка къонду. Олсагъатдап нюр къанатлы тиширыу сыйфатха кирди. Къарасам, ол а Гангамай! Эки къолуму да созуп, анга учундум.

– Тохта, артха тур, мени къатымка жанлама! – деди ол.

– Не-к?! Санга былай тюберими билсем, мен эртте окъуна ёлюр эдим, – дедим, къууанчым жюрегиме сыйынмай.

– Сен алыхъя ёлмегенсе. Сау бла ёлгеннге уа, бир бирге тиерге жарамайды. Уллу Тейрини буйругъу алайды. Саула барысы да гюняхлыдыла. Ала жаланда ёлгенден сора тазаланадыла, дуния жашауларында этген хыянатлары ючюн, Уллу Тейрини аллында кечгинлик тилеп. Алай Тейрибиз хар кимге да кечип бармайды. Бек уллу хыянатчыланы, жаханимге жиберип, азап сынатады, – дегенни айтды Гангамай.

– Мени Тейрибиз кечmezча хыянатым жокъду! – дедим мен.

– Билеме, Алдарбек, билеме. Биз, ёлгенле, кёкден къарап, Жерде сау адамла не этгенлерин кёрюп турабыз. Сен таза жанса! Аны ючюн келгенме мен бери, санга болушургъа, – деди Гангамай.

– Не бла болушаллыкъса сен мангра?

– Бу къабырынгдан азат этип, дуния жашаугъа къайтыргъа болушурукъма.

— Угъай, угъай... Мен артха къайтмайма! Сени бла къалыргъа сюеме!

— Алыкъа сен дуния инсаныса. Тейрибиз санга юлюш-ге берген жашаунг башалмагъанды. Аны себепли биз нёгер болаллыкъ тюйюлбюз.

— Мен сенсиз жашаяллыкъ тюйюлме! Сени асыры сюйгенден, ичим жана турады.

— Аны уа бош айтаса. Дездамонаны къучакълай турup, мени эсинге да тюшюрмеген эдинг!.. Алай, аны ючюн, мен санга гурушха болмайма. Кёзден кетген кёлден да кетеди.

— Угъай, Гангамайчыгъым, сен хар заманда да эсимдесе! Мени къюоп кетме. Къалынкъаш бла Дездамона кибиқ, харам адамла жашагъан дуниягъа къайтыргъа мен арталда сюймейме!

— Адамла ала этген харамлыкъдан да уллу харамлыкъла этедиле.

— Сора Тейрибиз аллайлагъа къалай тёзюп турады?

— Ол тёзюп турмайды. Аланы жанлары аллына келирлерин сакълап турады, жазаларын сынатыргъа! Ёлгенлерinden сора, Къалынкъашны бла Дездамонаны жанлары да жетерле, къуухотун этип, Тейрибизни аллына. Алай ол алагъа кечmez. Ала санга, мушкоруну бла шарх-шархны гагуларын бирге къайнатып, уу этип ичиргендиле. Алай бла, ала сени ёltюрюрге умут этгендиле. Адам ёltюргенден уллу гюнях а жокъду! Алай, Тейрибизни ахшылыгъындан, сен кёп ёлюмледен къутулгъанса. Бу ёлюмден да къутуласа. Ызынга къайтханда, дерпт жетдирeme деп кюрешме. Тейрибиз аны жаратмайды. Жаухаржан бла жашаунгу бирге эт. Ол таза жюrekли къызды. Хайда, Алдарбек, сау къал! – деп, Гангамай ёрге кётюрүлдю. Сора, санындан юзюп, бир гитче жилтинчикни манга берди. – Ма, мууну ууучунга къаты къысханлай тут. Бу сени ууучунгда болгъан къадарда, сен кёзге кёрюнюрюк тюйюлсе! – деп, Гангамай, нюр къанатлы сыфатха кирип, учуп кетди.

Ол кетгенлей, къабырым эки жарылып, мен тышына чыкъдым. Кёкде жулдузланы тохташханларына кёре, кече ортасы болуп тургъанын билдим. Гангамай берген жинкчикни да ууучума къаты къысханлай, Кююш къалагъа бардым. Къолларында да сюнгюлери, гида балталары бла къалауурла, кёз къакъмай, къаланы къаты сакълай эдиле. Мен аланы орталары бла ётдюм да кетдим. Жангыз бири мени эслемеди. Къабакъ эшиkle барысы да, ичлерinden къадаулары салынып, къаты

этилип эдиле. Мен аланы ача кюрешмедин. Къалагъа кириучу жашырын жолну биле эдим. Аны манга Хатербек ёлор кюнню аллында кёргюзтген эди.

Жашырын жол bla, шыбыртызыз, патчах отоугъя бардым. Аны эшиги жарты ачылып эди. Ары кирдим. Жау чыракъланы къарьусуз жарыгъында Къалынкъаш bla Дездамонаны кёргенимде, жюргим отча къабынды!

— Ол тели Алдарбекден къалай тап къутулдукъ! — деди Къалынкъаш, Дездамонаны боюнундан уппа эте.

— Манга ыспас эт аны ючюн. Мени хайырымдан патчах болгъанса сен! — деп кокаланды Дездамона.

— Сен мени алтын тюлкючюгюмсе! — деп эркелетди аны Къалынкъаш.

Дездамона:

— Ах кюнюм, энди бар зауукълукъ алдады! — дегенинде, Къалынкъаш кюлдю.

— Нек кюлесе? — деп сорду анга Дездамона.

— Алдарбек эсиме тюшюп! Къабырда, эсин жыйгъандан сора, ол насыпсыз аз адыргы этген болмаз! Ха-ха-ха!..

Мен андан кёп тёзалмадым. Бара барып, битеу кючюм bla Къалынкъашны жаягъына урдум. Ол, сескенип, ундурукулдан секирип къопду.

— Сенми урдунг мени жаягъыма? — деп сорду Дездамонагъя.

— Угъай...

Бу кезиуде Къалынкъашны жаягъына дагъыда жетдирдим. Ол, тёгерегине да къарай, ахылау болду.

— Ким эсе да, отоуда биреу барды! — деди Къалынкъаш, ахы кетип.

— Экибизден сора, киши да жокъду, — деди Дездамона да, типиски болуп.

Мен, ууучуму ачып, жилтинчикни къолумдан ийдим. Ала, мени кёрюп, сын ташча, къатып къалдыла.

— Харамлыкъ, эртте-кеч болса да, ачыкъланмай къалмайды! — дедим мен.

Къалынкъаш, олсагъатдан аллыма жыгъылып, аякъларымы къучакълады. Кечгинлик тилеп башлады. Табанным bla уруп, итни къыстагъанча, аны кесимден кери къыстадым. Дездамона да, эсин жыйып: «О-о, мени жан тугулум! Алдарбеким, дунияда сенден сюйгеним жокъду!» — деп, боюнума тагъылыргъа умут этди. Алай, мен аны къатыма къоймадым. Эки къолуму да бир бирге юч кере уруп, бегеуоллени чакъырдым. Чабып кирген мыртазакъла, мени кёргенде, тамашагъа къалып, ауузлары кенгнге ачылды.

— Быланы экисин да зинданинга атыгъыз! Къалынкъашны — асланла болгъан бёлюмге, Дездамонаны уа — къапланла болгъан бёлюмге! — деп буюрдум. Бегеюolle эки харамны да алларына сюрюп кетдиле.

Ала кетгенлей, къараушланы чакъыртдым да, Жаухаржанны келтиртдим. Мени кёргенлей, ол кюнча жарыды. Чабып келип, боюнума тагъылды.

— Алдарбек, бу тюшюммюдю огъесе тюнюммюдю?! — деп, къууанч эте, жилямсырады Жаухаржан.

— Тюнюнгдю, ариучугъум, тюнюнг, — дедим, аны жумушакъ чачын акъырын сыйлай.

Тангата башлагъан заманда, Гангамайны: «Дерт жетдиреме деп кюрешме. Тейрибиз аны жаратмаз», — дегени эсиме тюшдю. Секирип, ундуруукъдан турдум.

— Не этесе, Алдарбек, не болгъанды санга?! — деп къоркъунду Жаухаржан.

Мен, анга да жукъ айтмай, эки къолуму да бир бирге уруп, бегеюоллени чакъыртдым. Ала мычымай жетдили.

— Дездамонаны bla Къалынкъашны башларына эркин этигиз! Къайры сюйселе — ары кетсинле. Күрнаятда уа бир кюн да къалмасынла, — дедим.

Бегеюolle чабып кетдиле. Бираздан а, муштухул болуп, къайтып келдиле.

— Сыйлы патчахыбыз, кесинг келип, кёзлеринг bla кёрсөнг иги боллукъ эди! — дедиле ала.

Къызыл халатымы юсюме къапладап, бегеюolle bla бирге зинданинга бардым. Тамашагъа къалдым! Асланла Къалынкъашны ахыр сюеклерин кемирип бошай тура эдиле. Дездамона уа, жыйырма къапланнны кесине жуушдуруп, кимини боюнундан къучакълай, кимини уа жухундан уппа эте айлана эди. «Бу дунияда тиширыу этmezлик хыйла жокъду!» — деп келди эсиме. Бегеюоллего айтып, Дездамонаны зиндандан чыгъартдым. Ол дагъыда манга кокаланыргъа кюрешди.

— Мен санга къаплан тюйюлме! Башынга эркинse. Кёзюмден думп бол! — дедим анга.

Отоуума къайтып келсем, Жаухаржан жиляй тура эди.

— Нек жиляйса? — деп сордум анга.

— Сен патчахлай къалсанг, биз экибиз насыплы боллукъ тюйюлбюз. Бу Кюмюш къаланы ичи харам адамладан толуду. Ала bla кюрешир ючюн, уллу кюйсюзлюк керекди. Сенде уа ол жокъду.

— Сора мен не этерге керекме? Бёрюле арасында бёрюча улуму дейсе?

— Угъай. Бёрю болама десенг да, болаллыкъ тюйюлсе. Себеби – сени жюргингде бир тюрлю харамлыкъ жокъду, халаллыкъ болмаса. Экибизни насыплы жашарыбызны сюе эсенг, бу жаханим къаладан кетейик. Юйонге элт. Атанг bla, ананг bla бирге жашайыкъ. Мен, къайынларыма келинлик этерге сюеме. Мында уа мен кимме, кимни келинime? Кишини да угъай. Къала толу күндешледен бириме.

Жаухаржанны сёзюн ахырына дери айтмагъя къойдум. Аны сёзлери мени жумушатдыла. Жюргегими къозгъадыла, акъылымга акъыл къошдула. Жаухаржан тюзюн айта эди. Патчахлыкъны къойгъан манга не къыйын болса да, ол айтханнга бойсундум.

Алай, тахтадан кетерни аллында, эки буйруукъ чыгъардым. Биринчи буйругъумда патчахны битеу халкъыбыз къол кётюрюп айыра туурчча этдим. Экинчи буйругъум bla уа Кюмюш къалада гаремни чачдым. Къатынланы, хар бирине кеслери кётюралгъан чакълы бир алтын бердирип, башларына эркин этдим. Ала манга ыразы болуп чачылышдыла. Патчахха да, битеу жамауат къол кётюрюп, башха адамны айырдыла.

Мен да, Кюмюш къаладан ата юйюме келип, Жаухаржан bla насыплы жашап къалдыкъ!..

Алай, жыл да озгъунчу, манга жангыдан жолгъа атланыргъа тюшдю. Африкада Амазонка деген бир къыралдан къыстасу телеграмма алдым. Анда былай жазылып эди: «Багъялалы Алдарбек, биз, Амазонканы къызылары, сени жигитликлеринги юсюнден хапар эшитип, тамаша болуп жашайбыз. Сени көрюрge асыры адыргы этгенден, кече жукълялмайбыз, күндөз тынчаялмайбыз! Кел бизге. Чогъож болмазса!..»

Не этерик эдим, быллай чакъырыу къагъыт алгъандан сора, Африкагъа атландым. Жаухаржан мени бу жолоучулугъума бирда ыразы болмады. Алай мен анга уллу эс бурмадым. Амазонканы ариу къызылары bla тюбеширге ашыкъдым. Тор айгъырым мени Африкагъа терк жеттирди.

— Эй, курнайтчы Алдарбек келе турады, анга жол беригиз!.. – деген къычырыкъла жан-жанымдан эшитилди.

Амазонияда болгъан сейирлик хапарымы уа сизге экинчи жол айтырма.



БЁРЮНЮ «СЮЙМЕКЛИГИ»



ТАМСИЛЛЕ

КЪУЙРУКЪСУЗ ТЮЛКЮ

Ачдан, амалсыз болуп, терек тюбюнде сыртындан тюшюп тургъан бёрүнө къатына акъсагъан да эте, къуй-рукъсуз тюлкю келди.

– Жууугъум, санга не болгъанды?! Ол ариу къуй-ругъунг а къайда?! – деп сорду бёрю, сейир этип.

– Улутхагъа берип келеме, – деди тюлкю.

– Кимге?!

– Уучугъа, къапханына тюшген эдим.

– Сора къуйругъунгу берипми къутулгъанса?!

– Хау. Бусагъатда улутха bla ибилисден окъуна къутулургъа боллукъду.

– О-о, не иги хапар айтдынг! – деп, бёрю къуйругъун ойнакълата къууанды. – Алай эсе, мен бүгечеден кеч къалмай, ыстауатха чабайым...

Экинчи күн тюлкю терек тюбюнде къой мыллыкны жырта тургъан бёрүнө кёрдю.

– Къуйругъунг а къайда, бёрю?

– Къош парийге нохтабау этгенме, – деди ол.

МАХТАНЧАКЪ КЪОЯН

Къуухотун этип, къачып бара тургъан айынуу кёрюп, къоян аны аллындан чыкъды.

– Былай аман кюнлю болуп, кимден къачаса? – деп сорду ол айыугъа, кесини да ахы кетип.

– У-уу-уучудан... – деди айыу, тили тутула.

Къоян, ары bla бери къарап, тёгерекде уучуну кёр-мегенден сора:

– Егюз кибиқ, уллу да болуп, не аман къоркъакъса! Мен а сени батыр сунуп туруучу эдим, – деп, айыугъа дунияны айыбын этди.

Бир къаум күн озгъандан сора, айыу, ёпке солуу этип, къачып бара тургъан къояннга тюбеди.

– Эй, былай от тёбеси болуп, кимден къачып келе-се? – деп сорду ол къояннга.

– Ушкоңдан! – деди къоян, типиски болуп.

– Да, уучудан къачханса деп, ол жол манга айып эт-ген эдинг да!

— Хы, сен уучудан къачхан эдинг. Мен... мен а ушкокдан! Ушкок аман затды, — деп, къоян кесин акълларгъа кюрещди.

Бу кезиуде, къайдан эсе да узакъдан ушкок атылгъан таууш эшитилди. Экиси да бир бирге ал бермей къачышдыла. Къоркъусуз жерге жетип, эс жыйгъандан сора, биягъы къоян айыугъя:

— Айтхан эдим да санга, къоркъакъса деп. Сен къач-масанг, мен къачарыкъ тюйюл эдим! — деди, батырчыкъ болуп.

Айыу анга, башын да булгъай, ичинден кюлдю.

«БАТЫР» ХОРАЗ

Хансла тюбюне жайылып кетген балачыкъларын жайышдыра айланнган гурт тауукъгъа бир уллу къуш чабыууллукъ этди.

— Тилейме, балачыкъларымы ёксюз этме, — деп жалынды тауукъ.

— Балачыкъларынг бар эсе уа, тиймейим, — деп, къуш учуп кетди.

Арлакъдан къарап, аны кёрюп тургъан къызыл хораз гурт тауукъну къатына чабып жетди.

— Къаллай бир айтама санга, менден кенгнге кете турма деп! Насыбынга, къуш мени кёрюп, къоркъуп, учуп кетди, ансы эки орталыкъда жоюлуп къала эдинг, — деди хораз тауукъгъа, дёрденчигин чюелтип.

Бир башха кюнде, биягъы гурт тауукъ, къызыл хоразны да нёгер этип, балачыкълары bla хансла тюбюне жайылдыла.

Кёкде уллу къуш кёрюндю. Къызыл хораз, хахай этип, тауукъ оруннга къачды.

— Къайрыса?! — деп, тауукъ аны ызындан гузаба эте къалды.

Къуш а тауукъгъа бу жол да чапмады, эски шагъырейинеча, къанатын булгъап, учуп кетди.

Хораз тауукъ орундан батырчыкъ болуп чыкъды.

— Къачыпмы кетди ол начас?! — деп, тёгерегин чайнады.

— Ол угъай, сен къачханса, — деди тауукъ, анга кёлкъалды болуп.

— Не къачхан хапарды ол?.. Мен орунубузгъа къазыкъ алыргъа къуулгъан эдим! — деди хораз.

ЧЫЧХАН БЛА КЪАПЛАН

Бир арыкъ чычхан, къабар зат излей барып, ёлюп тургъан къапланнны кёрдю. Тёгерегине айланы кетип, юсюне минди. Тийреде бирси чычханла, аны кёрюп, тамашагъя къарагъя жыйылдыла.

– Не ишингди бу?! – деп сейир этдиле.

– Не ишим боллукъ эди... Бара тургъанымлай, аллымдан чыгъып къалды да, мен а, киштик сунуп, уруп ийдим да, – ёлдо да къалды! – деди арыкъ чычхан.

Бирси чычханла анга уллу аперимлик бердиле. Олсан гъатдан аны кеслерине къалауургъя айырдыла. «Ашынгы-сууунгу тапдырып туруурбуз, сен бизни жаланда палахладан сакълап тур, аны», – дедиле. «Мен сау къадарда, сиз бир затдан да къоркъмагъыз!» – деп ышандырды арыкъ чычхан алана.

Бу кезиуде къамишле арасындан къаплан чыкъды. Чычханла жан-жанына къачып букъдула. Бир талай замандан ала тешиклеринден чыкъдыла. Къарасала, къалауургъя айыргъан чычханлары, къоркъгъандан, жюргеги жарылып, ёлюп тура эди.

БУГЪА БЛА ЧИБИН

Чибин бугъяны, кёзюне, бурунуна къона кетип, тынчлыгъын алды.

– Къой мени бла ойнагъанынгы. Мюйюзюм бла уруп ийсем, ичинги бузарма! – деп эсгертди бугъя. Чибин къылыгъын къоймады. Ачыу чыкъгъан бугъя, башын да булгъай, чибинни ызындан болду. Бара барып, ташха къоннган чибинни урама деп, эки мюйюзюн да бирден сындырды.

Алайды да, ачыуланып этилген ишни арты да ачыу бла бошалады.

АЙЫУ ДОСЛУКЪ

Айыу бал чибиннеге: «Бу дунияда сенден сюйгеним жокъду! Санга къалай бла ахшылыкъ этерге билмей айланама! Уянг къайда эсе да, манга кёргюзтюп къой. Бир заран жетдирмей сакъларма!» – деди. Бал чибин, аны ызындан алып барып, бир уллу терекни тюкгючонде уясын кёргюздю. Чибин бал жыяргъя кетгенлей, айыу уяны пара-чарасын чыгъарды, балын ашады.

Магъанасы: аман акъыллы айыула къуру агъачда угъай, бизни арабызда да бардыла.

ЖИЛЯН БЛА МАКЪА

Жилян, макъагъа барып: «Тишим, ауруп, жанымы алады. Сен быллай затха устаса деп эшитгенме. Тилейме, болуш!» – деп жалынды.

– Угъай, угъай... алайынлай къабып къойсанг, – деди макъа, къоркъуп.

– Къуйругъум bla ант этеме къапмазгъа. Сау этсенг а, саугъачыкъ да берирме.

– Ахшы, алай эсе. Ауузунгу кенгнге ач, – деди макъа.

Жилян ауузун кенгнге ачды. Макъа аны ауузуна та-якъычыкъ сугъуп кёрдю. Жилян аны, макъаны къолу сунуп, къабып ийди. Жангыз тишин да сындырыды.

ОНОУЧУ ЭШЕК

Къаплан, къарт болуп, патчахлыкъдан кетди. Жаны-варла аны орунуна башха оноучу айырыргъа жыйылдыла. Аны, муун деп, кёп даулашдыла. Ахырында эшек, туруп: «Менден эслигиз жокъду ичигизде. Тюз оноула этилирлерин сюе эсегиз, мени айырыгъызы!» – деп, къаты болуп тохтады. «Охо, муун да бир сынап кёрейик», – деп, анга къол кётюрдюле.

Сабан ишле башланнган кезиуде, жаныварла, анга келип: «Багъалы эшек, эки ёгюз да кётюрем болгъандыла. Аланы орунуна сабан агъачха кимлени жегейик?» – деп сордула.

– Къойну bla киштикни! – деди эшек.

– Ала экиси да жаарыкъ тюйюлдюле. Бирда болмай эсе да, пилни жегейик, – дедиле жаныварла.

– Угъай, мен айтдым – болду! – деп, эшек сёзүндөн къайтмады. Аны хатасындан, ол жыл жаныварла мири-зеусоз къалдыла.

«Эшек бузгъа тирелгенлей» деген айтыу ол заманладан къалгъанды дейдиле.

БЁРЮНЮ «СЮЙМЕКЛИГИ»

Агъач къыйырында күте тургъан эчкини къатына бёрю келди:

– Сени ариулугъунгу узакъдан эслеп, къатынга андан жанлагъянма, – деди бёрю, эчкини аллында жойкъулланып. Эчки жукъ айтмай, ышарып къойду.

— Ышаргъанынг да барды бир эл багъасы! Кёзлери-нги ариулукълары уа тууар малны буйреклерине ушайдыла — татлы къабынчыкълагъа. Къуйрукъчугъунгу къымылдагъаны уа жюргеми дыгъылын къозгъайды. Эринчиклеринг да гюл чапыракъла кибик! Ах, къалай ариуса сен! Кёргенлей суюп къойгъанма! Ичиме от салгъанса. Сенсиз жашау эталмазча болуп къалгъанма! Кел мени бла агъачха! Бирге жашайыкъ. Мен сени жер башында эчкилени барысындан да насыплы этерме!

— Угъай, угъай... Биз бир бирге келишмейбиз. Сен — бёрю, мен а — эчки. Ушамагъан ишни этерге жарамайды, — деп, эчки кетип тебиреди.

Бёрю аны аллына жыгъылды да:

— Мени бу уллу сюймеклигими малтап кетме. Сен мен айтханнга угъай десенг, кеси кесими ёлтюрлюкме. Ах, къалай сюеме мен сени!.. — деп жилямсырады.

Эчки сагъышланды.

— Да, сени бла кетип къалсам, теке не айтыр?!

— Къой аны. Атын да сагъынма. Акъ сакъалы да жерге жете. Сен, жийиргенмей, аны бла къалай жашайса? Ол санга намыссызлыкъды. Мени бла кел. Жаннет жашау этербиз экибиз да...

Бёрю да, эчки да агъач таба кетдилем.

Экинчи күон эчкини иеси, эчкисин излей, агъачха баргъанда, уллу терекни тюбюндө аны сюеклерин тапды.

ЖЫРЧЫ ЖАНЫУАРЛАНЫ ЭРИШИУЛЕРИ

Бир жол жаныуарла, жыр эришиу бардырыргъа деп, ачыкъ талагъа жыйылдыла. Анга къатышыргъа къанатлыладан да бир къаумлары келдиле. Эришиуню комиссиясына асланны, айынуу, эрленни айырдыла. Эришгенле бирини ызындан бири, ортагъа чыгъып, кеслерини фахмуларын кёргюздюле. Бёрю улуду, тюлкю юрдю, макъа къур-къур этди, къаргъа тийрени къаркъ-къаркъгъа алдырды, булбул да жырлады, сымарланып, доммай да ёкюрдю, эшек да окъуду...

Эшек, окъуп бошап, асланны къатына барды да, къулагъына шыбырдады, сора бир уллу чулгъамны анга берди.

Жаныуарла жырлап бошадыла. Комиссияны башчысы аслан айыугъа бла эрленнеге сорду, биринчи жерни кимге беребиз деп. Эрлен айтды — бул-булгъа деп. Айыу айтды — доммайгъа деп. Аслан унамады.

— Бюгюн былайда жырлагъанладан, эшекге жеттеге-

ни болмагъанды. Аны макъамыча, ариу макъамны мен эшитмегенме. Ол жырлагъанда, терекле, ташла да са-гъайып тынгылагъандыла. Мен а кёс суу окъуна этгенме, эшекни ариу ауазы жюргеми асыры бек жибитгенден. Мени акъылымга көре, биринчи жерни эшекге берирге керекди, – деди аслан.

Эрлен тыптырдагъа кюрешди, угъай, угъай деп. Алай аслан аны, башына уруп, эсин тайдырды. Андан сора, конкурсну председатели бла даулашыргъа бир жаныуар да базынмады.

Биринчи жер эшекге берилгенден сора, ол, тохтамай, окъуп айланады, кесин бир ариу жырлагъан сунуп.

КЪОЯН БЛА БЁРЮ

Къоян, айланы барып, бир къалын юлкюню тюбюнде къапханнга тюшүп тургъан бёрюнүү кёрдю да, батырчыкъ да болуп, аны къатына жанлады.

– Мен жилян да, макъя да, маймул да кёрдюм, алай сенден къутсуз, сенден былхымсыз, сенден эриши жаныуаргъа тюбемедим. Сен харамса, ийислисе. Сени кёрсем, мени къусарыгъым келеди... – деп, къоян бёрюгө дунияны аманын айтып кетди.

Кетип бара: «Ала, мен аны, уруп, тишлерин ауузуна агъызмай нек кетип къалдым?» – деген акъыл келди башына. Ол бир уллу терекни къургъакъып тургъан бир базыкъ бутагъын сындырып алды да, ызына къайтды. Келгенинде, бёрю къапхандан ычхынып тура эди.

– О-о, хурметли патчахым, айтханларыма чогъожланып, сенден кечгинлик тилерге къайтханма, – деди къоян, тобукълары къалтырай.

ТЮЛКЮ БЛА КЪОЯН

Ачдан онгсуз болуп айланнган тюлкю мыллык ашай тургъан къапланнны кёрдю да, аууз суулары да саркъя, анга жалынды:

– Къаплан, мен сени эгечингден туугъанма, – деди ол.

– Алай эсе, жууукъ бол! – деп, къаплан аны ашха чақъырды.

Тюлкю мыллыкдан тойгъунчу ашады да, жолуна кетди.

Бир жол а къаплан къоян мыллыкны жырта тургъан тюлкюге тюбеди

— А, эгечден туугъан, кюнүнг ахшы болсун! Мен а талай кюнден бери ашсыз-суусуз айланама, быгъынларым да ичиме къатып. Къартайгъан болурма, ансы жукъ туталмайма, — деди къаплан, тилин сууруп.

— Къартайгъан эсенг, ишинг осалды, — деп, тюлкю, къоян мыллыкны тишлерине илиндирип, кетип тебиреди.

— Тохта алай, эгечден туугъан, ёзденилик эте бар, — деди къаплан анга.

— Эгечден угъай, къарындашдан туугъан сен эсенг да, ашым — башха, ашынг — башха, — деп, тюлкю жортуп кетди.

МАКЪА БЛА ПИЛ

Жиляндан къачып бара тургъан макъа, пилни кёрюп, аны аллына чыкъды.

— Багъалы пил, атанг бла, ананг бла тилейме, къутхар мени! Ахшылыгъынгы ёмюрде да унутмам! — деп жалынды.

— Не болгъанды?

— Бир уллу жилян ызымдан тюшюп айланады. Сен болушмасанг, ол мени ашап къоярыкъды.

— Къыйынлыгъа болушхан мени борчумду, — деп, пил, узун буруну бла узалып, макъаны сыртына атды.

Пилни сыртына къоннганлай, макъа кесин патчах сунуп тохтады.

— Э-хе-хей, битеу жаныуарла, бери къарагъыз! Сизни патчахыгъыз энди менме! — деп хахайлады ол.

— Махтанинган иги тюйюлдю, — деди анга пил.

— Сен кёп сандырама да, кёл таба барып, бурунунг бла юсюме суу къуй, ансы къыйнала башлагъанма, — деди макъа.

Пил, кёл къатына барып, узун бурунуна суу тартып, макъаны жибитди.

— Аперим! Бюгүндөн башлап, сени даражанг бек бийикге кётюрүллюкдю, мени алыш айланнганынг ючин, — деди макъа.

Пил анга жукъ айтмады. Кесин да суудан къандырып, терекле салкъынында солургъа жатды.

— Эй, къулакъларынгы жел этдирме! — деп буюрду макъа анга.

— Нек?

— Келген саскыланы юркютген этесе. Мен аланы ашаргъа керекме.

Пил къулакъларын жумду. Макъя саскыладан той-ду.

— Энди солугъанынг боллукъду. Ёрге къоп да, мени тёгерекге айландыр. Битеу барысы да кёрсюнле, патчахлары ким болгъанын, — деди макъя.

— Асыры кёп оноу эте болурмуса, шуёхум? — дегенни айтды пил.

— Кесинг уллу болгъанлыкъя, башынгда акъылынг жокъ кёреме! Патчахны иши оноу этиудю.

— Тюш сыртымдан, — деди пил анга.

— Угъай, жууугъум, мен бери тюшерге деп минменме.

— Миннегенингча, тюшген да этерсе, — деп, пил узун буруну бла узалды да, макъаны, аягъындан тутуп, бияры сыйзы.

Аны кёрюп тургъан жаныуарлагъя уа кюлкю тарыды.

СУГЪАНАКЪЛЫКЪ

Ингир алада бир борсукъ, айлана барып, агъач къыйырында ачдан онгу къуруп тургъан тюлкюге тюбеп къалды. Анга жаны аурup, юйоне чакъырды.

— Ах, анам жарлы, не ариу юйонг барды!.. — деп сукъланды тюлкю.

— Мен муну кече жукъламай, кюндюз асолумай, алай ишлегенме, — деди борсукъ.

Сора ол тюлкюню иги сыйлады. Аны бла да къалмай, аш да берип, хурмет бла ашырды.

Тюлкю уа, борсукъ бла саламлашып айырылгъанлай, асланнга къуулду.

— О-о, сыйлы патчахыбыз, бу дунияда тюзлюк боллукъмуду огъесе уа боллукъ тюйюлмюдю? — деп, тийрени тынгылата тарыкъды.

— Не болгъанды аллай бир? — деп сорду аслан анга.

— Тура эдим жата, къайдан чыкъды бу хата дегенлей, ырахат жашап тургъанымлай, бир мурдар борсукъ келди да, юйомден къыстады да ииди. Энди мен не этейим? Юйсюз-күйсюз, эшикге атылдым да къалдым, — деп, тюлкю сарнап жиляды.

Аслан терк окъуна кирпини чакъырды да, тюлкюню ишине къарарагъя буюрду.

Кирпи бла тюлкю борсукъгъя атландыла. Жолда бара, тюлкю кирпиге:

— Сен тюзлюкню бек сюйген прокурорса. Юйюмю, борсукъдан сыйырып, кесиме къайтарсанг, мен санга жарагъан нохтабау этерме, — деди.

Кирпи, борсукъга тюбеп, соруу этди. Шагъатла бла да сёлешди. Тюлкюнү харам акъыл бла айланнганын тохташдырды. Келип, ишни болушун асланнга айтды.

— Тюлкю уа къайдады? — деп сорду аслан.

— Къачханды, — деди кирпи.

— Бусагъатдан, тутуп, аллыма алыш келигиз, — деп буюрду аслан жаныуарлагъя.

Ала, къарап-къарагъынчы, тюлкюнү, тутуп, асланны аллына алыш келдиле. Тюлкюге жюз чыбыкъ ууругъа сюд этдиле...

«Аманлыкъыны эки юлюшю башына» деп, аны ючюн айта болурла.

АЛДАУУКЪЧУ ТЮЛКЮ

Бир күн сары тюлкю агъачланы, тауланы къыдыра чыкъды. «Мен экстрасенсме! Ауругъанла манга келигиз!» — деп хаяйлады.

Аны эшитген саусуз жаныуарла сары тюлкюнү юйюне къууулдула. Келгенле къуру къол бла келмеди. Хар бири нохтабау бла келди. Къаплан окъуна келди, жугъутур мыллыкны сюйреп. Чычханла да келдиле, мирзеу бюртюклө алыш. Хар бири сары тюлкюге ауругъанларын айтдыла, ынычхадыла, болушлукъ тиледиле. Тюлкю уа:

Къоркъмагъыз, барыгъызы да сау этерикме! — деп ышандырды. — Менича экстрасенс алыхъа дуниягъа чыкъмагъанды. Манга башха планеталадан окъуна келип башлагъандыла. Мындан алда Сатурн деген планетадан тау tengли бир уллу пил да келген эди, эки балачыгъын да алыш. Аланы аякълары къурушуп, чырт атлаалмай эдиле. Аналарындан жангыдан туугъанча сау этдим да, къууанып кетдиле. Айдан да келген эди бир къамиш бёрю, эки буйреки да чирип. Жангыз эки кере бакъгъанымлай, сау болду да кетди, саугъагъа да бир семиз къычырыучу берип...

Аллай хапарла бла сары тюлкю аллына келгенлени сейир-тамашагъа къалдырды.

— Аланы сау этген, сизни уа кёкге учуп кетерча этерме! — деди. Сора, жаныуарлагъа артын буруп, къуйругъун ойнакълатды. — Мени экстрасенс кючюм къуйругъумдады, — дегенни айтды. — Битеу эсигизни аны къалай къымылдагъанына буругъуз! Башха затны юсюндөн чыртда

сагъыш этмегиз. Ауругъаныгъызын уа унтургъа кюрепшигиз. Эсигизде болсун, мени биотокларым иги нохтабау этгенлөгө бегирек жалгъашадыла!..

– Алай эсе, манга нек жалгъашмайдыла? Нек тохтамайды тишлерими ауругъанлары?! – деп къызды къаплан.

– Төзген эт, шүёх. Эки кёзюнгю мени къуйругъумдан айырма. Тишлеринг ёмюрден ахыргъа дери ауруп турмазла... – деп жapsарды тюлкю аны.

Алай эте, сары тюлкю байыкъды. Тюгюн алышын-дышралмай, жабагъысы къарын тюбюне жабышып айланыучу эди да, энди уа жым-жылтырауукъ болгъанды. Эсирикге кетгенди. Алгъын, кесинден къарыулу жаныуарлагъа тюбеп къалса, бир жанына бугъуп, алагъя жол бериучу эди. Энди уа, къабанинга окъуна тюбесе да, къарапыгъы да келмей, жолун кесип, ётюп кетеди.

Алай кюнлени бирлеринде, жаныуарла анга тырман этип башладыла, бакъгъанынг жарамайды деп.

– Бюгюн жарамаса, тамбла жаарар. Аны ючон неге къаугъа этип айланасыз?! – деп, сары тюлкю аланс тарыгъуларын къулагъына да алмады.

Алай эсе деп, төртаякълы саусузла асланнга тарыгъып бардыла:

– О, бизни сыйлы патчахыбыз, биотокларым барды деп, сары тюлкю бизни алдады. Ауругъаныбыздан да бек ауруулу этди. Болгъан ырысхычыгъыбызын да ашады да кетди. Тилейбиз, мынга сюд этип, хыйлачылыгъын башына жетдир, – дедиле.

Аслан эки кёк бёрюнユ ииди сары тюлкюнユ алыш келирге. Ала терк окъуна хыйлачыны, тутуп, асланны аллына келтирдиле.

– Сен нек алдап айланаса саусузланы? Ол харамлыкъды! – деп, аслан сары тюлкюге къутурду. Тюлкю уа, къуйругъун да къысып, жилямсырагъан халда сынчыкълады.

– Прокурор, къайдаса? – деди аслан.

– Мен мындама, сыйлы патчахыбыз, – деп, кирпи алгъа чыкъды.

– Бизни законда алдауукъулагъа къаллай жаза барды?

– О сыйлы патчахыбыз, бизни законлада аллай статья арталда жокъду, – деди кирпи.

– Да, законубузда аллай статья жокъ эт, биз сары тюлкюге жукъ эталлыкъ туюйолбюз, – дегенни айтды аслан.

Жаныуарла бушуу-бушман болдула. Тюз оноу эт-медиң деп, патчахларына чамландыла.

— Баш гурушха боласыз манга, — деди аслан ала-
гъа. — Терслик сизни кесигиздеди. Мындан ары сакъ
бога туругъуз, алдатдырмагъыз!

Сюдге жыйылгъан жаныуарла чачылышдыла. Аслан
сары тюлкюню артха тыйды.

— Айт, ийманынг хакъына, бу аман акъыл сени ба-
шынга къалай қелгенди? — деп сорду аслан сары тюл-
кюнеге, сейирден ёле.

— Адамладан юйреннингенме! — деди сарыка, къуй-
ругъун ойнакълата.

— Адамладанмы?! — деди аслан, бютюнда уллу тама-
шагъа къалып.

СЕНГИРЧКЕ БЛА МЕТЕКЕ

Эртте заманда сенгиричке bla метеке шүёхла болгъан-
дыла, кеслери да къоншуда жашагъандыла. Бир бирге
чам эте, жашауларын оюн-кюлкю bla ашырып болгъан-
дыла.

Кюнлени бириnde гебенек туугъан кюнюне той эте-
ди. Битеу тийрени къонакъгъа чакъырады деген хапар
жайылды.

— Кел, метеке, биз да барайыкъ. Гебенек иги ашла
этиучюдю, — дегенни айтды сенгиричке.

— Да ол узакъда жашайды — тау башында гюлле ара-
сында. Мен ары жетгинчи, гебенекни тою бошалыр.
Алай сен а бар. Манга къарама, — деди метеке да.

— Угъай, метеке, биз шүёхлабыз. Сенсиз барлыкъ
туюйолме. Алыкъа заман барды. Жетербиз. Сен, къуруда
сюркелип бармай, чапхан да этерсе, — деп, сенгиричке
шүёхуна кёл эттирди.

Ала жолгъа атландыла. Ыйыкъдан артыкъ бардыла,
солугъан да этмей. Алай жолну ондан бириң да тауусал-
мадыла.

— Сени хатангдан, сыйлы ашладан къуру къалабыз!..
Хайда, аттай эсенг, теркирек атла! Алай туюйол эсе, мен
кетдим! — деп тохтады сенгиричке.

— Ашыкъма, tengim, чакъырылгъан жерге къонакъ-
ла алай терк жыйылып къалмаучудула, — деди метеке.

— Угъай, шүёхум. Мен талай кюнден бери ашамай
турاما, къонакълыкъда ашарма деп. Кёрмеймисе бы-
гъынларымы бир бирге жабышып турғанларын?

— Да, алай эсе, бар. Сакъ бол жолда. «Ашыкъган суу
тенгизге жетмез» дегенча болуп къалма.

— Бирда къоркъма! – деп, сенгирчке, узун-узун секи-ре, тау башына ёрлеп кетди.

Метеке уа ашыкъмады. Баргъаныча барып турду. Ол гебенекни жүртұна жетгенде, келлик къонакъла да келип, әнди стол артына олтура башлагъан әдиле. Гебенек гюл къанатларын да къагъа, метекеге жарыкъ тюбеди да, аны да столну артына олтуртdu. Олтуртup бошагъандан сора:

— Сенгирчке уа къайдады? Нек келмегенди? – деп сорду.

— Мында жокъмуду да ол? – деп, къайгъы этди метеke.

— Жокъду, – деди гебенек.

— Ма санга! Ол әртте жетерге керек әди...

Аланы сёлешгенлерине тынгылап турған сары гумулжук сёзге къошулду:

— Сенгирчкени мен жолда кёрген әдим. Эки аягъын да сындырып, жерinden тебалмай тұра әди.

— Ай-ай-ай... Не тапсыз болгъанды! Сен анга болушмадынгмы да? – деп сорду метеke.

— Болушмай а! Дарман чапыракъла бла байлагъан әдим аякъларын, – деди гумулжук.

— Сау бол, алай этген эсенд. Ызыбызгъа къайтханда, сен аны манга көргөздүрсе. Ол мени къоншумду. Къыйналсам да, юйюне ала кетерме.

Гебенек къурашдыргъан столну юсю бай әди. Келген къонакъла зауукъ этдиле, татылуу ашладан ашап. Жырлагъан да этдиле. Къара къамыжакъла уа тёгерек тохтап, тепсеген окъуна этдиле. Той-оюн бошалды. Къонакъла юйлерине жайылдыла. Метеке да тебиреди юйюне, гумулжукну нёгер этип. Айтханыча, гумулжук жолда сенгирчкени көргөздю. Жата әди ол насыпсыз таш юсюнде, оу-шау эте.

— Айтхан әдим мен санга, ашыкъма деп. Адамла: «Ашыкъгъан суу тенгизге жетmez» деп, бошдан айтмадындыла, – деди метеke шуёхуна.

— Ангыладым... алай кеч ангыладым ансы, – деди сенгирчке.

Метеке аманны кебинден сенгирчкени юйюне алыш келди.

Айтыугъа кёре, ол ишге дери сенгирчкени аякълары, салам чёплеча, тюппе-тюзочюkle, сыйдамчыкъла болгъандыла. Алай, ол жол аякъларын сындыргъандан сора, ала, тюзелмей, къынгырлай къалгъандыла.

АТ БЛА ЭШЕК

Ат bla эшек сен аман, мен иги дей кетип, эки ортада сёз болдула. Сёз болгъан bla да къалмай, бир бирлерин табандыла. Тынмагъанларындан сора, аланы экисин да жаныуарланы патчахына – асланыга – элтдилем.

– Не от тюшгенди сизге? Не зат юлешесиз? – деп ачыуланды аслан.

– Мени терслигим жокъду. Бу эшекди къоймагъан. Къуруда манга кюйюксюннегендай айланады, – деп тарыкъды ат.

– Алаймыды? – деп сорду аслан эшекге.

– Да къалай кюйюксюнмезме, терсликни кёре тургъанлай? – деди эшек, хахайлап. – Мындан эсе, мени къулакъларым уллудула. Муну къуйругъу да неге ушайды, жипи жерни хансы кибик?! Мени къуйругъум а, багъалы патчахыбыз, сени къуйругъунга ушайды. Аны юсюне уа мен окъуй да билеме: «Ийха-а-а... ийха-а-а...» – деп. Бу уа, тишлерин ачып кишинегенден сора, жукъ билмейди. Ма алай болуп тургъанлай да, адамла менден эсе, муну сыйлы кёредиле. Анга къалай чыдаргъя боллукъду, ы?

– Да атны да болур сенден озгъан жери...

– Угъай, аны менден озгъан жери жокъду. Оза эсе – ашап озады. Ол а алай маҳтаулу иш тюйюлдю, – дегенни айтды эшек.

Аслан сагъышланды.

– Алай эсе, экигиз да чабышыгъыз да, ким озса да, аперимлик аны боллукъду, – деди аслан.

Ат bla эшек чабышдыла. Ат эшекни жолда къоюп, озуп кетди. Аслан маҳтауну атха берди. Эшекни ичи бютюнда кюйдю. Хорланнган этгенликтеге, атха зарлан-макълыгъы къалмады. Атны намысын тюшюрюр ючон, бүгүн да, бүгече да аны юсюнден жетген жерде аман хапарла жайып айланады дейдиле, атны сёгюп.

«Эшек эшеклигин этмей къоймаз» деп, таулула, баям, аны ючон айтхан болурла.

БАШЛАРЫ

СОКЪУР ТЮЙМЮЧЕК

Х а п а р л а

Следовательни хапарлары	7
Сокъур тюймючек	7
Солдатны ахыр письмосу	43
Къобузчу къыз Жамиля	45
Тойчу	47
Мен терс болгъанма	49
Фазика	52
Болгъан иш	54
Гюнях	55
Ёксюз	56
«Онбармакъ...»	59
Терслик	61
Ариу Салиймачыкъ	63

КЮЛКЮЧЮ ЧОНАЙ

Ч а м л а

«Кет, Аллах къурамасын!..»	67
«Оллахий, билмегенме!..»	67
Къызымы берликме	67
Манга борчлуду	68
Алай а ким да окъюялыш...	68

«Сен жукъ ангыламайса...»	69
«Ёчешеме, биле эсегиз!»	69
Болургъа да болур	70
Суу боюнунда	71
Законну бузаргъа жарамайды	71
Келечилик	71
Жарсыма	72
Элбер	73
«Аны не сейирлиги барды?...»	74
«Къайдаса, жумушакъчыгъым?...»	74
«Танып къоярла...»	74
Тилкъяу	75
«Аны ючюн чыртда жарсыма...»	75
Не этерге билмейме	76
Тасха	76
Айхай...	76
«Болушплукъ»	77
«Сора, тюймей, не этерик эдим?!.»	77
Жарау, неда репетиция	78
Жангы отчество керекди	81
Аман тюш	83
Къутургъан ауруу	92
Прокуроргъа келиу	95
Къонакъгъа барыу	98

КУРНАЯТЧЫ АЛДАРБЕК

Та урухла

Ма тепсеген десенг!	105
Ахшылыкъ унутулмайды	107
Алтын къама	109
Жер тюбюнде	111
Жугъутур базук	113
Жилянла дуниясы	116
Ахшылыкъ	119

Шайтанла арасында	121
Къабартыгъа жолоучулукъ	126
Къапланчыланы оюну	129
Нартла уялгъан эдиле	131
Хожа bla Мюнхгаузен	134
Къараачайгъа жолоучулукъ	136
Къатын алды	139

БЁРЮНЮ «СЮЙМЕКЛИГИ»

Тамсилле

Къуйрукъсуз тюлкю	173
Махтанчакъ къоян	173
«Батыр» хораз	174
Чычхан bla къаплан	175
Бугъя bla чибин	175
Айыу дослуку	175
Жилян bla макъя	176
Оноучу эшек	176
Бёрюню «сюймеклиги»	176
Жырчы жаныуарланы эришиулери	177
Къоян bla бёрю	178
Тюлкю bla къоян	178
Макъя bla пил	179
Сугъанакълыкъ	180
Алдауукъчу тюлкю	181
Сенгирчке bla метеке	183
Ат bla эшек	185

Литературно-художественное издание

Токумаев Жагафар Зубеирович

НАСМЕШНИК ЧОНАЙ

*Рассказы, юморески,
небылицы, басни*

На балкарском языке

Заведующий редакцией *М. Х. Табаксоев*

Редактор *М. М. Кулиева*

Художник-редактор *Ю. М. Алиев*

Технический редактор *Н. М. Мокаева*

Корректор *Л. Б. Кучмезова*

Компьютерная вёрстка *А. Х. Ольmezовой*

Подписано к печати 15.01.09. Формат 84x108^{1/32}. Бумага офсетная № 1. Гарнитура школьная. Печать офсетная. Усл. печ. л. 10,08. Уч.-изд. л. 9,51. Тираж 500 экз. Заказ № 226

ГП КБР «Издательство «Эльбрус»
Нальчик, ул. Адмирала Головко, 6

ГП КБР «Республиканский полиграфкомбинат
им. Революции 1905 года»
Министерства культуры
и информационных коммуникаций КБР
Нальчик, пр. Ленина, 33

Токумаев Ж. З.

Т 519 Насмешник Чонай: Рассказы, юморески, небылицы, басни. – Нальчик: Эльбрус, 2009. – 192 с.

ISBN 978-5-7680-2215-0

Новую книгу известного балкарского писателя Ж. Токумаева составили рассказы, юморески, небылицы и басни.

Занимательные сюжеты, галерея колоритных образов и искрометный юмор привлекут внимание читателей самого разного возраста.

**УДК 821.512.143-3
ББК 84(2Р-Балк)**

Багъалы окъуучула!

2009 жылда «Эльбрус» китап басмада дагъыда бу китапла чыгъарыкъыла:

1. **Кязим.** Сайлама чыгъармалары (150-жыл-лыгъына).
2. **Мокъаланы Магомет.** Азат жулдузну жа-рыгъы. *Назмұла бла поэмала* (70-жыллыгъына).
3. **Шауаланы Хасан.** Анала ауазы. *Романла.*
4. **Ёлмезланы Мурадин.** Юзмез сагъат. *Назмұла бла поэма.*

ISBN 978-5-7680-2215-0

A standard linear barcode representing the ISBN number 9785768022150.